




1161/1A V/0608



1st ed

£2200



DVCE NATURA

ARTIS OPE

QVI IVNGIT VTRVMQVE, TRIUMPHAT.

OVA  
PASCHALIA  
SACRO EMBLEMATE  
in scripta descriptaq;

à

GEORGIO STENGELIO  
SOCIETATIS IESV  
Theologo.  
Curæ Secundæ.

MONACHII  
ANNO CHRISTI  
MDCXXXV.



A IOVE PRINCIPVM

OSTRA COPIANTE MONACHVM



HINC FORTES

S.P.Q.R.



Ima Latinas

FOVENDA

INDIE VIGILANTE

ATHEN.



Ima Graecis

VIRI VSQ

REGIS  
FERDINANDI III.

Bohemica effigies

ovo inclusa.



*Omnia dum nostris concludere quærimus OVIS,  
Hac etiam nobis REGIS imago venit.  
Quâ semel oblata, CONCLUSIMVS OMNIA, dixi:  
Omnia si desint, omnia VICTOR erit.*

SERENISSIMO,  
POTENTISSIMO,  
HUNGARIÆ, BOHEMIÆ, DALMATIÆ,  
CROATIAE ET SCLAVONIAE &c.  
REGI,  
FERDINANDO III.  
ARCHIDVCI AVSTRIÆ,  
DVCI BVRGVNDIÆ, MARCHIONI  
MORAVIÆ, DVCI LVCENBVRGÆ,  
ET SILESIAE;  
nec non  
STYRIÆ, CARINTHIÆ, CARNIOLÆ,  
ET WIRTENBERGÆ, MARCHIONI LVSA-  
TIAE, COMITI HABSPVRGI, TYROLIS,  
ET GORITIAE &c.  
GENERALISSIMO;  
REGI, PRINCIPI, VICTORI,  
DOMINO, D. clementissimo.

**D**LVTARCHVS auctor est, moni-  
tum aliquando esse à non ne-  
mine sapientissimum illum So-  
lonem, REGIBVS *aut minimum,*  
*aut suavissimè loquendum;* cui Solon respon-  
derit:



# EPISTOLA

derit: *Non, per louem, at minimè, aut optimè;*  
 Pari iudicio cōplures censebunt, REGIBVS  
 aut *minimè, aut optimè* donandum. Eapro-  
 pter ego quoque multis vilissimum, & Ma-  
 iestate Tua, recentiq; victoria longè maxi-  
 mâ haud satis dignum munus videbor affer-  
 re, SERENISSIME REX, dum OVA afferro,  
 rem in villis natam, atque opes rusticanas.  
 Quorum censuram facilè correxero, si ostē-  
 dam, quæ sit Tua virtus, quæ mea facultas,  
 quod precium OVI.

Nam etsi, post graues, diuturnos peri-  
 culosōsque labores; & præter Ratisponam,  
 Donavverdam, Nördlingam, aliâque loca  
 recepta, nuperrimè 8. Idus Septemb. victo-  
 riam edidisti, nullis vnquam aut calamis, aut  
 linguis satis memorandâ, ne dum remune-  
 randam; attamen Virtus Tua Regia, hoc est,  
 vel isto quoque nomine magna est, quia  
 parua non contemnit. Sinistrè de magnis  
 iudicat, qui eos existimat paria facere, & re-  
 cipere velle, aut contentos esse non posse,  
 nisi magnis. Ditari qui malunt, quàm salu-  
 tari, inopiam, profitentur. Aliud est Maie-  
 stas

## DEDICATORIA.

stas, aliud cupiditas; hæc myrmecia, & Dathum, imò quoddam mare bonorum ubique spectat, & expectat; illa vult, mereturque ab omnibus coli. Quo pacto autem ab omnibus coli posset, si ab omnibus grandia expectaret? Soluit ergo Maiestatem, qui humanitatem ab eâ excludit. Neque enim Maiestas ab omnibus coleretur, si humanitas, etiam exigua afferentibus, accessum non daret. Auctore Iustino *lib. XI. Tyrionum ciuitas coronam auream magni ponderis, per legatos, in titulum gratulationis, Alexandro misit*, & minùs effecit, quàm qui canes donauit, apud Curtium *lib. 9. Tibijs canunt, qui tubis non possunt. Sic & Ioui olim farre litabant, qui thure destituebantur: & quibus deerant hecatombæ, minoribus hostijs solebant immolare. Denique alij per portas, alij per januas in templa Deorum intrauerunt. Atque ut à profanis ad sacra veniam, in D. Marci historiâ, cap. 12. 41. ista lego: Et sedens Iesus contra gazophylacium aspiciebat, quo modo turba iactaret as in gazophylacium, & multi diuites iactabant multa. Cum venisset autem vidua vna pauper, misit*

# EPISTOLA

*duo minuta, quod est quadrans, & conuocans discipulos suos, ait illis : Amen dico vobis, quoniam vidua hæc pauper plus omnibus misit, qui miserunt in gazophylacium. Omnes enim ex eo, quod abundabat illis, miserunt : hæc verò de penuria sua omnia, quæ habuit, misit, totum victum suum. Nimirum & Deus non quantum, sed ex quanto quid veniat, perpendit, affectum potiùs, quàm donum gnarus arbitrari. Quod scitè aduertit S. Hieronymus, in cap. 25. Matthæi scribens : Illum qui de quinque talentis decem fecerat, & qui de duobus quatuor, Dominus simili recipit gaudio : neque considerat lucri magnitudinem, sed studij voluntatem. Itaque qui non tam æs, quàm se ipsos volebant iactare ( ære iactato, vt clangeret, sonumque excitaret profusæ liberalitatis præconem ) diuino calculo postpositi sunt viduæ minutis. Nam, vt verissimè, ac breuissimè lib. 1. ad Eccles. Cathol. dixit Saluianus, Oblata DEO, non precio, sed affectu placent. Adeò etiam parua possunt optima esse, si offerantur affectu non paruo : siue Alexander is sit, siue Deus, cui ea offeruntur. Tametsi itaque in Psalmo 81, nomine Deorum ter po-  
sito*



## DEDICATORIA.

sito, Reges, & Principes, & Iudices populi, qui vices Dei agunt, intelliguntur, vel ipso Christo interprete, *Ioan. 10. 35.* dicente: *Nonne scriptum est in lege vestra: quia Ego dixi, dij estis?* haud tamen verendum est, ne Dij isti honoris paruitate offendantur. Quemadmodum enim Deus non de iustitiâ tantum, & de potentiâ, ac maiestate; sed de clementiâ quoq; & benevolentîâ, & benignitate laudatur; ita tum demum Regibus plenum nominis decus accedit, si comitas accedit ad maiestatem; qui virtutē temperatur fulgor ille coronarum, & æquē suscipiuntur dona parvorum, & lautia senatusconsulto decreta. Hanc mixturam, FERDINANDE REX, in virtutibus Tuis, quia sæpius audiui prædicari; & non rarò etiam ipse expertus sum, quàm sis placidè potens, quàm suauiter gravis, quàm non fastidiosè excelsus, & planè factus ad ingenium illius, quem apibus præfecit natura mansuetum, aculeo, non dominio, aut pœstate carentem; idcirco arbitratum sum, non peccaturum me, si vel minus munculum ad Regiæ Maiestatis Tuæ

## EPISTOLA

victrices manus afferrem, eoque ipso humanitatis Tuæ laudibus subscriberem. Neque enim parui facit, qui Magno parua consecrat, præsertim ipse paruus; sed eam in Magno esse virtutem declarat, quæ parua non despiciat, consecutâque sit difficilem illam societatem grauitatis cū humanitate. Quàm malo astro nos inopes animæ natæ essemus, si nobis fas non esset Reges venerari? quorum tamen præsidij atque auctoritate quotidie indigemus; quorumque armis defendimur, & periculis in tuto sumus. Qua re autem eos venerabimur, nisi paria parui? Igitur, ne tot debitis obstrictissimis, inter tot latissimè gratulantium voces acclamationesque officio meo desim, mulere, quæ debeo, colam, quantumvis non preciosè concinno. Hostiam mactat, cui ædere victimam negatur. Liber si est exiguus, si ova sunt vilia, auctori suo conveniunt; mittuntur, ut meam testentur obligationem, non ut Maiestatis Tuæ exæquent dignitatem. Etiam exigua sæpe res grandis fuit indicium opinionis. Clarè, & in compendio dicam,

supra

## DEDICATORIA.

supra humanam sententiam, magnitudine animi præditum, imò Superis parem. Te existimat, FERDINANDE REX, quicumque etiam paruo munere adire audet.

Quaquam non immeritò dubitari potest, an aliquid contra decus regium, hoc est, an. paruas res donet, qui *Oua* donat? *Ælianus lib. 14. de animal. c. 13.* vbi de secundis mensis & delicijs Indorum Regis agit, *eidem*, inquit, *tragematum loco sunt, Olorum, Struthio-camelorum, & Anserum oua.* Eadem *oua* memorat Lampridius, in. Alexandri Seueri conuiuijs, loco suo non caruisse. *Oua*, apud Græcos pariter & Latinos, in. precio fuerunt; sed apud Græcos itidem, vt apud Indos, inter bellaria, & pocœnia, apud Romanos primâ mensâ, & in promulsidem apponebantur. *Ab ouo*, ait politissimus Erycius Puteanus *orat. 20. cœnam ordiri solebant veteres Romani, vt honorem haberent cibo, qui ante reliquos aliquando extitisset. Sed Græci, vt ostenderent, opinor, præ reliquis delicijs oua esse, inter bellaria habuerunt. Et meritò; est enim ouum, vt idem ait, promptissimum ruris donum, urbis patrimonium, omniumque*

## EPISTOLA

*mensarum delictum; in quo est, quidquid natura habet. Ut proinde non minùs verè, quàm fidenter exclamet: Ite, ite mortales, & paratissimo compendio ingentia explete. vota. Ouum tollite, ut omnia habeatis. Si auari estis, hic thesaurus est; si famelici, cibus; si ægri, pharmacum; si curiosi, prodigium; penè etiam dixerim, miraculum. Quid aio, miraculum? Voluenti librũ hunc meum perspicuum fiet, omnia in Ovo reperiri, tanquam in quodam Vniuerso; enimverò ipsum etiam vniuersum, quod historiæ Scholasticæ Magister Petrus Comestor cap. 4. in Genes. non dubitauit Ovo comparare, dum dixit: Fecit Deus firmamentum in medio aquarum, id est, quandam exteriorẽ Mundi superficiem, ex aquis congelatis, ad instar crystalli, consolidatam, & pellucidam, intra se cetera sensibilia continentem, ad imaginem testæ, quæ in Ovo est; & in eo fixa sunt sidera.*

Quapropter licet parua esse res ouum videatur, parua tamen non est; sed rebus maximis comparata, atque omni æuo digna, habita, quæ in oculos, imò & in mensas Regum veniret. Neque in mensas Regum duntaxat,



## DEDICATORIA.

taxat, sed etiam in aras Diuorum. Et vel hodie passim cernimus, *Oua* veri quoque Numinis altaribus, inter donaria sacra, imponi. Cur igitur Aristarchus aliquis nimis parum esse censeat Regi, quod sufficit Numini? Tantum abest, ut timeam *ouorum* meorum vilitati; etiam precium in illis invenio ipsis Superis dignum. Sed nihil tam potest esse preciosum, quo Tua Maiestas non mereatur honorari: addo, & honoratè obiectari. Notum est orbi ingenium illud sublimium disciplinarum, capacissimum; genius scientijs, ac scientibus affectissimus; sapientia altissimarum rerum indagatrix solertissima; labor & industria nullis fatigationibus obnoxia; æquitas iniuste pressis summè speranda, prementibus maximo opere formidanda; constantia & fortitudo summa, sumis rebus & temporibus, ab ipso Numine reservata; pietas etiam inter arma, atq; in ipsis castris non minùs, quàm in templis conspicienda; dextera bellatrix; pectus Martium; denique caput illud virtute & arte plenissimum, ac verè dignum, ut plurimum, regno.

## EPISTOLA

regnorum sit CAPVT. Nota, inquam, sunt hæc omnia, & Orbi nota; quare meritò ab omnibus honoranda. Quòd si verò non tantùm honoranda est virtus Tua, sed etiam, oblectandus castrensis labor, nihil tam idoneum potest esse, quàm *ouum*, quod tot habet oblectationes, quot artes; vt proinde vel hac de caussa dignum sit, non tantùm venire in mensas atque cœnas, sed etiam in cognitionem Regum, Principumque.

Fas mihi sit *oua* alio quoque ex capite commendare, & Regiâ Tuâ manu digna esse ostendere. Nam etsi, inter ceteros plurimos Gentilium errores, ominum quoque observationes rectissimè emendauit Christianitas, olim tamen *oua* vel hinc etiam maximè fuerunt nobilitata. Nihil enim priscis illis sæculis tam fuit ominosum, quàm si aut somniantibus per imaginem, *oua*, aut vigilantibus per munus obvenirent. Neque omina illa fuerunt malè ominata. Siue enim natium in illis colorem, siue tincturam arte inductam intueamur, semper *ovo* inest felicitas. Natura *ouis* dat candorem. At  
fau-

## DEDICATORIA.

faustum est, quidquid candidum est. Quocirca hoc ipso colore prosperi olim dies distinguebantur, & albis calculis bona suffragia ferebantur. Quod si *oua Paschalia* (etiam extra Paschale tempus dici, scribi, donariq; dignissima) *rubra* & esse, & appellari plerumque solent, aut *rubris alba* permixta; ecce in hac ipsâ tibi mixturâ Austriacos fero colores, qui clypei purpureum campum, velut zonâ, aut fasciâ candidâ distinguunt. Ita aiunt quondam fortissimè pugnantis Herois candidam vestem, sanguine hostili totam fuisse purpuratam, nisi quâ fascia militaris pectus præcingebat, vestemque niueam, aspergi non sinebat. Hic ergo baltheus, & iste gentilitius decor, qui Austriacæ domûs æternū pariter candorem, & constantis, sanguinemque, pro religione, pro æquitate, pro patriâ fundere parati animi non fictum colorem, repræsentat, his ipsis quoque *ovis* meis repræsentatur; vt vel hinc ad Augustam illam domum spectent. Ad Tuam autem Regiam Maiestatem in campis, atque inter infestissimas acies versantem, eo quoque nomine, quòd

# EPISTOLA

quòd, inter militares *aciei ordinanda figuras*, ab Ilione Theſſalo vtiliſſimè inventas, ac ab Iaſone non ſine magnis laudibus uſurpatas, ab Æliano, *in tractatu, de inſtruendis aciebus*, ad D. Hadrianum ſcriptò, memoretur *oui* etiam, fuiſſe ſimilitudo. Quam figuram in proximâ luculētiffimâ Nördlingenſi pugnâ, quia non ambigo, ſæpius expreſſam, cum hoſtis in gyrum rotaretur, ſuſum atque deorſum actus, haud immeritò arbitror etiam rubricâ ſuâ non caruiſſie, inter tot riuos cruoris. Siquidem non. meminit Germania ullius prælij, in. quo plus ſanguinis factum. Et quidem nec procul iſta contigerunt: ad latus Tuæ Maieſtatis cecidère, qui OVVM rubeſcere, & purpuræ purpuram addere, teſtarique poſſent, Regiam generoſitatem discrimini ſe non ſubduxiſſe.

Enimuerò quia Paſchalia *oua*, vulgò plerumque *rubra oua* vocari conſueuerūt, quòd eo maximè colore, in honorem ac memoriã ſanguinis Chriſti Redemptoris, tum ab alijs nationibus, tum verò maximè à Germanis, pro feſtiuiore Paſchatis ſollennitate, ſoleant  
im-



## DEDICATORIA.

imbui, erunt illa fortasse & hoc nomine inter omnia felicioris notæ reponenda. Certè Ælius Lampridius, inter omnia Imperij, quæ Alexander Severus habuit, ait, etiam istud extitisse, *quod ouum purpurei coloris eâdem die natum, quâ ille natus est.* Hoc cum matri eius oblatum esset, aruspices dixerunt, Imperatorem illum futurum. Quod & postea fuit, non ob omen quidem, sed ob virtutem, cui debitos honores *ouum* ominabatur. Nā, eodem Lampridio teste, *dignum se exhibuit, quem senatus seruaret, quem saluum milites cupe-  
rent, quem omnium bonorum sententia Principem diceret.* Erat cunctis hominibus amabilis, & ab alijs pius appellabatur, ab omnibus certè sanctus, & utilis Reipublicæ. Huic fors in templo Prænestina Vestæ talis extitit, cum illi Heliogabalus insidiaretur:

*Si quæ fata aspera rumpas,*

*Tu Marcellus eris.*

Notum est, cur Alexandri nomen acceperit. Vnde ergo huic nomen & omen, inde mihi; inſo & Tibi, REX FERDINANDE, de quo utique licebit repetere, quod de altero illo Alexandro vetus seculum dixit: *Cum nullo*  
ho-

## EPISTOLA

*hostium unquam congressus est, quem non vicerit: nullam urbem obsedit, quam non expugnauerit; aut adegerit ad deditionem. Quas tam feliciter à Te inchoatas laudes, virtutum tuarum præfagia mihi promittunt, nunquam interscindendas. Ceterum Alexandro Imperatori, etiam ob ingentem vigorem animi, & mirandam singularemque constantiam, ut ait Lampridius, contra militum insolentiam Severi nomen à militibus inditum est; quod illi ingentem in præsentia reverentiam, magnam, apud posteros, gloriam peperit: cum eò accessisset, ut de animi virtute nomen acceperit; siquidem solus inventus sit, qui tumultuantes legiones exauctoraverit. Nihil hîc explicatiùs dicam. Suavitatem morum nunquam se factis admirari posse arbitrantur, qui experiri meruerunt: hostes tui & Imperij, Te, FERDINANDE, pro Severo habent, quos nominis terrore, ita (nisi vanus sim augur) posthac, uti patrata hac capitali prorsus victoriâ coepisti, porrò es exauctoraturus, ut non victoriam, sed fugam sint cogitaturi; & magis receptui, quàm bellicum canere parati spem in pedibus posituri, quam Te experti senserunt*

## DEDICATORIA.

ferunt in lacertis. Neque enim unquam ex  
eorum memoria eradetur, & Te, & se Ovum  
rubrum in Nördlingensi prælio extitisse.  
Nam Te quidem sanguine hostili, se autem  
suo & sanguine, & pudore erubuisse. Qui  
utriusque partis diuersus rubor, quid por-  
tendat, Lampridio permitto dicere, ex quo  
mihi sufficit indicasse, quid portédere pos-  
sit.

Quòd si cui hæc fortè videbuntur, tan-  
quam ab Alexandri *ouo*, remotiùs petita,  
aliud aptissimum magnitudinis Tuæ prodi-  
gium, & prorsus Austriacum *ouum* inuenio,  
*in Hercule Prodicio*, Stephani Vinandi Pighij.  
Describit is *Pannonicæ coronationis agones ap-  
paratissimè triduo factos*, anno Christiano salutis  
∞ DLXXII. cum Rudolphus maior natus Maxi-  
miliani Imper. ac Regis Hungariæ filius, Possonij,  
ab ordinibus eius regni, magno consensu & gaudio,  
*in locum Patris inauguraretur*, VII. Kal. Octobris.  
Ibi, inter cetera primi diei denarrata specta-  
cula, scribit: *Splendidus ille dies fuit pompis, ma-  
gnificentia, sumtibusque immensis Principum, &  
Illustrium hominum, ad agona descendentium appa-  
ratu*

## EPISTOLA

*ratu personarum, & equorum ornamentis, fictorum-  
 que argumentorum varijs inventionibus spectabi-  
 lis, & incundus : quarum elegantissima premium  
 etiam erat propositum. Longum esset enarrare sin-  
 gula, ridiculos personarum mimos, peregrinos vesti-  
 tus, militares apparatus sumtuosos, & phasmata per-  
 sonarum portentosa: AQUILAM ingentem OVO  
 maximo incubantem, & equitem cataphractum in  
 Circo excludentem, qui mox ad annulum decursurus  
 esset. Quid huic tempori accommodatius?  
 Tertius iam annus est, cum vel vi, vel fraude  
 insolentissimi hostis, omnia fúsque déque  
 vertuntur in Imperio. Vidit hæc pijssimus  
 Imperator Ferdinandus II. regię Tuę Ma-  
 iestatis Augustissimus Parens. Vidit, in-  
 quam, & dum humana remedia defecerunt,  
 more suo, ad Superos ingemuit, auxiliúmq;  
 cæleste flagitavit. Itaq; posset quis suspicari,  
 de illo locutum S. Ioannem, quando Apoc. 8.  
 13. scripsit: Et vidi, & audiui vocem unius AQUIL-  
 LÆ volantis per medium cali, dicentis voce magna :  
 Væ, væ, væ. Nam & per tria væ, trium tristium  
 annorum nostrorum tempora possunt scitè  
 intelligi, quibus scilicet armatæ cohortes,  
tan-*



## DEDICATORIA.

tanquam loricatæ putei *locustæ*, Germaniam  
 miserrimè depopulandi vastandique pote-  
 statem acceperunt. Nunc ergo, vbi tria illa  
*væ* abire cœperunt, & Deus quasi mappam  
 misit denuò, & seriò, pro Ecclesiâ, & æquita-  
 te certandi: illico apparuit, quàm magno  
 ovo **AQVILA** illa ingens & sublimis incu-  
 bârît; quantâque consilia exclusêrit. Ex qui-  
 bus non iam, ut ex equo Troiano, sed tan-  
 quam ex ovo maximo, Tua Maiestas, verè  
**EQVES CATAPHRACTVS**, prodijt; non ut  
 iam ad aunulum decurreret; sed ut Germa-  
 niâ, Bohemiâ, Silesiâ, aliarumque ditionum  
 terrâ maximis concussâ motibus, hostem  
 domaret; ut decumanos Reipublicæ fluctus  
 frangeret, sedaret, cõponeret; ut armorum  
 insanientes procellas trans mare Balticum,  
 eò, unde malum pedem attulerunt, ablega-  
 ret; denique ut cœlum terramque serenaret  
 & tempestates, in tot provincijs ac regnis,  
 excitatas. Ad quod negotium, magnæ **A-**  
**QVILÆ** magno ovo, & magni ovi magno  
**EQVITE** opus fuit; ut tantarum rerum moli  
 ac discrimini responderet opitulator.

## EPISTOLA

Et respondit profectò. Idcirco enim immensas immortalì Deo gratias commemorant, quotquot agnoscunt Maiestatem Tuam, eo temporum tractu, venisse suppetias, quo res Imperij in extremâ lineâ starêt; itaque ferre suppetias cœpisse, ut post alia egregia facinora, nunc etiam exercitum hostilem, & viribus, & victorijs suis, & fortasse fulcro occultiore confidentem, ad intercessionem, & cum equitatu æquè, ac peditatu funditus deleuerit; summa capita, ac Duces vel ferro strauerit in acie; vel captiuitate strinxerit in custodiâ; vel fugâ dissipauerit in campo. Quanquam nec fuga Tibi multos eripuit: ut, ad tot milliaria, passim omnia, longè latèque, fugientiũ cadaueribus strata non sinunt dubitare. Itaque alios in acie stantes, & dimicantes vicisti, ne hostiũ ignauia vicisse videreris: alios tutiora quærentes, & trepidatione suâ virtutem Tuam testantes superauisti; ut ostenderes, tam tibi expeditos pedes esse ad hostem persequendum, quàm hosti fuerant ad fugiendum. Nempe, ut virtutis est atque felicitatis, vincere

## DEDICATORIA.

cere, ita non inter minimas censetur esse artes militares, *victoria uti posse*. Qua Maiestatē Tuam bellissimē usam esse, docebunt posteros nostros tot tormenta curulia, tantus numerus signorum, tāmque ingens prædæ copia, quibus omnibus prædatores Catholicorum, partim in pugnâ, partim in fugâ exuisti, Tuâq; æternæ gloriæ trophæum erexisti.

Ita Superis placuit, contra ferocissimū hostem, fortissimū nobis suppeditare Achillem, immo Gedeonem; ut summa pericula, & summa auxilia coniungerent, atq; ex ipsa rerum necessitate inclaresceret magnitudo auxiliatoris, regij generis, regiae potestatis, regiae virtutis: nempe totas noctes in equo excubantis, atque inter ipsa discrimina, intrepido, imō sitientissimo pectore prælium anhelantis; neque contenti pugnantes strauisse, sed etiam suo equo, suâque dexterâ & ferro, per longissima itinera fugitantibus reliquijs acerrimē instantis, & cum Iessæo Rege *Psal. 17. 38.* dicentis: *Persequar inimicos meos, & comprehendam illos: & non conuertar, donec deficiant:* ita me Deus, & Dei Filius, & quæ mihi  
in

## EPISTOLA

intesseram est pugne, **SANCTA MARIA**, Dei Mater adiuuet. Defecerunt sanè, & quidem claro certamine, tantâque cum clade, quantam Germania nostra, inter tam prolixum, tot annorum bellum, & tot atroces pugnas. hac ætate non vidit: ut dici possit prælium *sine exemplo maximum*, & opus Regis, supra ingentia multorum excelssimè florentium, virorum opera se se extendentis.

Hunc ergo talem opitulatorẽ, quia vel ex ovi omine dudum coniecimus, duris quidem ac difficilibus principijs, felicissimi tamen spe exitus (qui semper post aspera initia solet esse lætior) sumam belli administrationem suscepisse, haud absq; re & causâ acclamauimus, acclamamus, acclamaturi sumus, quod Alexandro Seuero, supra laudatus Lampridius testatur fuisse acclamatum: *Auguste innocens, dij te seruent. Dij te nobis dederunt. Dij conseruent. Dij te ex manibus impuri eripuerunt. Dij te perpetuent. Dij illum eradicauerunt. Dij te seruent. Contaminator honorum iure punitus est. Dij immortales (FERDINANDO) vitam. Iudicia Deorum hinc apparent. Iniuriam Marci tu*  
vin-



## DEDICATORIA.

*vindica. Iniuriam Veritu vindica. Iniuriam Bassiani tu vindica. In te salus, in te vita, ut vivere delectet. Antoninorum (AVSTRICORVM) nomen Dij conseruent.*

Quod ut verus Deus porrò semper faciat, non cessabo dicere, cum Dauide, *Psal. 71. I. Deus iudicium tuum REGI da: & iustitiam tuam FILIO REGIS FERDINANDI* etiam hoc titulo *SECUNDI*, ut in *FERDINANDO III. REGE*, & in *FERDINANDO* quarto *REGIO INFANTE*, ceterisq; amicis *PRINCIPIBVS* ac viris, de hoste, pergat triũphare.


Quos triumphos, ut & ipse, pro modulo meo, adiuuarem, ecce *REX FERDINANDI*, in hoc libro *Maiestati Tuæ* inscripto, institui, ut ita dicam, in ipsis *OVIS, OVATIONEM. Vale, & PLUS ULTRA* vince. Monachij Año Christi *M. DC. XXXIV. 4. Idus Septemb.* quo die hîc præpotenti *DEO*, bene re per. *Maiestatem Tuam* gestâ, secundò gratulati sumus.

Regiæ Maiestatis Tuæ

infimus seruus

GEORGIUS STENGELIVS  
Societatis I E S V.

# AD LECTOREM.

 Iraberis fortasse, Lector, cur ad hac EMBLEMATA potissimè animum applicuerim; aut unde mihi excitatus sit iste ad OVA appetitus? Ingenuè tibi dicam. Chalcographus, cum non haberet, quod ederet, ad aliquot OVA Emblemate ornanda me exorauit, eo tempore, quo in vicinia, & circa hoc ipsum Monachium nostrum, hostis miserabiliter agros depopulabatur, pagos incendebat, homines & pecora abducebat, vexabat, ingulabat; verbo dicam, hostem agebat. Ego, ut opem meâ imploranti, morem gererem, & simul antiquissimum Catholicorum, in ovīs Paschalibus benedicendis, pingendis, variòque Emblemate seu radendis, seu inscribendis, illustrarem; quæ de OVIS me legisse memineram, obiter cæpi annotare. Ibi mihi contigit, quod ignotum flumen ingredienti, & in profundum incidenti, ubi vadum esse existimârat. Nam & in OVORVM historiis, fabulis, experiētiis, & scientiis, pro riuo fluviū, pro fluvio Oceanum inueni. Itaq; è charta ambulatoria, liber; è tabula, factum est volumen. Nec piguit operæ. Primò sic temporum tristitiam mitigavi. Iniurias, rapinas, cades, mortes, & sæpe, uno die, sex septemq; pagorum incendia spectavi; enimverò, inter saucios, & sauciantes versatus calidum à multorum vulnere sanguinem manantem crebrò vidi; gemitus atq; eiulatus assiduos audiui; & incolumis ipse, dolore aliorum identidem dolui: à quibus rebus utiq; animus erat refrigerandus. Refrigeravi OVIS, quæ contra flammæ, & ardorem esse remedia, in Emblematis, doce-

## AD LECTOREM.

*bo. Ut enim succus eorum inunctus, corporis; ita historia perquam curiosa, animi estum restinguit, & mentem auocat nœstis agitatam. Isaac Genes. 24. 63. materna mortis dolorem ut temperaret, egressus fuerat ad meditando in agro: & Assuerus rex iratus surrexit, & de loco convivij, intrauit in hortum arboribus confitum. Esther. 7. 7. In tanta funestissimorum casuum acerbitate, libuit & mihi, per amœniora, excurrere. Amœniora autem, dum quaro, non iam ouum in horto, sed hortum in ovo inuenio. Quod ne quis à me fingi existimet, testē adduco scitissimum, atq; elegantissimum scriptorem Io. Baptistam Ferrarium, qui lib. 1. de Florum cultura ca. 3. inter eximias hortorū imagines, etiam oualem depingit, aitq;: Si Circense spectaculū, non olim procurentiū equorum fugitiua, sed assiduè vernantium florum stataria voluptate exhibere mauis: en tibi OVATE circuitus cōmodum circum, honestissimæ Floræ novus Ædilis aperio, iisdemq; cellis extruendis opportunos similimos angulos propono. Licet ergo in ovis, tanquam in hortis spaciari.*

*Secundò, ita iudico, ut sperem, hunc eundem de OVIS Librum non minùs legenti voluptatis allaturū, quàm pepererit scribenti. Aut sanè, nonnullos fore, cōfido, belli istius procellis percussos atq; afflictos, qui dum lectione, aut inspectione istorum Emblematum detinentur, aliquam sibi horam faciant à tristitia, & memoria calamitatis suæ vacuam, & quietam.*

*Et fortasse tertio, si rebus, quas admiscui, volent im-*

## AD LECTOREM.

penſius animum aduertere, vel neſcientes penitus ſanabuntur tacitâ medicinâ. Ita enim myſteria ſacra, & diuinarum rerum ſcientia meditatioq; ſunt conſtituta, ut non ſolû magnam gignant conſolationem; ſed etiam ut animum roborent in aduerſis, & inducant incredibilem fluxorum bonorum contemptum, dum meliora bona oſtendunt, promittuntq;. Hæc autem myſteria ſacra, iſtâmq; rerum diuinarum ſcientiam præcipuam his **OVIS** incluſi; ab ipsis Mundi primordijs, à creatione, & Creatoris potentia, providentia, ſapientia, bonitate, æquitate, miſericordia exorſus; atq; inde per ipſa Redemptionis beneficia, per virtutes Theologicas & Morales, perq; diuina Sacramenta; indèque per oppoſita vitia, uſq; ad hominis Nouiſſima (quanquam ſtrictim, & ut in emblematis ſolet, ex occasione duntaxat) progreſſus. Vt proinde quaſi quoddâ compendiû hîc ſis reperturus totius doctrine Chriſtiane; ſi, iuxta vetus dictum, ruminata volueris remandere. Ova, quæ virtutem, acres diuinas habent inſculptas, pro cibo erunt, & pro pharmaco; cetera vitijs, aut vitioſis deformata, pro reiectaneis, aut rebus reijculis. Quas res ipſas, ſi didiceris à te abarcere, ſanaberis, & cum ſancto illo Tobia, ad lumen venies. Ait enim diuina pagina. Tob. 11. 13. Tunc ſumens Tobias de felle piſcis, liniuit oculos patris ſui. Et ſuſtinuit quaſi dimidiam ferè horâ: & cæpit albugo ex oculis eius, quaſi membrana **OVI** egredi. Quam apprehendens, Tobias traxit ab oculis eius, ſtatimq; viſum recepit. Et glorificabant Deum, ipſe videlicet, & vxor eius, & omnes qui ſciebāt eum.

Hoc



## AD LECTOREM.

*Hoc utinam & mihi, & tibi contingat, Lector, ut ex oculis tuis, OVIS meis, cacantem albuginem omnem, quasi membranam ovi, extraham.*

*Quaquam, ut vulgo hac scripta non sunt, ita quaedam admiscui paulo ex altis illis arcanis selectiora; quae profectò Principes Catholicos ignorare non decet; cum videam Principes A catholicos tam erroris sui peritos, ut etiam non rarò audeant cum ipsis Catholicis sacerdotibus acerrimè disputare. Nempe filij huius seculi prudentiores filijs lucis in generatione sua sunt. Luc. 16. 8. Ut ergo filij lucis lucem acciperent, & res divinas, tantò libentius, quantò suaviùs imbiberent, Emblemata eas, quasi saccharo, temperavi, uti pharmaca sua solent medici. Atque hac quarta est causa, cur huius me non poeniteat laboris. Ut OVA ipsa alyis esca, alyis sunt medicina, ita erit Liber de OVIS. Qui utique, tam multiplici imaginum argumentorùmq; varietate, & docebit nonnullos, quid in ova Paschalia piè, iucundè utiliterq; incidì possit; & docebit pariter, ne, cum offensione Numinis, & oculorum Christianorù, impio abusu profani Cupidines, in res Deo consecratas incidantur. Multum boni facit, qui alium, ne malum faciat, impedit.*

*Quintò deniq; ut mihi Emblemata ista, dum fierent, inter quotidianos belli tumultus & clamitates, iucundam dederunt occupationem, ita alyis spero iam absoluta non modò futura pro oblectante solatio, sed ipsis quoq; divinis honoribus pro incremento. Apparebit enim profectò, vel obiter inspicienti librum hunc, quanta divina sapientiae artis.*

## AD LECTOREM.

artisque multitudo atque infinitas insit in toto hoc Mundo, cum tam incredibilis, natura, virium, scientia, & pulcherrimæ utilissimæq; curiositatis thesaurus in uno ovo contineatur. Ex cuius consideratione manifestum etiam fiet, verissimum esse illud, quod inter Theologos fertur, minimi alicuius vermiculi naturam ingeniumque, si quis intimè, secundum omnes facultates ac potestates, sollertias & astutias, sympathias & antipathias, utilitates, qualitatésque perspiceret, mirificam capturum voluptatem; cum tam incundum sit, vel unam unius ovi experientiam discere. Atque hinc ulterius, ut ab ovo ad animal, ita ab unius cognitione animalis, ad totius licebit progredi scientiam Vniuersi omniumque creaturarum; à creaturis denique ad ipsum fas erit ascendere Creatorem. Vale, Lector, & integram ad ova famem affer; prodigio non carentia, ut quæ prelo subiecta pressa fuerunt, & tamen non compressa. Quædam mulieres, Sericarum vestium spe, bombycum ova gestant & excludunt in sinu, tu utiliorum rerum desiderio, hæc ova gesta in manu, eaque oculis exclude, non ab oculis.

# INDEX CAPITVM,

siue

## EMBLEMATVM.

Emblem. I. Oui, Mundi, Dei cognitio.	Pag. 1
I I. Ab Ouo, usque ad primam causam nos duci.	7
I I I. Diuina, in Ouo sapientia indagata.	13
I V. Dei Mundū gubernantis prouidentia, in ouo deprehēsa.	19
V. Summæ prouidentiaē scopus, in ouo, notatus.	25
V I. Malorum permissio, in ouis, considerata.	31
V I I. Ouum diuinæ iustitiæ speculum esse.	37
I I X. Parui, & quodammodo magni mundi corrupti figura oualis.	43
I X. Mundus in capendulæ ouum, peccato, factus.	49
X. Hominis, ad peccandum, ex se pronitas, in oui iactu declarata.	54
X I. Oui humanâ; hominis, diuinâ arte, erectio.	59
X I I. Christus ouum, & auis ex ouo.	64
X I I I. Incarnati Verbi immutabilis æternitas ouo subindicata.	70
X I V. Duæ in Christo naturæ duobus ouis portentosis representatæ.	75
X V. Christi, tâquā gallinæ oua fouētis, labor & sollicitudo.	82
X V I. Oua & vulnera Pelicani, charitas patientis Christi.	88
X V I I. Obedientiæ Christi in ouo expressæ meritum.	94
X I I X. Morte Christi nos in vita seruatos, quod in gemino ouo editis effigiatur.	99
X I X. Oua Oceano, Christus mundo pacem inducit.	106
X X. Ouum à sole eleuaturn, Fidei diuinæ imago.	117
X X I. Ouum pro scorpione datum spei symbolum.	123
X X I I. Adoptio diuina quomodo per charitatem facta, quomodo per ouum & pullum indagata?	128
X X I I I. Ouorum defensio, sui proximiq; dilectio.	133
X X I V. Oua calore, opera charitate promota.	138
	XXV.

# I N D E X

- XXV. Oua plumis fota, misericordiæ symbola. 143
- XXVI. Ouorum coctio, & diuini Amoris acquisitio inter sese  
pariantur. 149
- XXVII. Ouum insulsum, insulfus & imprudens homo. 154
- XXIIIX. Ouorum custodia, iustitiæ doctrina. 159
- XXIX. Oua non è quouis cibo prouenientia, & Americis  
vetita Abstinentiæ Temperantiæq; præconia. 164
- XXX. Oua sine cōiugio nata, Tēperantiæ fructū denotāt. 170
- XXXI. Fortitudo in fragili oio contenta. 175
- XXXII. Fornax pullorum mater, in ouis maturandis, patien-  
tiæ est magistra. 181
- XXXIII. Gallinæ partum, festuca, animæ, crux adiuuat. 186
- XXXIV. Ouorum translatio periculi fugam docet. 192
- XXXV. Humilitas instruitur à struthione oua sepeliente. 199
- XXXVI. Humilis aui similis, oua sua & distribuenti & ab-  
scendenti. 205
- XXXVII. Hirundinum oua, linguæ vitia significant; quæ qui  
moderatur, dignus est moderari mundum. 210
- XXXIIX. Oua miraculo seruata liberalitatē cōmendāt. 216
- XXXIX. Ouorum cura, disciplinæ magistra. 221
- XL. Oua variè aperta, variè tractanda hominum ingenia, sed  
piè, & à pijs, monent. 226
- XLI. Ab omni creaturâ nos doceri, ouum docet. 232
- XLII. Ouorum exclusio, filiorum educatio. 239
- XLIII. Oua in fimo, homo in peccato; vnde eum Baptismus  
liberat. 244
- XLIV. Pullus ex utero, & ouo, hominis nati & baptizati  
imago. 248
- XLV. In ouis necessitas, & fructus Cōfirmationis declaratur. 255
- XLVI. Ouum in nido, nidus in frumento, Christianus in fer-  
culo Eucharistico tutissimus. 261
- XLVII. Ouorum nidamentum, & Eucharistiæ Sacramentū  
in quâ re possint comparari? 270
- XLIIIX. In ouo vnius speciei Eucharistice sufficientia demon-  
stratur.



# CAPITV M.

stratur, 276

XLIX. Oui glutine, amicitia diuinæ, per pœnitentiam re-  
 stauratio indicata. 282

L. Oua conseruandi ars, Contritionis & satisfactionis studiũ  
 non negligendum admonet. 288

LI. In oui unguine, Vnctionis extremæ munimentum. 294

LII. Ouorum, & aliarum rerum benedictio. 300

LIII. Sacrorum ordinum potestas, per oua in manibus ex-  
 clusa, declaratur. 305

LIV. Alterna ouorum cura, doctrina est Matrimonij. 310

LV. Ouum stellatum, B. Virginis symbolum. 314

LV I. Aliqua, ex ouis nō nata, volantia, dæmonis symbola. 321

LVII. Ouum anguinum, magiæ instrumentum, & superbiæ  
 vituperium. 327

LIX. Ouorum partus magicus, iustitiam dormientem ex-  
 citat. 333

LIX. Oua à laruatīs sparsa, latenti superstitionum pesti si-  
 milia. 339

LX. Ouo delusis similes, qui diabolo credunt, vel de astris, vel  
 aliunde magna pollicenti. 345

LXI. Peccati grauis odor, in odore oui, perceptus. 351

LXII. Superstitionum vanitas, in supersticioso Iuliæ Augu-  
 stæ ouo repressa. 357

LXIII. Agyræ oua attollēti, & reuocanti similis dibolus. 362

LXIV. Oua aspidum, sunt dogmata hæreticorum. 368

LXV. Oua à suis felicius fota, parentum sunt documenta. 375

LXVI. Ouorum varietas & augmentum, speculum dogma-  
 rum variorum è superbia natorum. 380

LXVII. Spei vanæ, in ouo delineatum emolumentum. 385

LXVIII. Oua serpentū fota, sunt beneficia ingratis & impijs  
 collata, & charitas maleficijs compensata. 390

LXIX. Odium charitati aduersum, in fractis aquilæ ouis sca-  
 rabæus repræsentat. 395

LXX. Imprudentia, per anseres ouis pariendis se rumpentes,  
 adumbrata. 401

# I N D E X

- LXXI. Stulta sæculi, seipsum decipientis astutia, imò ignorantia in ovo pullifero reprehensive. 407
- LXXII. Ouum aui, discipulum præceptorum parem esse, & ab eo callidam iniquitatem trahere. 413
- LXXIII. Iniusta exigentium, aut iusta non reddentium ingrata auarities, in oui vitello postulato, & negato, apparens. 419
- LXXIV. Oui in vitrum conuersio, humanæ fragilitatis imago est. 424
- LXXV. Ouum, pro pila, factatum, temerariorum audaciam accusat. 433
- LXXVI. Oua sua frangens pauo, intemperantis animi exemplum. 439
- LXXVII. Modus implendi ova, symbolum superbiæ. 445
- LXXVIII. Oua irrita, inanis gloriæ operibus simillima. 451
- LXXIX. Oua natantia, sese extollentium inanitas. 457
- LXXX. Oua clandestinè cocta, hypocritarum simulationem prodentia. 464
- LXXXI. Ouorum usus, simulatorum dolus. 470
- LXXXII. Ouum aureum auaritiæ nutrimentum. 476
- LXXXIII. Oua miraculo murata impiorum auaritiâ castigant. 482
- LXXXIV. Oua cuculi flagitia designant impuri. 489
- LXXXV. In ovo basiliscum dante, inuidia perstricta. 495
- LXXXVI. Oui noctuini ars docet, mala media, etiam ad bonum finem, non adhibenda. 502
- LXXXVII. Oui exclusio, potandi continuatio. 508
- LXXXVIII. Oua tonitru destructa, iræ damna expingunt. 515
- LXXXIX. Oua portentose grandia, significant iratos omnia in maius augentes. 522
- XC. Ob ouum concitata uxor, iræ typus. 522
- XCI. Ouum in lampadem factum, acediæ fugam suadet. 536
- XCII.

## CAPITVM.

- XCII. Ouum occidens inexpectatæ mortis admonitio. 542  
XCIII. Ouorum collectio vindemiæ mortis admonet. 548  
XCIV. Ouorum discretio diuini iudicij examen metuendū  
docet. 554  
XCV. Oua indico, homines iudicio discriminantur. 560  
XCVI. Oua variè cocta, symbola sunt variorum in Inferno,  
vel Mundo tormentorum. 566  
XCVII. Oua salamandras dantia docent damnatorum cor-  
pora in igne duratura. 574  
XCIX. Ouum cæli, & hominis in cælum subuehendi sym-  
bolum. 580  
C. Oua paradisiacæ auis Beatos significantia, & partu-  
rientia. 587  
C. Oua metæ, meta cælestis gloriæ, monumentum. 597

# APPROBATIO

R. P.

## PROVINCIALIS.

**E**MBLEMATA ex OVORVM natura,  
arte, historijs, fabulisque, per P.  
Georgium Stengelium Societatis  
nostræ Theologum, ad mores ducta, atque  
à quatuor eiusdem Societatis Theologis  
censâ approbatâque; Ego GVALTERVS  
MVNDBROT, Societatis IESV, per Superio-  
rem Germaniam Præpositus Provincialis,  
concessâ mihi potestate, ab admodum R. P.  
N. Generali, MVTIO VITELLESco, per-  
mitto typis imprimi, ac in lucem ad publi-  
cam utilitatem emitti. In cuius rei testimo-  
nium, manu mea subscribo, & consuetum  
Officij sigillum appono.

*Gualterus Mundbrot.*

# LECTORI.



*T* subsisteres paullisper, & respirares, Emblemata hîc diuisi, alioquin nimis prolixè excurrentia. Etiam properans viator subinde in herbam se abiicit, aut ad fontem è saxo scaturientem. Ipsis tabellarijs prandij quietem concedimus:

& hora lassos

Interjungit equos meridiana.

Cur igitur non etiam Lectori nostro succurramus pause interiectu? cum & Musicos id facere videamus; & quemadmodum itinera, ita libri quoque ac volumina longè appareant breuiora, si distribuuntur. Denique à Philosophis instruimur, omne quod mouetur, ipso Nature magisterio, quiescere in puncto reflexionis. Quia ergo & nos, à bonis OVIS, hîc calamus deflectimus, ad mala OVA detestanda, penicillus ducendus fuit, ut velut à lineâ rursus inciperemus.

Illud aduertat velim, non omnia à nobis OVA accusari, sed vel eorum abusum, vel id, quod in ijs, velut in symbolo, vitiosum relucet. Scribit Albertus, grandem Aquilam esse in Septemtrione; quæ duo OVA semper pariat. Bona sanè OVA, quia aquila OVA. Sed quæ nobilitat partus, nidus dehonestat. Nam aquila, affectum parentis oblita, & laborem pertasa, OVA illa vulpis pelle involuta, in cacuminibus arborum, suspendit, ut spurio calore foveantur. Sicut ergo Lysander leoninam cum vulpinâ se conjungere dictitans, generositatis laudem professio-




## AD LECTOREM.

*fessione astutia contaminabat ; ita aquila, non sine vituperio, coniungit bonum partum & malū nidum. Eiuscemodi aquilam si memineris, aut vulturem esse, malum humani generis hostem, facile credes, eius ingenio & machinatione, etiam bona OVA malè posse collocari. Sed tu, Lector, si fueris bonus, ipsis quoque malis OVIS bene ūti nosces.*

O V O R V M  
PASCHALIVM  
SACRO EMBLEMATE  
INSCRIPTORVM  
descriptorumque,  
à  
GEORGIO STENGELIO  
SOCIETATIS IESV  
Theologo.  
*PARS ALTERA.*



Si confurrexistis cum Christo, quæ sursum sunt,  
quærite, ubi Christus est. *Col. 3. 1.*



In primam Ovi partem sex Cæsarum  
Austriacorum vultibus inscri-  
ptam.



*Eccetibi, LECTOR, quid non speremus ab OVO?  
Induperatores hîc reperire licet.  
Quale sit hoc OVUM, rogitas? Iouis alite natum;  
Aut si quid Iouis est alite nobilius.*

In alteram Ovi partem, sex alios  
 REGIS FERDINANDI III.  
 progenitores Cæsares conti-  
 nentem.




*Ovum dissecuit sculptor : sex altera vultus,  
 Altera pars totidem nomina sacra refert.  
 Quorsum, ais, hoc ? REGIS FERNANDI est gloria ;  
 tantos,  
 Et tot annos qualem gignere, credis, avem ?*



Oui, Mundi, Dei cognitio.

# EMBLEMA I.

COMPENDIVM SCIENTIÆ EST,  
IN OVO MVNDVS, IN MVNDO DEVS.



**E**X *ouo* alij vitellum, pullum alij quæ- I.  
runt; ego in eo totum Mundum re-  
perio. Neque ego tantum. Nam &  
Eusebius *lib. 3. de preparat. Euang. c. 3.*  
è Pythagora docet, *oui testam* omnia claudenti  
cælo; *vitellum* igni; spiritus, qui sunt in *ouo*,  
aëri; *albumen* aquæ; *partes magis concretas*, terræ  
in hieroglyphicum esse. Hieronym. Cardanus  
*lib. 7. de rer. variet. cap. 39.* de ouis loquens,  
*Quandam*, inquit, *elementorum & Vniuersi spe-*  
*ciem, sed conuersam præbere videntur, Nam quod*

*in medio est, caelestem calorem amulatur: quod circumdat, aqua; cortex est, qui continet; spiritus fertur intus.*

**II.** Fufius, expressiusque Alex. Aphrodisæus lib. 2. probl. 89. Ouum, ait, qualitates elementorum omnes complectitur, & quatuor illa rerum primordia planè in se sita ostendit. Tegumentum enim testaceum, terra proximum est, siccum namque est & frigidum: albumen, aqua cognationem gerit, humidum enim & frigidum: spiritus albumine contentus, pro aëre est, calidus enim & humidus: vitellus ignem repræsentat, plus enim calidus, minus siccus, neque colore igneo vacat. Denique Orbis uniuersi, quæ Mundum vocamus, speciem in ouo dixeris demonstrari: nam & ex quatuor constat elementis, & in sphaera faciem globatur, & vitalem potentiam obinet.

**III.** Similia habet Cæl. Rhodig. lib. 14. antiquar. lect. c. 50. & Barthol. Cassan. part. 12. Catalogi gloriæ Mundi, consider. 82. Varronis, apud Probum Grammaticum, verba sunt: Calum est testa: item vitellum, ut terra: inter illa duo, humor quasi in sinum clusus, aër, in quo calor. Contra tamen medici veteres. ait Puteanus or. 20. sola elementa complexi tradidère, crustam, siue corticem velut terram esse, & arescentis naturæ vim in frigore præferre. Liquorem deinde frigidum humidumque aqua similem esse, & aëri quod inest spiritosum, calore & humore mixtum. Denique luteum quia  
cali-

*calidioris aridiorisque naturæ est, cum igne comparari & constitui, tanquam purissimum sit, & flammam ipse color loquatur.*

Apud Plutarchum l. 2. q. q. conuiu. q. 3. intelligentibus Orphicam & sacram doctrinam cantaturus Firmus, ad ouum *uniuersam uniuersorum vetustiore genituram delegat.* Enimvero, ait, cum includat in se animantium complures naturas Orbis, nullum prope dixerim est, quin ex ouo ortum suum repetat: verum & volandia producit, & natantia innumera, & terrena, lacertas, & generis ancipitis crocodilos, bipedem volucrem, pedum exortem serpentem, multis pedibus nixum attelabum. Hinc non ab re Liberi Patris sacris, velut omnia gignentis, & in se complectentis simulacrum est consecratum.

IV.

Bellè huc quadrat quod Christoph. Borrus in Relatione de novo Cocincinæ regno c. 8 part. 2. memorat de Philosopho, cui Xaca nomen, à quo sectæ ferè omnes Orientis sunt profeminatæ. Is, in regno Siam, totum se tradiderat rimandis Naturæ arcanis, ac præsertim Mundi Hominisque naturæ indagandæ. Quam ob rem etiam in præruptum montem secessit. Inde velut entheatus, oracula tulit de Mundi creatione. Illo. Primum erat, Mundum ex ouo natum, quod anè in immensum intumescens ubi se se extenderit, corticem eius in celi materiem transiisse; Ibumen verò mutatum esse in aërem, aquam,

V.

& ignem; vitellum autem in terram atque illa quæ in terra continentur. Alterum erat; extitisse aliquando hominem vastæ molis, quasi gigantem, cui ea lingua nomen dedit, vt Baneo vocaretur, hoc est, paruus Mundus. Hunc gigantem affirmavit cōuersum esse in Mundi istius magni globum: & caluariam quidem eius sese in cæli testam explicasse; oculos autem in Solem & Lunam exsplenduisse, carnem in terram coagulata esse; ossa in montes induruisse, capillos in gramina, herbas arborésque diffusos, denique ventrē dixit, in spaciosum istud mare diffuxisse. Atq; vt dignā fabulæ suæ coronidē adijceret, nō erubuit asseuerare: ex istius Gigantis pediculis homines eos enatos esse, qui nunc per vniuersum vbiq; hunc orbē dispersi Mundum incolunt. Ipso Gigante maior est hæc fabula, valde tamen alludit ad eos, qui Mundum ovo, hominem Mundo comparauerunt.

V I. Et fortè originem habet, è primis Sapientiaruululis, quos admirabili mysterio ad posteros Orpheus derinavit, & excepit Athenagoras Philosophus Christianus, vt reyceret. Rerum omnium principiu extitisse Aquam: & ex ea subsidente fuisse llyn. His parentibus Draconem natum esse, qui capite Leonē, medio corpore faciem siue Herculis, siue Chronirepresentabat. Ab Hercule deinde immensa magnitudinis ouum prodixit: id à parente, dum fouetur, attri-



*atritum, duas in partes diffilisse, & superiorem quidem cali, inferiorem, quæ delapsa erat, terra forma donatam & perfectã. Eryc. Putean. orat. 20. Monstra hæc sunt fabularum, sed quæ monstrant, magnam variâmq; iam olim ouo in- fuisse considerationem, cum tot Philosophi, & rerum arcanarum curiosi ipsum in ouo consi- derârint Vniuersum.*

*Ægyptij autem, teste Porphyrio, apud Euse- VII. bium loc. cit. etiam ipsum in ouo considerabant Vniuersi Conditozem. Illi enim, in arcanis myste- rijs, Deum Cneph dictum pinxere humana for- ma, colore caruleo, qui Zonam teneret, ac sceptrum, pennâmq; in capite gestaret. Ouum ab ore produ- cebat. Ab ouo rursus Deus enascebatur. Cetera in Labyrinthi laudibus cap. 2. à num. 2. explicauî. Hic suffecerit indicasse, ouum ab ore productum esse Mundum, tunc creatum, cum Deus dixit, Gen. 1. 6. Fiat firmamentum, vocauit q. firmamen- tum calum &c. fiat lux &c. Quia enim, vt est in Psal. 32. 6. verbo Domini cali firmati sunt, & spi- ritu oris eius omnis virtus eorum; & quoniam ipse dixit, & facta sunt: ipse mandauit, & creata sunt; Mundus perinde (quanquam non ab æterno, sed in tempore) vt Sapientia, Eccli. 24. 5. ex ore Altissimi prôdiuit. Sed & rursus ex Mundo Deum, cum ex Maria Christus.*



6 EMBLEMA I. MVNDI ET DEI.

**XXIX.** Quando igitur, teste S. Paulo, *Rom. 1. 20.* *Inuisibilia ipsius à creatura mundi, per ea, quæ facta sunt, intellecta conspiciuntur, omniæque clamant: Ipse fecit nos. Psal. 99. 3. & vel hinc Anaxagoras, teste Laërtio l. 2. rogatus, cuius rei causa natus esset? inspicendi cali, & solis, & lunæ, respondit:*

*Vt potuit paruo cognosci MVNDVS IN OVO,  
Sic poterit magno maior in Orbe DEVS.*

**IX.** Certè verò in ipso quoque ovo. Quod tribus rebus constat, testa, albo, flauo; sicut Deus tribus personis. quarum tertia à duabus, secunda ab vnica, prima à nulla procedit; quemadmodum flauum ab albo & testâ; album à sola testâ, testa nec ab albo, nec à flauo continetur. Ita fas est, & Deum Patrem ingenitum, & Filium vni-genitum, & Spiritum, tanquam mutuum Patris ac Filij amorem, *oui* symbolo in memoriam reducere. Quid si etiam *oui* figura principio & fine carens Dei significat *infinitatem*, & *aternitatem*? quin & *immensitatem*? quâ enim, figura illa circularis est, cum quadratura hucusque non potuit commensurari: sicut & Dionysius de diu. nom. c. 9. scribit, Deum  
*super omnem magnitudinem se  
diffundere.*

Ab ouo vsque ad primam caussam  
nos duci.

# EMBLEMA II.

## ECCE PRIORE PRIVS.



**N**on nemo, apud Plutarch. lib. 2. q. 9. Conu. 1.  
perplexam illam, quæ indagantes multum  
fatigauit, in medium protraxit; de ouo &  
que quæstionem (quæ etiam apud Macrobiū 7.  
Saturnal. tractatur) utrum eorum prius extiterit?  
Eam quæstionem Alexander derisit; quasi ab  
Aboriginum seculo petitam; Firmus, arrepta  
opinione, quæ ex atomis omnia fieri docet,  
si parua, inquit, elementa sunt magnarum rerum  
ponenda principia, propius vero est, ouum; quàm  
auem, extitisse prius. Est enim simplex quantum  
ad sensum; varium magis, & mixtum auis. In vni-

*uersum, principium est primum, semen autem principium: Ouum verò semine plus est, animante est minus.*

**II.** Hæc, & plura Firmus, non admodum firmè. Sic enim & ipso ouo semen debuisset priùs extitisse. at cuius semen? nonne animalis? Quamobrem grauib. momentis tractus Senecio, *par est*, ait Firmum impugnans, *ut imperfecto natura, superius perfectum sit; claudicante integrum, parte totum. Absurdum est enim, partem consistere, eo, cuius pars sit, non extante. Quare nemo est, qui dicat, seminis esse hominem, neq. oui gallinam: sed galline ouum &c.* Deinde cum ostendisset, *multas animantes à tellure editas, absq. ouo, nunquam autem relatum esse terrigenum ouum, sed omne ouū esse ex animante*, concludit, *auem ouo fuisse priorem.* Sed fidei lumine destitutus, cum fateri coactus esset, *sine principio extitisse animantem non dicimus*, quale illud principium fuerit, non dixit, quia nesciuit.

**III.** At Sylla, cum dixisset, *tenui quæstione eum, sicut organo, magnam illam, de Mundi ortu, & spinosam quaterere, denunciavit illi, ut ea abstineret: arbitratus forsitan, idem esse τὸ Πλάτωνος ὄν, καὶ τὸ ὀρφικὸν ὄν, Platonis ens, & Orphicum ouum, ut Proclus in Timæum explicat.* Tantum enim Orphici ouo tribuerunt, ut Mundum ipsum ouū, & ex ouo prodijisse affirmarent. Quæ fabula,

ne disputando obscurior fieret, iussit Sylla, ea quæstione, tanquam intempestiua, abstineri.

Quantò rectiùs, vt sapienti res omnes do- IV.  
cumento ad virtutem sunt, ita cum alijs Philo-  
sophantibus, & potissimè cum S. Scriptura,  
quæstionem hanc ad Creatorem reduxisset, qui  
verbo omnia produxit? sine mora, in ictu con-  
dendi? Alioquin, ait, S. Augustin. l. 4. de Genes.  
ad lit. c. 33. si rerum naturales motiones, dierumq;  
istorum, quos nouimus, vsitata spacia, cum hac pri-  
mitus Verbo Dei facta sunt, cogitemus &c. quot  
diebus opus erat, vt aues volarent, si à suis primor-  
dijs existentes, ad plumas, & pennas, per natura sua  
numeros peruenerunt? An forte oua tantùm crea-  
ta erant, cum quinto die dictum est, quòd eiecerint,  
aqua omne volatile pennatum secundum suum ge-  
nus? Aut si propterea rectè hoc dici potuit, quia in  
illo humore ouorum iam erant omnia, quæ per nu-  
meros certos dierum coalescunt, & explicantur quo-  
dammodo, quia inerant iam ipsæ numerosæ ratio-  
nes incorporaliter corporeis rebus intexta; cur non  
& ante oua id ipsum rectè dici poterit, cum iam ea-  
dem rationes in elemento humido fierent, quibus a-  
liter per temporales sui cuiusq; generis moras oriri,  
& perfici possent? Vnde concludit, à Deo creata  
esse omnia simul Eccli. 8. 1. Alij (simul) acci-  
piunt pro (pariter) vt certi rerum creata-



rum dies distinguantur. Melius ergo Sylla huic rei dicere potuisset:

*Firme, oui ac Mundi, paritéq; Senecio, primum  
Si vis principium querere, quare Deum.*

V. Nam etsi hunc *Esse*, non sit abs se notum, ex ipsa vi verborum, sicut, cognitis vocibus, abs se notum est, vnum & duo, facere tria; teste S. Thoma 1. p. q. 2. a. 1. quærendo tamen, hoc est, ratiocinatione etiam naturali, ac mentis discursu inveniri atque cognosci potest, & *Esse Deum*, & *Esse Vnum*, & *Esse Liberum*, & *Habere providentiam*: vt etiam tradit S. Dionys. c. 7. de diu. nom. & S. August. de spirit. & lit. c. 12. Hinc Sap. 13. 5. legimus: *A magnitudine speciei & creatura cognoscibiliter* (ἀναλόγως, seu per analogiam) poterit creator horum videri. Et supra laudato loco, Rom. 1. 2. *Inuisibilia ipsius* (vt esse æternum, immensum, omniscium, omnipotentem, iustum, bonum &c.) à creatura mundi, per ea, quæ facta sunt, intellecta, conspiciuntur: si scilicet collatione, & illatione intellectus, per opera sensibilia Dei cognoscenda, ascendamus.

VI. Neque refert, quid sit illud, cuius consideratione, mentem ad inuisibilia Dei attolimus: per oia, per gallinam; per terram, per cælum Conditorem licet agnoscere. Vere S. Augustin. Soliloq. cap. 9. *Omnipotens manus tua, ait, semper una & eadem, creauit in calo Angelos,*



*& in terra vermiculos : non superior in illis, non inferior in istis. Sicut enim nulla alia manus Angelum, ita nulla posset creare vermiculum : sicut nulla calum, ita nulla posset creare minimum arboris folium : sicut nulla corpus, ita nulla vllum capillum album posset facere, aut nigrum : sed omnipotens manus tua, cui omnia pari modo sunt possibilis. Nec enim possibilis est ei creare vermiculum, quàm Angelum, nec impossibilis est extendere calum, quàm folium : nec leuius formare capillum, quàm corpus : nec difficilius fundare terram super aquas, quàm aquas super terram.*

Sicut ergo ex effectu causa, è sonitu tuba, VII.  
ex umbra corpus, è vestigio animal, è fructu arbor; ita ex Mundo Deus intelligitur. Cum enim nihil se ipsum efficiat, &, in Efficientibus, in infinitum procedere, sit absurdum, ab ovo ad gallinam, à gallina, & omni denique creatura veniendum erit ad Creatorem, tanquam ad primum principium : quo sublato, quando tandem rursus ad vllum effectum, per immensam illam infinitudinem atque inexplicabiles principiorum multiplicationes & gyros, perueniretur? Igitur idem, qui Mundum ex nihilo, etiam gallinam creavit sine ovo. Hoc qui nescit, in infinitum principiorum ibit; & sicut ad primam causam, in infinita serie, non poterit pervenire; ita intelligat, per eandem infinitam seriem,

I 2 EMBL. II. PRIMÆ CAUSSÆ.

riem, nullum vnquam vltimum effectum posse descendere. Vbi enim vltimum, ibi finitum. Superest igitur, vt vel nunquam quiescas, vel per creata ad Creatorem ascendas, & ad primā causam peruenias; quæ sola est infinita, non numero; sed numerorum perfectionumque omnium complexione eminentiâque. Quid amplius? *Mundum nasci posse, quem neque genitum, neq; interiturum vnquam multi crediderunt.* ait Puteanus orat. 20. *in ouo videmus*, cui Mundus comparatur. In causis finalibus quoq; progressum in infinitum dari non posse, sed necessariò ad vltimum aliquem finem, qui est Deus, perueniendum esse, doctè ostendit Theophilus

Raynaudus in Morali disciplina q. i. art. i.

disp. i. Sed abrupto, ne vel ora-

tio hæc abeat in infinitum.

Divina,

Divina, in ovo, sapientia indagata.

# EMBLEMA III.

OMNIA VIDET OCVLVS ILLIVS.

OMNIA TESTE DEO.



**B**ellè Trismegistus dixit, *Mundū esse librum diuinitatis, & speculum diuinorum*, in quo nimirum Deus, tanquam Apelles sumus, aut Phidias potiùs, semetipsum scitè expressit. Vt enim in Mundo condendo potentiam, sic in disponendo sapientiam, in gubernando providentiam, in ornando bonitatem, in puniendo iustitiam ceterasque virtutes suas, imò penitissimè omnia hæc in omnibus impressit, & ostendit.

Ægyptij, vt Cyrillus docet *lib. 9. Apolog.* II.  
contr.

*contr. Julian.* cum scientiam, sapientiam, ac providentiam Dei vellent significare, oculum pinxere, sceptro superstantem, plura. *Pier. lib. 33. Hieroglyph.* Orpheus Solem oculum iustitiae appellavit, illum scilicet, de quo *Diphilus in Comædia*: *Est qui tuetur cuncta iustitiae oculus*: aut de quo Maro ait: *Sol qui terrarum flammis opera omnia lustras.* Itaque & in Sole oculum, & in oculo Solem, & in utroque diuinam scientiam, providentiâmq; adumbramus.

## III.

Rectè, cum & rotarum totum corpus oculis plenum sit, apud *Ezech. 1. 11.* & naturali quoq; ac verò oculo mirificè sapientiam suam inscripserit rerum Conditor. De qua sapientia *Cic. lib. 2. de nat. Deor.* & post illum, *Lactant. lib. de diuin. opificio. c. 10.* hæc habet. *Vt oculi munitiores essent ab iniuria, ciliorum tegminibus occuluit; unde oculos dictos esse, Varroni placet.* Nam & ipse palpebrae, quibus mobilitas inest, & palpitatio vocabulum tribuit; pilis in ordine stantibus vallata, septum oculis decentissimum præbent. Quarum motus assiduus incomprehensibili celeritate concurrens, & videndi tenorem non impedit, & reficit obtutum. Acies enim, id est, membrana illa perlucens, quam siccare & arescere non oportet, nisi humore assiduo tersa purè niteat, obsolescit. Quid ipsa superciliorum fastigia pilis brevibus adornata? nonne, quasi aggeribus, & munimentum oculis, ne quid super-



*supernè incidat, & speciem simul præstant?*

Incomprehensibilis celeritas palpebrarū, **IV.**  
 ansam dedit, vt summam velocitatem indicantes, dicamus, *aliquid in ictu oculi accidisse*. Quamquam profectò ipse *oculus* longè palpebris suis sit celerior, quippe cum, in puncto temporis, plusquam 80. milliones miliarium conficiat (tantum enim, & amplius distant stellæ fixæ à terra) quoties è terris aspicit firmamentum. Par est celeritati tantæ in oculo paruo capacitas; mediam enim cæli partem intra se visu comprehendit.

Hinc oculi diuini, hoc est, diuinæ scientiæ, **V.**  
 & sapientiæ (qua non solum effectus, & propinquas, sed & primas, & supremas rerū causas cognoscit) perspicacitatem agnosce. Sunt enim, juxta *Græcum textum, Eccli. 23. 28. oculi Domini decies millies clariores sole, inspicientes omnes vias hominum, & intuentes in absconditas partes*. Et, vt compendium habeas, OMNIA VIDET OCVLVS ILLIVS, *Eccli. 23. 27.* cuius radius infinita efficacitate se extendit, quocunque locorum, & temporum: cum sit per imensitatem totus vbique præsens, & per æternitatem tangat & incurrat in omnia, quæ in aliqua parte temporis existunt, existent, & extiterunt.

Thales ethnicus Philosophus apud *Laërt. VI.*  
*l. 1. rogatus, possetné homo clam Deo crimen patrare,*



trare, respondit: *ne cogitans quidem*. Sunt proinde *oculo humano* inscriptæ diuinæ Sapientiæ artes, & symbola; diuino autem, & artes illæ, & nostræ actiones, tam præteritæ, quàm præ-sentes, ac futuræ; tam quæ in tenebris fiunt, quàm quæ in aprico. Immo, in ipso *oculo diuino* vbique existente, fiunt & inscribuntur tam nostræ rapinæ, quàm eleemosynæ; tam superstitiones, quàm orationes; tam *homicidia Cain*, quàm *sacrificia Abelis*. Quis non timeat, quis non reuereatur eum, cuius *omnia nuda & aperta sunt oculis*? *Hebr. 4. 13.*

**VII.** Sed quid *oculus* ad *ouum*? inquires. Vix *ouum* similius est *ouo*, quàm *oculo*. 1. Eadem prorsus est *figura oui*, quæ *oculi*. 2. Putamen aperi, *album* finde, putabis *palpebras* fissas te aperuisse. 3. Media *oculorum*, *cornea* fenestrauit *pupilla*; media *ouorum*, *croceus* globauit *vitellus*. 4. Sicut *pupilla oculi*, ita *vitellus oui* albo circumdatur. 5. denique sui æquè *ouo*, ac *oculo spiritus* insunt. Et, si in *oculo pullum* quæris, parua *pupilla* totam imaginem astantis reddit. *Ea causa est*, inquit *Plin. l. 11. c. 37. ut pleræq; alitum è membris hominum oculos potissimum appetant, quòd effigiem suam in ijs cernentes velut ad cognata desideria sua tendunt; pullum in oculo, tanquam in ouo videntes.*

**VIII.** *Oculum* ergo in *ouo*; in *oculo*, vel in utroq;

*Dei Scientiam Sapiētiāq;* mirare, & venerare, cogitaq; te omnia, quæ facis, *diuino oculo* inspiciente, facere. Nullum est potentius frænum contra peccata, quàm si sciat feruus Dominum, reus Iudicem, homo Deum se semper præsentem habere. *Memento Dei*, ait S. Ignatius Martyr *epist. 9. ad Heronem, & non peccabis*. Ita propudiosa illa à peccato est abducta, cum à S. Ephrēm audisset; *Tu in foro, & coram hominibus agere erubescis, quod, Deo malorum vindice inspectante, patrare audes?* Sur. 1. Febr. Eadem Numinis præsentia & scientia omnia percallente, correctæ est, per Paphnutium, Thais, apud D. Antonin. p. 2. *hist. tit. 15. c. 10. §. 3.*

Nec absterrent oculi tantum à malo, sed ad I X. bonum quoque inflammant, & velut equum saginant. Ita de Magno Antonio Athanasius, & Sur. 17. Ian. de S. Catharina Senensi Raimundus, de S. Dositheo *Dorotheus in vita eorum*, docuerunt, si sint qui discere velint.

Regula hæc ante omne opus debet aspici: X. *Quidquid fit, fit teste Deo, qui cuncta iunctur*. Quis enim, tali teste, impium aliquid audeat? imò & postquam ausus est, non corrigat? Refert Petrus Damianus *Epist. 8. c. 8.* virum ceteroquin in misericordiæ & pietatis opera pronum, quique multa egenis bona facere solitabat, aliquando tamen ab Alastore eò pellectum, vt, Cacus

imitans pecudem alienam abigeret, & grunni-  
entem illam alicubi in specum occultam ab-  
struderet. Abscondit sanè pecus, sed non scelus.  
Quod sciri à Superis, vt sciret, adfuit extemplo  
diues IESVS, sed habitu pauperis, & cæsarie tam  
prolixa deformis, vt operâ tonforis videretur  
indigere. Abigeus pauperem benignis officijs  
excepit, atque inter cetera humanitatis impen-  
dia, etiam forfice cœpit attondere. Dum anxie  
discursat, dum satagit, dum caput vndiq; pectit,  
dum crinem demit, insperatò reperit duos luci-  
dissimos oculos, in occipitio, sub comis, latitan-  
tes. Expauescit ad prodigium, & fit attonitus,  
cùmque, *quid hoc rei?* pauida voce interrogâset,  
Respondit pauper: *Ego IESVS vocor, quem nihil  
latet. Et hi sunt oculi, quibus pecudem conspexi à te  
abductam, caueâque conclusam*, nec tam miseri-  
cordia tua delector, quàm vehementer factum  
istud mihi est displicitum. Hæc dixit, & dispa-  
ruit. Nec pluribus opus fuit, cetera abigeo con-  
scientia dixit: qui agnita, non modò Numinis  
vbique præsentia, sed etiam clementia incredi-  
bili, & de præterito satisfecit, & in futurum  
cautior fuit; doctus, *Argi oculos potuif-*  
*se sopiri, non Dei.*

Dei Mundum gubernantis prouidentia,  
in ouo deprehensa.

# EMBLEMA IV.

PROVIDA VENTURI NATURA:



**O** Va Crocodili Hadrianus Junius Embl. XIX. I.  
sequentibus versiculis explicat:

*Quòsacer excurret Nilus in arua,*

*Præsciùs alluuiæ libera ponit*

*Oua; monens meritò nos Crocodilus;*

*Quæ fata immineant, antè videre.*

Quàm nos diuersi sumus, qui medijs in pè-  
ficulis, & inter fyrtes, desideria nostra colloca-  
mus? Ergo Crocodilum habemus prouidentia  
ac securitatis circumspectiendæ magistrum.

Sed aliud quoq; ex his *ouis* discimus; nempe *ita*



qui Crocodilo *providentiam* indidit, longè esse *providentio-rem*; & esse, qui indidit. Cum enim Crocodilus cognitione finis destinati careat, & tamen, ob finem aliquem, *ova* sua in tuto ponat, necesse est, aliquam existere intelligentem naturam, à qua sicut ipse, & eius, vt sic dicam, pullatio, ita omnes res naturales scientia alioquin intelligentiaque destitutæ, ad finem ordinentur. Quæcunq; enim cognitione finis carent, *non tendunt in finem, nisi directæ ab aliquo cognoscente, & intelligente, sicut sagitta à sagittante*, ait S. Thomas 1. p. q. 2. a. 3. Hanc igitur intelligentem & dirigentem naturam, Deum dicimus. Quòd verò Crocodilus & alia corpora naturalia, ob certum finem agant, inde perspicitur, quia aut semper, aut sæpius eodem modo agunt, scilicet vt id, quod est optimum, consequantur. Vnde indubiè exploratum habetur, ea non casu, sed certo consilio ad finem peruenire; non suo; Ergo Dei. Ita Deum è *gubernatione rerum* vestigat Aquinas. Est enim *gubernatio*, post creationem, alterum opus *diuinæ providentiæ*.

III. Quare sicut è creatione, & prima rerum effecti-  
 one, quæ non casu, sed certo consilio, & decreto, ad omnes rerum circumstantias pertinentem, Mundum produxit; ita etiam è *gubernatione providentiæ*; ex hac autem, quia summa est, Deum deprehendimus, summum gubernatorem:  
 qui



qui operit calum nubibus, & parat terræ pluuiam;  
 qui producit in montibus fanum, & herbam serui-  
 tuti hominum; qui dat jumentis escam illorum, &  
 pullis cornuorum inuocantibus eum. *Psal. 146. 9.*  
 qui attingit à sine usq; ad finem fortiter, & disponit  
 omnia suauiter. *Sap. 8. 1.* etiam minima conser-  
 uans & gubernans, ait *S. Aug. l. 4. de Gen. ad lit. c.*  
*12.* Et adhuc estu, qui Mundum putes *Fortuna*,  
 non arte regi? *Claudian. 1. in Ruffin.*

*Nec curare Deum, credis, mortalia quenquam?*  
*Virg. Eccl. 8.*

Scilicet Crocodilo cura est de onno suo, & Deo  
 cura non est de Mundo suo? qui, vt *supra* vidimus,  
*Embl. 1.* Dei ouum est.

Hæc meditatio improlis non est. Quippe *IV*,  
 ex agnita hac Dei prouidentia, magna animo  
 tranquillitas, in summa rerum perturbatione  
 antea inquietato nascitur; cessant querelæ, timo-  
 res, sollicitudines; vt Christus *Matth. 6.* à volati-  
 libus cali, lilijs agri, fænoq; & *Luc. 12.* à passerum,  
 capillorumq; numero, pastis, vestitis, custoditisq;  
 docet. Desinat ergo impius tristi se cogitatione  
 confundere; desinat insipiens in corde suo dicere:  
*Non est Deus Psal. 13. 1.* desinat alius furere po-  
 tius, quàm canere:

*Cum capiant mala fata bonos, ignoscite fasso,*

*Sollicitor, nullos esse putare Deos.*

*Vine pius, moriare pius, cole sacra, colentem,*

*Mors grauis à templis in cana busta trahet.  
Ouid. 3. Am. 8.*

V. Lymphati sic loquuntur, ceritorum talis est oratio, aliter, subductis calculis, ratio iubet philosophari. Nam aliquid, post busta, superest bonis, & rectius ille:

*Abstulit hunc tandem Ruffini pœna tumultum,  
Absoluitq; Deos; iam non ad culmina rerum,  
Iniustos creuisse, queror; tolluntur in altum,  
Ut lapsu maiore ruant. Claudian. loc. cit.*

VI. Ampla venit pœna, quibus tarda venit. Nec Zizania nescit, qui Matth. 13. 30. dicit, *Sinite utraq; crescere. Tempore messis, ex eodem agro, alia in horreum, alia in caminum ibunt. Quamquã sæpe eodem momento vindicta sceleri adest: sæpe mirabiliter erumpit, quod humanis oculis tectum fuit, diuinis patuisse. Luculentum exemplum in iuvene Ephræm punito, Vita eius refert, vti & scriptura in Iosepho Patriarcha seruato.*

VII. Atque hæc prima est quæstio apud Lactant. lib. 1. c. 2. *natura sine providentia, qua rebus omnibus consulat; an fortuitu vel facta sint omnia, vel regantur. Cuius sententie auctor est Demacritus, confirmator Epicurus. Sed & antea Protagoras, qui deos in dubium vocauit; & postea Diagoras, qui exclusit; & alij nonnulli, qui non putauerunt Deos esse: quid aliud effecerunt, nisi ut nulla esse providentia putaretur? quos tamen & ceteri Philosophi, ac*

*maximè Stoici acerrimè retulerunt, dicentes, nec fieri mundum sine diuina ratione potuisse; nec constare, nisi summa ratione regeretur. Sed & M. Tullius, quamuis Academica disciplina defensor esset, de prouidentia gubernatrice rerum, & multa, & sæpe disseruit, Stoicorum argumenta confirmans; & noua ipse afferens plurima, quod facit tum in omnibus sue philosophiæ libris, tum maximè in ijs, qui sunt de natura deorum. Nec difficile sanè fuit, paucorum hominum prauè sentientium redarguere mendacia testimonio populorum atq; gentium in hac una re non dissentientium. Nemo est enim tam rudis, tam feris moribus; quin oculos suos in calum tollens, tametsi nesciret cuius dei prouidentia regatur hoc omne, quod cernitur; non aliquam tamen esse intelligat ex ipsa rerum magnitudine, motu, dispositione, constantia, utilitate, pulchritudine, temperatione: nec posse fieri, quin id, quod mirabili ratione constat, consilio maiori aliquo sit instructum. Hæc Lactantius contra nostræ ætatis Protagoras & Diagoras, heu, nimis multos! qui cum credant, oculum materiæ suæ mistura non solùm aliquid lucis continere, sed nonnunquam etiam tam efficaciter, vt per medias noctis tenebras clarè cernat (quod Tiberio Imperatori olim, & postea etiam M. Antonio Sabellico contigisse scribitur) cur Deum volunt facere cæciorem, cuius oculis omnia nuda & aperta sunt? aut quod de-*

terius est, cur credunt, Deum omnia videntem fore negligentem? An non sicut in paruo Mundo oculi omnium membrorum atque actuum, ita in magno diuini oculi totius creaturæ erunt moderatores? Quare ad feras belluas ablegandi sunt isti Athei nostri, qui prouidentiam Deo negant, quam crocodilo concedunt; digni deuotione illa, vt ipsi ad Nilum, & in crocodilos abeant; non vt cum illis serò lachrymentur, sed vt tempestiuè prouideant rebus futuris.

Quod facient, si semper ante oculos ponent omnia Prouidentem.



Summæ prouidentiae scopus, in  
ouo, notatus.

# EMBLEMA V.

HOC PUNCTVM, HOC CENTRVM,  
RERVM HÆC CYNOSVRA TVARVM.



**V**mbilicus ouis à cacumine inest, ceu gutta  
eminens in putamine, Plin. lib. 10. c. 52. I.

Cur? Physicam causam (vt scilicet ouum  
adhuc in vtero existens, per fistulam, seu ap-  
pendiculam vmbilicarem inibi annexam, nu-  
tritur) Cardanus lib. 7. de rerum variet. c. 39.  
his verbis indicat: *Grandines habent (oua) sin-  
gulas in capitibus, albumq; à luteo secernitur mem-  
branâ. In hac, dum pullus gignitur, constitutus est  
alter vmbilicorum, reliquus verò in membrana ex-*



teriore, quæ tertia membrana corticem succingentem  
 annectitur : uterq; horum venis jungitur cordi.  
 Idem ergo in ovo, quod in homine *umbilicus*.

II. At quia, sicut toti Mundo, ita etiam toti  
 ovo, & quanto plura illi, tanto plurima isti my-  
 steria inscribuntur, cur ovo *umbilicus* inest? an  
 quia *unum* Mundus est, &, ut *Plin. l. 2. c. 68.* ait,  
*non aliud est terra uniuersa, quàm Mundi punctus*,  
 immo, ut *Seneca* scribit, *adhuc puncto minus*? Vi-  
 de *Boët. l. 4. de consol. Phil. pros. 7. & Sap. 11.*  
*23.* Potest ita *umbilicus* ille intelligi.

III. Sed quid si rerum Conditor, sicut in circulo  
 centrum, in cælo polum, ita in ovo posuit gut-  
 tam illam eminentem, ut intelligeremus, omni-  
 bus rebus suum centrum, punctum, polum, &  
 cynosuram esse à Numinis providentia, quæ, te-  
 ste *Boëtio l. 4. de cons. prof. 6.* est *diuina ratio* (*or-  
 dinis rerum in finem*, ut addit *S. Thom. 1. p. q. 22.*  
*a. 1.*) *in summo omnium Principe constituta*, quæ  
*cuncta disponit*. Cum enim Mundus non sit casu,  
 sed certo consilio atque decreto ad minutissima  
 pertingente factus; erit utique eius, & singula-  
 rum in eo rerum creatio, diuinæ providentiæ o-  
 pus: quia nihil magis est providere, quàm eius-  
 modi consilio decretoq; aliquid præfinire. Qua-  
 re, sicut in Deo sunt notiones, & ideæ rerum in  
 se secundum essentiam ac formam suam specta-  
 tarum, ita etiam earundem notio, prout ad finem  
 tum

rum proprium, tum communem totius Vniuersi ordinantur, est in eodem Deo; atq; hanc primi nominis *providentiam* vocamus.

Hac ergo res omnes, non tantum extrinse- IV.  
co modo, sed etiam (tanquam perfectissima, & *vniversalissima providentia*) intima ordinatione in suos fines destinantur. Est autem finis cuiusque rei proprius operatio illius; communis gloria & manifestatio diuinarum perfectionum. Hinc, sicut res ceteræ à Creatore suo naturam, situm, figuram, locum, tempus, magnitudinem, paruitatem, symphatiam, antipathiam, temperamentum, vires, ceterasq; qualitates acceperunt, prout cuiusque status, functio, & finis particularis, exigebat: ita homines & Angeli lumē quoddam sortiti sunt, quo Deum cognoscerent, amarent, laudarent; ac ita ad principium suum, à quo effecti sunt, etiam tanquam ad vltimum finem reuenirent.

Idem enim est finis operis ac operationis, V.  
hoc est, hominis creati ac creationis. Opus enim, seu homo, quando nondum fuit, nequiuit sibi finem præfigere, ob quem crearetur. Præfixit ergo illi Deus; qui cum sitens à se, facit omnia propter seipsum, vt ex Aristotele & Platone confirmat *Cusanus lib. 7. excii.* Cum igitur homo sit opificium Dei, necesse est eum ad ipsum Deum tanquam ad finem simpliciter vltimum, referri  
ab.

ab auctore suo. Par est ergo, ut ipse quoque homo ad eundem finem suum tendat identidem. Quod ni faciat, videbitur opificem criminari, & quasi de malè sibi præfixo fine arguere, quem oporteat inuertere.

V I. Hac de causa *Marius Victorinus l. 4. aduers. Arrium*, Deum, ait, *sedere quasi in centro omnium qui sunt, quòd sit ipsum manens, vel mansio, quies quietis. Deum rerum centrum vocat etiam Synesius hymn. 2. & 3. Plotin. enead. 6. lib. 9. c. 8. At locum nostrum Deum appellat Theophilus Antiochen. 2. ad Autolyc. Euseb. lib. 4. c. 1. de demonstr. S. Gregor. 8. Moral. c. 15.*

V I I. Hunc fuisse communem Iudæis antiquis de Deo loquendi modum scribit *Galatin 2. de arca c. 8.* Certè quia ab vno Deo absoluta perfectio homini est expectanda, tanquam ab eo, in quo vno omnes nostri motus debent desinere, velut in termino, in quo nobis sit quiescendum; conficitur, Deum vnicum nostrum esse finem vltimum. *Quo modo enim finis vie tue locus est, quo tendis, ait S. Aug. in Ps. 50. quò cum perueneris, iam manebis; sic finis study tui, propositi tui, conatus tui, intentionis tue, ille est, ad quem prætendis; ad quem cum perueneris, ultra nihil desiderabis, quia melius nihil habebis.* Ut ergo circulus ad punctum redit, à quo cæpit, ita creatura, ad principium suum primum debet reuerti.

Atque

Atque iste est seu *oui*, seu Mundi istius ambitus, HOC PUNCTUM, HOC CENTRUM, RERUM HÆC CYNOSURA TVARVM, Ô homo, vt tibi Deus sit omnia in omnibus, 1. Cor. 15. 28. Nam *vniversa propter semetipsum operatus est Dominus*, Prou. 16. 4. Hinc ex ipso, & per ipsum, & in ipso (seu eis *αὐτὸν*, in ipsum) sunt omnia, Rom. 11. 36. In summa: Ego sum *α & ω*, principium & finis, ait Apoc. 1. 8.

Finis sanè nobilissimus, quò neque posset  
 præstantior poni, neque ab vlllo intelligente  
 optabilior excogitari. Neque ab homine res vlla  
 melior potest, in hac vita optari, quàm vt fide,  
 spe, charitate; Deum cognoscat, sitiat, amet,  
 glorificet, eiusque & similis, & filius, & hac via  
 tandem etiam diuinæ æternæque beatitudinis  
 particeps efficiatur. *Hoc punctum, hoc centrum*  
 vidit Augustinus. Cum l. 1. Confess. c. 1. diceret:  
*Fecisti nos Domine, ad te, & inquietum est cor nostrum,*  
*donec requiescat in te. Hoc punctum, hanc*  
*Cynosuram* in omni negotio aspici voluit, qui  
 dixit: *Deum time, & mandata eius observa: hoc*  
*est enim omnis homo.* Eccl. 12. 13. Quæ definitio  
 à communi illa Philosophorum: *Homo est animal*  
*rationalis*, nihil discrepat: quia animalis ratione  
 præditi maximè proprium est, *Deum time-*  
*re; & mandata eius observare*, cum sit homo ex in-
 trinseca sua natura ad hoc ordinatus; quem ordinem  
 si peruertit, iam nihil est homo, teste S. Bernardo;

VIII.

30 EMBL. V. PUNCTI, ET FINIS NOSTRI.  
nardo; & heu nimis infelix iaculator, ut qui à  
tam grandi scopo, hoc est, à toto cœlo; & im-  
menso Deo aberrat!

I X. Quisquis ergo punctum illud oui aspicit,  
illud sibi canat Persij sat. 3.

*Est aliquid, quò tendis, & in quod dirigis arcum?*

*Aut passim sequeris cornos, testaque lutoque*

*Securus quò pes ferat; atq; ex tempore vivis?*

X. Nec solum is non agit, ut homo, seu tanquam  
præditus ratione, qui actioni suæ nullum præsti-  
tuit finem, nesciens ipse sæpe quid, aut cur ali-  
quid agat; sed ille quoque, qui finem malum ha-  
bet. Tam enim rationi repugnat, imò magis, ob  
malum finem, quàm ob nullum agere. Verùm  
& otiosè agere peius est, quàm nihil agere.  
Quamquam nihil agere malum est, cum negli-  
gitur ingentis lucri occasio. Recenset ex Blosio  
Tilm. Bredenbachius l. 8. collat. c. 30. S. Mechtil-  
dem Virginem sæpe à Christo visitari solitam,  
aliquando eiusmodi Beatorum in cælis voces  
audiuisse: *Nos quidem in patria sumus, vos, in via;*  
*nos in calo, vos in terris; nos Deum videmus, & præ-*  
*mio fruimur, vos autem vestra, inter mortales, felici-*  
*tate non caretis, nam ad huc facultas est vobis, maio-*  
*res quotidie facere cumulos meritorum.* Quidquid  
toto die fit, fieri potest ex Dei charitate, & diri-  
gi ad æternæ salutis incrementum. Non est ho-  
mo, qui hoc PUNCTVM nescit; qui autem obser-  
uat, OMNE TVLIT PUNCTVM.

Malo-



Malorum permissio, in ouis,  
considerata.

## EMBLEMA VI.

SOLEM SVVM ORIRI FACIT SV-  
PER BONOS ET MALOS. Matth. 25. 45.



**V**T nonnullorum Poëtarum carmina, sic **I.**  
*ouorum,*

*Sunt bona, sunt quaedam mediocria, sunt  
mala plura. Nam, dum multipotens natura lu-  
dit, Mundumq; ipsa varietate ornat; Ouorum a-  
lia sunt candida, ut columbis, perdicibus: alia palli-  
da, ut aquaticis: alia punctis distincta, ut melea-  
gri: alia rubri coloris, ut Phasianis, cenchridi. In-  
tus autem omne ouum volucrum bicolor. Aquaticis  
lutei plus quàm albi, idq; ipsum magis luridum,  
quàm*

quàm ceteris. Piscium unus color, in quo nihil candidi. Animum oua ex calore fragilia, serpentium ex frigore lenta, piscium ex liquore mollia. Aquatili-um rotunda, reliqua ferè fastigio cacuminata. Plin. l. 10. c. 52. Apud Plutarch. quoque l. 2. 99. conuiuii. q. 3. ouum & volantia producit, & natantia innumera, & terrena, lacertas, & generis ancipitis crocodilos, bipedem volucrem, pedum exortem serpentem, multis pedibus nixum attelabum. Attingit hoc & Cic. 2. de nat. Deor.

- II. Animalia sana, oua sana pariunt: à bestiis venenatis nascuntur & oua venenata. Quædam in nidis ponuntur, quædam in paludibus, quædam in juncis; alia in arborum ramis, alia in litorum arenis; alia alibi. Denique ea est ouorum natura, vt facilè in eam complexionem, quam inueniunt, conuertantur; hinc sanis sana sunt, & plerumque inuitalia infirmis.
- III. Color ipse, etsi plerumque ad candorem accedat, arte tamen mutatur. Nunc enim scribitur, nunc pingitur, nunc tingitur, nunc raditur ouum: vt vel sicut purpura rubeat, vel instar terræ vireat, vel more cæli cærulū, vel æmulatione solis aureum, vel firmamenti imagine stellatum appareat. In summa tale est ouum, quale vis, quale facis.
- IV. Quid aliud sunt creaturæ? tanta diuersitas est, vt, si cum hominis vtentis, vel abutentis ingenio

genio cōferas, dicere etiam possis : In Mundo  
*Sunt bona, sunt quedam mediocria, sunt mala plu-*  
*ra; quanquam non nisi ratione malorum, Bonis*  
*omnia cooperantur in bonum, Rom. 8. 28. Ut ergo*  
*bona bonis creata sunt ab initio, sic nequissimis bo-*  
*na & mala. Eccl. 39. 30. bona quidem in se, &*  
*re, mala autem occasione. Nam auro liberalis*  
*utitur, avarus abutitur. Bonum ergo aurum est*  
*bono, malum malo.*

Eiusmodi mala Deus fecit; immo bona fe- V.  
 cit, & mala per malos fieri permisit; quia ad di-  
 uinam prouidentiam pertinet, & summæ gu-  
 bernationis opus est, non solùm Mundum, certo  
 consilio, & fine, condere, conseruare, & ad fi-  
 nem suum res quasque disponere; sed etiam per-  
 mittere, ut quædam à suo proprio fine excidant,  
 atque ita altiore ipsius Gubernatoris finem  
 gloriamq; manifestent. Dum enim peccata per-  
 mittit Deus, ostendit opera virtutis esse libera,  
 non coacta, sed præmio digna, cum peccari pos-  
 sit: excitat in illis, qui peccare possunt, benè o-  
 perandi sollicitudinem, ne peccent; quis enim  
 sollicitus esset, ne peccaret, si Deus nullum pec-  
 care permetteret? Denique si qui, permittente  
 Deo, non ob permissionem, sed ob suam maliti-  
 am declinant à bono, & peccant, punitione il-  
 lorum, suam iustitiam ostendit; quin & magni-  
 tudinem diuinæ maiestatis, quæ tanta est. ut vel  
 C ob

ob vnicum peccatum, aut Angelus, aut homo æterni ignis poenas mereatur. Ita ferè *S. Damasc.* l. 2. c. 29.

VI. Hinc *S. Augustino in Enchir. c. 96.* Non fit aliquid, nisi omnipotens fieri velit, vel sinendo ut fiat, vel ipse faciendo. Nec dubitandum, Deum bene facere, etiam fieri sinendo, quæcumq<sub>3</sub> fiunt malè. Non enim hoc, nisi iusto iudicio finit. Neq<sub>3</sub> enim, ut ait eod. l. c. 11. Deus omnipotens cui rerum est summa potestas, cum summè bonus sit, ullo modo sineret mali aliquid esse in opere suo, nisi vsq<sub>3</sub> adeò esset omnipotens & bonus, ut bene faceret etiam de malo.

VII. Cum igitur omnis operatio Dei bona sit, etiam ob permissionem malorum & detestabilium, est laudandus. Sicut enim varietate ororum, immo etiam monstrorum ornatur Vniuersum; ita varietate hominum, & operum, vel bonitas & misericordia, vel æquitas & iustitia Dei inclarescit; à qua Deus æquè laudandus, ac à bonitate.

Quare nemo potest diuinæ providentiæ dispositionem effugere; omnium rerum vltima linea, est gloria Dei, è certa illius virtute innotescens. In bonis laudatur bonitas, in malis æquitas Conditoris. Quisquis enim se subtrahit ordini diuinæ dispositionis, incidit in ordinem castigationis; & dum non vult subesse obediendo præceptis, cogitur subesse sustinendis tormentis. Sic iustus misericordiam laudat præmio; im-

pius



pius diuinam iustitiam honorat supplicio : ille  
 vt *ouum* columbæ ; iste vt *ouum* noctuæ. Deniq;  
 tam vipera, quàm ciconia Mundi pars est : pari  
 pacto tam iustitia, quàm misericordia Dei laus  
 est : nec totum nouit, qui nouit tantum miseri-  
 cordem.

Permittendi erant ergo & mali, quorum IX.  
 iudicio diuina iustitia æquè Mundo ostendere-  
 tur. Quæ iustitia ipsis quoque impijs prodest,  
 vt vel resipiscant, vel parciùs offendant. Si enim  
 nolunt virtutis amore, saltem metu iudicis pos-  
 sunt à scelere reuocari. Ita seruos timor, filios  
 amor coërcet; vtrosque autem ad imitationem  
 tam laudabilis virtus inuitat. Nec enim minùs  
 imitanda videri solet iustitia, quàm laudanda.  
 Quod vel in exemplo disce, ita luculento, vt id  
 D. Augustinus non dubitârit bis referre, scilicet  
*hom. 9. ex 50. & serm. 21. de verbis Apostoli: Di-*  
*cam, inquit, quid fecerit homo quidam pauperri-*  
*mus, eo tempore, quo S. Ambrosius Mediolani erat*  
*Episcopus, ubi tunc præsens erat etiam Augustinus*  
*nondum Episcopus. Tam pauper erat ille, de quo lo-*  
*quimur, vt proscholasticus esset Grammatici, sed*  
*planè verus & perfectus Christianus. Sed melior*  
*fuit ille, qui ad velum stabat, quàm ille qui in cathe-*  
*dram sedebat. Pauper ergo iste inuenit sacculum du-*  
*centorum solidorum. memor tamen diuine legis pro-*  
*posuit pittacium publicè: ( Qui solidos perdidit, ve-*



niat ad illum locum, ut quærat illum hominem ) Il-  
 le, qui plangens circumquaque vagabatur, inuento,  
 & lecto pittatio, venit ad hominem. Et ne fortè alie-  
 num quæreret, sed suum, quæsivit signa: interroga-  
 uit sacculi qualitatem, solidorum etiam numerum.  
 Cum omnia fideliter etiam ille respondisset, reddi-  
 dit, quod inuenerat. Ille repletus gaudio, & querens  
 vicem rependere, tanquam decimas, obtulit illi soli-  
 dos viginti. noluit accipere. Obtulit decem. noluit  
 accipere. Saltem rogauit, ut vel quinque acciperet,  
 noluit. Iste stomachans proiecit sacculum. Nihil  
 perdidit, ait: si non vis à me aliquid accipere, nec ego  
 aliquid perdidit. Quale certamen, fratres mei, qua-  
 le certamen, qualis pugna, qualis conflictus? Thea-  
 trum Mundus, spectator Deus. Victus ille, quod of-  
 ferebatur, accepit, & continuo totum pauperibus  
 erogauit. Vnum solidum in domum suam non misit.  
 Considerate, fratres, tam gloriosum exemplum, &  
 tam admirabile factum. Potuit inuentor ille suo  
 exemplo ad imitationem virtutis pecuniæ Do-  
 minum tam repentè incendere; cur Deus nos  
 seruos suos tot iustitiæ, liberalitatis, benignita-  
 tis exemplis non accendat? Accendit sanè, sed  
 bonos tantum. Malos autem qui exempla non  
 capiunt, ut bonis pro ligno sint, accendit flam-  
 mis. Si tamen non trunco potius, quàm  
 ligno sunt comparan-  
 di,

Ouum diuinæ iustitiæ speculum esse.

# EMBLEMA VII.

AB OVO VSQVE AD MALA.



**O**uum simile est non solum magno, sed et- I.  
iam paruo Mundo, qui est homo, teste S.  
Greg. hom. 29. in Euang. in quo, tanquam  
in Laconismo aliquo, omnes creaturarum gra-  
dus compendiosè comprehenduntur. Quin &  
alioquin est magna, cum ovo, homini similitudo.  
Ouum nequam allisu frangitur, fatensque ad fi-  
num exturbatur, sic & Adam, postquam defice-  
re cepit, eiectus est è Paradiso, & in miseras in-  
numerabiles coniectus, quo similior esset ovo. Vt  
igitur ovo, ita iam homine nihil quidquam fra-  
gilius. Ephemeræ vita, vita hominis; quæ, instar

*oui*, vel casu, vel allisu rumpitur. Non ita fuit ab initio; sed per unum hominem peccatū in hunc Mundum intrauit, & per peccatum mors. Rom. 5. 12. Sic AB OVO, serpentis fraude, ventum est VSQUE AD MALA. Serpens enim cum Eua locutus, *ouum* putrefecit, hoc est, ex bono homine, malum fecit: dum pessimi consilij *ouum* in Eua posuit, quo & Euam & *malum* venenauit; indidem subito innumera *mala* generata sunt; eademque hora Adamus & pomum, & mortem coepit gustare, factusque est *ouo* fragilior, per culpam, qui per gratiam è cælo corriuatam, iustitiāque originalem, immortalis esse potuisset.

II. Hinc animi & corporis morbi, in hac vitā pariter tolerandi, & in illā flammā æternū sufficere luendi; ni auxiliator interuenisset; quem tamen ipsum quā plurimi, deprauato consilio, res sibi suas habere iubent. Vt dici possit illud Horatij sat. 3. *Neglectis vrenda filix innascitur hortis*. Sic dum Dijs par esse voluit Adamus, basilicè perijt, inde fragilis, vnde fortis; inde mortalis, vnde voluit esse sempiternus.

III. Quid è fragili hoc igitur *ouo* discemus? Ex *ouo* magnum Mundum significante, vsque ad Dei laudem ascendimus; superest nunc, vt ex *ouo* paruum Mundum repræsentante, vsque ad diaboli cognitionē descendamus. Fragilitas enim,

& mors per peccatum; peccatum autem per diabolum, in hunc Mundum intrauit. Hunc habet hoc opus auctorem. Quāquam longè etiam hīc altius licet penetrare, atque eximias Dei laudes in corrupto quoque hoc *ouo* cognoscere.

Principem ac Magistratum omni quidem IV.  
virtute decet esse ornatum, sed iustitiā præcipuè, quæ in illo non solum ex imposito officio exigitur, sed etiam officium ipsa exigit imponendum; adeò, vt ille, in *vetere comœdia*, hæc duo connectat, dum ait: *Bonum ius dicis, Imperare oportet: quia æquum postulat.* *Plant. Stich.* Et S. Gregorius grauior auctor *lib. 7. ep. 120.* ad duos Franciæ Reges ait: *Summum in Regibus bonum est, iustitiam colere, ac sua cuique iura seruare, & subiectis non sinere, quod potestatis est, fieri, sed quod æquum est, custodire.*

Hanc iustitiæ virtutem in Conditore esse V.  
magnam, & infinitam, qui agnoscit, Dei laudem maximam agnoscit. Quia verò causa inuisibilis, & abdita in Deo, non potest à nobis rectius, quàm ex effectis, sicut & omnis virtus ex operibus suis, cognosci; fit, vt quemadmodum omnipotentiam, sapientiam, bonitatem diuinam, ex operibus earum cognouimus, ita iustitiæ diuinæ seueritatem perfectionemque itidem è gestis illius intelligere debeamus. Horum autem gestorum primum à primo, fuit punitio Adami peccantis,



VI. Adam ergo primus homo, præter, & supra naturæ cursum à Deo productus, non infans, sed perfecta ætate vir, viribus robustissimus, membrorum proportionem formosissimus, ingenio, solertia, scientijs, & ceteris primi nominis dotibus instructissimus, totius Mundi dominus; virtute omni, quâ naturæ, quâ gratiæ eminentissimus; in terris longam ætatem beatè, in cælis postea, sine vlla morte beatissimè victurus; serpentina fraude, vxorij blanditijs seductus, pomum ori admouit lege vetitum. Idque semel duntaxat. Et ecce, quid sit Deum offendere, aut pœnas neglecti Numinis repetere! Vnico illo peccato non tantum, quasi de fera comedisset, oscitans est factus; sed etiam sibi, atque toti suæ posteritati vires, incolumitatem, immortalitatem, Paradisum, gratiam diuinam item, charitatem, ius regni cælestis perdidit, & summam felicitatem, cum maximis miserijs commutauit. *Tanta sunt animis celestibus iræ, vt vnus ob noxam, in limine deficientis, tam grandibus, huius, & futuræ vitæ bonis, & primum maximūque principem, & innumerabilem hominum multitudinem spoliarent, atque in æternum exitium ruere sinerent.*

VII. Quis non caueat peccare? quis non exclamet? *Horrendum est incidere in manus Dei viuentis. Hebr. 10. 31.* Ita ab ovo ventum est vsque



AD MALA, hoc est, à suggestionē diaboli & Adami peccato, vsque ad diuini vindicis supplicia; à malis autem suppliciisq̃ue, & tantæ iustitiæ metu, velut psallio quodam iniecto, rursus venit ad bona. Hic in hoc *ono* orbis est. Vel Ethnicus *Seneca in Agam.* dixit: *Miseris colendos maximè superos reor.* Saltem ergo miseri colamus, quem offendimus felices: vt vel hoc pacto, qui fuit creando principium, vindicando quodammodo medium, finis autem, & summa nostra sit remunerando.

Hoc, velut stimulo, vt hominis ignauia vrgeretur, multa alia & grauiā extant *diuinæ iustitiæ* exempla. Nam, vt generis humani, ita & cælestis regni Principibus semel duntaxat peccantibus non pepercit, *sed*, vt est *2. Petr. 2. inferni rudentibus detractos in tartarum tradidit cruciandos.* Ac ne quis duos tantum dicat punitos, in paradiso, ingens caterua fulminata est in cælo; ac postea, exceptis pauculis, generali cataclysmo, vniuersus orbis cum suis incolis deletus est. *Gen. 8.* Quod si pluuia illa aquea mitiore morte extinxit natantes; postea *Gen. 19. Dominus pluit, super Sodomam & Gomorrhā, etiam sulphur & ignem, à Domino de calo, & subuertit ciuitates has, & omnem circa regionem, vniuersos habitatores urbium, & cuncta terrā virentia.* Exinde quas non etiam immisit plagas Pharaoni & Ægypto?

*Exod. 7. & seqq.* Quæ non bella, incendia, vastationes, fames, pestes varijs populis? postquam mensuram peccatorum suorum impleverunt. Singulas clades recensere immensum est. Hæc omnia *mala, ab ovo* illo prodierunt in homines. Quia tamen, esse aliquem scelerum vindicem demonstrant, Deo bona sunt. Quin fiunt etiam homini bona, si se, per scelerum pœnas, finat à sceleribus absterreri. Et vel vnica Adami absterrere queat, cui pœnæ & ipse pœnitentiam adiecit, & quidem adeò diuturnam, vt, ob funestum illum morsum, omnem reliquam vitam, quæ ad nongentos extensa est annos, gemens ac plorans traduxerit. Tantum mali fuit in vno malo.

*Inunc, Peccator, cum crimine crimina confer;  
Et, quæ sufficiat iam tibi pœna, vide.*

Parvi, & quodammodo etiam Magni  
Mundi corrupti figura Ovalis.

EMBLEMA VIII.  
TANTVM PONDVS INEST  
PECCATO,



**S** Anchoniathon Tyrius, antiquissimus Phœ-  
niciae Scriptor, Mundum *ovo* (sicut nos so-  
lem *ellipticum*) putabat similem: alij turbi-  
nis figuram habere docebant; verior Philoso-  
phia est, in globi eum speciem esse rotundatū, si  
corpus, & naturam spectemus. De moribus verò  
si æstimandus sit, meritò nunc ita loquitur:

*Prima figura fuit longè perfectior: eben*

*Orbem non Orbem me graue fecit onus!*

*Antè rotundus eram, nunc sum depressus in ouum*

*Cri-*

*Criminis hoc opus est, Numinis illud erat.  
 Et tamē exosum est Numen mihi, crimē amatur:  
 Exosum, ô, crimen sit mihi, Numen amem!  
 Tunc iterum perfectus ego, teres, atq; rotundus,  
 More pile, recto tramite, ad astra ferar.*

**II.** Nam seu paruum, seu magnum Mundum, in ovo, intelligas, vterque peccati pondere pressus subsedit. De homine, seu paruo Mundo Ecclesiastes c. 7. 30. ait. *Hoc inveni, quod fecerit Deus hominem rectum, & ipse se infinitis miscuerit quasi-  
 onibus.* Rectus itaq; erat iustitia originali animus; rectus diuino ac naturali lumine intellectus; rectus omni virtutum genere affectus, & voluntas. Talem hominem Deus fecit, formosissimum, fortunatissimum, & quàm potuit in terris, beatissimum; vno verbo, totum rotundum, & sphaeræ instar, perfectissimum, quoquo item versus rectum, vt *propila eo uti liceret*, qua Deus luderet, in orbe terrarum. Cui etiam similis erat magnus Mundus. Nam, teste Plutarcho de Placitis, ac Lactantio l. 3. diu Inst. c. 13. Philosophi quoq; rotundum esse Mundum, sicut pilam, & ipsam terram globo similem, dixerunt. Talis & homo erat.

**III.** At vide, quid possit peccatum! jam hominum generi canitur, *ô curuae in terris animae, & calefactum inanes!* Pers. Sat. 2. *Incuruati sunt colles mundi Hab. 3. 6.* scilicet quando creature homini

mini dicere aufæ sunt, *incuruare, ut transeamus* Isa. 51. 23. & animum priùs ab omni mala seruitute liberū sub juga ahenea, sæuo cum joco, mittamus. TANTVM PONDVS INEST PECCATO, non solū corpus, sed ipsam quoque hominis animam incuruauit, sauciauit, subiugam fecit; incorruptibilem, vitijs corrūpit; serenam affectibus perturbauit. Hinc curarum spinæ sunt subnatæ, hinc desiderijs cruciantibus æstuamus, hinc jugibus fluctuamur ærumnis. Hinc æger est animus; immo & anima ægrotat. Qua de caussa, *Sana animam meam, quia peccauit tibi*, ait Psal. 40. In quæ S. Aug. l. de nat. & grat. c. 19. *Quid* (inquit contra Pelagium) *sanatur, si nihil est vulneratum, nihil sauciatur, nihil debilitatum, atq; vitiatur?* Vide Concil. Arausic. can. 1. & Trid. Sess. 6. c. 1. S. Ambros. l. 7. in Luc. 10. super parabola hominis ex Hierusalem descendentis in Hierchō, & in latrones incidentis. Prosper l. 1. de Vocat. Gentium c. 7. verba sunt, omnes homines in primo homine, sine vitio conditi sumus, & omnes naturæ nostræ incolumitatem eiusdem hominis prauaricatione, perdidimus. Inde tracta mortalitas, inde multiplex corporis animiq; corruptio.

Adde, & ipsius etiam quodammodo *Mun. I V.* di magni. Nam inde mortalia quæuis in se ruer; inde spinæ pungere; inde fruges tellus inarata non ferre; inde nubes tonare; inde cælum

in



in homines fulminare; inde sæuire leonēs, effe-  
rari belluæ; nocere conuiuia, & nullæ non res  
morbos mortesq; minitari cæperunt. *Quia ergo  
in cunctis deliquimus*, ait *S. Greg. hom. 35. in Eu-  
uang. in cunctis ferimur, ut impleatur, quod dici-  
tur* (Sap. 5. 21.) *Et pugnabit pro eo orbis terrarū  
contra insensatos.* Ed idem *lib 6. Moral. c. 5. Or-  
bis*, inquit, *terrarum cum Domino; contra insensa-  
tos pugnat; quando in pena delinquentium etiam e-  
lementorum aduersitas militat.* Cui lectum, vel  
auditum non est illud *Iudic. 5. 20. De celo dimi-  
catum est contra eos: stelle manentes in ordine, &  
cursu suo aduersus Sisaram pugnauerunt?* Hinc  
tempestates. hinc procellæ. hinc pestes. hinc  
veri Paniciq; metus hinc, in magno paruoq; Mun-  
do, omnia susq; deq; vertuntur. Quæ ab initio  
sic non fuere.


- V. Opera siquidem Dei perfecta sunt. Quare  
etiam in Adamo nondum peccatore non fuit  
ista motuum perturbatio, repugnantia, & ad  
malum inclinatio, quam (prò dolor) nunc ex-  
perimur. Vitio ergo hominis, natura hominis,  
& Vniuersi est vitiata, non culpâ auctoris: quam  
aliter ab initio institui debuisse vel Philosophi  
agnouerunt, cum ob tot incommoda, quæ in se  
experiebantur, Naturam, tanquam nouercam  
incusarent, teste *Lactantio l. de opific. Dei c. 3.*  
*Sed rectè S. Augustin. lib. 1. de nat. & grat. c. 1.*

3. ostendit, non naturam ( quæ vt supra docuimus , ab initio non fuit sic constituta ) sed naturæ corruptorem fuisse accusandum; cum etiam Salustius *initio belli Iugurthini* dicat: *Falsò queritur de natura sua genus humanum.* Quare meritò, cum eodem Augustino *Serm. 11. de verbis Apost.* dicimus: *Creatus est homo in natura sine culpa : creatus est rectus, non se fecit rectum. Quid autem fecerit notum est : cadens à manu singuli fractus est.*

Tam rectum opus curuari, tam pulchrum VI.  
frangi permisit Deus, ob peccatum, opus, quo, post Angelos , preciosius non produxit : ita monstrum hoc detestatur. Et nos adhuc amamus? aut naturam accusamus, quasi illius imbecillitate, & non nostra voluntate incuruati sumus? Ostendit *Cardan. l. 13. de rer. var. c. 63.* communi circino, non rotundum circulum, sed *oualem figuram* describi in cylindro, aut columna rotunda; idq; non fieri, vitio circini, sed curuitate cylindri, in quo à pede circini linea sursum tendens breuior est ( quia recta est ) quàm quæ ad latus tendit, & , ob columnæ rotunditatem, fit longior, *quia curuior.* Atque ita iusto circino, non fit iustus circulus, sed *figura oualis*, quæ rei causam ignorantes in admirationem rapit. Pari modo quòd Mundus iste tanquam  
Nu-

48 EMBL. VIII. MVNDI CORRVPIT.

Numinis circinus, curuum aliquid minimeque  
 rotundum, in nobis, producat, & sæpius *ouum*,  
 quàm globum, efficiat, non tribuendum est cir-  
 cino diuino, sed animo humano, per vi-  
 tium curuato. Rectus esset Mun-  
 dus, si nos recti mansisse-  
 mus.



Mundus

Mundus in captendulæ ouum, pec-  
cato, factus.

EMBLEMA IX.  
DECIPIT, QVOD ALLICIT.



**E** Mustelarum genere pretiosæ pellis fera 1.  
est, *martem* vocat Martial. l. 10. Epigr.  
quæ, quantumvis callida, capitur tamen  
*ouo*, vel ante, vel in captendula, exposito; sicut  
piscis hamo esca vestito: immo sicut & *ouo* pi-  
scis. Nam dimidio *ouo* constringi cammarum  
piscem vel Iuuenalis, docet, qui illecebram il-  
lam *exiguam feralis canapatellam* vocat. *Ovum*  
vidimus esse Mundum & creaturas; his pasci  
homo, propter quem conditæ sunt, & ad Deum  
cognoscendum, amandum, colendum, rapt, sic-

D

ut

ut potuisset, ita debuisset. *Quid enim Mando præstantius? lauda quam putas speciem. portio à te laudabitur Mundi. Luc. Apul. de dogm. Platonis.* Seruit vir nobilis Principi, ob pulchram domum, vel arcem sibi ab eo donatam, & quanto plura beneficia accipit, tanto plurima studet promereri. Famelicus Mecœnati, ob victum sibi suppeditatum, quàm non se obstrictum agnoscit? An non par erat, ut id ipsum homo præstaret Numini, à quo Mundum, & omnia, quæ eo continentur, idcirco accepit, ut donanti gratus esse, vel hoc ipso munere, disceret?

- II. At usque adeò peccato destructus est, non modò *parvus*, sed etiam ipse *magnus* hîc *Mundus*, ut totus ille diuinæ prouidentiae ordo, ac ratio gubernandi, quam Deus ex se constituerat, & Mundo præparauerat, sint euerfa. Multò enim alia, quàm sit modò, fuisset rerum gubernatio, si Adamus culpam nullam commertuisset. Vniuersa sic administrata essent, ut nullæ res homini damnum, nulla tristitiam, immo neque molestiam peperisset; neque ad peccatum allexisset. Omnia illi obsecundassent, omnia voluptatem, ac opem salutis adipiscendæ attulissent. Quæcumque optasset, velut diuina virgula, consecutus esset. Permulisset rosa, non pupugisset spina; refrigerasset aura, non vssisset frigus, aut æstus: non fames, non sitis; non morbus,



bus, non senectus; non copia, non inopia afflisset: non dolores, non curæ, non inuidiæ, non inimiciæ somnos turbassent. Vniuersa hæc impedita fuissent; per eam, quam Conditor instruxerat, prouidentiae rationem. Omnia virtuti seruijsent, nihil ad impatientiam, nihil ad auaritiam, nihil ad libidinem; nihil ad crudelitatem sollicitasset.

At tanta est peccati, in diuinis oculis immanitas, vt iustissimus rerum Arbiter, ob eam, sustulerit hanc tantam prouidentiae suæ suauitatem, resque omnes suis motibus ferri, atque in hominem Dei inimicum, velut facto agmine, vndique interius, exteriusque, insurgere, grassari, sæuire permiserit. Hac ergo iam prouidentia, velut compede, aut fibula remota, Homerica illa Ate cœpit in orbe terrarum dominari; hominesque innumeris & corporis, & animæ malis implicare; vt iam vbique scopuli, & omnia possint obesse incautis, quæ ante profuerunt. *Ignis, grando, fames & mors, omnia hæc ad vindictam creata sunt: bestiarum dentes, & scorpj, & serpentes, & romphaa vindicans in exterminium impios. Eccli. 39. 35.*

Quid multa? Postquam Mundus peccato est contaminatus, creaturae Dei in odium factæ sunt, & in tentationem animabus hominum, & in muscipulam pedibus insipientium. *Sap. 14. 11.*

Permittit enim iustissimè, in pœnam, his Noxis, hominem sollicitari tentarique Deus, vt earum occasione, velut *muscipula* capi possit; sicut Cæsar urbem aliquam perduellionis ream, quam antea omni ope defenderat, atque in pace felicitatèque conseruârat, reuocato milite, proscrip- tam, rapinis, cædibus, incendijs, hosti vastan- dam & diripiendam relinquit.

- V. Quamquam ita diuinam vindictam miseri- cordia temperat, vt etiam, cum irascitur, miseri- cordiæ recordetur. Hinc etiamnum *creaturæ fa- cta sunt tantum in muscipulam insipientium*. Sa- pientes alliciuntur, non decipiuntur: fatuos DECIPIT, quidquid ALLICIT. Quare illis de ipsa illecebra victoriam reportantibus, & istis, gulosæ *martis* instar, ad putiscens *ouum*, aut re- positum, & nequam piscem occurrentibus, *hec omnia sanctis in bona, impijs & peccatoribus in ma- la conuertentur. Eccli. 39. 32.* Vnde rursus di- uinæ prouidentia eminentiam agnosce, in hac ipsa rerum miseria, te *in manu* consilij tui, & arbitrij libertate relinquentis, vt virtutem tuam vel probaret, vel excitaret. Itaque *apposuit tibi aquam & ignem: ad quod volueris, porrige manum tuam. Ante hominem vita & mors, bonum & ma- lum, quod placuerit, dabitur illi: quoniam multa sapientia Dei. Eccli. 15. 17.* Stultitia autem in- signis est, in arbitrio habere bonum, & manum  
con.

conuertere ad malum; longéque maior stulti-  
tia, & hominis prorsus stupidi est, in malum  
gustatum iterum incidere. *Bis enim*, ait S. Greg.  
Naz. *in ep. ad Bosphorium, ad eundem lapidem im-*  
*pingere, solis stultis concedit prouerbum* : & vel  
vulpes non iterum capitur laqueo, quo semel  
se exuit. In mentem est, versus Horatij huc con-  
gruere, *lib. 2. serm. 7. dicentis*:

*Euâsti? credo metues, doctûsque cauebis.*  
*Quæres, quando iterum paueas, iterûmq, perire*  
*Possis. ô toties seruus. quæ bellua ruptis,*  
*Cum semel effugit, reddit se prona catenis?*



Hominis, ad peccandum, ex se proni-  
tas, in oui iactu declarata.

## EMBLEMA X.

ARTEM QVI NESCI, IACVLAN-  
DO SÆPIVS ERRAT.



I. **T**anta *oui* globiq; diuersitas est, vt in con-  
clau non admodum â fenestra distantes,  
longè plura *oua*, cum ipsis fenestris, fra-  
cturi sint, quàm per reſeratam vnam, rectis li-  
neis, proiecturi; qui tamen globum, vel etiam  
lapidem, multò remotiùs diſſiti, per eandem fe-  
neſtram eſſent ſparſuri dexterrimè, iacturamq;  
ſine iactura facturi. Cauſſa eſt, ponderis & fi-  
guræ in *ouo* inæqualitas, motus lineam per ob-  
liqua curuantis. Multùm tamen adiuuat jacu-  
lantem,



lantem, si januam à tergo pandat, vt *ouum* à vento transeunte vectum dirigatur. Atque hæc ars est magnatum *oua* lusu, non esu perdentium.

Tale nunc *ouum* est homo, & Mundus ho- II.  
mini corrupto, ac diuinis donis spoliato. Vbiq;  
ferè; ni cælestis aura aspiret, vel impingit, vel  
impingitur. Apostoli scitum est: *in multis offen-*  
*dimus omnes, Iac. 3. 2.* Adeò non jam citra Con-  
ditoris nostri ingratias, sed etiam, cum eiusdem  
offensa, multa perpetramus. Peccati ea gratia  
est. Tametsi enim nuda hominis & sibi relicta  
natura, ex se plurimis esset subiecta defectibus  
& miserijs; & adeò, vt etiam omnibus rebus si-  
bi debitis exornata, tamen adhuc à clara Dei vi-  
sione, atque æterna beatitudine longissimè di-  
staret; voluit nihilominus diuina bonitas & mi-  
sericordia illam (& propter illam totum istum  
Mundum corporeum) ad bona supernaturalia  
destinare.

Euexit ergo in Paradiso eam (sicut & An- III.  
gelicam in cælo) ad statum supernaturalem, æ-  
ternorumq; suorum bonorū communionem,  
qua omnes imperfectiones illæ tollerentur.  
Cum autem omnis creatura corporea sit pro-  
pter hominem; hoc ad statum beatum sublima-  
to, ipsa quoque vnà erat sublimata, vt domus  
habitatoris sui dignitati conueniret. Sicut &



post decretorium vltimum diem, omnis creatura innouabitur, & pro suo quæq; captu ad incorruptibilem gloriosumq; statum extolletur. *Rom. 8. 20. 2. Petr. 3. 13.*

IV. Ex hoc statu supernaturali excidit homo, & ad suam illam nuditatem miseriasq; recidit; ob peccatum, iustitia originali exutus, ceterisq; diuinis virtutibus, ac singulari Dei protectione directioneq; non autem libertate arbitrij, aut aliqua potentia naturali spoliatus. Cum hæ & sint hominis proprietates, & etiam in Dæmonibus, post peccatum, dicantur à S. Dionys. *l. de diuin. nom. c. 4.* integræ remanisse. Vide S. Thom. *1. p. q. 95. a. 1. Et. 1. 2. q. 85. a. 1.*

V. Quia verò originalis iustitia gratiaq; non modò ad supernaturales actus facultatem Adamo præstabant, sed etiam, vt sine difficultate & peccato, officium naturale illarum virtutum, quarum actiones lege naturæ præcipiuntur, exqueretur; ideò subductis illis supernaturalibus donis, natura hominis, in quatuor potissimum rebus dicitur, plus quàm Chironio vulnere vulnerata; nam *intellectus ignorantie, voluntas malitie, concupiscibilis appetitus concupiscentie, irascibilis infirmitatis plagam* accepit; ad naturalem suam cæcitatem, inclinationesq; sicut & ad morbos, & mortem, quibus ex se erat subiecta, miserè relapsa; tantoq; miserius, quia jam non tantum

tum se habet deplorare, vt nudam illis donis, sed etiam vt nudatam atque spoliatam.

Hinc ergo dissoluta est illa harmonia, qua **VI.**  
corpus animæ, sensus rationi, ratio Deo se planè & plenè in statu naturæ integræ subiiciebat. Hinc tot errores, nisi diuina arte, gratiaq; singulari aspirante, opera nostra, velut *oua volantia*, dirigantur. Pulchrè D. Fulgentius *l. de Incarn. & gra. Christi c. 19.* Ex quo, inquit, primus homo naturam suam voluntariè vitiauit, atq; oppressit infirmitas; nisi diuina gratiæ medicamento prauentum, in unoquoq; homine sanetur, atq; inuetur liberum indefinenter arbitrium, est quidem liberum, non tamen bonum: est liberum, non tamen rectum; est liberum, non tamen sanum. Hinc maiorum census accreuit. Sepe jam peccamus, quia semel peccauimus: nec finis fuisset, nō jam à fenestra, sed à janua ipsa cæli identidem aberrandi, ni cælum Christus aperuisset, vnde diuini Spiritus Fauonij cæperunt spirare, & fugare hominum seductores.

Ostenfum est hoc S. Mariæ de Ogniaco, vt **VII.**  
in vita eius *l. 2. c. 4.* refert *Iac. de Vitriaco Episc. Aconensis & Cardinalis.* Nam in D. Virginis Irensis templo, cum puer quispiam exorcismis aliisque Ecclesiæ ritibus precibusque, ad lustrales Baptismi aquas suscipiendas, pararetur, cōspexit fugatum malum dæmonem, erroris alioqui

futurum auctorem. Eius verò loco, cum primum puer sacro fonte ablutus esset, visendâ sanè specie diuinum Spiritum, in pueri animam subintrantem vidit, magnâ Angelorum cateruâ comitante. Hic ergo Spiritus, dum spirat, dumque suâ nos gratiâ ornat, momento temporis, ex errante seu *ouo*, seu *oue*, rectè volare docet, & rotundos facit, omnibusq; gemmis preciosiores. Quippe vt *S. Thom. 1. 2. q. 113. a. 9. ad 2.* tradit, vel minimus diuinæ gratiæ gradus, quia ipsius diuinitatis quædam est participatio, *diuina nos consortes natura* ( *2. Pet. 1. 4.* ) efficiens, omnibus totius Mundi opibus & gazis longè antecellit. Quare, vt peccatum summè noxium, summè est detestandum; ita gratia summè necessaria & pretiosa, summè æstimanda, quærenda, seruanda, augendaq; est; natura autem dum peccato fauet, non fouenda, non delicatè habenda, non nimis amanda, sed frænanda, & mortificanda est. Huic enim quantum detrahitur, tantum ad gratiam additur. Deniq;

*Corrigit errantem naturam Gratia: sed cui  
Plus Natura valet? qui nihil ipse valet.*

Ovi, humanâ; hominis, diuinâ  
arte, erectio.

# EMBLEMA XI.

FIERI QVIS POSSE PVTASSET?



**I** Vsti Lipsij Operum ad Criticam spectantium I.  
Præfatio ad Lectorem hæc habet. *Ita humanū ingenium est, facilia putare, quæ iam facta : nec de salebris cogitare, ubi via strata. Christophori Columbi dictum & factum appositè ijs ingeram, illius, qui nouum orbem retexit primus. Cum enim ea res in magna gloria, & simul inuidia esset : ita euēnit, ut, in conuiuio quopiā, Hispani proceres hanc laudem eius delibatum irent, & imminutū. Quippe rem pronam eam fuisse, nauigationem sine discrimine, vnum aliquem ex se se potuisse easdem illas terras*



*terras gentesque reperire, sine Itali hominis ullo usu. Columbus (aderat enim) cum tacitus diu audisset, surrexit, & velut aliud agens ouum attulit à gallina, in mensa reposuit. & Hec sodales, inquit, quis vestrum ille sollers, qui hoc ouum rectum mihi destituit, & in caput? Mussare illi, circumspicere; negare ad extremum omnes, id fieri. Ille clementer, Immo fiet, inquit: & simul ouum leuiter à capite lassum & quassatum, deposuit erectum. Enimvero hic risus & irrisus, pro se quisque, rem facilem nugatoriâque esse, dicere. At tamen ita ille renidens, quis vestrum hoc facile ante me indicem potuit? Talis inuentio mea noui orbis est: quem inueniendum nemo, omnes inueniant inuentum. Hæc ille.*

- II.** Nos, quando iam semel hominem ouo cōtulimus, etiam *lapsam ouo* iacenti conferamus. Igitur sicut *ouum* sua vi, aut naturâ se erigere nequit; ita homo sibi relictus, semel in perniciem *lapsus*, semper iacuiisset, suo pondere & impetu de peccato in peccatum ac tandem in æternum exitium ruens. Invenit Deus artem, qua erigeret, & quidem longè præstantiorem, quàm qua Columbus *ouum* priùs fregit, quàm erexit. Immo erigendo hominem fractum Deus sanauit: sicut & illa ars reperta est, qua *ouum* integrum rectum, & in utrumvis caput destitui possit, non per iocum & sales, in salino, sed seriò, ac manu ita agitatam, vt grauissimum eius, *vitellus* scilicet, sub-



subsidat, libramenti loco. Verùm & ista ars, licet non peræquè facilis, ac Columbi nugatoria, tamen facilis est, & reperta multos habet imitatores, qui *ouum* illæsum, in alterutro cacumine sistant. Audi Puteanum or. 20. *Erectum in plano stare ouum, quid ni credas? possum collocare. Ita dico possum collocare. non ut ille noui orbis inuentor, qui testa caput leuiter in mensam allisit, & apta imagine obirectorum linguas repressit: non profectò. nam ille hoc ipso confessus est, tam arduo labore antipodes quæri, quam ouum statui, & fallaci astu peregit, quod aliter fieri posse desperârat. quotquot nascuntur oua, locabo integra & illæsa; haud aliter quàm nucem, glandem, pyrum solemus. Experiatur quicumque volet, facile inueniet, quod αὐτόματον existimârit. Etenim tanquam calum & sidera amet, ouum erigi se patitur, manuq; statuentis morem gerens, fastigio innititur, & onere libratum quiescit. Ita ouum erigere etiam illæsum ars potuit.*

At hominem erigere nemo potuit, nemo III.  
 potest, etiam postquam erigi vidit, præter Deū. Tanta enim erat naturæ nostræ ad casum procliuitas, tantus impetus, ut à nẽmine, nisi solo Deo, posset sisti ac inhiberi; tantum denique erat ipsum malum, tamque non solùm inolitum, sed etiam atrox, adeoque magna cum iniuria, in infinitam illam Maiestatem coniunctum, ut  
 nul-

nullis Angelorum hominūque etiā sanctissimorum operibus, quantumvis præstantissimis, æquivalens satisfactio divinæ justitiæ posset exhiberi. Quisquis hīc mortalium Podalirius, quisquis Æsculapius esse voluisset, aut manū admovere, *Acesias medicatus*, audijsset.

IV. Postquam ergo, neq; in cælo, neq; in terris, ullum ingenium, aut vires erant, quibus è tam multiplici miseria, rursus ad supernaturalem statum erigeremur, & pulsus tot malis, amissa bona recuperaremus, Deus cuius misericordiæ non est numerus, & bonitatis infinitus thesaurus, intimis visceribus commotus, inauditum, admirabile, ineffabile, superis, inferisque obstupescendum adinvenit consilium, vt *Verbum* illud divinum immortale, ab æterno natum; in tempore nostram naturam & mortalitatem indueret, in qua, & per quam nos lapsos erigeret, corruptos restauraret. In quo facto, & summus iustitiæ rigor, & infinitæ misericordiæ fons perennis fuit nobis patefactus; vt timere, pariter Numen, & amare disceremus. Iustitiæ quidem rigor, qui divinam personam exegit, à qua sola offensio in infinitum Deum commissa, ad æqualitatem, posset compensari; & fons quidam perennis atque inexhaustus constitui, quo etiā futura peccata, in quæ humana fragilitas erat lapsura, sufficieñtr possent emaculari.

*Tanta*

# HOMINIS LAPSI, ET ERECTI. 63

*Tanta molis erat, humanum genus à suppli-* v.  
*cijs peccato, in summo tribunali, debitis libera-*  
*re. Et tamen cum hac tantæ justitiæ seueritate,*  
*non minorem Deus conjunxit benignitatem,*  
*quando proprio suo filio non pepercit, qui, vt Deus,*  
*infinitem operi suo inderet valorem, ad hæc om-*  
*nia non sufficientem modò, sed etiam abun-*  
*dantem; vt homo autem, & satisfacere, & me-*  
*ri, & exemplum homini dare posset. Aptissi-*  
*mè ergo, & artificiosissimè hominem Deus ho-*  
*mo, qui instar, erexit, & reparauit: modò nos e-*  
*recti stare, quàm relabi, ac integritatem perde-*  
*re malimus. Itaque qui stat, videat ne cadat. 1.*  
*Cor. 10. 12. Pronissima sunt ad casum oua, quæ*  
*in caput eriguntur. Et qui altius stat, grauius*  
*cadit, si existimat, sufficere erectum esse. Quan-*  
*quam & illud dignum est consideratione, quis*  
*re erexit, aut qua arte.*

*Et moribus contrarijs, & artibus*

*Mundus Deusq; militant.*

*Quæcunq; clemens lapsa Numen erigit,*

*Cum fracta sunt, redintegrat.*

*Ergo Columbos quid, superbi, queritis?*

**ERIGERE MVNDI, EST FRANGERE.**

Chri-

Christus ouum, & auis ex ouo.

## EMBLEMA XII.

NVLLA AVIS, ET NVLLVM PRÆ-  
STANTIVS EXTITIT OVVM.



- I. **S** Vanissima & naturę convenientissima providentia est, vt res pleręque, per ea, quę sunt generis, gubernentur. Inter cęlestes spiritus Angelus superior instruit, & illuminat inferiorem. Inter cęlestes orbes, à summo reliquiciuntur. Inter animalia apes regem, grues ducem habent. Conuententissimum igitur erat, vt etiam homines ab homine regerentur & erigerentur. Ergo propter hominem, Deus factus est homo. Si homo, ergo & ouum, cum homo sit ouum. Certę passibilis, Act. 26. 23. Et habitu inuentus



uentus est, ut homo. *Phil. 2. 7.* postquam se ex-  
inaniuit Deus.

Quid si quædam *oua* de gallina etiam vir- I I.  
gine sunt edita, illa, inquam, quæ *Zephyria*,  
quasi de spiritu ventoque nata, appellantur? An  
non symbolum aliquod præ se ferunt Christi de  
Spiritu S. concepti, natique ex Maria Virgine?

Aut si fortasse *ouum* non dicendus est Chri- I I I.  
stus, profectò auis est ex *ouo*. Sunt enim, qui  
*ouum* petendum à Patre affirmant, dici posse B.  
Virginem Mariam, intra cuius vterum, formata  
sit quis Christus fouente spiritu sancto. *Enc. for.*  
*8. Rup. 7. S. Matth. & Hieronym. Lauretus in*  
*Sylua Allegoriarum verb. ouum.* Hoc proprium  
esse huius diuinæ personæ, intelligimus etiam  
ex illo *Gen. 1. 2. Spiritus Dei ferebatur super a-*  
*guas.* Nam, pro *ferebatur*, Hebraicè est *merache-*  
*phet*, quod, teste S. Basilio, Diodoro, & Hiero-  
nymo in *q. Hebraic. in Genesin*, est volucrum,  
dum super *oua*, & pullos quasi pendulæ leniter,  
agitatione alarum, se librant, motitant, voli-  
tântque, ac ijs deinde incubant, calorem aspi-  
rant, fouent, animant. Ita superuectabatur  
aquis Spiritus S. non loco, aut motu, sed omnia  
præcellente potentia, qua aquis quasi incuba-  
bat, vim eis prolificam indens, ut reptilia, vola-  
tilia, pisces, germina, immo cæli omnes ex aquis  
producerentur. Quem Spiritum ab Hebræis, ut



existimo, eruditus Plato, animam Mundi vocauit. Et Virgil. 6. *Æn.*

*Spiritus intus alit, totâmq; infusa per artus,  
Mens agitat molem, & magno se corpore miscet.*

IV. Inter omnia illa autem, quæ Spiritus S. produxit, nobilissimum fuit corpus humanum Christi. Nec ambigi potest, num Christus sit aui, quem SS. PP. nunc *Pelicano*, nunc *Phanici*, nunc *Aquila*; ipse autem se ipsum *gallina* comparat. *Matth.* 23. 37. Vt ergo, teste Sueton. in *Galba*, & *Plin.* l. 15. c. 30. *Liuiæ Drusillæ*, cum pæta esset *Cæsari*, *gallinam* conspicui candoris, *sedenti aquila ex alto abiicit in gremium illam*: intrepidæque miranti accessit miraculum, quoniam teneret, *rostro laureum ramum onustum suis baccis*, qui postea ramus in triumphos Cæsarum creuit: ita *Mariæ Iosephi* matrimonium pactæ, *Angelus*, velut cælestis aquila, Christi conceptionem nunciando, immo ipse S. Spiritus obumbrando, in gremium immisit *gallinam* illam, *quæ pullos sub alas congregatos, ad æternam laurū, erat conuocatura.*

V. Sed hæc de Verbo incarnato prolixius infra: hîc de Incarnatione; qua maxima Deum inter atque hominem necessitudo coitur. Eâ enim humana natura, supra vniuersam creaturam nobilitata, Filio Dei hypostaticè astricta, atque ita vnita est, vt, sicut hac vnione Deus ve-

rus homo, verè passibilis mortalisque factus est; ita homo vicissim verus Deus, verè impassibilis immortalisque efficeretur; idque per omnipotentiam diuinam. Nam omnipotens virtus Spiritus sancti vicem virtutis seminalis suppleuit, Angelo dicente: *Spiritus sanctus superueniet in te, & virtus Altissimi obumbrabit tibi. Luc. 1. 35.* Scilicet cælestis columba fuit, ouum tam sanctum fouere. Quippe vel idcirco S. Spiritus, sicut Columba *Matth. 3. 16.* & tanquam cælestis Zephyrus, immo ventus vehemens *Act. 2. 2.* descendit. Quia non solum ouum fouerat, vt Columba, sed etiam significauit, Virginem diuinum illud ouum Christum, sine viro, concepisse. Oua enim, vt dixi, Zephyria, & subuentanea, sine masculino, concipiuntur. Quædam siquidem aues, teste etiam S. Basilio *hom. 6. in Hexam. in aëreas subuecte plagas solo ventorum haustu & afflatu concipiunt oua: quæ quia ex vento sunt, idè subuentanea nuncupantur.* Ob quæ oua bellè Puteanus *orat. 20.* gallinas vocat, matres, & tamen virgines; innuptas, & tamen puerperas; quibus hoc quoque natura concessit, vt sine dolore parerent. Vide infra *embl. 33.*

Et quanquam naturæ lege eiusmodi oua irrita esse soleant, nihil tamen fecundius eo ouo, quod spiritus ille vehemens afflatu suo fecundauit, & cui alis suis obumbravit, vt eadem, quæ

v f.

gratiâ, etiam Deo plena esset, simulque & *ouum*, & *auem* progigneret. Hic verò spiritus quia Deus, & omnipotens fuit, non indiguit foru diuturno, sed corpus Redemptoris nostri in instanti perfectissimè formauit. Quo instanti alia multa miracula acciderunt. Nam & anima Christi, vbi primùm cœpit esse, scientijs, virtutibus, lumine gloriæ, gaudijs, omnibus bonis perfectissimè est inundata: neque tamen hæc animæ gloria in corpus, sicut gloria Diuinitatis in animam redundauit, vt sicut nouâ & mirificâ vi gaudium in animâ illâ mæstitiam & dolores non exclusit, ita & corpus cruciatibus ac morti obnoxium maneret.

VII. Igitur nobilis *Columba*, in nobili *ouo*, nobilem *auem* formauit: immo & *auem* & *ouum*, nisi quòd *oua*, vt non lædant, exeunt, dum *pariuntur*, molli putamine, sed protinus durescente, quibus cunque emergunt portionibus *Plin. l. 10. c. 52.* Christus autem è Virgine natus est, mirabili corporum penetratione; ex vtero illæso, velut solis radius per vitrum transiens, non rumpendo, sed illuminando. Quare sicut natura molli *oua*, ne lædant parentem, (in egressu refrigeratione, & euaporato humore, qui exiguus est, relictaque portione terrena quamprimum duranda) ita diuina potentia Christum, absque virginalis claustrî reſeratione, penetrabilitatis dono

dono instruxit, *ouum* tanto præstantius, quanto miraculosius: quod adeò & *ouum*, & *avis*, & ex *ouo ouum*, sine viri opera conceptum, atque Spiritu S. fctum potest appositè nuncupari: & verò etiam cupientissimè credi & appeti, si nos integram famem ad *ouum* hoc afferremus.

Sicut attulit, & credidit is, de quo S. Tho. I I X. mas de Aquino 2.2. q.2. a.7. ad 3. hæc habet. *Inuenitur in historijs Romanorum, quòd tempore Constantini Augusti, & Helenæ matris eius inuentum fuit quoddam sepulchrum, in quo iacebat homo auream laminam habens in pectore, in qua scriptum erat: Christus nascetur ex Virgine, & ego credo in eum. O Sol, sub Helenæ & Constantini temporibus iterum me videbis.* Ita non tantùm notus in *Iudæa Deus*, sed subinde etiam, alijs olim reuelatus, creditusque de Virgine, velut *Zephyrium ouum*, proditurus, voluit nostram quoque excitare, ad tam nobile *ouum*, orexin: vt tam profundum mysterium eo appetentiùs crederemus, quo clariùs constaret, id etiam quosdam credidisse, in Cimmerijs Gentilium tenebris constitutos,

Incarnati Verbi immutabilis æterni-  
tas ouo subindicata.

# EMBLEMA XIII.

DVRATA DVRA NT.



I. **O**Va, Christi natalitio die, nata seruari ex-  
stimantur, diéque Ascensionis: summo enim  
frigore densatus cortex, non permittit vim  
aëris crassari: summo calore exhalat celeriter, quod  
caussa corruptionis esse solet. Horum dierum alter,  
post solstitium astium, alter, hyemale est. Indicio,  
non esse miraculum, quòd neque hoc semper contin-  
git, neque ex toto: sed deficiunt, & concutiuntur ob  
inane. In omnibus enim his, quæ facile mutantur,  
observant, si casu quippiam diutius maneat, trans-  
feruntque in religionem, Multos enim religio  
fau-



*fautores habet. Hæc Hieronym. Cardan. De rer. var. lib. 7. c. 39. rectè & disputat, & dubitat: facilè enim superstitio subrepat, vti apud multos Germanos magni facientes, ad futuros effectus, si comedant illa oua, quæ vulgò dicuntur, die Antiasz Ayr/quasi oua, in Paschate, casu nata, iuvent, vt ilia non rumpas, in Pentecoste. Nec enim tempus Paschæ, sed benedictio Ecclesiæ oua consecrat, facitque vt sanctiora, ita sæpe etiam saniora.*

II.

Ceterùm de ouo diuino, quod natalitio die est natum, dubitari nequit, quòd habeat durationem, cum Verbum diuinum & sit æternum, & nullius capax mutationis. Si enim *æternitas est interminabilis vite simul tota, & perfectæ possessio.* Boët. l. 5. de consol. Prof. 6. & vel Tullio teste lib. 1. de nat. Deor. fuit quædam ab infinito tempore æternitas, quam nulla circumscriptio temporum metiebatur; profectò ea vel Deo, adeoque etiam Verbo diuino inest, vel nulli. Quod proinde nec variari potest; sed dum tempora, & omnia sub ipso variantur, *manet in æternum*: siquidem æterna non mutantur, desinerent enim esse æterna, si inciperent mutari. Hinc Augustin. Psal. 101. Conc. 1. *Æternitas, ait, Dei substantia est, quæ nihil habet mutabile. Ibi nihil est præteritum, quasi iam non sit, nihil est futurum, quasi nondum sit; sed non est ibi, nisi Est.* Nulla ei substantia,

nullum accidens potest advenire, *apud quem non est transmutatio. Iac. 1. 17.*

**III.** Quare cum Verbum divinum etiam humanam naturam suscepit sustentandam, eiusque inexistentialiam, loco propriæ, humanæ, & vt ita dicam, præventæ hypostaseos, terminandam; sic eam suscepit, vt ipsum nullam pateretur mutationem in se, mutata sola humanitate, quæ ad Verbum fuit tracta. Quod sanè summè est admirabile, & incomprehensibile in hoc mysterio; Deum incipere esse hominem, & tamen non incipere mutari. Sed quisquis infinitatem Verbi credit, facilè etiam credit, eam infinitatem non tantùm in potentia, intellectu, & voluntatis actu, sed æquè in ratione hypostaseos vim infinitam continere. Quare, sicut Deus per infinitam potentiam, nova, sine sui ipsius novitate creat, & hoc tempore verè est creator, sine vlla sui mutatione, licet ante mundum conditum creator non fuerit; sicut item sine vlla sui interna variatione futura contingentia, propter suæ intellectiōis infinitatem intelligit; & eadem immutabili voluntate amat hominem poenitentem, qua odit, cum fecisset poenitenda, ita quæcunque etiam divina hypostasis, ob infinitam vim in ratione hypostasis, potest se ad quæcumque naturam terminandam, absque vlla intrinseca sui mutatione, extensione virtuali ex-

ten-

tendere. Sufficit enim illa habitudo virtualis eminentissima, quam ratione sua infinitatis habet, ratione cuius non minus perfectè unitur, quàm si formalem intrinsecam, & nouam habitudinem ad naturam humanam in assumptione acquireret. Leon. Less. lib. 12. de diu. Perf. c. 5. Vide Suarez disp. 13. Met. sect. 9. Vasq. in 3. p. disp. 19. c. 2.

Certè si ceramodulo infusa excipitur, ipsa, I V.  
non modulus mutatur : ita humanitas Christi elevata, & ad Verbum attracta, modum inexistendi acquisiuit, Verbo nullam mutationem subeunte. Hæc de Christo, vt Deo, sic enim *ouñ* hoc non frigore duratur, sed durat æternitate. Quin & corpus quoque illius, licèt natum sit, vt denasceretur, ita tamen ob temperamenti præstantiam in vita, & post vitam, seruatum est etiam in sepulchro, vt ibi nulla vi morbi, hîc nulla putredinis contaminaretur. *Non dabis sanctum tuñ videre corruptionem*, ait, Ps. 15. 20.

Quod si ergo homines sunt, qui *oua*, Na. V.  
talitio Christi die, nata seruant, quòd seruari existimentur; cur aliquid Christo præferunt, sæpe *ouo* citiùs corrumpendum ? Formæ delectant ? amittendæ sunt, vires solantur ? amittendæ sunt. Fidis in Principe ? amittes Principem. Christum nunquam amittes, qui vt homo, semel mortuus, iam non moritur, vt Deus, æternus est, amitti non potest desinendo, sed deserendo.

VI. Filio Mater ut vel miraculo, quàm licebat, accederet, & ipsa cum pareret, inviolata permansit, quia Virgo permansit. Quod quia multis annis Theologiæ Doctor capere non potuit, Ægidium (ut in vita eius refert Sur. 23. April.) sanctitatis fama clarum adiuit, qui de eius adventu, & morbo diuinitus edoctus obuiam processit venienti, & Ægidium nec dum noscenti, baculoque, quo se sustentabat, terram pulsans, Theologum his verbis antevenit: *Frater Predicator (erat enim ex alumnis S. Dominici) sanctissima Deipara Maria virgo est, ante partum, statimque ut hæc dixit, pulcherimum illic exortum est lilium. Iterum percussa humo repetit; Frater Predicator, S. Maria virgo est in partu, & confestim alterum non minoris pulchritudinis exortum est lilium. Tertiò bacillo solum feriens, Frater, inquit, concionator, S. Maria virgo est post partum, simulque tertium extitit lilium formositatis & candoris admirandi.* His actis dictisque aufugit Ægidius, & cum eo dubitatio ex animo Theologi. Itaque utrumque credendum, & Virginis Filium Deum, & Dei Matrem Virginem esse.

*Unum* utrumque durable; nec diuinitas  
mutata est nascendo, nec virginitas  
pariendo.



Duæ in Christo naturæ duobus Ovis  
portentosis repræsentatæ.

## EMBLEMA XIV.

NATURAM SVPERANT OVIS,  
ET LEO CLAVSVS IN OVO,



**M**Effret non vulgaris quondam Concio- I.  
nator *serm. 2. Epiphan. Domini*, hæc ver-  
ba habet: *Quidam Doctor nomine Ger-*  
*manus dicit, quemlibet ipsorum (Magorum Chri-*  
*stum adorantium) speciale signum habuisse. Refert*  
*enim, quòd unius Regis uxor peperit filium eadem*  
*nocte & hora, qua Christus nascebatur, qui puer*  
*statim ut fui natus, erectus stetit, & dixit: Ista no-*  
*cte in Iudea, natus est nobis Saluator noster, & iste*  
*fuit Balthasar. Alius rex Melchior habuit poma-*  
*rium*



*rium pulchrum, in quo creuit Balsamum. Arbores autem Balsami habent quasdam domunculas, ad modum malogranatorum, in quibus est balsamum. Vna igitur nocte domuncula creuit ultra morem solitum, quam Rex specialiter custodiebat: nocte vero qua natus est Christus, aperta est, & visa est in ea columba, quæ volans dixit: Ista nocte natus est Saluator generis humani. Gaspar tertius Rex habuit struthionem, qui habuit duo OVA, quæ longo tempore custodiuit magna diligentia. Noctē igitur, qua Christus natus est, aperta sunt, & in vno reperiuntur leo, & in alio ouis. Et audita fuit vox, quod hac nocte puer natus esset, qui esset Deus & homo: per leonem Deitatem, & per ouem humanitatem intellexit.*

- II.** Hac seu historiâ, seu potius fabulâ, (qualis & illa, de oue in Nicippi pascuis leonem pariente, apud *Ælian. l. 2. Var. c. 29.*) ad emblema tamen satis idoneâ, præcipuus Religionis nostræ articulus significatur; scilicet Christum, & ob humanæ naturæ imbecillitatem, ouem esse occisionis, *Ps. 43. 14. 12.* atque sicut ouem ad occisionem ductum. *Isa. 53. 6.* & ob diuinæ naturæ maiestatem, leonem esse; immo & quâ hominem, ob sanguinis, & virtutis generositatē, leonem esse *de tribu Iuda. Apoc. 5. 5.* quin simul & ouem, & leonem in vno supposito, vt eò trahi possit, *Leo & ouis simul morabuntur. Isa. 7. 21.*

Chri-

Christiana enim fides docet, duas esse in III.

Christo integras, ac omnibus suis naturalibus conditionibus perfectas naturas, humanam & diuinam. Quæ duæ naturæ ita in vnam coaluerunt personam, vt vnus & idem sit verus Deus, & verus homo. *Est enim fides recta, vt credamus, & confiteamur: quia Dominus noster Iesus Christus Dei Filius, Deus & homo est. Deus est ex substantia Patris ante secula genitus: & homo ex substantia Matris in seculo natus. Perfectus Deus, perfectus homo: ex anima rationali, & humana carne subsistens. Aequalis Patri secundum diuinitatem; minor Patre secundum humanitatem. Qui licet Deus sit, & homo, non duo tamen, sed vnus est Christus. Vnus autem non conuersione diuinitatis in carnem, sed assumptione humanitatis in Deum. Symb. S. Athanas.* Hinc cum in vna hac persona omnia reperiantur, quæ sunt Diuinitatis & humanitatis, fit vt omnia, quæ Filio Dei vero Deo conueniunt, conueniant etiam huic homini, & quæ huic homini conueniunt, conueniant Filio Dei, adeoque vero Deo.

Igitur sicut, ob hanc duarum naturarum in IV.

vna persona Vnionem, dicere possumus: *Deus factus est homo, mortalis; natus est ex Virgine, passus, crucifixus, mortuus est, &c.* ita dicere vicissim licet: *Hic homo est Deus, est Filius Dei, est ab æterno ex Patre genitus, cuius & sapientia est, &*

*eum quo principium est; Spiritus sancti procedentis ab utroque; est Mundi Creator, est omnipotens, est immensus, aternus, incommutabilis &c. Quid aio? dicere licet. immo decet, immo necesse est; quia hæc est vtriusque naturæ in Christo perfecta idiomatum communicatio; ob vnā & eandem personam in vtraque natura subsistentem. Hæc necesse est dicere, quia necesse est credere. Sic enim Deus dilexit mundum, vt Filium suum vni-  
genitum daret; vt omnis, qui credit in eum non pereat, sed habeat vitam æternam. Ioh. 3. 16. quæ vt clara Dei visione constat, sic obscuro fidei lumine inchoatur. Hæc est enim vita æterna: Vt cognoscant te solum Deum verum, & quem misisti lesum Christum. Io. 17. 3.*

V. Quia ergo æternū cupio viuere, iuuat in hac vita sic credere. *Credo Domine, adiuna incredulitatem meam. Marc. 9. 23. qui etiam miraculo adiuuisti veritatem tuam. Vt enim Chron. Regin. l. 1. ad an. 605. & Carol. Sigon. l. 2. de regno Italia 681. 5. recensent, cum Constantinus Constantini filius, in vrbe regia, centum quinquaginta Episcopos congregasset, inter quos etiam fuerunt Romanæ sedis Legati; isti q; omnes in Christo, sicut duas naturas, hoc est, Dei & hominis, ita & duas voluntates atque operationes professi, hæresin damnauissent, quæ vnā tantū operationem & voluntatem in Christo sa-*

erilegè affeuerabat, eâdem horâ tot aranearum telæ deciderunt, vt omnes in admirationem raperentur; & Gregorius Patriarcha Constantinopolitanus corrigeretur, animaduertens, hæreticorum sordes dissipatas esse, velut telas aranearum.

Sed quid mirum ad testandam geminam VI.  
Christi diuinam scilicet ac humanam voluntatem, telas aranearum cecidisse; cum, vt nonnulli volunt, Romæ ad Matris eius virginitatem confirmandam, opus firmissimum columnarum, & templū Pacis illud corruerit, quod *æternum* vocabatur. Admirati siquidem Romanitam operosæ molis excellentiam, ex oraculis Deorum, quæsiuisse dicuntur, quousque ea structuræ firmitas esset duratura? Responsum esse aiunt: *Donec Virgo pareret*. Quod quia nunquam fieri posse putarunt, *Templum æternum* vocauerunt. At ea nocte, qua de Virgine Christus, tanquam *lapis de monte, sine manibus excisus*, felicissimo partu prodijt, ita con fracta esse fertur tota illa machina, vt vix apparerent vestigia ruinarum. Hæc Petro Damiano ascribuntur à *Lipom. t. 8.* & *Sur. t. 6.* Sed à Baronio, *initio Annalium* solidè refutantur. Non igitur pro historia accipi volumus, sed historiæ subiunximus, quia haud absurdum est, emblemata fabulis illustrari.

Recens auctor in *ono* ostensurus, *diuini amo-* VII  
*ris*



*ris vi effectum esse, ut Deus suam contraheret immensitatem, ad humanam descendens naturam, ut homo conscenderet ad diuinam; affert quæstionem celeberrimam, olim Athenis propositam: Quod maximum pariter, & minimum esset? Ad quam vnus respondit, visum id esse, ut qui modicæ oculi pupillæ includat solis, lunæ, stellarum, magnitudines, quarum quælibet ipso mari & terra sit maior. Alter dixit, cor hominis id esse, quod non vnus tantum Mundi sit capax, ut in Alexandro apparuit. Tertius contendit, intellectui humano id tribuendum esse, qui cum omni careat quantitate, omnia tamen complectitur, & quæ sunt in Mundo, & quæ in mille Mundis ipse fingere potest. Quartus denique asseruit, ouum ab Oromaceno depictum maximum esse pariter & minimum, quoniam in eo, nec ceteris ouis maiore, ut refert Cal. Rhodiginus, & affert Pierius Valerianus, viginti quatuor Deos Oromacenus inclusisset. Hunc ceteris Auctor iste existimat palmam præripuisse. Si enim verum illorum fuisset Numen, plus vtique erat vel vnum, ne dum tot Deos, quàm omnia cetera, vnus oui ambitu comprehendisse. Quod cum ita sit, merito colligit, Deum carne vestitum esse maximum pariter, & minimum. Cum enim esset immensus, & tantus, quantus Pater, non rapinam arbitratus se esse æqualem Deo, tamen in die suæ*

con-



conceptionis, in tantam se humani corporis paruitatem arctauit, vt meritò *Numen ouo conclusum* dici posset. Immo, vt docet *Magister sententiarum l. 3. d. 2.* tempore suæ conceptionis, adeò tenuis erat, & parua illi forma, vt vix humano visui posset subijci. Denique etiam adultus grano se, & vermiculo comparauit. Tantus simul erat, & tantillus, Filius Numinis & Filius hominis. Certè ex Macrobij sententiâ hominis corpusculum, eo tempore, quo anima ei infunditur, non est maius, quàm apis: at verò Aristotelis *lib. 7. de hist. animal.* opinione, non maius, quàm formica. Quare saltem in hac paruitate inclusa fuit diuina immensitas. Cesset ergo iam veterum Germanorum persuasio, qui, teste Tacito *l. de morib. German.* nullum Deo templum ædificabant, quòd dicerent, Deo iniuriam fieri, si quis parietibus tam angustis diuinitatem eius coarctare clauderéque vellet: in minore corpore continetur.

Christi, tanquam gallinæ ovafoventis,  
labor, & sollicitudo.

EMBLEMA XV.  
PASTOR OVI, GALLINA OVO.



I. **V**ertumnus, Ovidio l. 14. Metam. formatur  
Deus aptus in omnes, apud Propertium, ita  
loquitur lib. 4. Eleg. 2.

*Opportuna mea est cunctis natura figuris,*

*In quamcumq; voles, verte, decorus ero.*

Si profana liceat sacris conferre, longè id re-  
ctius de vero Deo dicetur, qui diuino amore  
tractus, omnibus omnia factus est, ut omnes faceret  
saluos. 1. Cor. 9. 22. Itaque homo factus, factus  
leo de tribu Iuda, vitis, ovis occisionis, deniq; factus  
est PASTOR OVI, GALLINA OVO. Si enim pul-  
lis,

lis, cur non & *ovis*? vt à primis initijs incipiat; si quid vult vltimis fastigijs perficere. Nec tantum ait *Ioan. 15. Ego sum Pastor bonus*, sed etiã facit, quod Pastor in oue perdita quærenda, in humeros suscipienda, & ad cœlestem caulam reportanda. *Marc. 14. 27.* Non talis Admeti Pastor Apollo; non talis auis quondam Iuppiter impiè in Cygnum, aut Aquilam versus.

Itaque & in auem mutatus est Christus. In II. qualem? In eam, quam dixi, quæ non tantum pullos convocat; sed etiam ovis incubat; & natiuo calore vitam inspirat. Priùs enim oportet nasci, quod debet perfici. Quare gallina, quæ de vno est sollicita, etiam de altero est anxia. Hanc talem curam suam Seruator ipse indicat. *Quoties volui*, ait *Luc. 13. 34. congregare filios tuos, quemadmodum auis nidum suum sub pennas; & noluisti*, aut expressius *Matth. 23. 37. Ierusalem &c. quoties volui congregare filios tuos, quemadmodum gallina congregat pullos suos sub alas, & noluisti? Ecce relinquetur vobis domus vestra deserta.* Ierusalem enim, & multi inobedientes fœtus nolunt congregari. Scilicet degeneres pulli.

*Super omnia est*, ait, *Plin. l. 10. c. 55. anatum* III. *ovis subditis atque exclusis admiratio, primò non planè agnoscentis (gallinæ) fœtum: mox incertos incubitus sollicitè conuocantis: postremò lamenta circa piscina stagna mergentibus se pullis; natura*  
F 2 duce;

*duce.* O quanti homines, quasi nec Christianè quidem educati essent, ita viuunt! & se in Stygis profundo mergunt! Hos quoties seruator monet, vt se tollant humo, & ea quæ sursum sunt, quærant? Obseruare licet, nullum animal gallinâ frequentius erigere caput, cælumque spectare. Nempe & Christus tam fixè in cælum suspiciens orabat, vt iter ostenderet salutis. Immo hodieque pullos suos quàm sollicitè conuocat, omnem gallinæ amorem & laborem superans? Nec per Prophetas tantùm, aut Apostolos, aut Angelos nos educauit, vocauit, conuocauit; sed ipse triginta tribus annis, Osirim hunc quæsiuit, incredibili labore; à iuuentute sua, sæpe fatigatus, sæpe esuriens, sæpe sitiens, sub flagrante sole, in urente frigore; sæpe pluuijs, sæpe lachrymis madidus: plurimas terras peragrans, nunc in oppidis, nunc in vicis; nunc in montibus, nunc in campestribus; nunc in desertis, nunc in ciuitatibus; nunc terrâ, nunc mari; per domos, per synagogas; per templa, per plateas; publicè, privatim; paucos, multos, summos, imos adhortans; claudos, cæcos, sanos, ægros doctrina cælesti imbuens. Nec deerant vulturij, qui calumniarentur docentem, & vitæ eius insidiarentur: nihil ille motus, non destitit, non quidquam de cura sua remisit, mortem ipsam pro pullis suis subiturus.

Vnde

Vnde verò nos exclusit, & in hanc lucem I V. produxit, vt Deum conditorem nostrum, eiúsq; misericordiam, iustitiam, leges, præmia, supplicia, & totam salutis viam, & ipsum deniq; Christum agnosceremus? nimirum è spisso ignorantiae ouo, è tenebris. & erroribus, quibus, ante Christi aduentum Mundus erat inuolutus adeò, vt vix pauci non ignorarent, quid vera virtus, quid cælum, quid infernus, quid naturæ, quid Dei lex, quid ipse Dens, quid eius providentia, potentia, bonitasve esset. Quid multa? impuram Venerem, fraudulentum Mercurium, Martem homicidam, Iovem adulterum, pro Numine, Mundus adorauit, & imitatus est. Ex hac caligine nos Christus eduxit, dum velut pullos suos sub alas congregauit; & quia identidem vsq; ad rauim clamauit, *foris prædicans, in plateis dans vocem suam, in capite turbarum clamitans*. Prov. 1. verè dicere potuit: *raucæ factæ sunt fauces meæ*. Psal. 28. Viderat, cum è cælo prospiceret, *omnes declinauisse*, & alienam matrem secutos esse; qui cum se in stagnum perditionis mergerent, & per Prophetas frustra reuocarentur, Deus ipse incarnatus foras prodijt, atq; Stygio miluo pullos eripuit.

Quod futurum his verbis Ieremias dixit V. cap. 18. *Perdix fouit, quæ non peperit, fecit diuitias, & non in iudicio, in dimidio dierum suorum de-*



relinquet eas, & in nouissimo suo erit inspiens. Nam mediâ Mundi ætate clamitare cæpit Christus. Appositè Eusebius Emiffenus hom. 11. de Paschate: *Perdix*, inquit, *diabolus* pro nequitia vel multarum rerum comparatione perhibetur. Hæc auis quocunq; casu vel fera alicuius incurfu priuata fuerit ouis proprijs, insidiatur alienis, & nidi habitatore depulso, partus invadit, extraneos: quos usque ad spem fatium genitali tempore cum fouerit, parentem eam præda efficit, non natura: interea uerus pater vocanti ac lamentanti similis, siluas questibus replet: tunc adulta iam soboles, voce proprii genitoris audita, curam queruli clamoris intelligit, atque ita ad originariam sedem leta pervolat nutrimenti generis sui conscia, & adulteri nutritoris oblita. Sic & diabolus humanum genus, quod non creauerat, occupauerat; quod non genuerat, merito patris nomine, possidebat. Sed ubi vocem per se ipsum pius auctor emisit, ubi perditis saluifera charitas inclamauit, dicens: *Venite ad me omnes, qui laboratis & onerati estis, ad paternos sinus confestim auidum cucurrit examen.*

VI. Huius ergo vocem, huius vitam & exempla nos quoque sequamur, ni degeneres pulli in stagnū ignis & sulphuris Apoc. 20. 10. mergi volumus; ibi scilicet, ubi, vt Horat. 2. Car. 14. canit,

*Visendus ater flumine languido.*

Cocy-

*Cocytus errans, & Danaï genus Infame, damnatūque longi Sisyphus Æolides laboris.* Quanquam tunc non fabula, nimis vera erimus historia. Quantum tunc erit chaos inter gallinam Cælo lucentē, & pullos in Acheronte affandos? Quid enim vetat, meliore sensu cœlestem illum *cygnum* eò referre? qui non tam *cygnus* est, quàm gallina, à Poëtis, *cygni* nomine, velut laruâ, tectâ & infamata, vel ut Ledaë adulterum, alioqui cælo indignum extollerent: vel ut Apollini adularentur, cui auem istam musicam, & carmina meditantem, aut certè in auspicijs obseruatam impiè religiosa antiquitas consecrauit. Etenim Arabes illud sidus, quod ab Hygino *Cygnus*, seu *Olor* indigetatur, *Gallinam* vocauerunt, Græci *ὄρνις*, Latini *Auem*. Quia verò *ὄρνις* Pelasgâ linguâ, idē sonat, quod *gallina*, haud absurdè quis, *gallinam* cœlestem intelligat, ubi auem cœlestē audit nominari. Cuius verò signum illud cœlestis gallinæ nos aptiùs admoneat, quàm Christi, ad cælum multos evocantis; immo omnes; licet non omnes sequantur vocantem: sed, velut degeneres, in stagnum se mergant, magno & incredibili furore. Non enim maior est furor, quàm, cum possis viuere, velle perire.

Ova & vulnera Pelicani, charitas  
patientis Christi.

## EMBLEMA XVI.

SANGVINE VIVE MEO, SAN-  
GVIS MEVS.



I. **P**elicanus Ægyptia avis, onocrotalus à  
nonnullis existimatus, in solitudinibus  
maximè Nili nascitur; ferturque ab alijs  
quidem rostro sibi pectus tundere, ac sangui-  
nem prolicere, vt eo calido perspersa ova citiùs  
maturefcant; ab alijs autem, vt vel à serpente,  
(sic vult S. Hier. *ep. ad Presidium*) vel ab ipsius  
parentis rostro (sicut refert Remigius & Hugo  
*in Ps. 101.*) occisi in nido pulli rursus è vulne-  
re parentis reuiuiscant; ab alijs, vt, vice lactis,  
san-

sanguinem excipiant sitientes. Notum schema.

*Pelicanum solitudinis. Ps. 101.* Hugo ibidem, **II.**  
Christum docet vocari, quòd *solus* natus sit de  
Virgine viro inuia & incognita: itémque quòd  
tot annis in solitudine & vita priuata vixerit. S.  
Hieronymus & S. Aug. *in eundem. Ps. 101.* etiam  
tertiam caussam addunt, quòd, more Pelicani  
Christus, carni, Mundo, & peccato viuentes  
occidat, eosque sanguine suo viuificet, alat,  
corroborer. Petr. Damian. *l. 2. ep. 18.* & alij  
complures recensent, Pelicani pullos, mox, vt  
incipiunt crescere, inquietos fieri, & vtrumque  
parentem impugnare, quare vicissim à parenti-  
bus percuti & occidi, sed tertio die parentum  
alterum, instillato lateris sui sanguine, eos susci-  
tare.

Maximus Græcus scriptor, *apud Agellium in Ps. cit.* **III.**  
tradit, Pelicanum insidias serpentis ca-  
uentem, nidum in sublimi loco ponere, ac vn-  
dique quàm diligentissimè sepire: serpentem  
verò pullis exitium machinantem, quò acce-  
dere dente non possit, fraude peruenire. Nam  
obseruare sedulò, vnde ventus spiret, inde enim  
venenum sufflare, quod ab infecto aëre ad pul-  
los peruehatur, eosque interficiat. Pelicanum  
ergo, ait, vbi mortuos deprehendit, nubem spe-  
ctare, in altum volare, alis latera verberare, san-  
guinem eijcere, quo per nubes instillato pullos  
perfundat excitétque. F 5 Hos



IV. Hos pullos interpretatur Adamum & Euam, nidum Paradisum serpentem diabolum, qui inobedientiæ virus inhalârit, & primos homines peccato occiderit; quos Christus, immensa in nos charitate cruce exaltatus, percussio latere, quasi per corporis sui nubem, ad vitam reuocârit; & cum illis nos omnes.

V. Quancquam autem de Pelicano varios varia, nec pro certo, recensere, videam, tamen præ omni auium genere, eum Epiphanius *Ad Phylol. c. 8.* Φιλότεκνον *amantem prolis* appellat, eumque plerique SS. Patrum Christo conferunt. Siue igitur *oua*, siue pullos sanguine animat, siue vtrumque facit, omnia hæc in Christum quadrant.

VI. Horat. *Epod. 5. 4.* *vncta oua sanguine*, ait: & post Aristot. *l. 3. de gen. anim. c. 1.* & *l. 6. hist. c. 2.* Plinius *l. 10. c. 53.* hæc habet: *Omni bus ouis medio vitelli parua inest velut sanguinea gutta, quod esse cor auium existimant, primum in omni corpore id gigni opinantes: in ouo certè gutta salit, palpitâique.*

VII. Hominem omnem esse *ouum*, vidimus; hoc *ouum* sanguine Christi est aspersum: inde cor illi, inde vires, inde vita, inde ablutio peccati, inde sacramenta. Hoc sanguine redempti, & velut purpurâ decorati sumus.

IX. Quid quòd *oua* Paschalia, cum varijs coloribus



bus imbuantur, maximè tamen *rubra* & peti, & donari soleant; nempe vt aurem vellant, & in memoriam reuocent, nos tanquam *precio magno emtos, glorificare Deum, & in corpore nostro portare oportere* 1. Cor. 6. utque appareat, nos *stolam nostram in sanguine Agni lavisse.* Apoc. 22. 14.

Aut fortè etiam oua *rubra* non solùm colore I X. sanguinem, sed etiam figurâ, & magnitudine vulnera Christi significant. Qui enim mensuram lanceæ & vulneris Christi vidit, facilè sibi finet persuaderi, & figuram, & magnitudinem plagæ lateri inflictæ, *quo non fuisse imparem, cum tam magna fuerit, vt S. Thomas manum suam in eam potuerit imponere. Nec enim tantùm ille, Io. 20. 25. dixit, nisi mittam manum meam in latus eius, non credam; sed etiam ipse Christus: affer manum tuam, & mitte in latus meum;* vt quodammodo palpes manibus, quàm mihi cordi fuerit homo, & totus Mundus; cuius imaginem, in ouali vulneris figura, pectori meo inscriptam volui mecum, etiam à Resurrectione mea circumferre.

Had. Iun. cap. 7. 1. refert, Franciscum Alum. X. num, in denariolo, sine notis, perscripsisse symbolum Apostolorum, & principium Euangelij D. Ioannis: item se vidisse, cerasi nucleum in modum quasi illi exsculptum, quo contineren-

tur

tur quindecim paria tesserarum, suis punctis affabrè distincta. *In nuce inclusam Iliada Homeri, carmen in membrana scriptum tradidit Cicero, inquit Plin. l. 7. c. 21.* In laterali Seruatoris plaga D. Thomas, & symbolum Apostolorum, & totum S. Ioannis Euangelium inuenit, hinc è dubio certus, ex incredulo fidelis factus, postquam Euangelicam veritatem etiam palpauit, in illam ardentissimæ fidei vocem effusus dixit: *Domine meus, & Deus meus!* Quare & salutis tesseram, & omnia in eo vulnere inuenit. Quid multa? *ouum* inuenit, in quo & *paruus*, & *magnus Mundus* continebatur, & adeò cælum ipsum, cum terrâ. Desinat ergo mirari prisca ætas, in nuce Iliadem, cum iam ostendere possimus, *ouum* in latere, in *ouo vniuersum*. Ex quibus rebus de ipsa plagæ mensura licet rationem inire.

- XI. Tantum vulnus amoris in pectore suo gessit diuinus Pelicanus, vt nos quoque vulnere & amore suo sauciaret; immo vt, à serpente faucios & occisos, ad vitam reuocaret. Quàm meritò igitur, si cum pullis non reuiuiscimus, cum ouis erubescimus? Enimuerò si nos ea *oua* esse nolumus, quæ sanguine Christi incalescant; Christus vult esse *ouum*, quod nobis sanguinem sistat, & vulnera nostra in sanum coire faciat. Scribunt enim medicinarum periti, detractam siue *crudo*, siue *cocto ouo membranam, labiorum fissu-*

*fissuris mederi*; immo & tibiærum vulnera, quæ curatu difficilia sunt, remediisq; exasperantur, consolidare. Nempe & nostri pedes, quibus ad cælum eundū erat, feralibus plagis fuere fauciati; & labia rimis ac fissuris plena, mendacia, blasphemias, atque iniquitatem, velut saniem loquentia, cruore fluebant. Igitur oui huius membrana coaluerunt. Nam Christo sanguinem nobis aspergente, aliter & loqui, & ambulare cæpimus; vt mox apparuit in Cleopha eiúsque socio, qui post mortem Christi euntes in Emmaus loquebantur ad inuicem de his omnibus, quæ acciderant. *Luc. 24. 14.* Antea fortasse loquebantur, & ambulabant aliter, cum disputarent: *Quis eorum maior esset? Luc. 9. 46.* Apparuit item in D. Thoma, qui ouo hoc manibus nondum contrectato; dixit: *Nisi videro in manibus eius fixuram, clauorum, & mittam digitum meum in locum clauorum, & mittam manum meam in latus eius, non credam.*

Postquam misit, credit.

Obe-

Obedientiæ Christi, in ovo expressæ,  
meritum.

## EMBLEMA XVII.

MOLLE QVOD EST; CEDIT;  
FRANGVNTVR DVRA;



I. **N**aturam ars imitatur. Per naturam *ouæ* ostracoderma sunt putamine intecta testaceo; malacoderma, quæ molli obducuntur cute; ait Cæl. Rhodiginus. Per artem verò *Oua* aceto macerata in tantum emolliuntur, ut per annulos transeant, ait Plin. lib. 10. c. 60. Ita emolli docet etiam Serenus de pane caliacis pro medicina dando sic loquens:

*Quem madido farre efficies, ac mollihus ouis,  
Quorum testa fero prius emollescat aceto.*

Eadem

Eâdem arte angustioris orificij colliq; vitro, seu ampullæ immittuntur, acri aceto tam diu infuso, donec cortex mollescat; vbi autem ita mollia *oua* per angustias transierunt, aquâ frigidâ superfusâ, pristinam iterum duritiē acquirunt. *Iac. Weck. l. 8. c. 2.* Quanquam multi non hac ratione *oua*, aliâq; grandiuscula simulachra vitro includant, sed vitrum ipsum, dum molle & formabile est, flatu superinducant.

Pulcherrima hæc obedientiæ veræ fictæq; I I. est imago. Nonnulli enim, vt specie obedientiæ fallant, non se obedientiæ accommodant, sed obedientiam sibi, quam pro arbitrio & libidine inducunt; de obedientia sibi placentes; cum confessarium, aut alium è sacro, aut profano Magistratu, eò adegerunt, vt imponeret, quod ipsis arridebat, versoq; ordine, obediret etiâ, qui mandare debuisset. Quod quàm perniciosum sit, Cassianus *Collat. 2. c. 11. S. Bern. Ser. 3. de Circumcis.* aliq; luculentè docent. Alia est obedientia eorum, qui literam O. hoc est *circulum*, *annulum* & obedientia non sibi, sed se illi accommodant; qui sibi quotidie illud vetus adagium ipsi canunt, Si vis intrare per angustam portam, *Matth. 7. 3. per annulum traharis, oportet.*

Difficile hoc? fiet facile, si mortificationis I I I. aceto sinas te, *oui* ritu, macerari. Christi exemplū habes. Quàm hoc *ouū* per arctū annulū transiit?



fuit? *Humiliauit semetipsum factus obediens usque ad mortem, mortem autem crucis. Propter quod & Deus exaltauit illum, & donauit illi nomen, quod est super omne nomen. Phil. 2. 8.* Per eiusmodi annulum cum transisset etiam Abraham, filium suum immolaturus, audiuit Dominum *Gen. 22. 16. quia fecisti hanc rem, & non pepercisti filio tuo unigenito, propter me, benedicam tibi, & multiplicabo semen tuum, sicut stellas celi.* Longè utiq; maiore benedictione Christus & sibi, & semini suo, hoc est, filijs Dei adoptiuus, obedientiam suam reportauit. Vt enim ipse, *macerati oui* instar, per angustam portam, ad corporis sui gloriam transiret, quid non passus est? immo nonne oportuit Christum pati, & ita intrare in gloriam suam? *Luc. 24. 26.* Oportuit. Obedientiæ enim annulus, quasi janua fuit, qua per templum Laboris, ad templum Honoris adiretur, & nomen super omne nomen referretur.

**IV.** Et hoc quidem sibi, nobis autem quid meruit? *Vt peccata remitterentur, ut adoptio, & ius vite aeternæ peccato amissum restitueretur:* idque non semel duntaxat; sed, quod est infinitæ bonitatis, & inæstimabilis thesauri, meritum, ut, si septies, si septuagies septies, si centies, si millies, si infinities, peccaremus, septies, septuagies septies, centies, millies, infinities, per veram penitentiam, eadem tanta bona possemus recuperare.

Quan-

Quantus hic meritorum thesaurus? quantus V. beneficiorum Oceanus? ratione cuius Christus dicitur *interpellare pro nobis. Rom. 8. 34. & esse noster aduocatus, apud Patrem 1. Io. 2. 1.* Totum enim eius meritum semper est in conspectu Patris, ac totius Trinitatis, assiduè pro nobis misericordiam, identidem gratiam flagitans; & verò, ni nos ipsi obstamus, impetrans. Hanc clementiam, apud summum Regem meretur Christi *obedientia, & oratio*, quam in vita mortali exhibuit, estq; semper in conspectu & acceptatione Dei. Ut proinde, quia *data est ei omnis potestas, in celo, & in terra, Matth. 28.* vel sic satis superque semper uiuat, ad *interpellandum pro nobis Heb. 7.* quia eius *obedientia* ceteraq; merita à diuina personâ, tanquam infinitâ, infinitum valorem traxerunt, vnde nunquam exauriri, vel plenè compensari possunt, vide *Gabr. Vazquez in 3. p. d. 82.*

Vnde hæc? ex obedientia. Sed Christus non VI. obediisset, nisi se humiliasset; sicut nec *onum per annulum transiret, nisi molle & maceratum.* Duræ ceruicis homines, quia cedere nesciunt obedientiæ, franguntur. Ne autem frangantur, macerentur & ipsi, exemplo summo Christi, non jam quâ hominis tantum, sed etiam quâ Numinis. *Cum enim in forma Dei esset. semetipsum exinaniuit, formam serui accipiens. Phil. 2.* Quæ fuit

*humiliatio & exinanitio ipsius Diuinitatis, qua se immensa illa Maiestas, nostra causa, tanto opere demisit, ut nostram mortalitatem induerit. Cum ergo, tanquam momentum statera, sic sit, ante Deum, orbis terrarum, Sap. 11. minima Diuinitatis humiliatio longè pluris est, quàm salus nostra, & vniuersum bonum creaturæ æstimanda. Et tamen inuenitur homo, qui tantæ celsitudinis demissione, nondum se didicit humiliare, ut obediatur? nempe quia nondum didicit Diuinitatis, sed suam duntaxat exinanitionem æstimare; trahendus per annulum, non obedientiæ, sed gehennæ, & aternitatis: quandoquidem censet Christum, cuius merita omne præmiū excedunt, hoc non meruisse, ut illi obediatur. Certè si, ut apud Plautum in Persa est, emere oportet, quem tibi obedire velis, Christo erit vel maximè obediendum, quia nos obedientia, & inæstimabili sanguinis precio, non solū emit, sed etiam redemit,*

Morte Christi nos in vita seruatos, quod  
in gemino ouo editis effigiatur.

## EMBLEMA XVIII.

AH MORITVR POLLVX; VT  
POSSIT VIVERE CASTOR!



**Q**uadam gallina, ait Plin. l. 10. cap. 53. 1.  
omnia gemina oua pariunt, & geminos in-  
terdum excludunt, vt Cornelius Celsus au-  
ctor est, alterum maiorem. Aliqui negant omnino  
geminos excludi. At Aristoteles l. 5. de gen. ani-  
mal. ostendit id, iuxta naturam fieri, vt ex eo-  
dem ouo duo pulli nascantur, & quidem perfe-  
cti, si vitelli membrana dirimantur: ijdem si  
cohæreant, & confundantur, foetum edi mon-  
strosum. Caussam affert Sect. 10. probl. 60. Mon-

*stra, inquiring, confici solent, cum plura semina inter se cohaerescunt, confundunturque. Vnde aues etiam monstra edere possunt, oua namque vitello pariunt geminato; monstrum autem ex geminatis illis consistit, quorum vitelli nullâ interiectâ membranâ distinguuntur. Quae omnia, ait Cardan. l. 7. derer. Variet. c. 39. ob imperfectionem eueniunt, etsi quandoque aliquid significare videantur.*

**II.** Quid eiusmodi oua significant, mox expendam, ubi prius recensuero, quid de *ono Tyndario* (licet alij aliter) Poëtæ fabulentur, fortasse ex eiusmodi *monstrosi oui* occasione nato. Fingunt enim Tyndari regis Oebaliæ uxorem Ledam, eodem tempore, *duo oua* peperisse, è quorum altero, quod ex Ioue in cygnum conuerso conceperat, exclusi fuerint Pollux & Helena; ex altero, quod conceperat ex Tyndaro, Castor & Clytemnestra. Ex his priores duos immortales fuisse, posteriores, aiunt, extitisse mortales. Primum *ouum* Pausanias in Laconicis refert, ostendi, apud Lacedæminios, suspensum tænijs à testudine templi. Mortuo igitur Castore, Pollux à Ioue fertur impetrasse, ut sibi cum fratre, quem vita chariorem habebat, immortalitatem communicare liceret, & vitæ mortisque vices cum illo alternare.

**III.** Certè huius nominis sidera ita in cælo micant, ut vno oriente, alterum occidat; neq; tantum celebrantur

*Tyn.*



*Tyndaride fratres, hic eques, ille pugil,*  
 sed eorum etiam singularis amor pro uerbo lo-  
 cum fecit. *Ouum Tyndarium perhibent Poëtae de-*  
*lapsum calitus fuisse*, ait Plutarch. l. 2. qq. conuiu.  
 q. 3. alludens scilicet ad alteram fabulæ opinio-  
 nem, quæ Lunam ipsam pro gallina habet. Nam,  
 teste Athenæo, Neocles Crotoniates scripsit, è  
 Luna prolapsum *Helene ouum*; plus utiq; quàm  
 prodigiosum, ut quod tanto casu non fuerit fra-  
 ctum. Quin & cum magnæ parentis ossa post  
 tergum sparsit Deucalion, paulatimq; animâ ca-  
 luerunt mollia saxa, lapides prius in oua conuer-  
 sos, quàm in homines, innuunt Poëtæ; ita enim  
 rigore sensim posito, in oua prius emollita, quàm  
 in hominum membra commutata saxa intelli-  
 guntur. Hucusque vel de Naturæ portentis, vel  
 de Poëtarum commentis.

Fas sit magna paruis, & sacra profanis, com- I V.  
 ponere, fabulisque explicare veritatem. Longè  
 maius portentum est, Christum, qui est omniū  
 gentium, non modò virtute, sed etiam diuinita-  
 te princeps, quàm *ouum*, de cælo descendisse;  
 & duas naturas in vna persona, quàm duos vi-  
 tellos in vnâ testâ reperiri. Sed hoc in Christo  
 diuina potentia fecit. Illud magis stupendum,  
 hominem, ob peccatum morti addictū, & qui-  
 dem etiam æternæ, ita ab immortali Deo ama-  
 tum, ut de cælo descendens quodammodo no-

biscum suam diuideret immortalitatem. Nam, *ut nos diuinitatis suæ tribueret esse participes*, mortalis factus; & verò etiam mortuus est. Et quamuis Christo *mors ultra non dominabitur. Rom. 6. 9.* ex immortali tamen mortalis factus est, & hinc iterum transijt ad immortalitatem, quasi, more Pollucis, gemelli Castoris gratiâ, vices alternaret. Quare & nos ipsi vicissitudinē hanc subiijmus, vt mortem, illius beneficio, cum vitâ mutaremus, & tanto maiore beneficio, quia de morte æternâ translati, vitæ capaces facti sumus sempiternæ, vt cum Christo, velut sidera in cælo, fulgeamus.

V. Hoc ergo beneficium, ne ingrati paruo æstimemus; æstimemus, quid sit *in tenebras exteriores*, carcerem tristissimum, omni luce, omni solatio carentem, ad famem, sitim, amaritudinem, foetorem cadauerum, laruarum horrificos aspectus, conuicia, fletum, tristitiam, incendia, & omnium sensuum tormenta damnari; idque absque vlla spe liberationis; non aliquot menses, aut annos, aut annorum milliones; sed perpetuò, sed sine fine, sed quàm diu Deus erit Deus. Quæ mala, per nullum vnquam hominem satis diu multùmque defleta sunt. Mare hîc quoddam est malorum. Immo hæc infinita calamitas est, quare & infinita misericordia fuit ab ea liberari; & quidem ita, vt Deus in  
suo

suo corpore pœnas exsolueret, quæ nostris sceleribus debebantur.

Hoc verò tam immensum beneficium Christi VI.  
 ftus in omnes omnino homines cōtulit. Quam-  
 uis enim nos, ob originis peccatum, flammarum  
 supplicia, aliorumque sensuum cruciatus non  
 mereremur, pœnâ damni satis puniti; attamen  
 quia originariæ culpæ veniâ non impetratâ, in  
 multa lethalia peccata necessariò eramus lapsu-  
 ri, quæ æterno igne puniuntur, nequaquam po-  
 tuissemus æterna illa tormenta euitare. Euitau-  
 imus ergo illius immensâ clementia, & charita-  
 te, qui cum frater noster & fieri, & dici voluis-  
 set, ob infinitam personæ suæ dignitatem, infi-  
 nitam nostram miseriam, & suppliciorum no-  
 strorum funestam æternitatem compensauit.  
 Prodigiosum ergo, non monstrosum est *ouum*,  
 quod duas naturas in vnâ personâ repræsentat,  
 cuius incredibilem vim ac beneficentiam, nul-  
 lus hominum dicendo assequetur; quidquid  
 enim dixerit, minus erit.

Laudat D. Greg. *l. 3. dial. c. 1.* S. Paulinum VII.  
 Nolanum Episcopum, qui Wandalis, è Campa-  
 niâ, in Africam, multos abducentibus, cum  
 omnes opes suas, pro captiuis redimendis, pro-  
 fudisset, tandem, vt viduæ filium liberaret, me-  
 morabili charitatis exemplo, se tanquam man-

cipium à feminâ illâ vendi voluerit, certè permutari volens passus sit. Quid Christo debeamus, qui, vt nos à dirissimâ seruitute redimeret, *semetipsum exinanivit, formam serui accipiens*, ac tandem etiam vendi 30. argenteis voluit? Denique ab eodem Greg. l. 3. dial. c. 37. Sanctolus se ipsum, pro diacono, in mortem tradidisse, sed à S. Io. Baptista, liberatus esse fertur. Christus pro nobis morti se obtulit, nequaquam liberatus. Morte suâ vitam nobis obtinuit, & sanguine sanguinem stitit, si medicinam non respuimus; *verum vel hinc ouum.*

II X. Aiunt enim medici, *testam oui cineratam, atque in vino epotam sanguinis eruptionibus mederi*: quin eundem cinerem mulierum menses cum myrrhâ illitum sistere; dummodo sine membrânâ comburatur. Nempe sanguis noster, qui nos polluit, peccatum est nostrum, quo sanguine liberari voluit ille, qui dixit Ps. 50. *Libera me de sanguinibus*: quo etiam facta est Ierusalem quasi polluta menstruis Thren. 1. 17. Hunc immundum sanguinem sanguine Virgineo abluit Christus; qui corpore suo, velut *testâ oui*, mortem excepit, inde contritus, vnde mortuus. Ah tam nobilem testam, in specie vini, immo & panis schemate (cum vtique etiam inibi totus sit Christus) toties sumimus, & sanguinis nostri  
eru.

eruptiones nondum sistimus? Sed identidem  
 peccatis nos inquinamus, vt dicere necesse sit:  
*Et facti sumus, vt immundus omnes nos, & quasi*  
*pannus menstruata vniuersæ iustitiæ nostræ. Isa.*  
 64. 61.

*Cur abluenda tot, sacro sanguine,*  
*Fert oua nostrum seculum?*  
*Sunt pauca pura puta, multa putida;*  
*Castorum ut illa, ita ista Castorum.*





Oua Oceano, Christus Mundo  
pacem inducit.

EMBLEMA XIX.  
NAVITA DE PORTV NVNQVAM  
SECVRIVS EXIT.



I. **A**lcyones, ait Ælian. l. 9. de hist. anim. c. 17. suam gravitatem sentientes, nidum ad excipiendos pullos machinantur. Ad eum verò non lutum opus est, non tectum & domus, ut hirundini, quæ cum hospes non vocata adventat, tum matutino tempore cantu molesta importuno, suavissimū somnum interrumpit. At neque corpore tantum Alcyones in aperto ac libero mari, ad nidi structuram, legendis contexendisque Belonæ spinis incumbunt, sed ineffabili etiam vi ingenij solertiaq<sub>3</sub> propositum

positum perficiunt. Spinæ enim partim rectas, partim obliquas, ut mulieres ad textrinā erudita subtegmini stamen, intertexunt: & rotundum paulatim, non omnino tamen, sed oblongum, & sinuosum, instar nasse cuiusdam, efficiunt. Perfectum in mare deferunt, ubi fluitans ab incurstantibus vndis earum opus probatur, tum partes, quas aqua incidens ostendit non firmas esse, resarciunt. Cetera quæ rectè connexa iunctæque sunt, neque si percutias saxo, rumpi, neque ferro discindi possunt, non magis quàm lineus ille thorax, qui Minervæ Lindia consecratus carminibus celebratur. Os verò nidi non planè conspicuum, & alijs omnibus inaccessum, solam illam suscipere potest, neque per idipsam quidquam ex mari intro influere potest, adeo subtiliter constructum est. Ibidem vndis circumlata Alcyon, ut ferunt, pullos nutrit.

At ne putes, vndis procellosis fatigari, scribit idem Auctor lib. 1. de hist. cap. 36. Cum parit Alcedo, maria tranquilla & venti quiescunt, & quamvis media hyeme pariat, non deest tamen, ad incolume, ut ita dicam, puerperium, ei tranquillus aër. Et eo quidē tempore dies Alcyonios celebramus. Ita avis una pro Salsipotentē Iouis fratre potest esse, Ut calū vultu tempestatēsq; serenet. 1. Æneid. aut serenitatem nunciet. Vide & Aristot. lib. 5. de hist. c. 8. Plin. l. 10. c. 32. & lib. 18. c. 26. Plutarch. lib. quæ prudentiora &c. Dioscoridem lib. 5.

c. 136. S. Basilius orat 8. in *Hexaem.* ita loquitur: *Alcyon avis est, quæ mare accolit: quæ cum sit in maris littore parere solita, deponit ova in arena, & media hyeme nidum componit, quo maximè tempore ventorum impetù mare tempestuosum est. Sed tum venti se remittunt, compescitur ipsum mare, cū Alcyon septem diebus incubat: excludit enim pullos totidem. qui cum cibum appetunt, septem alios dies ad pullorum incrementum minutissimo animali liberalis Deus elargitur. Omnes itaque qui se mari committunt, id observant, eòsque dies Alcyonios nominant. Quæ tibi concessa ac tradita sunt, à divina providentia, eius etiam vis elucescit in ijs animalibus, quæ rationis expertia sunt, ut te commonefacerent, ad ea petenda ab eo, quæ tibi ad salutem conferrent. Quidnam etiam, quæso, vel quod fidem excedat alioquin, non est tua paratum causa, qui ad Dei factus imaginem sis; cum propter eam tam minutam anem vastum illud ac terrificū mare sedetur, & hyeme media, Dei iussu, coërceatur?* Hæc S. Pater.

III. Potest autem rectè etiam Christus *Alcyon* vocari, qui cum mare huius Mundi, in antiquæ legis hyeme, magnis fluctibus esset periculosum, Deo hominibus, & his Deo offensis compugnantibusque more procellarum, venit pacem compositurus, tanquam *Princeps pacis Isa. 9. 6.* Hinc ubi nidum suum primò inter foenum

&

& stipulas, in præsepio, deinde etiam in horrida spinarum corona posuit, omnia tranquillauit. Hinc nato Angeli cecinerunt : *Pax hominibus Luc. 2. 14.* Et quando *Matth. 8. 24. motus magnus factus est in mari, imperauit vento & mari, & facta est tranquillitas magna.* Denique, postquam capite suo nidamentum è spinis gessit, Apostolis suis dixit. *Pax vobis Jo. 20. 21.* itemq; velut Alcyon, *Io. 21. 1. manifestauit se Iesus ad mare Tiberiadis,* ibiq; oua, & pullos, hoc est, fideles ac discipulos genuit. Iacobo. *c. 1. 18.* dicente, *Voluntariè nos genuit verbo veritatis, & Patri reconciliauit.*

Quantum autem hoc sit beneficium, nemo I V. agnoscit, qui non perpendit, quid sit, Deum habere inimicum, aut pati tempestates ab irascente Deo excitas. Nunquam profectò ad portum æternæ felicitatis enauigabit, qui Alcyonia nō obtinet, & Numen placatum. Omnia Angelorum, omnia omnium hominum bona opera, ne vnum quidem peccatum mortiferum sufficiunt compensare, si Alcyon hæc desit, & gratiam non aspiret. Quare meritò S. Paulus antiquam legē, itemq; opera solis naturæ viribus facta tantopere deprimat, Christum autem & legem gratiæ extollit. Hæc enim & jubet, & iuuat pariter; hæc dat vires, hac pace inter Deum & homines facta, mirificam quandam inducit serenitatem.

Quod



Quod etiam quiuis in se experitur, qui peccato antè turbidus, & conscientiaë procellis inquietus, illico magnam sentit animi pacem ac tranquillitatem: vbi enim Christum in pectus admisit, affectuum malorum tentationumq̃, fluctus cessant, & piarum cogitationum *oua* generantur. Excludat Christum, qui mauult bellum; pax animo nunquam erit, in quo cælestis Alcyon non erit.

V. Eiuscemodi tempestatem describit Io. Crombecius. *l. 2. de studio perfect. c. 2.* in viro potente ac opulento, ob facinus admissum, mirificè inquieto. Ita enim conscientia hominem stimulis identidem fodiebat, ita Eumenides agitabant, easq̃ faces admoüerant, vt nullo loco posset consistere. Nempe, vt vlcerà antè, quàm aperiantur, vehementissimè vrunt; ita scelera nullam quietem relinquunt, quàm diu teguntur. Et tamen ita obstinatè verecundus erat homo, vt mori, immo æternùm damnari, minùs ei graue videretur, quàm vlcus illud detegere per confessionem. Antuerpiæ aliquando ex Ecclesiaste intellexerat, neminem vllum obligari ad ea peccata confessione expianda, quæ memoriâ excidissent, factaq̃ diligenti inquisitione, in mentem non venirent. Huius doctrinaë veritatem, in propriij erroris fulcrum traxit, apta enim crimini suo tegendo viam ratus, nihil non laboris ac di-



ligentia adhibuit, vt peccati memoriam ex animo eijceret. Actum egit. nam ipse conatus obliuiscendi memoriam roborabat. Et tamen pergebat velle obliuisci. Primum ergo, vt istorum mos est, somno, vino, ludo, & omnis generis oblectatione, mentem conatus est aliò auertere, ac tanquam nouus Salomon, *omnia qua desiderauerunt oculi eius, non negauit eis: nec prohibuit cor suum, quin omni voluptate perfrueretur. Eccl. 2. 10.* Sed frustra. Omne enim gaudium luctu, velut felle permistum, ostendebat verè de talibus dictum: *vermis eorum non morietur. Isa. 66. 24.* Nec dum tamen ille cum conscientia certare desinebat. Itaque sicut qui è limo profundi eluctari cupiens, semper magis se mergit; aut sicut ceruus in retia se implicat explicando: ita ille, dum peccata peccatis cumulauit, vt ipsa confusione peccatorum, peccatum illud obliteraret atq; vnus recordatione, alterius memoriam obrueret; semper illud ipsum peccatum, velut clauum nouo mallei ictu memoriæ magis infigebat. Vt ergo spina altius fixa, acrius pungit, & sagitta profundius adacta ceruum per omnia auia & deuia agit; sic hunc hominem scelus admissum adegit, vt semper fieret inquietior. Pacem igitur, quam domi non habuit, ad exterarum nationes longè profectus, foris quæsiuit. Censuit enim animum, locorum mutatione, mutandum. Sed ve-

rè

rè Isidorus l. 2. Sent. c. 26. *omnia fugere poterit homo, præter cor suum, non enim potest à se quispiam recedere: quocunq; enim abierit, reatus sui conscientia illum non derelinquet.* Ita viro isti contigit; à patria, non tamen à conscientia recessit; hac Furia ubiq; eum comitante. Inter hæc nullam rem curiosam non vidit, nullum spectaculum non spectauit, vt tanta rerum varietas memoriam præteritorum expungeret. non expunxit. Inter omnia atrox ille animi tumultus perseuerauit. Vt nihil omitteret, animum appulit ad studia literarum, & quidem earum, quæ plerumq; totum hominem sibi vendicant, & attentione, atque illecebâ non solùm alijs curis omnibus, sed etiã sibi ipsi auferunt, qualis est Mathesis, cuius eam præcipuè partem, quæ *Perspectina* vocatur, addiscebat. Sed sine emolumento. Nam nocte dieq; suum in pectore testem sentiebat rodentem, & interturbantem. Audit tandem, *contritione peccata* tolli. Quare se pijs operibus dedit: in cinere & cilicio pænitentiam agit, egentibus stipem largitur. Nihil proficit. In dies sæpius sæuiusq; roditur. Et quia, vt ait S. Greg. Naz. *in plag. grand. conscientia domesticum & verum tribunal est*, se ipso iudice nusquam absoluitur, tandem mortis consilium suscipit: neque ibi æstum declinaturus. Vltimum & vnicum pacis remedium fuit Confessio: quæ quàm mirabili modo ei fuerit per-

persuasa, auctor prolixè docet, in hunc ferè modum. Intemperiae cum hominem ad vltima perduxissent, consilium cepit, suimet, nocte proximâ, necandi; satius esse ratus, mortem ferre, quàm assiduè his facibus agitari Furiarum. Ea est flagitiosorum cæcitas, vt cum vitâ existimēt supplicia sua finienda; pœnasq; inde incurrant, vnde vitant. Igitur, velut œstro actus, rhedam conscendit, domumq; repetit tumultu plenus. In via dum est, dumque ad laqueum properat, atq; inde ad Orcum, diuina benignitas respexit errantem. Eius enim clementi prouidentia factum est, vt quidam de Societate nostra Pater, socio comite, per Brabantiam iter faciens, homini desperabundo occurreret. Sicut ergo *Act. 8. 27. Æthiops, eunuchus, potens Candacis regina Æthiopum rogauit Philippum, vt ascenderet, & sederet secum;* ita & hunc Patrem, multò iste, ipso Æthiopie nigrior, è rheda conspicatus importunissimis inuitationibus coëgit, cõrruque accepit.

Quid non prodest versari cum pijs, aut colloquijs sanctis interesse? Pater, vt vecturæ precium referret, sermoneq; utili viam condiret, varia cæpit de Deo diuinisque rebus sermocinari. Ad quæ rhedæ Dominus nihil respondit, sed tacitus dicentem audiuit, fixissimis oculis identidem obseruans vultum nutumq; omnem dis-

ferentis. Inter multa alia, quæ Pater disputabat, Deo linguam regente, ventum est etiam ad illud argumentum, quo ostendebatur, quanta vis esset in scelerum Confessione. Hic repente taciturnus ille auditor, vlcus sibi tangi sensit, doloreque victus, vocem non habuit in potestate. Ruptâ igitur silentij pertinaciâ, cum stomacho dixit: *Itane verò? nesciebam, me tibi tam notum; nec dum scio, unde me nôris.*

Cui Pater, *Oculis meis antehac nunquam te aspexi; neq; auditione aliquid de te accepi. Sed mos est noster, eiusmodi narratiunculis, ubi se se fert occasio, imbuere audientes, ne vanis inutilibusq; sermonibus diem perdamus. Itaq; nihil existimes à me dictum, tui tangendi gratiâ. Nisi fortè quid monstri, aut morbi in animo alis, à quo cupis liberari. Equidem paratum habes, qui te adiutet.*

VII. *Adiutet? ait ille. & cum paululum conticuisset cogitabundus, sed quis, inquit, adiutabit, si consueri detrecta uero? Stat sententia, jam obfirmavi animum, si mille annos vixero, si inferorum penas ipsâ æternitate longiores ante ipsos mihi oculos videro parari, nunquam tamen confitebor. Ceterum si absq; hoc, ut confitear, opem mihi ferre potes, haud agrè mihi patiar fieri medicinam. Sacerdos, quia censuit sensim tractandum tam delicatum ægrotum, dissimulatâ tantisper confessione, hominem bono animo esse iubet, suppetere*



tere & alia remedia, per quæ venire possit ad sanitatem.

Refrigeratus hac promissione miser, palàm, I I X.  
quod res erat, edixit: Necem se sibi proximâ nocte consciscere voluisse, nisi auxilij spes alluxisset. Animi tumultuantis verbera se porrò sustinere non posse. Itaque si, sine confessione, cum Deo in amicitiam redire quæat, nihil tam asperum aut difficile fore, quod detrectet. Adiecit ordine, quæ ad latrantem conscientiam sopiendam fecisset; frustra vbique fuisse.

Morbo hominis probè intellecto, promittit Pater, se confessionis peragenda mentionem nullam facturum, & tamen auxilio futurum, si ille, ad pauculos dies, velit sibi obsequi, & ad præscriptum vivere. Conuentum. Igitur vbi domum venêre, rogat Patrem, quid imperet? Pater, quòd existimaret oppressum mærore animum, nocte præcipuè illa ferali, hilaritate restaurandum, jubet eum conuiuium adornare, & quàm lætissimè, inter amicos, agere. Remotis mensis secundis, recurrit ad Patrem conuiuij magister, &, quid jam jubeat, quærit? Iubet eum quieti se reponere, & sine cura dormire; se cum socio, pro eo, ad Deum precibus jactatis, vigilaturum. Abijt nox. redijt hospes, & imperari sibi cupit. Suggestit illi Pater quædam, quæ spem accendant, & animum gaudio dispo-



116 EMBL. XIX. PACIS PER CHRISTVM.

- x. Ita abit vnus, abit alter dies. Tandem iubet eum in conscientiam examussim inquirere; sceleraque omnia annotare, non quasi ad confessionem deferenda; sed vt de ijs doleat in memoriam reuocatis. Quod vbi factum, abduxit eum in siluam, & socio, per interuallum subsequente, interrogauit, an omnes animi sui latebras excussisset? ac ne fortè incautum aliquid lateat, ipse per omnes criminum classes sermonem trahit, quidquid horrendum, triste, atrox, nominat; tandèmq; ad illud ipsum scelus descendit recensendum, quod alter confiteri tantopere erubescibat; sed tamen gauisus, ab alio nominari: *Illud, illud ipsum est, quod prodere non audeo, inquit. Atqui in libris meis longè sunt his detestabiliora, ait Pater. Possum te & ab hoc, & à funestioribus absoluerè. Et si vis, iam confessus es; cetera, quæ scripsisti, adde, & negocium confecisti.* Procubuit in genua, recensuit reliqua, & vix absolutus incredibili voluptate mentis & vocis ostendit, quantum bonum sit Pacis, per Confessionis sacramentum à Christo institutum, impetrata.

Oyūm à sole elevatum, Fidei diuinæ  
imago.

## EMBLEMA XX.

SI EXALTATUS FVERO A TĒR-  
RA, OMNIA TRAHAM AD ME  
IPSVM. Ioan. 12. 32.



**O** Vi corticem vacuum rore comple, ait Io. I.  
Bapt. Port. l. 2. c. 14. sed Maio mense cum  
accipe ( alio enim tempore, ut astate, &  
autumno, verus ros non est, ut physicis constat ra-  
tionibus ) & in meridie Soli oppone, & ab eo eleua-  
bitur. Et si difficilis aliquando fuerit ascensus, bacu-  
li, vel tabula adminiculo, dum ascendere incipiat,  
facilius eleuabitur. Idem scribit Iac. Weck. l. 8.  
c. 2. Et sunt qui artem hanc utroque pollice lau-  
dent,

dent, quamvis difficultate non carentem. Ego etsi dignam non putem, propter quam vadium deferatur, tamen existimo non esse inidoneam ad id, quod institui explicandum.

- II. *Unum* est homo, tot tantisque, quæ huc usque recensuimus, beneficijs cumulatus, ut captum humanum superent. Et tamen vult peregrinari. Deus: credenda sunt ergo fide divina. Ac vel idcirco res tam sublimes nobis proposuit summa illa sapientia, ut non solum, velut *inania onera*, nostram agnosceremus inanitatem ac imbecillitatem, eaque propter intellectum nostrum in obsequium fidei captiuatum Deo subijceremus; sed etiam ut infinitæ illius potentia, sapientia, ac bonitatis altitudinem venerantes, mentem nostram humo tollere, & ad cælestia eleuare desideraremus. Similes ijs auiculis, quæ in Mexicana regione *Cinzones* dicuntur, & teste Henrico Salmuth *in tit. 1. lib. 2. Guidonis Pancirolli Nouor. Repert. pedibus carent, & rore tantum viuunt: ex quarum pennis Chineses artificiosissime picturas concinnant.* Nam quia alioqui *sine pennis volare haud facile est*, ut Comicus ait *in Pænulo*, insuper & pedibus caremus, quibus cælum scandamus; & *rore diuine gratia* diuinitus flagitato viuendum, ut quæ desideranda sint, intelligamus.

- III. Hoc egit Deus; non cæco perspicua, non in  
tri-

truijs obuia, sed alta, & humanum captum superantia proposuit credenda: & sapienter egit. Si enim obuia ea nobis, & non potius tam ardua, ac vim naturæ superantia patefecisset; neque æstimare Numinis maiestatem, neque cogitationem attollere à terrenis didicissemus. Nunc, tantis mysterijs, supra nostræ naturæ gradum ac sortem euocamur, atque ad supernaturalem Dei visionem, rerum supernaturalium fide præparamur. Cum enim sempiterna illa beatitudo hominis naturam mille parasangis excedat, necesse est, ut ea quoque, quæ illuc ducunt, & conducunt, eandem excedant; ut supernaturalis sit via, qua ad Patriam supernaturalem peruenitur. Quare sicut *inane ouum*, proprijs suis viribus, nequit in altum ascendere, ita neque homo diuinæ gratiæ rore destitutus vitam æternam potest consequi; immo nec ea, quæ ad vitam ducunt.

Clarè id Christus indicauit: *nemo*, inquit **IV.**  
*Io. 6. 44. potest venire ad me, nisi Pater, qui misit me, traxerit eum.* Inde nimirum fides venit, quò tendit: & quanquam maximè in diuinis litteris commendatur, summèque necessaria est, non aliunde tamen potest, nisi diuina illustratione haberi. Hæc si adest, iam incipimus, velut *ouum rore instructum*, ad ordinem supernaturalem subleuari. Primus enim ad diuina supernatura-



lis motus est, per fidem. Hinc, velut Sole trahente, & rore ascendente, opus est inspiratione diuina, & motione interna. *Trahe me post te, ait sponsa Cant. 1. 4. & curremus.*

- V. Talis inspiratio est, vt velis, de prima rerum causa, de Mundi gubernatore, scelerum omnium punitore, vel virtutum aeterno remuneratore cogitare, articulos fidei examinare, orare, vt lumen verae religionis accipias, augeas, serues. Eiuscemodi inspirationi, velut Soli radium caloremque affundenti, & trahere incipienti, vt possit obtemperari, Deus intus adiuvat, & irrorat, simulque hominem disponit ad recipiendas inspirationes altiores, paulatimque magis ac magis trahit, & sublimat, dum scilicet articulos credendos ei sufficienter proponit, nempe vt spiritu prophetico tot seculis ante in diuinis litteris praedictos, vel in figuris significatos; vt à paucis, plebeis, nulla philosophia seculari eruditis, sed solo Spiritu sancto afflatis Apostolis, tota seculi sapientia reluctante, Mundo persuasos; vt tot miraculis: tot Martyrum sanguine, tot sanctissimorum hominum virtute, tot eruditissimorum, per tot aetates & tempora consensu, testimoniòque traditos & confirmatos; vt denique nihil à recta ratione alienum, omnia ad vitia extirpanda, vitamque honestissimè instituentiam, Deum cognoscendum, & laudandum necessaria continent.



Hæc dum in propositis fidei mysterijs consi- VI.  
derantur, incipit homo iudicare, *ea ob diuinam*  
*auctoritatem, iuxta rectam rationem, esse creden-*  
*da.* Et quamuis eo ipso credat, qui ita iudicat  
esse credendum, facile tamen postea sequitur  
voluntas electioque credendi, ob diuinam au-  
ctoritatem: facile, inquam, diuino auxilio ad-  
iuuante, sine quo, non solum difficile est, sed  
etiam supra naturam, tam velle credere, quàm  
re ipsa credere. Vt ergo sic possit velle credere  
homo, immittit Deus præuium quendam diuini-  
tus affectum, quo erga primæ veritatis auctori-  
tatem inclinetur, vt velit credere. Accedente  
postea illustratione, velut interna locutione,  
trahitur intellectus ad firmiter constantérque  
assentiendum, & re ipsa credendum, si quidem  
(libera etiam tum) voluntas ita imperârit.

Quæ quia nec ipsa potest efficaciter velle VII.  
credere, sine præuia motione & affectu ad cre-  
dendum, indiget & ipsa, vt trahatur ad impe-  
randum, vt intellectus, actu fidei, mysterio as-  
sentiatur. Hinc dixit Christus: *Nemo potest ve-*  
*nire ad me, & mea mysteria credenda, nisi Pater,*  
*qui misit me, traxerit eum.* Inter potissima enim  
credenda, quibus ad cælum ascendimus, est  
Christus, &, velut *baculus ouum fulciens*, crux  
Christi: per quam, velut erectum vectem, ipse  
prior ascendit, atque in gloriam suam intra-

uit; ut nos & fide, & imitatione sequeremur.

VIII.

Quocirca dudum dixit: *Io. 3. 16. Sic Deus dilexit Mundum, ut Filium suum unigenitum daret; ut omnis, qui credit in eum, non pereat, sed habeat vitam æternam.* Et alibi *Io. 12. 32. Ego si exaltatus fuero à terra, (id est cum crucifixus fuero, ait S. Augustin. in Appendice ad sermones de diuersis serm. 75.) omnia traham ad me ipsum.* Exaltatus fuit ergo in Cruce, immo & in Resurrectione, in Ascensione; ad hæc credenda trahit, id est, vocat (ut cit. loc. exponit S. Aug.) & ut trahat, intellectum luce, voluntatem diuini affectus rore perfundit. Felix qui sequitur trahentem: nam eum sequitur, qui *in sole posuit tabernaculum suum. Ps. 18. 6.* & quidem meridiano. *Cant. 1. 7.* Nam etsi fides obscura, clara tamen sunt motiua credulitatis, ut nemini hîc liceat caligare; & difficile sit, ad tantum Solem non incallescere.

Ouum præ scorpione datum, spei  
symbolum.

# EMBLEMA XXI.

SVM PATER, HAUDQVAQVAM  
DABO DETERIORA PETITIS.



**N**on trahitur tantum, sed ascendit quoq; I.  
semper magis ac magis *ouum rore vege-*  
*tum.* Ita nec hominem *fides* solum à ter-  
renis eleuat, sed itur *de virtute in virtutem.* *Psal.*  
*83. 8.* Quippe ubi quis fide est illustratus, eius  
lumine videt, Deum esse infinite justum, videt  
item plecti peccata æternis pœnis; & cum non  
ignoret, se multorum criminum esse reum, dam-  
nationis timore percellitur. Mox ergo timor  
iste altiùs eum promouet, vt incipiat funem re-  
ducere

ducere, & circumspicere, quā via possit tantum malum declinare, nec iam terrea, sed ferrea mœnia quærat salutis suæ tuendæ. Nam ne hanc absticiat, ne ad laqueum currat, fides ei divinæ misericordiæ exhibet immensitatem.

II. Rursumq; eadem fides ei offert etiam modum tantis malis eluctandi, Christi scilicet Redemptoris merita, atque Sacramenta, per quæ Christi merita hominibus applicantur. Quare spem concipit, per eiusmodi remedia, Infernum evadendi, & cœlestis vitæ consequendæ. Hinc iterum aliæ atque aliæ virtutes germinant. Tum enim talis homo, quia perpendit divinam bonitatem, quæ nobis tanta bona præstitit, & à tantis malis acerbissima Christi Passione ac morte liberavit, incipit illam tam immensam bonitatem admirari, & iam propter seipsam amare: ac proinde etiam ex animo dolere, quod in illā peccarit, serio etiam statuere de moribus emendandis, de divinis mandatis posthac observandis, de Sacramentis usurpandis. Ita ex impio usque ad *iustificationem* promovetur. *Concil. Trid. Sess. 6. c. 6.*

III. Vt ergo in *ovo* Fides supra, ita hinc (præsertim cum *ovum* sit animal potentia) spes indiget, ad cuius actum producendum necessaria est intellectui lux divina secum adferens quandam voluntatis affectionem, quæ ad sperandum adiuv-



adiuvet. Qua de caussa tam spes, quàm fides, & ipsa etiam charitas à Deo esse dicitur.

Audi S. Augustin. Serm. 29. de Verb. Dom. 1 V.

*Fidem ab ipso accepimus: Sicut Deus inquit, unicuique partitus est mensuram fidei. Et spem ab ipso accepimus, cui dicitur: In quo spem dedisti mihi. Et charitatem ab ipso accepimus, de quo dicitur, Charitas Dei diffusa est in cordibus nostris, per spiritum sanctum, qui datus est nobis. Et paulo post: Quis est vestrum, à quo petit filius suus panem, nunquid lapidem porriget ei? aut quis est vestrum à quo petit piscem, nunquid serpentem porrigit ei? Aut à quo petit ovum, nunquid porriget ei scorpionem? Si ergo vos cum sitis mali, nostis bona data dare filiis vestris, quanto magis pater vester, qui in calis est, dabit bona petentibus se? Et iterum. Pone ergo tria, panem, piscem, ovum. Maior autem horum panis. Ideo panem bene intelligimus in trib. charitatem. Propterea pani lapidem opposuit, quia duritia contraria est charitati. Piscem fidem intelligimus. Dixit quidam sanctus, & nos dicere delectat: Piscis bonus, pia est fides. Viuit inter fluctus, nec frangitur, nec soluitur fluctibus. Viuit inter tentationes tempestatesque huius seculi, pia fides. Senuit Mundus, & integra est (loco infra citando etiam addit, fidem significari in pisce, propter aquam baptismi) tantum contrarium fidei serpentem illum observa. In fide enim desponsata est illa, cui di-*  
citur



citur in Canticis Canticorum: *Veni de Libano sponsa mea, veniens & pertransiens ab initio fidei. Ideo & desponsata, quia desponsationis initium fides est &c.* Et paulò post: *Restat spes, quæ, quantum mihi videtur, ovo comparatur.* Spes enim nondum venit ad rem. Et ouum est aliquid, sed nondum est pullus. Quadrupedes ergo pariunt filios, aues autem spem filiorum. Spes ergo ad hoc nos hortatur, ut præsentia contemnamus, futura expectemus: ea quæ retro sunt obliuiscences, cum Apostolo in anteriora extendamur. Sic enim dicit: *Vnum autem, quæ retro oblitus, in ea quæ antiè sunt, extentus, secundum intentionem, sequor ad palmam supernæ vocationis Dei, in Christo Iesu.* Nihil ergo tam inimicum spei, quàm retro respicere: id est, in eis rebus, quæ præterlabuntur & transeunt, spem ponere: sed in his, quæ nondum data sunt, sed danda quandoque, quæ nunquam transibunt. Quando autem scattet tentationibus Mundus, velut pluuia Sodoma sulphurea, metuendum est exemplum uxoris Löt. Retro enim respexit, & ubi respexit, ibi remansit. In salem conuersa est, ut prudentes condiret exemplo. Apostolus Paulus de hac spe ita loquitur; *Spe enim salui facti sumus.* Spes autem quæ videtur, non est spes. Quod enim videt, quis, quid sperat? Si autem quæ non videmus, speramus, per patientiam expectamus. Quod enim videt quis, quid sperat? Ouum est. Est ouum: & nondum pullus est, & testudinis tectum

rectum est: non videtur, quia operitur: cum patientia expectetur, feruescat, ut vinifcat. Intende, extendere in anteriora, obliuiscere praterita. Quæ enim videntur, temporalia sunt. Non respicientes, inquit, quæ videntur, sed quæ non videntur. Quæ enim videntur, temporalia sunt; quæ autem non videntur, æterna. In illa ergo quæ non videntur, ex-tende spem, expecta, sustine: noli retro respicere. Ouo tuo scorpionum time. Vide quia de cauda percutit, quam retro habet. Non ergo scorpium perimat ouum tuum, mundus iste spem tuam, ut ita dicam, veneno eo contrario, quo retrario.

Hæc Augustinus, qui alijs verbis idē habet V. Epist. 121. Ait enim: ouum ut est animal in spe, ipsam spem exprimere potest: & ut non videtur, quod est in ouo, ita spes est de his, quæ non videntur. cui opponitur scorpium, qui cauda mordet: quia deficiunt à spe, qui retro respiciunt. Sed & quod Christus dixit. Luc. 11.12. Si petierit ouum, nunquid porriget illi scorpionem? alijs verbis, in adagio, solet iactari: nam pro perca scorpionum cepisse, dicitur, qui optima captans, pessima cepit.

••

Ad.

Adoptio Diuina quomodo per chari-  
tatem facta, quomodo per ovum & pul-  
lum indagata?

EMBLEMA XXII.  
NVSQVAM EST TUTIVS ESSE,  
QVAM SVB ALIS:  
SED NON SVB ALIS OMNIBVS.



I. **V***T mater cristata solet, quo tempore milans  
Instruit insidias,*  
ita amans nostri Christus fauet, fouet, protegit,  
& pro nobis, contra rapacem illum, ex Ache-  
runte vulturium duellat. Qui iam dudum se  
matri comparauit. Numquid oblinisci potest mu-  
lier infantem suum, ait Isa. 49. 15. ut non mise-  
reatur filio uteri sui? & si illa oblita fuerit, ego ta-  
men

*men non obliuiscar tui. Nec matri tantum se contulit, sed cristatæ quoque matri. Matth. 23. 37. In quem locum S. Augustinus serm. 29. de Verb. Dom. hæc scribit: Nos ouum nostrum sub alis illius gallinæ ponamus, Euangelicæ gallinæ, quæ clamat Hierusalem, Hierusalem, illi falsæ & perditæ, quoties volui colligere filios tuos, tanquam gallina pullos suos, & noluisti? Non vobis dicatur, Quoties volui, & noluisti. Illa enim gallina diuina sapientia est: sed assumpsit carnem, ut pullis congrueret. Videte gallinam hispidam plumis, dimissis alis, vocē fracta & quassa, & lassa, & languida congruere pullis suis. Ouum ergo nostrum, id est spem nostram, sub alis illius ponamus. Animaduertisti fortè, quomodo gallina concidat scorpionem. Vtinam ergo & ipsos blasphemantes, in terra reptantes, de cauernis prodeuntes, & malè pungentes, illa gallina concidat & deuoret, atque in corpus suum traiciat, & in ouum vertat.*

Quod fit, quando peccatores, ostensis per fidem periculis, ex ipso timore remedia quærentes, & spem inuenientes, ac inde amare Redemptorem, odisse eius offensam incipientes, poenitentiamque agentes in filios adoptat, atque eius vitæ æternæ donat, remissâ peccati iniuriâ, domitioque miluo illo, qui eos rapinæ suæ destinârat. Quàm miseri, qui sub his alis colligi nolunt? nolunt enim, ex inimicitia Dei, & sta-



tu æternæ damnationis, euehi ad eam dignitatem, vt sint filij & *heredes Dei, cohæredes autem Christi*. Nam in Christo Deus vnum hominem in filium naturalem assumfit, ita totâ Diuinitatis plenitudine in illum refusâ, atque vnitâ, vt per eundem adoptet, filiosque Dei efficiat omnes eos, qui Christo, tanquam naturali Dei filio, per fidem, spem, & charitatem, perque sacramenta, tanquam *palmites viti*, inferuntur. Etsi enim charitas dilectiôque per se, aut vi sua naturali, nequeat nobis dare boni dilecti possessionem, neque efficere, vt illud sit nostrum bonum, & intra nos constitutum; ex benigna tamen Dei ordinatione (tanquam vinculum quo spiritus Dei nobis vnitur, & in nobis permanet, aut velut vltima dispositio meritumue de congruo, Deum alliciens, vt nobis spiritum suum donet) filios nos Dei efficit.

- III. Itaque qui, velut pullus, sub alas Christi conuolat, & *qui manet in charitate, in Deo manet, & Deus in eo. 1. Io. 4.* hoc est, manet in vnione cum Deo, & Deus manet in ipso, tanquam eius spiritus, & diuinum donum vitam illi impertiens. Quàm primùm enim quis Christo inferitur, etiamsi antea *scorpio* fuerit, in *ouem* Christi vertitur, & à Spiritu Christi, qui est eius diuinitas, velut animatur, & viuificatur, adeoq; filius Dei efficitur.



*Qui enim spiritu Dei aguntur; hi sunt filij Dei, I V. Rom. 8. 14. Eodem enim spiritu viuunt, ait Leon. Less. l. 12. de diu. perf. c. 11. (Vide etiam Suar. l. 6. de Grat. c. 2. n. 5. & l. 12. de Trin. c. 5. n. 12.) quo Deus ipse, & quo Christus filius Dei naturalis uiuit: etsi hic Spiritus diuerso modo istis communicetur: personis enim diuinis communicatur per identitatem, idque vel immediata necessitate, ut Patri; vel per aternam generationem, aut spirationem, ut Filio, & Spiritui sancto: humanitati uero Christi per hypostaticam unionem; nobis per quandam extensionem, qua, mediante dono gratiæ iustificantis, incipit esse noster spiritus, nostra uita, nos inhabitans, ornans, mouens, regens, & omnes vitales functiones Deo placentes in nobis excitans & edens. Itaque hoc Spiritu diuina personæ viuunt naturaliter, cum sit illorum esse, & uita naturalis: humanitas Christi quasi naturaliter, propter substantialem unionem: nos uero omnino supernaturaliter. Est enim uita nostra, ut ita dixerim, superuitalis, & essentia superessentialis. Quod sanè diuinus Spiritus non facit immediatè, per se nos informando, sed per dona gratiæ, siue per gratiam habitualem, quam nobis infundit. Itaque, ut quis sit filius Dei, non debet esse spiritus diuinus, aut illo tanquam forma informari, sed debet illum habere inhabitantem, & per gratiam habitualem vnitum. Tum dicitur talis non iam scorpium,*

132 EMBL. XXII. CHARIT. DIVINÆ.  
sed diuinæ gallinæ ouum: non filius gehenna, sed  
Dei. Ceterum quàm aptè se Christus gallinæ  
compareret, ostendit eleganter, in doctissimo &  
accuratissimo suo opere part. 1. Conc. 4. de  
S. Stephano Matthias Faber, vir cla-  
rissimæ eruditionis.

Si Gallina Deus, peccator Pullus & Ouum;  
Ab quàm non soboles digna parente sumus!



Ovorum

Ovorum defensio, sui proximique  
dilectio.

EMBLEMA XXIII.  
SICVT CVRA MEI, SIC EST  
MIHI CVRA MEORVM.



**C**iconia, ait Claudius Aelian. lib. 1. de hist. I.  
animal. c. 37. ouis suis perniciem molientes  
Vespertiliones sapientissimè vindicant. Quñ  
ha itaque solo suo contactu oua ipsa sterilia effici-  
ant, hoc remedio utuntur ciconia. Platani folia in-  
nidos suos inferunt, ad quæ accedentes Vespertilio-  
nes, torpore comprehensi perniciem afferre non que-  
unt. Ita amor prolis auem docet, non solùm ro-  
stro contra hostem dimicare; sed etiam artes  
colere, modósque varios inuenire, quibus res

efficitur amata in incolumitate conseruetur.

II. Scilicet, ut Vespertilio ex *ouo* non venit, *Plin. lib. 10. c. 61.* & tamen auium aliarum *oua* perdit, ita *rectores tenebrarum Eph. 6. 12.* nec ipsi bonarum cogitationum, affectionumque *oua* pariunt, nec sine insidijs abire sinunt, si alij perpererunt. Sed nostrū est, sicut nos ipsi sub galinae alis, contra miluium Acheronticum, protegimur, ac fouemur, ita, contra eiusmodi Vespertilionēs, alios quoque protegere, ac fouere, imitarique ciconiam, etiam ob alios mores ab antiquis dictam *pietaticultricem*. Immo officij nostri est, ut filij Dei efficiamur, ritu ipsius Dei, proximo curando, remedia excogitare. Hoc quippe est, filium Dei esse, Dei virtutem imitari; hoc Deo charitate connecti, si charitate proximo connectamur.

III. Hæc est altera diligendi formula: *Dilige proximum tuum, sicut te ipsum, Luc. 19. 18.* Nos ipsos autem ita diligimus, ut & à Deo, & à proximo protegi cupiamus. Quare meritò dictum est: *omnia quaecunque vultis, ut faciant vobis homines, & vos facite illis. Matth. 7. 12.* Non ergo verè diligit proximum, qui non, ut res suas, ita etiam defendit alienas. Nec Deum quidem verè diligit, qui non diligit proximum, cum, teste *S. August. l. 8. de S. Trin. c. 8.* dilectio Dei, tanquam causa, dilectionem proximi in se contineat,

neat. Quisquis enim verè Deum diligit, etiam quæ Dei sunt, propter Deum, diligit; immo & mandatum Dei diligit seruâtque, qui Deum diligit. Hinc 1. Ioan. 4. 20. dicitur: *Si quis dixerit, Quoniam diligo Deum, & fratrem suum oderit, mendax est, qui enim non diligit fratrem suum, quē videt, Deum quem non videt, quomodo potest diligere? Et hoc mandatum habemus à Deo, ut qui diligit Deum, diligat & fratrem suum.*

Ciconiæ sanè se ipsas, in prole, amant, cum IV.  
Platani folia, naturæ industriâ, contra Vespertiliones adhibent. Et homines quoque, ut se ac oua, pignoraque sua tueantur, quid non animo adinveniunt? Athæc est mensura charitatis, ut eâdem diligentia utantur, in alio quoque proximo, proximique rebus tuendis. At quis eâdem industriâ proximum curat, qua se ipsum, aut suos? Quem tamen proximum *qui diligit, legem implevit, Matth. 7. 12. quia plenitudo legis est dilectio. Rom. 13. 8. & finis præcepti est charitas. 1. Tim. 1. 5.*

Et si enim duo charitatis præcepta, nempe V.  
*diliges Dominum Deum tuum, ex toto corde tuo, & in tota anima tua, & in tota mente tua, & Diliges proximum tuum, sicut te ipsum: ac in his duobus mandatis uniuersa lex pendeat & propheta; tamen non solum omnia mandata cetera huc tendunt, ut Deum diligamus, quantum possumus, &*



omnia bona, quæ nobis ipsis optamus, optemus  
& proximo; sed etiam hæc ipsa duo mandata  
ita se mutuò velut catena trahunt, adeoque se-  
quaciter inferuntur, ut verè *qui diligit proximum,*  
*legē impleat.* Qui enim Deum diligit, diligit per-  
tinentia ad Deum, eiusque mandata obseruat.  
Et ipse *Christus dixit,* ait S. Augustin. tract. 9. in  
1. epist. Ioan. 4. 20. *Dedi vobis praeceptum, ut di-*  
*ligatis inuicem: quomodo diligis eum, cuius odisti*  
*praeceptum? Quis est, qui dicat: Diligo Imperato-*  
*rem, sed odi leges eius? In hoc intelligit Imperator,*  
*si diligis eū, si obseruentur leges eius per provincias.*  
*Lex Imperatoris quæ est? Mandatum nouum do-*  
*vobis, ut vos inuicem diligatis? Dicis ergo te dili-*  
*gere Christum? serua mandatum eius, & fratrem*  
*dilige. Si autem fratrem non diligis, quomodo eum*  
*diligis, cuius mandatum contemnis? Ergo qui di-*  
*ligit Deum, diligit proximum, quia seruat Dei*  
*mandatum.*

VI. Sed & qui diligit proximum, diligit Deum.  
Nam, ut perfecta iustitia sit diligere proximum,  
Deum in causa habere necesse est: inquit S. Bern.  
tract. de dilig. Deo, alioqui proximum purè dilige-  
re, quo modo potest, qui in Deo non diligit? Porro in  
Deo diligere non potest, qui Deum non diligit. Opor-  
tet ergo Deum diligi prius, ut in Deo diligi possit &  
proximus. Qui enim proximum propter Deum  
diligat, Deum magis diligit. Propter quod enim

unum =

*unumquodque tale, illud magis tale est. 1. Post. c. 2. Arist. Hinc fidenter & verè ait Apostolus: Gal. 6. 2. Alter alterius onera portate, & sic adimplebitis legem Christi. Illud necesse est ergo, vt onera alterius portemus, & cum diligamus, etiamsi sit nobis onerosus. Proximus enim est omnis homo, teste S. August. Serm. 59. de temp. Omnes proximi sumus conditione terrena natiuitatis, & mortalitatis, & etiam spe celestis hereditatis: quia nescimus quis quid futurus sit, quoniam aut Iudeus, aut hereticus, aut Paganus, fortè enim per misericordiã Dei conuertetur ad Deum, & inter sanctos primum locum habere merebitur. Diligendus est ergo, & res eius haud aliter defendendæ, quàm nostræ; hoc est, sicut ciconia sua oua defendit viribus, industria, vigilantia, à quibus sterilitatem omni studio amolitur. Hæc est mensura proximum diligendi, vt eum sicut nosipsum, diligamus. O quantum à mensura hac quotidie abscedimus! non ciconiæ, sed nostra appellandi!*

*Vt se quisq; inuet, quas non excogitat artes?  
Alterius causâ, quàm citò fessus erit?*

Ova calore, opera charitate promota.

# EMBLEMA XXIV.

SI CALEAS INTVS, NVLLA  
NOCEBIT HYEMS.



I. **D** Ecimo sexto anno regni Davidis Scotorum  
regis: salutis autem anno M. CCC. XLVII.  
in Albione insula, oves non pepererunt, cor-  
ui atq; monedula hyeme quidem pullos eduxerunt,  
aestate non. ait Hieronym. Cardanus lib. 2. de rer.  
Variet. c. 13. Deinde rationem naturalem sub-  
iungens, cur hyeme corui oua posuerint, aestate au-  
tem minimè, ait: Quoniam calida fuit ea hyems,  
& praecox, ut ita dicam. Aves autem calore oua e-  
dunt. Vnde & ars docet rustica, oua gallinarum  
plurima hyeme habere, si in calido loco alantur.  
Quid

*Quid igitur mirum est, calidam temperiem cali a-  
ues ad pullos edendos excitasse? tum maximè, si cibi  
calidi accesserunt? Et paulò post: Ita arbores  
quasdam igne fouemus in hyeme. Exhaustis igitur  
viribus in hyeme, nihil mirum est, aut fuit, aues in  
estate cessasse. E qua historia, haud obscurum est  
arbitrari, si cum partu etiam vires creuissent,  
geminato calore, fœcunditatem quoque fuisse  
geminandam.*

Sicut prorsus quidquid ex calore charitatis I I.  
fit, apud Deum, meretur augmentum charitatis.  
Quàm enim quisque plurimis illum studijs co-  
lit ac amat, tam maximè donis ille præmiisque  
solet redamare; amat enim amantem, immo  
prior diligit, ut diligatur, itaque dilectus flam-  
mam refundat luculentiorē. Ergo, ut calor  
sua, sic charitas opera promouet; quæ quia non  
adimunt, sed addunt charitati vires; semper cre-  
scunt, si sinantur crescere. *Probatio dilectionis,*  
*ait D. Gregorius, hom. 30. in Euang. exhibitio est*  
*operis: Verè enim diligimus: si, ad mandata eius,*  
*à nostris nos voluptatibus coarctamus. Si enim, ut*  
*docet S. Augustin. l. 3. de doctr. Christi. c. 10.*  
*charitas est virtus diuinitus infusa, qua Deus pro-*  
*pter se diligitur, proximus autem propter Deum,*  
*nonne velut ignis facit nos calere, immo arde-*  
*re? hoc est, Deum & proximum ardentè dili-*  
*gere? & tantò ardentius proximum, quantò ar-*  
*dentius*



dentiùs ipsum Deum? Pulchrè Dorotheùs *discurs. 6. de non iudicando*, & S. Bonau. *in stim. p. 2. c. 7.* docent, sicut duæ lineæ à circumferentia ad centrum ductæ, eò sibi, quò centro fiunt viciniore; ita arctiùs inter se semper coniungi eos homines, qui arctiùs Deo coniunguntur. Itaque pari gradu crescunt Dei proximique dilectio.

**III.** Quid autem est illud, *Deum & proximum diligere*, nisi ad Dei honorem, & proximi salutem opera multa, velut *oua*, producere? Hoc charitatis calor impletus S. Franciscus Xauerus, cum Deus illi ostendisset, quantum pro eius honore laboris superesset exhauriendum, ingenti pectoris æstuantis singultu ingeminauit illud: *Ampliùs Domine, ampliùs: Ignis iste nunquam dicit sufficit. Prov. 30. 16.* Semper plus, ultra quærit. Quare meritò D. Bern. *tract. de diligendo Deo.* ait: *Causa diligendi Deum, Deus est, modus, sine modo diligere.* Quæ de causa tota corde animaque, & omnibus eum viribus diligere iubemur. *Matth. 22. 35.* qui est modus sine modo: proximos autem eo modo; quo nos ipsos diligimus.

**IV.** Itaque tam proximì, quàm Dei dilectio (velut calor frondes, aut *oua*) opera charitatis producit. Quid enim cupimus, si cupimus nos diligì? nempe nobis benè optari, & fieri ab altero: Ergo & Deum tunc demum, aut proximum, diligì-



ligimus, si ei, bona optemus, & quâ fas est, exhibeamus. *Charitas Dei dicta est*, ait S. Aug. l. de Spir. & lit. c. 32. *diffundi in cordibus nostris, non qua nos ipse diligit, sed qua nos facit dilectores suos; sicut iustitia Dei, qua iusti eius munere efficiamur; & Domini salus, qua nos saluos facit, & fides Christi, qua nos fideles facit.* Vbi de habitu diligendi sermo est, qui à Deo in cor nostrum diffunditur, sicut calor cælestis in plantas, vel animantes; vt frondeant, vel pariant.

Ex isto diligendi habitu, postea actus diligendi effunditur à corde nostro, in Deum & proximum; quia teste Apostolo 1. Tim. 1. 5. *finis præcepti charitas*; seu opera Charitatis; eò etiam tanto potentiora, quia vis eorum quodammodo duplicatur, cum & ab altero, qui amatur, aliquid accedat. Idem enim vult: & *Non caret effectu, quod voluere duo.* Porro nemo amante minus est ociosus: nec vlla res vehementius, agit quàm charitas. Cuius opera, velut *oua*, producentis, illustre exemplum recenset Ruffinus Aquileiensis Presbyter c. 5. libri, qui de vitis Patrum est. In vrbe enim refert, Thebaidis Oxyrincho, ciues tanto omnes inter se charitatis incendio arsisse, vt religiosorum potius, quàm ciuium septum, & cœnobium quàm vrbs fuisset videretur. Primores huius ciuitatis ne negligerent opera charitatis, certos solebant constitue-

re,

re, qui in aditu ac portis ciuitatis, totos dies excubarent, & quemadmodum alij se occultant, ad hospites declinandos, ita illi, multoque magis inuigilarent, ad aduenas excipiendos, saliebantque gaudio, si peregrinos nacti essent ad hospitia deducendos. Tantaque flagrabant passim omnes charitate, vt certatim quisque domum suam pertrahere niteretur, quem nouum, in præsens, hospitem vidisset aduenisse. Quod & ab Abraham, ac Lotho patriarchis legimus factitatum, qui præ foribus peregrinos operiebantur, & ad se diuertere cgebant. Nunc fores clauduntur, & dominus domi esse negatur; immo si fortè, per fenestram prospiciens, arbitratu se non nosci, ipse se negat esse domi. Quod homines nunquam facerent, nisi frigidi essent, & totam hyemem in corde ferrent, loco charitatis.

*Cum calor ingentes doceat perferre labores,  
Quàm meritò frigus dicitur esse pigrum?*

Ova plumis fota, misericordiæ  
symbola.

# EMBLEMA XXV.

FIAM LIBENTER NVDVS, VT  
CHRISTVM TEGAM,



**V**luere palumbes ad xxx. annum, aliquos ad **I.**  
XL. habemus autores, ait Plin. lib. 10. c. 35.  
Nigidius putat, cum ova incubat, sub tecto  
nominatam palumbem relinquere nidos. Pariunt  
autem post solstitium. Hæc ille, solstitium hiber-  
num, intelligens. Nam Andr. Alciatus, *embl.*  
193. hos versus habet:

*Ante diem vernam boreali cana palumbes  
Frigore nidificat, præcoqua & ova fouet:  
Mollius & pulli ut iaceant, sibi vellicat alas.  
Queis nuda hiberno deficit ipsa gelu.*

Alio-

**II.** Aliorū hęc ille, in Medea, & Prognas scilicet, matrēque in propriā sobolem crudeles vibrat. Ego opera misericordiæ nos eo exemplo doceri existimo: qui si *miseriordes* fuerimus in homines, misericordiam Dei inueniemus, nec iam longā tantū cum palumbe, sed æternā etiam vitā digni. *Matth. 5. 7.* Neque sine causa dixit Saluator. *Luc. 16. 9.* *Facite vobis amicos de mammona iniquitatis: ut cū defeceritis, recipiant vos ad æterna tabernacula.* Quo pacto autem amicos facere possumus tales, aut misericordiam exhibere luculentiū, quā vt, palumbem imitati, plumas & alas nobis vellamus, nosque ipsos nudemus, vt pauperes Christi integamus?

**III.** Præceptum id est, sub æterni ignis comminatione, arbori fructum bonum non facienti, latum. *Qui habuerit substantiam huius mundi,* ait Ioannes *1. Ep. 3. 17.* & viderit fratrem suum necessitatem habere, & clausit viscera sua ab eo: *quomodo charitas Dei manet in eo?* Et *Luc. 3. 33.* *Qui habet duas tunicas, det non habenti: & qui habet escas, similiter faciat.* Merces verò cælum, pro tunica, promittitur. *Tunc enim, vt est Matth. 25. 34.* *dicet rex his, qui à dextris eius erunt: Venite benedicti Patris mei, possidete paratum vobis regnum à constitutione mundi: esuriui enim & dedistis mihi manducare: sitiui, & dedistis mihi bi-*

*ere:*



*bare: hospes eram, & collegistis me: nudus, & cooperuistis me &c.* Quidquid enim pauperi fit, fit Christo.

Quod vel in S. Turonensi Episcopo, Martino apparuit; qui adhuc Catechumenus, cum Ambiani mendicum sua veste texisset, ut est apud. *Sur. in eius vita*, vidit postea ipsum Christum, in eadem veste, & audiuit dicentem: *Hac me veste Martinus Catechumenus contexit.* Illud quoque fuit haud paullo memorabilius, quod de S. Ignatio nostro, vestem preciosam exuente, eamque pauperulo donante, ut ipse vili pannicia, saccoque contactus incederet, refert Ribad. *lib. 1. cap. 4.* Ob hanc, & multas præterea causas, in pauperes benigni fuere Franciscus, Eduardus, Oswaldus, Gregorius, Iulianus, Chrysostomus, & Otho Bambergensis Præsul, Bernardinus, & vel maximè Ioannes Eleemosynarius.

Immo ipse S. Paulus, cuius 2. Cor. 8. & 9. illa sunt: *In presenti tempore, vestra abundantia, illorum inopiam suppleat: ut & illorum abundantia vestra inopia sit supplementum.* Plura etiam 1. Cor. 16. Et S. Gregorius uterque, Nazianzenus, & Nyssenus, quorum ille unam, iste duas orationes de pauperibus amandis, scripsit. Quos iuvare, multis nominibus præclarum est, tametsi misericordia, cuius eleemosyna actus est, finem aliū



non habeat ex natura sua, quàm vt quoquo modo miserorum miseriam subleuet, hæc tamen ipsa subleuatio multos habet effectus, & priuilegia, quæ totis ostijs in hominem misericordem immittuntur.

**VI.** Nam I. Colitur hoc genere Deus, tanquã hostia: immo, vt est *Prov. 21. 3. Facere misericordiam, magis placet Domino, quàm victima.* II. Misericordia ipsa est, quæ purgat peccata, ait *Raphaël Tob. 12. 8. & facit invenire misericordiam, & vitam aternam.* III. Cur ergo non etiã mortem felicem? *Psal. 40. 1. Beatus, qui intelligit super egenum & pauperem, in die mala liberabit eum Dominus.* IV. Cur non iudicium clemens? *Matth. 25. 34. Eleemosyna, enim teste Chrys. hom. 33. ad pop. Christi adstat tribunali, non tantum patrocinians, verum & ipsi persuadens Iudici, ut reo patrocinium præstet, & pro eo sententiam ferat: & licet millies peccauerit, coronat, & victorem promulgat.*

**VII.** Hinc refert *hom. 32. in Euang. S. Gregorius*, duos Martyres, peregrini habitu, piæ cuidã feminæ apparuisse, quæ pro more eleemosynam porrigeret, itaque eam affatos esse: *Nobis modo opitularis, tibi nos extremo, & periculosissimo Mundi die opitulabimur.* V. Non Purgatoriũ tantum, sed Gehennæ quoq; flammam exarmat. *Eccli. 3. 33. Ignem ardentem extinguit aqua, & eleemosyna*  
resistit.

*resistit peccatis.* VI. Adeò Numini placet elemosyna, vt Apostolus *Phil. 4. 18.* eam vocet *odorem suauitatis, hostiam acceptam, placentem Deo.* Vis videre, quàm placentem? Ribadeneira in *uita S. Catharina Senensis* scribit, eam, cum ei aliud nihil esset ad manum, crucem argenteam pauperi dedisse; cum qua proinde Christus Catharinæ se spectabilem dederit, addideritque, se illam olim crucem, in extremo Iudicij die, toti Mundo ostensurum.

VII. Cæli minacias placat, ianitores conciliat. Chrysoft. *hom. 36. ad pop.* *Tanta vis est elemosyna, cum multa fiducia suos introducit alumnos: est enim cæli nota ianitoribus sponsalis thalami fores obseruantibus, quin & venerabilis &c.* Hinc rex Franciæ Robertus, teste Baron. *Ann. 1033. & Bodin. lib. 6. de Reipub. cap. 2.* quocunque iret, plaustra pauperum circumuehebat, tanquam exercitum, vt aëbat, quo cælum iret expugnatum: Dicebáque, hoc esse genus hominum, quibus Deus caelesti regni portas tradidisset, ijs aperiendâs, qui in ipsos misericordiæ viscera prius aperuissent.

IX Deum imitatur, & ubi Deus curam misericiordiæ inuenit, ait S. Leo *Serm. 10. de quadrages. ii imaginem suæ pietatis agnoscit.* IX. Misericordia, dum dat, nihil perdit; multum, imò ceruaplum lucratur. *Prov. 28. 27. Qui dat pauperi, non indigebit; qui despicit deprecantem sustinebitis*

148 EMBL. XXV. MISERICORDIÆ.

*nebit penuriam. Luc. 6. 38. Date, & dabitur vobis.*  
*Vnde eleemosyna semen vocatur. 2. Cor. 9. 10.*  
*Exempla sunt, in vita S. Ioan Eleemosynarij, apud*  
*Sur. tom. 1. Sophronium Prat. spir. cap. 195. & c.*  
*185. & alios. Illud solùm aduertas velim, ne*  
*Palumbem liberalitate tantùm, sed etiam hu-*  
*mitate imiteris; sed ex illa fabula, in qua Ni-*  
*gidius putat, cum oua incubat, sub tecto nominatam*  
*palumbem relinquere nidos, historiam facias; nec*  
*nominari cupias, aut tuba ante te canas, cum facis*  
*eleemosynam. Matth. 6. 2. sed te faciente eleemo-*  
*synam, nesciat sinistra, quid faciat dextera tua.*  
*Dare, vt dare videaris, non est pauperum mise-*  
*rerì, sed ventos aucupari; nec cælum, sed*  
*laudes emere, ah nimis citò*  
*perituras.*

*Vt benè sit pullis, proprias è corpore plumas*  
*Vellere, sollicita non dubitatis aues.*  
*Quid faciunt homines? auibz contraria, Sape hos,*  
*Vt caleat nidus, pluma aliena tegit.*

Ovorum coctio, & diuini Amoris ac-  
quisitio inter se se pariantur.

# EMBLEMA XXVI.

HIS ARTIBVS OVA CALESCVNT.



**E**xistimant quidam, diuturna rotatione ova I.  
funda imposita excoqui: quod Babylonios fe-  
cisse comperio, teste Caelio Rhodigino. Sed non  
est difficultas excoquere, si rotentur celerrimè: ve-  
rùm ut tam diu celeritèrque rotentur, labor. Car-  
dan. l. 7. de rer. Var. c. 39. Et subscribit Vlysses  
Aldrouandus lib. 14. Ornitol. c. 1. his verbis:  
Præter iam dictos simplicis coctionis modos, unus su-  
perest, quo Babylonios venatores vsos Cælius testa-  
tur: is autem est talis: Oua cruda funda impone-  
bant, & tam diu rotabant, donec ex eiusmodi mo-



*tu coquerentur.* De hac autem circumactione, vibratione, seu vertigine assidua, qua *oua* rotata coquebantur, Coelius agit *Antiq. lect. 8. c. 12.* itémque Suidas, & complures, qui non solum laudant Babylonios, quod *oua* sine coquo & feco, sed etiam eodem, quo pugnabant instrumento, præpararent. Libya quoque ne, vt in prouerbio accusatur, *semper adferre mali quidpiam* videatur; in ardenti sabulo, arenisque æstuantibus *oua* coquit. Alij refusis de speculo concauo radijs, *ouum* centro radiorum admotum; alij, in calce *uinâ*, affusione frigida ad calorem excitatâ, coquunt. Alij alijs modis, sub cinere, sub axilla &c. id consequuntur.

II.

His ijsdem ferè modis homines diuina charitate incalescunt. I. Si à fortuna alijsue casibus rotentur, tum enim Deus dulcescere, cum Mundus amarescere incipit. *Imple facies eorum ignominia, & quærent nomen tuum, Domine. Ps. 82. 17.* II. Si, vt *ouum*, nos rotari sinamus; & patientia fulti, à charitate nos separari non sinamus. Hinc *charitas patiens est*, S. Cypr. l. de bono patient: *Tolle charitati patientiam, & desolata non durat.* Sanè nec proximo septuagies septies ignoscere, nec cum eo pacem seruare, nec inimicum diligere quis potest, si non *oui* instar sinat se rotari, omniâque velit sustinere. Quod si sustineat, sentiet se semper magis magisque incalescere, & plura pati velle.

III. Si



III. Si velut à speculo radium, ita à proxi- III.  
mo recipiat charitatem. Testatur, *post Metaphrasen* 14. *Maïj. Baron. An. 318.* S. Pachomiũ adhuc militem, & nulla tum fidei nostræ arcana doctum, ea re maximè ad Christum & Christianam religionem adductum, quòd videret Christianorum charitatem; tum scilicet, cum Constantini Magni militibus stipem & annonam, quæ eos defecerat, quærentibus, videret quosdam, singulari benevolentia significatione, passim certatimque in domos suas ultro inuitantes, & necessaria omnia offerentes; peregrinam hanc & insuetam vulgò liberalitatem admiratus, quæsiuit: *Ecquodnam id genus hominum, tam præter consuetudinem communem beneficum?* Vbi, Christianos esse, intellexit. *Pape, inquit, non potest, non optima esse religio, quæ ita ad charitatem instituit homines; eam ergo complecti quid vetabit?* Innumera sunt veteris & noui Testamenti exempla, quibus ostenditur, Deum missâ cælitus charitate, velut *ignitis linguis*, homines, per homines incendiisse.

IV. Si, velut affusâ frigidâ latens in calce æ- IV.  
stus extinguitur; ita prauæ cupiditates, amorq; proprius mortificetur, qui amorì diuino è diametro repugnat. Clarè S. Aug. *l. 14. ciuit. Fecerunt*, inquit, *ciuitates duas amores duo, terrenam scil. amor sui usque ad contemptum Dei; caelestem*

verò amor Dei usque ad contemptum sui. Denique illa in se ipsa, hæc in Domino gloriatur. Illa enim querit ab hominibus gloriam, huic autem Deus conscientia testis maxima est gloria. Extincto igitur amore sui, velut calce viua aquis persusa, calor subit diuinus. Quod testatur idem Augustinus lib. 83. qq. q. 36. dicens: *Nutrimētum charitatis, est imminutio cupiditatis: perfectio, nulla cupiditas. Quisquis igitur eam nutrire vult, instet minuendis cupiditatibus.*

V. V. Si, vt oua sub cineribus calefiunt & coquuntur, ita per humilitatem, veniamus ad charitatem. In nullo enim hæc virtutes, ait S. Ambros. ep. 84. l. 1<sup>o</sup>. ab inuicem diuiduntur, & ambarum tam indiscreta connexio est, vt qui in una earum construitur, simul utraque potiatur. Sicut enim pars charitatis est humilitas, ita pars humilitatis est charitas. Et si illa recolamus, quæ sine bono charitatis infructuosa esse Apostolus definiuit, inueniemus eadem similem habere charitatem, si eis humilitas vera defuerit. Quem enim fructum habebit, aut cum inflatione scientia, aut cum humana gloria fides, aut cum iactantia largitas, aut cum elatione Martyrium? Et S. Aug. ser. 10. de verb. Dom. cogitantem magnam fabricam construere celsitudinis, de fundamento prius iubet cogitare humilitatis, nam iuxta 1. Cor. 13. 5. Charitas non inflatur, non est ambitiosa.

VI. Si,

VI. Si, velut *oua*, sub alis Christi crucifixi VI.  
 caleſciamus, & ſemper memores, nos Deo in-  
 coram aſſiſtere, beneficia eius perpendamus. S.  
 Bern. *ſerm.* 20. *in Cant.* *Eſt quod me plus mouet,*  
*plus vrget, plus accendit.* Super omnia, inquam,  
*reddit amabilem te mihi, I E S V bone, calix, quem*  
*bibifti, opus noſtræ redemptionis. Hoc omnino amo-*  
*rem noſtrum facile vendicat totum ſibi, &c.* Plus  
 enim in Mundo reparando, quàm fabri-  
 cando laborauit. In digito nos con-  
 didit, in brachio rede-  
 mit.

*Ecce quot, & quantis oriuntur ab artibus ignes!*  
*Quàm varijs fas eſt incaluſſe modis!*  
*Sæpe ſerena dies diuinum accendit amorem,*  
*Sæpe hic ex ipsis naſcitur ignis aquis.*  
*Non homo, ſed glacies ergo eſt duriffima, quiſquis*  
*Inter tot flammæ frigida eſſe poteſt.*

Ouum insulsum, insulsus & impru-  
dens homo.

EMBLEMA XXVII.  
QUANDOQVE ANIMA PRO SALE,  
QUANDOQVE SAL PRO ANIMA EST.



- I. **C**Um Iob cap. 6 . v. 6 . ostendere vellet, se  
inter tot adversa , meritò aliquid solatij  
quæritare, dixit: *Aut poterit comedi insul-  
sum, quod non est sale conditum ?* quasi ita argu-  
mentaretur; si nemo non in ovo, aliqui lacteo  
& delicatissimo nutrimento, salem saporémque  
quærat; immeritò contra me stomachamini, qui  
non deliciarum, sed malorum meorum quæro  
condimentum. Eo enim in loco, iuxta Hebraum  
R. David, R. Levi. Pagnin, Regia ita legunt: *Aut  
est*



*est sapor in salina, vel in albumine oui, aut vitelli?*  
 Scilicet liquidum & pellucidum, instar salinæ  
 in ouo, est albugo; crassius quod est, vitellus est.  
 Sicut ergo album, aut croceum oui, etsi ex se ali-  
 mentum præbeat lacteum, temperatissimum,  
 & nutritioni aptissimum, minimèq; excremen-  
 tosum, tamen sine sale acescit, & stomachum  
 mouet.

Ita nulla etiam virtus sine sale sapientiæ fa- II.  
 pit; & vt Iuuen. sat. 10. canit. *Nullum Numen  
 abest, si sit prudentia.* Eam ob causam Eccli. 32.  
 24. dicitur: *Fili sine consilio nihil facias, & post  
 factum non poenitebit.* Et Aristoteles 6. Eth. 13.  
*Constat neque propriè bonum esse sine prudentia, ne-  
 que prudentem sine morali virtute quempiam esse.*  
 Tullius quoque 2. Tuscul. *Sine prudentia, ait,  
 ne intelligi quidem ulla virtus potest.* S. Bern. Serm.  
 49. in Cant. idem docet, his verbis: *Tolle discre-  
 tionem, & virtus vitium erit, ipsaque affectio natu-  
 ralis in perturbationem magis conuertetur exter-  
 miniumque natura.* Idem tradit S. August. lib. 1.  
 de morib. Eccl. c. 24. additque prudentiæ excu-  
 bias esse, atque diligentissimam vigilantiam,  
*ne subrepente paulatim mala suasionc fallamur.*  
 Quin, teste Cassiano Collat. 2. c. 4. *Omnium vir-  
 tutum generatim, custos, moderatrixque, discretio  
 est.* Ac D. Ambrosius lib. 1. de offic. c. 24. affir-  
 mat, scriptores virtutum Cardinalium, primo  
 loco,



loco, constituisse prudentiam, quæ in veri investigatione versatur, & scientia plenioris infundit cupiditatem. Est enim prudentia, vt scribit S. Aug. lib. 83. qq. q. 31. rerum bonarum, & malarum, & neutrarum; seu, vt vult lib. de lib. arb. c. 13. appetendarum, vitandarumue scientia.

III. Cuius idem S. Pater, priore loco, tres ponit partes. Prima est memoria, per quam animus repetit illa, quæ fuerunt. Secunda intelligentia, per quam ea perspicit, quæ sunt. Tertia prouidentia, per quam futurum aliquid videtur antè, quàm factum est. Adiungit S. Thom. 22. q. 49. docilitatē, qua consilijs audiendis, libris legendis, vel experimentis capiendis, discimus, quid sit, agendum: solertiam, quæ est celeris coniectatio; rationem, seu cognitionem vnus ex alio; circumspeditionem, seu accuratam circumstantiarum considerationem: & cautionem, seu aduersus mala bonis consilijs obstantia provisionem.

IV. His prudentia constat, quæ ad tres diversas actiones suas facilius parturiendas, teste Philosopho 6. Ethic. c. 9. & 10. tres habitus secum affert: Eubuliam, quæ iuuat in medijs, seu consilijs, ad finem obtinendum inveniendis: Synesin, quæ iuuat, vt bene iudicemus de ijs, quæ lege aliqua definita sunt: Gnomen, quæ acuit iudicium, in ijs, quæ nulla lege constituta, tamen in praxin veniunt. Ita actiones prudentiæ sunt

con-

*consilium* de medijs, *iudicium* de electione aptiorum mediolorum, itemque *imperium*, quem actum præcipuum prudentiæ esse docet Arist. 6. *Ethic.* c. 5. & 8. (licet recentiores eum actum esse dicant volūtatis, vide Theophil. Raynaud. *Moral. discip. dist.* 3. n. 428.) quo ratio voluntati imperet, vt quod inventum iudicatūque est, exequatur.

Ex quibus fit clarum, id quod sal est *ouo*, aut V. cibis ceteris insulsis, esse quoq; prudentiam ceteris virtutibus. Hanc Christianis omnibus esse pernecessariam, ostendit ritus ille, quo infanti, in baptismo, sal in os inditur. Et Apostolis Mundo cælestem sapientiam allaturis Christus dixit: *Vos estis sal terræ. Matth.* 5. 13. nempe id docuerunt, vnde Christi doctrinā omnia asperandiantur, & vigorem acquirant. Quia *prudentia Spiritus, vita, & pax. Rom.* 6. 8. & vera prudentia, semper sociam habet Dei cognitionem. Fuit in S. Abraham primo loco prudentia, ait, S. Ambros. l. 1. de offic. c. 25. de quo dicit scriptura: *Credidit Abraham Deo, & reputatū est illi ad iustitiam. Nemo enim prudens, qui Deum nescit. Deniq; insipiens dixit, quia non est Deus.* Hac prudentia quia impij, & pessimorum consiliorum certi carent, meritò in eis dicitur, nec *mica salis* esse. Quod aliò dixit Catullus, cum dixit: *Nulla, in tam magno est corpore, mica salis.* Et fortè idcirco quo-

quoque malus dæmon, etiam cum opiparam suis  
 affeclis mensam instruit, plerumq; salem non  
 apponit, vt vel hinc appareat, omnem illicitam  
 voluptatem esse insulsam, & rationi repugnan-  
 tem: certè profanam, vt mensa est, sine sale. O-  
 uidij. 1. *Fastor.* sunt illa:

*Antè, deos homini quod conciliare valeret,  
 Far erat, & puri lucida mica salis.*

Nunc Deum homini quod conciliat, prudentia  
 est, sine qua homo *ouum* est, sed insulsum.

*Cur tot stultescunt homines? vis noscere causam?  
 Quòd delectentur, non sale, sed salibus.*



Ovorum custodia, iustitiæ doctrina.

# EMBLEMA XXVIII.

ZELAVI SVPER INIQVOS, Psal. 72. 1.



**P**rudentia sine iustitia nocet, ait S. Ambros. I.  
*lib. 2. de Abraham.* Iustitiæ symbolum est  
 aquila, quæ, quoad viuit, neque nidum,  
 neque locum mutat, sed vnoquoque anno ad  
 eundem reuertitur. Aristoteles *9. Histor. c. 32.*  
*docet, diuturnitate eiusdem nidi viuacitatem de-*  
*clarari;* quod verum non esset, ni ei perpetuò  
 idem esset. Quare, teste Aldrouando, *lib. 1.*  
*ornith.* hinc obseruatum est, aquilam alioqui  
 bene constitutam, ob connatum tamen aërem,  
 & domesticum cælum, longè diutiùs viuere.  
 Idem auctoreod, *lib. pag. 36. post Plin. l. 10. c. 3.*  
 &

& Holcot. in lib. Sapi. lect. 36. de aquilis sic loquitur: *maxima difficultate fouendis, ad exclusionem, ouis dant operam, nec omnino pullos excludere essent, nisi Aëtitem lapidem in nidum importarent. Ipsæ enim adeò exestuant, ut oua prope excoquantur (incalescunt enim tantopere, ac si bulliant) quare necesse erat eius lapidis refrigerio feruorem temperari, & peculiari, qua pollet vi, accelerari partum. Et cum binos tantum lapillos, nempe marem & feminam (ut quidam volunt) in nidum inferant, binos etiam tantummodo pullos pariunt. Alij idè hoc fieri dicunt, ut lapidum pondere depressus firmius consistat nidus. Alij occultam vim lapidi inesse fingunt, contra ventos; contraque tempestates, à quibus nidum faciant immunè.*

- II. Hieroglyphicè, per aquilam, quæ lapidem in nidum, hoc pacto, infert, significatur homo, qui alicubi firmas sedes fixit; sed maximè, qui se firmat æquitate. Nam hac se homo tuetur, contra iniurias, non iam cæli, sed terræ, & hominum: hac nimium ardorem vindictæ temperat, ne ut Terent. in *Heautontim*; ait, *ius summum summa fiat malitia*; & à sella iudicis, ad scenam veniatur crudelitatis. Sine hoc lapide, videamur nihili ferè caussa, seruos virgis variatos, aut loribus bubulis variegatos; subditos, usque ad sanguinem emunctos; curias ipsas, non iustitiæ conclauia, sed stabula sæuitiæ nominari. Me  
minit



minit talis lapidis etiam, Lucan. *l. 6. Quæq; sonant fœtâ tepefacta sub alite saxa*, & S. Hieronym. *in c. 65. Isaia*, ubi hanc vim *amethysto* tribuit, quæ gemma censetur non tantum resistere ebrietati, sed etiam virulenta animalia à nido auerruncare. *Aëtites* autem etiam hodie parturientibus adhibetur, ad accelerandum partum, magnitudine ouo par, aut ferè maior, colore, vel rubeus, vel puniceus, vel cinereus. Hoc ergo, aut simili lapide, aquila oua temperat. Pro quibus etiam acriter pugnat cum dracone. *Hic aquila confectatur oua*, ait Plin. *l. 10. c. 4. auiditate malefica*, at illa ob hoc rapit, ubicunque visum, draconem. Idem in *Theriakis* scribit Nicander, & *l. 1. de diuin.* Cicero, eumque imitatus Maro *l. 11. Aeneid.* & Ouidius *4. Metam.*

Iustitiæ itaque typus est aquila, & aquilæ III.  
tam nidus, quam lapis, ardorque pugnandi. Si enim, ut post Aristot. *5. Ethic. c. 1. & 3. Politic. 5.* definit D. Ambros. *1. offic. c. 24. iustitia est, quæ suum cuique tribuit, alienum non vendicat, &c.* Profectò aquila suo nido contenta, nec, more iniustissimorum passerum, aut cuculi, ampliter habitatura, alienos nidos occupans, egregiè docet eos, qui per fas & nefas agrum agro, siluam siluæ, domum domui adiiciunt, suis rebus contentos esse oportere; neque tam numero ædificiorum, & pratorum, ac latifundorum,  
L                      quàm

quàm æquitate homines ornari. Pulchrè S. Aug. in Ps. 64. illa verba: *Sanctum est templum tuum, mirabile in iustitia: Non dixit, ait, templum sanctum tuum mirabile in columnis, mirabile in marmoribus, mirabile in tectis auratis, sed mirabile in iustitia. Habes foris oculos, unde videas marmora & aurum, intus est oculus, unde videatur pulchritudo iustitia.*

IV. Hinc aquilæ nidus foris petra est, intus gemma est, *amethystus* scilicet, aut *æiites*. Quid enim aliud *æiites*, quàm scrupulus iustus & religio vellicans conscientiam, refrigeransque nimiam aut habendi, aut vindicandi cupiditatem? quæ *ona* consiliâque sancta omnia destruit, ubi non temperatur. Cuius rei tanta exemplorum, occurrit multitudo, ut in hanc siluam ingredi non sit consultum; nî prolixus esse, nimio studerem. Multis certè lapides hi pondus addunt, ut nihil detrahant de ponderibus iustis; aut ut restituant, si detraxerunt. Denique ut est in Proverb. 16. 11. *pondus & statera, iudicia Domini sunt, & opera eius: omnes lapides sacculi abominabiles regi, qui agunt impiè, quoniam iustitiæ firmatur solium, sicut nidus aquilinus.*

V. Cum autem iuxta Philosophum 5. *Ethic. 1.* iustitia vel *particularis* sit, quæ ius suum alteri reddit in particulari, vel *generalis*, quæ suum cuique tribuit, habito respectu ad bonum commu-

ne Principis, vel Reip. quæ & *legalis* dicitur (eò quòd sit conforme legibus, agere ea, quæ conducibilia sunt communitati; siquidem leges ea præscribunt, quæ communitati congruunt) fit ut iustitia subinde pro *ouis*, hoc est, pro particulari alterius iure; aliquando contra draconem, hoc est, contra publicum hostem Reip. debeat, more aquilæ, depugnare; neque verò parcere, perniciosus. Iniustus enim est, qui patitur iniustos. Siquidem iustitia etiam ita diuiditur, ut non tantum *commutativa* dicatur, qua quisque rectè se habet, in commutationibus rerum, sua cuique reddendo *secundum Arithmetica proportionem*; sed etiam *distributiva* alia vocatur, quæ *secundum geometricam proportionem* rectè distribuit, vel benè acta remunerando, vel malè gesta puniendo. Itaque non est innocens, quisquis dissimulat nocentes. nec succensendum aquilæ, si persequitur dracones.

*Quisquis DRACONES odit, AQUILÆ amet mores;*

Ova non è quovis cibo provenienteia, &  
ab Americis vetita, Abſtinentiæ Tempe-  
rantiæque præconia.

## EMBLEMA XXIX.

OVA NOCENT QVANDOQVE,  
OVIS QVANDOQVE NOCETVR.



- I. **G**allina vinaceis sterileſcunt, hordeo ſemicoc-  
to, & plura pariunt oua, & maiora. Nihil  
autem melius hyeme, quàm locus tepidus,  
Sol, granaq; calidiora, & vermes, qui è ſimo oriun-  
tur. Cardan. lib. 7. de rer. variet. c. 35. Tempe-  
rantiæ hæc effigies. Quanti enim, immo & quā-  
tæ, non vinaceis, ſed vinis mediciniſque eſca-  
rijs ſterileſcunt? cum interim, qui hordeo ſemi-  
cocto victitant, atq; viliffimis ciborum, ſæpè ven-  
tre



tre ad insaniam raso, & corpore sint firmiore,  
& vultu habitiore? Ananias, Misaël, Azarias,  
contempto *cibore regio*, leguminibus vescuntur, &  
aquam bibunt *Dan. 1. 15. Post dies autem decem*  
*apparuerunt vultus eorum meliores, & corpulenti-*  
*ores, præ omnibus pueris, qui vefcebantur cibo re-*  
*gio*, quibusq; ad mensam plenam rostrum deli-  
gabatur.

Danieli *Dan. 14. 35. in lacum Leônium à II.*  
Deo, non ficedulæ, non perdices aut phasiani  
mittuntur, sed *messorum prandium, ut arbitror,*  
inquit Hieronymus, *rusticanum. Elisæus 4. Reg.*  
*4. 39. ad herbarum agrestium dapes inuitat fili-*  
*os Prophetarum. Fesso subter juniperum Eliæ*  
per dapiferum Angelum epulas Monarcha cæli  
exhibet, *3. Reg. 19. 6. Collyridam panis, & pro*  
*massico, vas aquæ. Per totos 40. annos populus*  
*Israëliticus mannâ & aquâ satur vitam duxit, &*  
*robustus fuit: vix Num. 11. 34. carnes concu-*  
*piuit, & mortem grassari vidit. Ipsi primi paren-*  
*tes eorumq; nepotes, & pronepotes, ad duo an-*  
*norum millia, arborum fructibus & terræ oleri-*  
*bus, vitam sustinuerunt. Et quando homines aut*  
*fortiores, aut longioris ætatis fuerunt?*

Quàm paternè monet Spiritus S. *Eccli. 37. III.*  
*32. Noli auidus esse in omni epulatione, & non te*  
*effundas super omnem escam, in multis enim escis*  
*infirmetas, & auiditas appropinquabit usq; ad cho-*  
*leram.*



heram. Quod utique dici potuisset illi, de quo nonnemo scribit: *Dabo ego conuiuiam, qui una cena sorbere XXV oua poterat, & tamen esurire.* Ergo huic homini hecatombe ouorum opus erat, cuiusmodi ferculum apud Abenaeum Ephippus nominat, & cum bellarijs deuoratum. Ad aliquod abstinentiæ genus consuefacere nos vult Ecclesia, cum certis temporibus, Ovis, lacticiinijs, alijsq; nonnullis cibis interdicit. Contra quam prohibitionem ne quid fiat, rectè faciunt, & multi ex obligatione officij, qui solliciti sunt.

**XV.** *Americis* (ait Henricus Salmuth in tit. 1. lib. 2. *Guidonis Pancirolli Nouor. Repert.*) nullus ouorum in cibo usus: quippe cum hæc pro venenatis habeant. Ideoq; non obstupefcunt tantum, si quis oua coram illis sorbeat; verum etiam acriter cum increpant, quod minimè ferendum sit, ut quis gallinam in ouo comedens pullationem anteuertat. Quæ vltima ratio si valet, neque vitulinâ quidem vesci oportet, sed expectandum erit, donec è vitulo bos fiat. Prior tamen caussa, etsi ex errore, & falsa veneni suspitione nascitur; tamen utique ostendit à cibis corpus occidentibus abstinendum. Quantò magis ab illis, qui animæ mortem inferunt, non quia ipsi mali, sed quia eorum usus, contra Ecclesiæ præceptum, malus & venenatus?

**V.** *Non enim fratres, leue peccatum est,* ait S. Ambros.

Ambros. Serm. 25. Fidelibus indictam Quadragesimam à Domino, non ieiunare, & ieiunia consecrata ventris voracitate dissolvere. Scriptum est, qui dicit se in Christo manere, debet sicut ille ambulavit, & ipse ambulare. Si vis ergo Christianus esse, debes, quod Christus, facere. Ille qui peccatum non habebat, Quadragesimam ieiunavit, tu non vis Quadragesimam ieiunare, qui peccas? Ille, inquam, peccatum non habebat, sed pro nostris ieiunavit peccatis. Qualis ergo apud conscientiam tuam Christianus es, cum Christo pro te esuriens, tu prandes? Cum Salvatore pro te ieiunante, tu reficeris? Non igitur, sicut dixi, leue peccatum est, indictum violare ieiunium. Et S. Hieron. in c. 10. Danielis, Hoc docemur exemplo, ait, tempore ieiunij à cibis delicatioribus abstinere (quod ego puto dici panem desiderabilem) nec carnem comedere, &c.

Immo nec oua, quia & hæc inter cibos delicatiores. Nam S. Hieronym. lib. 2. contra Iovinianum, vt malos Christianos ventris sui idololatrias, rubore perfundat, ex Charemone Stoico memorat, veteres Ægypti Sacerdotes se se non carnibus tantum, sed & ouis lacteq, solitos abstinere; cum nomen ouum quidem carnes liquidas, lac verò sanguinem colore mutato. Lactis autem vocabulo butyrum, caseum, aliæque lacticia comprehendebant. Quæ omnia etsi non omnino parem alendi vim habeant, aut æquè sint de-

licata, ac carnes, veniunt tamen à carne, eique sunt affinia. Quare licet, in multis locis tempore Quadragesimæ, ob inopiam piscium, & aliorum ciborum, non prohibeantur, prohibentur tamen in plurimis. jure, Sanctè, & morè Sanctorum.

VII. D. Hieronymus *ep. 22*. Scribit, pro luxuria reputatum, si monachus non jam magnas struices patinarias ante se haberet, sed si vel coctum aliquid comederet. Egesippus testatur, Iacobum fratrem Domini *vinò & carne* abstinuiffe. Apud Clementem Alex. *l. 2. pedag. c. 2*. Matthæus Apostolus *solis oleribus & pane* vitam toleravit. Eusebius *l. 2. hist. c. 22*. testis est, Marci Evangelistæ discipulos *pane, sale, hyssopo & aqua* contentos fuisse. Paulus primus Eremita *dactylis*, initio, tum *dimidiato pane per cornum* misso, semel integro, cum hospite Antonio, laute vixit, ut scribit *in eius vita* Hieronym. Cassian. *l. 2. Collat. 19*. affirmat, ex sententia Abbatis Moyfis refectiorem ordinariam Monachorum à Senioribus statutam, duo *paximatia*, seu duos paruulos panes, quos, ait, *vix libræ unius pondus habere certissimum est*. Quid multa! Christus conuiuium celebratissimum *Io. 6. 11*. è duobus tantum ferculis, *pane & pisce* parauit, ut istos centum ferculorum epulones in ruborem daret. Dedit,

Quod

Quod Ethnici quoque fecerunt. Nam & var- I I X.  
 rò in Satyra *οὐκ ἐδεσμάτων* cænarum ciborumq;  
 exquisitas delicias, & pleraque id genus, quæ  
 helluones isti terra & mari conquirunt, exposuit  
 inclusitque in numeros senarios. Genere autem,  
 ait Gellius l. 7. c. 16. Noct. Attic. nominaq; edu-  
 lium, & domicilia ciborum omnibus alijs præstantia,  
 quæ profunda ingluuies vestigauit, quæ Varro op-  
 probrans executus est, hæc sunt ferme, quantum no-  
 bis memoria est: Pauus è Samo, Phrygia attagena,  
 grues Melica, hadus ex Ambracia, pelamis Chalce-  
 donia, muræna Tartessus, Aselli Pessinuntij, ostræa  
 Tarentina, pectusculus Chius, elops Rhodius, scari  
 Cilices, nuces Thasia, palma Ægyptia, glans Iberica:  
 Hanc autem peregrinantis gulæ, & succos insuetos  
 inquirentis industriam, atque has undique vorsum  
 indagines cupediarum, maiore detestatione dignas  
 censebimus, si versus Euripidis recordemur, quibus  
 utebatur sapissime Chrysippus Philosophus, tam-  
 quam edendi irrationes quasdam repertas esse, non  
 per usum vitæ necessarium, sed per luxum animi,  
 parata atq; facilia fastidientis per im-  
 probam satietatis lasci-  
 uiam.



Ova sine coniugio nata, Temperantiæ  
fructum denotant.

## EMBLEMA XXX.

VT VARIA, SIC FOECUNDA  
VIRTUS CASTITAS,



- I. **I**N animalibus quædam provenire ex ovīs, absq;  
masculo, tametsi masculus sit in ea specie, multi  
crediderint. Etenim ut de piscibus dicam, ubi  
mas nullus est in eo genere, haud inconuenit; immo  
fermè necessarium est, absque masculo oua fœcun-  
da esse: at ubi adest mas, aut rarissimum, aut om-  
nino esse non potest, ut fœcunda sine masculo sint  
oua. In plantis autem, quoniam plurimis modis  
proveniunt, sexuum perfectio generationem expolit,  
non impedit. Hæc Cardan, lib. 6. de rer. variet. c.



22. De apibus in confesso est, eas *oua* virgines parere.

Nempe etiam castitas foecunda est, & multiplex: cum sit enim quædam virtus temperantiæ, vitio libidinis repugnans, teste S. Augustino *serm. 240. de temp. ad omne bonum utilis est*; & merito suo coronanda. Quam ubi Angeli vident, illico conclamant lætissimè, *Manibus date lilia plenis*. Tantam ergo castitas prolem habet, quantam vtilitatem. *Doctissimi viri vox est*, ait in *fin. lib. 1. aduers. Iovin.* S. Hieronymus, *pudicitiam inprimis esse retinendam, qua amissa omnis virtus fuit. Hac pauperem commendat, diuitem extollit, deformem redimit, exornat pulchram; bene meretur de maioribus, quorum sanguinem furtiua sobole non vitiat: bene de liberis, quibus nec de matre erubescendum, nec de patre dubitandum est; bene inprimis de se, quam à contumelia externi corporis vindicat.*

Est itaque triplex castitas à qua fructus provenit. *Centesium fructum*, inquit S. Hieronymus in *c. 13. Matth. virginibus*, *sexagesimum viduis & continentibus*, *tricesimum casto matrimonio deputamus*. Vt ergo alij piscium coniugio, alij sine coniugio sunt fertiles; ita alij hominum frugum frugiferique sunt hoc, alij illo genere castitatis. Nam nisi & sua coniugibus castitas esset, Susanna non fuisset tantopere laudata. *Dan. 13.*

Neque

Neque Iudith quidem, ni esset & castitas viduarum, cui *Iudith. 15.* Summus Pontifex Ioachim ait: *Eò quòd castitatem amaueris, & post virum tuum, alterum nescieris: ideò & manus Domini confortauit te, & ideò eris benedicta in eternum.* Magnus in hac vidua fructus castitatis, ita confortatam esse, vt ictu validissimo belli ducem contruncaret. Idem fructus olim apparuit, in Godefrido Bullonio, qui, vt refert *Th. Sallius 6. 8. prax. spir.* in recuperanda Palæstina eo manuum robore depugnauit, vt equites cataphractos, vno ictu, medios secaret; interrogatus, vnde illi tantæ essent vires, respondit: *Nunquam hæc dextera molliori aliquo, ac turpiori contactu effaminata est.*

- IV. Denique præcipuam esse *Virginum castitatem*, Isidorus Pelusiota *ep. 391.* indicat, dum eam *Soli* comparat, sicut *castitatem viduarum lune, coniugatorum stellis.* Quod ipsum tam clarè, quàm copiosè docet S. Paulus *1. Cor. 7.* ex cuius sententia Virgo beator erit, *si sic permanserit: immo ex ipsius Christi doctrina Matth. 22. 30.* Virgo est *sicut angeli Dei in cælo.* Quamuis enim Christus de resurrectione loquatur, post quam homines neque nubent, neque nubentur, sicut *Angelis*; rectè tamen S. Cyprian. *de habitu Virginum* scribit: *Quod futuri sumus, iam vos esse cepistis: vos resurrectionis gloriam in isto seculo iam tenetis:*

*per seculum sine seculi contagione transitis, cum casta perseveratis, & virgines, Angelis Dei estis aequales. Quod & D. Hieronym. ep. 22. ad Eustoch. affirmat his verbis: statim, ut Filius Dei ingressus est super terram, novam sibi familiam instituit, ut qui ab Angelis adorabatur in calo, haberet Angelos & in terris.*

Habuisse autem tales innumeræ clamant historiæ. Nam, præter Ioannem Apostolum, qui teste S. Hieronymo l. 1. contra Iovinian. & S. August. tract. ultim. in Io. virgo permanfit, Casimirus Poloniae Regis filius, apud Cromerum l. 29. rer. Polon. & Michaël Verinus octodecim annorum adolescens, apud Angel. Politian. l. epigr. maluerunt mori, quàm fœdari, quod in mustelæ emblemate Alphonsus XI. Rex Legionis & Castellæ, alio sensu vsurpavit, cum gentilium sanguine manus inficere nollet. Sed & puellarum virginum ingens est chorus, Agnetes, Cæciliæ, Theclas, Barbaras, Catharinas, Eulalias, Agathas, Apollonias, & mirabiles illas, Potamianam, apud Pallad. hist. Laus c. 1. Euphrasiam, apud Niceph. l. 7. hist. Eccl. c. 13. cogita, quarum omnium admirabilis virtus ostendit, nequaquam sterilem esse Virginitatem.

Sed nihil tam illustre, quàm quòd etiam in hoc genere, sicut in plantis, sexuum perfectio generationem expolit, non impedit, ita coniugium virgini-

ginitatem: quæ longè fit illustrior atque admirabilior, si in eo statu seruetur illibata, qui voluptati & occasionem præbet, & facultatem. At Deus etiam tales Angelos habet. Tales enim (ut partim attingam) fuere Eduardus III. Rex Angliæ cum Edita. *Baron. An. 1066.* Iulianus cum Basilissa. *Metaphrast. 9. Iulij.* Alphonfus II. Rex Galliciæ cum Berta sorore Caroli Magni. *Baron. An. 783.* Marcianus Imperator cum Pulcheria. *Cedren. in compend. hist.* Henricus II. Imperator cum Kunegunde. *Baron. An. 1204.* Boleslaus Rex Poloniæ cum Kinge filia Belæ Regis Hungariæ. *Cromer. l. 9. & 10.* Elzearius comes Arianus cum Delphina. *Sur. 27. Septemb.* Hi etsi fortasse consilium suum diu hominibus clam habuerunt; ante superos tamen, omnes virginitem suam, tanquam venustissimæ cælestis Paradisi arbores, ab ipso matrimonio expolierunt; ipsam Dei matrem Virginem imitati castitate; immo & fœcunditate. Nam in multis alijs Christum pepererunt, quos castos vel seruauerunt, vel fecerunt exemplo. Quis enim non magna castis præmia deberi censeat, si videat eorum spe tantos, & tantas, etiam à licita voluptate abstinere?



Fortitudo in fragili ovo contenta.

## EMBLEMA XXXI.

RECTA NON FRANGVNTVR.



**A**lexander Aphrodisæus l. 2. Probl. 49. I.  
 hanc quæstionem ponit: Cur ovum pres-  
 sum utroq<sup>3</sup> extremo ambab. manibus fran-  
 gi nequit? pressum latere facile frangitur? Et re-  
 spondet: quoniam per angulos tantummodo suos  
 manibus renititur opprimentibus. Est enim angu-  
 lus, quod quaq<sup>3</sup> in structura validius constet. Adde  
 quod pressum per extrema, parte minima sentit:  
 pressum per latera, parte ampla conflictatur, ut fa-  
 cile possit destrui. Puteanus orat. 20. eandem caus-  
 sam ita indicat: Causam natura conditioq<sup>3</sup> ligni,  
 non obscuram sinet, quod frangi transversum potest,  
 recta



recta non potest. hinc enim quia longitudo fit crassities, prementi resistit, quidquid extensum est, & in unum robur coalescit, ac conspirat. Subtilior ratio à poris sumatur, qui nervis suis, ut sic appellem, distincti, secundum longitudinem, non crassitiem excurrunt. Rupturam igitur compressio facit, cum in inane incidit; sed ipsa inanis est, cum in solidum nititur, etsi procurentibus poris, & velut comitibus interstinctum.

- II. Cardanus eandem reddens rationem l. 7. c. 39. de rer. variet. Non alia, inquit, causa, quam lignorum, quæ transversim franguntur, non autem recta. Videtur igitur alia ratio, quam Aristotelis, scilicet, quæ à poris deducitur: rectum enim, ut rectum est, non frangitur, sed prius oportet inflecti. Ova igitur à capitibus compressa, & quanto minus fuerint rotunda, non franguntur, quoniam secundum rectum fit compressio. Rectum autem non frangitur, quia in se colligitur, & partes sibi inuicem occurrentes tuentur se se. Itaque fit ut rectum tantam habeat crassitudinem, quam longitudinem: longiora tamen facilius franguntur, quia facilius flectuntur: initium enim fracturæ flexio est. Ergo duæ causæ, cur sic frangantur ova, sic autem non, erunt: scilicet pororum positio, quæ secundum latitudinem est: & hanc vocamus nervos, ut in lignis, & lapidibus maxime onyche inter gemmas: & ut recta fiat compressio aut non; ita fractura fit, quoties compressio

fit super inane. nam res ipsa totum pondus sustinere cogitur &c.

Ac paulo infra. Oua igitur transversim facile III.  
compressa franguntur, quoniam nervi sunt per longum extensi, & propter maiorem obliquitatem. Nihil verò habere quod subsidat utriq; compressioni in ovo commune est. Plin. l. 29. c. 3. de ouis loquens: Firmitas, inquit, putaminum tanta est, ut recta nec vi, nec pondere ullo frangantur, nec nisi paululum inflexa rotunditate; ut proinde vel cista, vel pyramis lignea quatuor ouis sursum versis & aequaliter erectis possit imponi; tanta est firmitas in tanta fragilitate, si peritum nanciscatur architectum.

Homine quoque quid fragilius, si obliquum IV.  
inuenias? nec verbum sustinet scabrum animo patiente; ad verbera autem etiam exclamat, nisi eum diuina gratia, & quæ vel teste Ouidio 2. de Ponto, tendit in ardua virtus, erigat. Hæc adeò necessaria est, ut Christus Io. 15. 5. dicat, sine me nihil potestis facere. Non ait, sine me parum potestis facere, sed nihil potestis facere, inquit S. August. tract. 81. in Io. Sine ergo parum, sine multum, sine illo fieri non potest, sine quo nihil fieri potest. Magna commendatio gratia, corda instruens humilium, & ora obstruens superbiorum. Ex nobis ergo oua sumus fragilia; nec quidquam possumus æternæ salutis sine gratia dignum facere. Hæc au-

tem si adfit, habitualis quidem per Ecclesiæ Sacramenta à Deo animæ *infusa*, vt docet Concil. Trid. *Sess. 7. can. 6.* vel per eadem, vti & per bonorū operum exercitium aucta, vt est ibid. *Sess. 6. c. 24.* hominem Deo gratum efficit, animæ dat vitam, &, elutis peccati maculis, mirificum quendam splendorem confert, secūmque vehit jus æternæ hæreditatis, & omnium virtutum chorum.

V. In quo est fortitudo quoque, virtus à S. Ambrosio *in c. 6. Luc. Cardinalis*, hoc est, principalis appellata, eò quòd, sicut ostium in cardine, sic omnis vitæ honestæ ratio in illa, & reliquis moralibus virtutibus versetur, bonique operis structura vniuersa his fundamentis, nitatur, & velut angulis claudatur. *Est enim angulus, quod quaque in structura validius constet.* Non ergo sola gratia actuali, sed etiam quadam animi fortitudine erigimur; &, vt *rectum non frangitur*, ita efficimur etiam hoc cælesti dono fortiores. Nam teste S. Prospero *l. 3. de vita contempl. animi* fortitudo ea debet intelligi, *qua non solum diuersis pulsata molestiis inconcussa permaneat, sed etiam nullis voluptatum illecebris resoluta succumbat.*

VI. D. Augustinolib. 83. qq. Fortitudo est considerata periculorum susceptio, & laborum perpesio, vsque adeò virtus ex omni testa murum potest abneum facere. Nec jam verba tantum, sed martyria

ria ipsa sustinet, & pressuras, quisquis ita stat, vt se se conformet lapidi angulari Christo. Hic angulus validos facit, vt *omnia possint in eo*, qui *ouo* fuerunt fragiliores. Quamobrè & Senecæ *epist. 114. fortitudo est munimentum humanæ imbecillitati inexpugnabile: quod qui circumdedit sibi, securus in hac vita obsidione perdurat.* Hoc munimento humana imbecillitas adeò firmatur, vt nullo casu terreatur, nullo pondere frangatur. Gloriatu est, apud Plutarch. in *Apopht. Rom.* Scipio Africanus, *se inter suos milites habere trecentos, quorum quinis, eo iubente, de turri se in mare percipitaturus esset.* Habuit & Christus eiusmodi trecentos Fabios. Nam, vt refert, in *vita S. Cypriani*, Pontius Diaconus, cum impius Præses, accenso calcis clibano, & thure iuxta prunas inibi apposito, trecentis Christianis dixisset, *optionem eos habere, alterutrum eligendum esse; trecenti illi, Christum Dei filium confitentes, impauido saltu, se se in ignem coniecerunt, inter vapores pulueræ calcis demersi.*

Nec hos trecentos tantum habuit Christus, VII. sed penè innumerabiles, quos omnes natura, ritu *oui*, fragiles, gratia, more adamantis, fortes fecit, dum erexit. Hinc ait Apostolus *1. Cor. 15. 58. stabiles estote, & immobiles; quia sicut onum rectum ponderi non cedit, & spectantes attonitos facit fragilitatis suæ firmitate; ita, teste Tul-*

lio 2. de Orat. *Magna laus, & admirabilis videri solet, tulisse casus sapienter aduersos, non fractum esse fortuna, retinuisse in rebus asperis dignitatem.* Porro rectè S. Augustinus ait, *fortitudo est considerata periculorum susceptio; fortis enim, vt docet Aristot. 3. Ethic. 7. pro dignitate, & vt ipsa ratio iubet, tam patitur, quàm etiam agit.* Hæc rationis rectitudo ni adsit, audacia, aut temeritas, non fortitudo dicenda est susceptio periculorum. Sic & indidem consequens adesse debet iustitiæ rectitudo: scitè enim dixit, *apud Plutar. in Apophtheg. Lacon.* Agesilaus rex, fortitudinis nullum esse vsum, nisi adsit iustitia. Quod si omnes essent iusti, nihil opus esset fortitudine.

Vt ergo *ouum* firmum non est, nisi rectum,  
 ita nemo sine Themide est validus  
 Hercules, sed furiosus  
 Orestes,



Fornax pullorum mater, in ovis maturandis, patientiæ est magistra.

# EMBLEMA XXXII.

PRODEST, CALVISSE,



**S** Caliger Exercit. 6.c.2. Ad Cæirum, inquit, **I.**  
furnos construunt, alij alio multiplice fornice  
imposito; in quorum tholi supremi medio foramen  
est: per quod caloris vis, quæ immodica posset  
officere, subit atque exhalat. In immo ignem accen-  
dunt temperatum. Quorum multas centurias in for-  
nicum superiore planicie disponunt. Statis diebus  
erumpit turba: quos illi non numero, sed mensura  
venales habent. Modiolum statuunt sine fundo, quem  
ut complerunt, tollunt. Neque hæc fabula est, sed  
fabula illi ipsi, qui negant. Confirmat rem, & ar-

tem munit Plin. l. 10. c. 55. cuius hæc sunt: *Nuper inde (ex Iuliæ Augustæ augurio) fortasse inuentum, ut, oua in calido loco imposita, paleis igne modico fouerentur, homine versante pariterque & stato die illinc erumperet fetus.*

II. Eadem affirmat Paulus Iouius lib. 18. hist. *Apud Ægyptios, inquiens, magna copia est pullo- rum gallinaceorum. Nam apud illos gallina sua oua non incubant: sed ea in clibanis, tempore sensim adhibito, ita fouentur, ut mirabili arte compendioque pulli intra paucos dies progignantur, simul & educantur &c. Et Tragus: In Ægypto, circa Alcairam oua arte excluduntur: clibanum parant cum multis foraminibus, quibus oua diuersa Gallinarum, Anserum, & aliarum auium imponunt, tum fimo calido integunt clibanum, & si opus fuerit, ignem circumquaque faciunt, sic oua suo quaque tempore maturescunt.*

III. Quid hæc oua, aliud significant clariùs, quàm homines de quibus dicitur Eccli. 276. *Vasa figuli probat fornax, & homines iustos tentatio tribulationis?* Et Zach. 13.9. *Ducam tertiam partem per ignem, & vram eos, sicut vritur argentum & probabo eos, sicut probatur aurum.* Rursùmque Prov. 17.3. *sicut igne probatur argentum, & aurum camino: ita corda probat Dominus.* Denique Eccli. 2.4. *Omne quod tibi applicitum fuerit (S. Aug. l. de patientia c. 14. legit, omne quod tibi su-*  
per-

peruenerit, & inde probat, illicitum esse, propter ulla mala, seipsum occidere) *accipe: & in dolore sustine, & in humilitate tua patientiam habe: quoniam in igne probatur aurum & argentum, & homines veri receptibiles in camino humiliationis.* Itaque sicut *oua Cairi in furno* animâ paulatim calescent, & perficiuntur, vt inde euolent ad mensas regum; ita mortales, dum aduersis exercentur.

Talia *oua*, talésque pulli fuerunt tres illi pue- I V,  
ri, apud Daniele *c. 3.* qui de fornace, non terri-  
ci, quasi eis cor guttatim contabesceret, non  
more ciniflonum fuliginosi, sed longè splendi-  
diores prodierunt. Nec illi tantùm, sed tota an-  
tiquorum Patrum veneranda phalanx, Abel,  
Noë, Abraham, Isaac, Iacob, Ioseph, Moses, Iob,  
Dauid, Tobias, Machabæi, Hos omnes fornax  
tribulationis excoxit. Quin & ipsum Christum  
oportuit, in hoc furno, pati, & ita intrare in gloriâ  
suam. *Luc. 24. 26.* in quo, ut loquitur Tertullia-  
nus *lib. de patient.* Deus spiritum suum cum tota  
patientia collocauit.

Nemo queratur de innocentia sua. Inno- V.  
centia neminem, in hac vita, facit ab aduersis  
eximium; immo quo innocentior quisque, eò  
Deo videtur aptior ad perfectionem, quæ in pa-  
tientia palæstra potissimùm consistit. *Patientia*  
*enim opus perfectum habet.* *Iac. 1. 2.* Hæc aeternum

*gloria pondus operatur in nobis. 2. Cor. 1. 4. 17. & quanto maior est, tanto maius præmium reportat. Enimvero ignis tribulationis momentaneæ in hac vita, si vis, ignem æterni illius camini Matth. 13. 42. extinguit. Quis renuat excoqui? Aurum prodit lucidius, argentum purgatus; scenum in igne cineratur, & perit.*

VI. Neque est, quod queraris *furnum* tibi deesse, in quo possis patientiam exercere. Res preciosissima quidem est, *furnus* iste, sed Dei benevolentia, ubique occurrit. Si enim patientia, *ea est virtus, quâ, æternæ mercedis spe nixi, omnia dura molestaque lato animo perferimus*; nusquam deerit iste *furnus*, cum molestiis totus Mundus repleatur, & iam fortunarum iactura, iam amicorum, charorumque orbitas, iam corporis dolores, iam famæ læsio, iam alia mala nos urant; iam ab hominibus, iam à Dæmonibus; iam ab ipso Deo immissa, vel certè, quotiescunque nos arrietant, permissa: ut nunquam sit conquerendi, semper promerendi locus.

VII. Itaque in hac patientiæ fornace si de *ono* vis in Dei pullum maturari, si in splendorem dari, ut aurum, tuum est, ut æstues, & rebus asperis non relucteris, sed eas, velut calorem viuificum, admittas: neque de vindicta cogites, aut odium odio reponas; immo ut eum, qui te læsit, colloquaris, diligas, tanquam verum tuum benefacto-



factorem, honores, eique te beneficum exhibeas, & pro eo, cum S. Stephano, immo ipso Christo ores. Nulla res nos facit patientiores, & ad ignoscendum promptiores, quàm si seriò cogitemus, apud Deum, nobis profuisse, qui apud homines malè fecit. Immo &, apud homines illustres facit, quisquis exagitat fortes & patientes; vnà enim & suam malitiam, & illorū ostendit virtutem. Herculem ipsum Poëtæ, nisi post tot labores, in cælum nunquam extulissent. Magis profuit illi nouerca persequens, quàm Deianira blandiens. Quanquam non fuit magnum recipi in cælum Poëtarum. Verè cælestia regna scandunt, quos ignis tribulationis excóquit, & non iam Cairi, sed Mundi fornax inuenit probatos. Ergo

*Cur ignem hunc fugitis, mortales, corda probantem?*

*FORNAX est pueris, non metuenda viris.*



Gallinæ partum, festuca; animæ,  
crux adiuuat.

EMBLEMA XXXIII.  
DOLOR EST MEDICINA DOLORIS.



- I. **P**arituram se se gallina clamore prodit, eodemq<sub>3</sub> peperisse se testatur. Quod si impediatur, ait Vlyss. Aldrouand. lib. 14. ornith. c. 1. mox tamen sibi relicta absoluit. Eiusmodi cantum Columella singultum appellasse videri potest, dum ait: Parituras se gallinae testantur multisoneræ, & crebris singultibus, interiecta voce acuta. Sunt qui dolere eas, cum pariunt, arbitrantur. Aristoteles sine dolore eas parere, ob testam, quæ in partione mollis est membrana, innuit. Ambrosius Nolanus, tum maximè dolere existimat, non quòd

quòd exiens ouum lædat, sed quòd locus vacuus aërem capiens dolorem quendam moueat.

Putean. orat. 20. ait: Oua ipsa cantu, non gemitu aut quodam potiùs singultu praueniunt; ostendunt, non abscondunt: prorsus ut generi humano, cui viuunt, etiam pariant. Et mox. Quæ dico, non è longinquo arcessenda sunt: quisq; domi suæ videt. Et quid mortalibus hac voce iucundius est, quæ vera auium regina tam suauis contubernio nobis vernacula, & pedissequa beneficium suum quotidie gracillat, siue pronunciat? nidum conscensura id agit, inde resiliens iterum agit. Idem ouum quia & onus, & miraculum est, sic meritò prædicatur. Ita me Deus, pipat, glocidatq; gallina, sed natura loquitur: illa onus suum, hæc miraculum. Oppianus in Ixeutic. tradit, faciliùs parere, si festucam è terra ore apprehensam dorso imposuerint, quæ opinio siue superstitione non creditur. Scio tamen, ait, loc. cit. Aldrou. gallinas parientes eiusmodi festucas sæpe ore contrectare, pericarphismumq; Plutarcho dici, cum gallinæ, ut scribit Theophrastus, quod Aristoteles etiam posuit, & est à Plinio repetitum; edito ouo, ceu religione quadam sese, & oua lustrant: immo, ut arbitror, festucâ rostro apprehensâ silentium sibi imponunt, & clamorem impediunt, ne ipsæ impediantur.

Nempe quæuis anima, sicut mulier, cum parit, tristitiam habet. Io. 16. 21. alia quidem ita,

ut ingemiscat, & dolorem voce prodat, aut opem imploret, ac liberari cupiat cruciatu; alia verò, ne singultiat, substramen, aut *festucam*, hoc est, crucem mordicus apprehendit, dorsoq; & humeris imponit, ac Christum læta sequitur, memor illius, Matth. 16. 24. *siquis vult post me venire, abneget semetipsum, & tollat crucem suam, & sequatur me. Ne existimes*, ait S. Chrys. hom. 53. *quod passio malorum sufficiat, adiungit causam patiendi, cum dicit: Et sequatur me, ut propter eum omnia sustineas, & alias eius virtutes addiscas, hoc est, enim sequi Christum. Qui proposito sibi gaudio sustinuit crucem. Hebr. 12. 2. Qui cum malediceretur, non maledicebat: cum pateretur, non comminabatur. 1. Pet. 2. 23. Et quamvis clamans expiraret, non fuit tamen ille clamor doloris, sed amoris. Tanta enim voce, quanto affectu Spiritum suum Patri commendavit. Quin & idcirco vocem suam altius sustulit, ut, tanquam gallina, pullos suos sub alas conuocaret.*

IV. Qui proinde alacritatem illam student imitari. Quare & ipsi in cruce laudes Dei alto clamore celebrant, ritu parientium gallinarum. Ita crucem ferendo faciunt leuiorem. Nam *nulla est tam facilis res, quin difficilis fiet, quam inuitus facias* ait Clitipho Terentianus in *Heautontim*. Pari modo nihil difficile est amanti. Non eiulat, sed cantat, cum ægrotat. Ita B. Seruulus ille

ille apud S. Greg. l. 4. Dial. c. 14. cùm eum paralyſis omnibus membris captũ lecto affiſſet, & ſimul inopia preſſiſſet, morbo maximè ſæuiente, maximè Deo gratias agebat, nec vllum faciebat finem laudandi diuinam bonitatem. Hic ſingultus fuit gallinæ ſalutem parientis. Qualem etiam de S. Coleta totos quinquaginta annos atrociter afflicta, apud Sur. 6. Mart. & de S. Lydwina Virgine Schiedamenſi, in Hollandia, apud eundem tom. 1. die 14. April, legimus, quæ ab anno ætatis decimo quinto, per triginta octo annos, omni genere morborum & dolorum acerbiffimè torta dicere ſolebat: *Age mi Deus, grauiora immitte : pudet enim me mei pigetq̃, cum tenue hoc quod patior, cum immenſa illa vi tormentorum, quæ mea cauſſa toleraſti, conferens intueor.* Ita & D. Bernardus dicere ſolebat Serm. 1. de Epiph. *Non interroges, ô homo, quæ pateris, ſed quæ paſſus eſt ille.*

Plinij verba ſunt lib. 10. c. 53. *Decem diebus oua matureſcunt in utero. Vexata autem gallina, & columba, penna euulſa, aliæ ſimili iniuria, diutius, calore nimirum ab ouis ſeuocato. Aliter reſ fit in homine, cui vexatio dat intellectum* Iſa. 28. 19. & cruces opem conferunt in ſalute parienta. Hinc qui in re Spirituali rectiſſimè ſapiunt, crucem, velut feſtucam auidiſſimè arripiunt, eã tanquam naui, è fluctibus huius vitæ, ad cæleſtem



stem portum emerfuri. Multi enim perirent felices, qui faluantur calamitofi.

- VI. Qua de cauffa ille, qui ad S. Thomæ Cantuarienfis tumulum fanitatem impetrârat, vt refert *Moral. l. 5. c. 4.* cùm fecum ambigere cœpiffet, efferne recuperata valetudo animæ fuæ vtilis, poftliminio ad facros cineres & fepulchrum D. Thomæ recurrit, fuppléxq; ferio flagitauit, ne ea fanitas reftituta animæ obeflet, potiùs corpore ægrotaturus, quàm de falute periclitaturus. Et illico eum Sanctus denuo exaudiuit, jam rectiùs precantem. Nam mox vbi preces abfoluit, finem etiam habuit nocitura fanitas, & morbus redijt animæ profuturus. Verè Chryfoftomus *hom. 18. ad pop.* *Sicut exigua fcintilla in mare immenfum delapfa facilè extinguitur; fic quantacunque aduerfa Deum timenti illiduntur, velut in vafum letitiæ pelagus incidentia extinguuntur, & pereunt.* Ergo qui Deum timet, crucem amat; & cum mala patitur, patientiam fílentio ornat; vel ad Deum clamat, & dum cruce ambit, ignes extinguit; illúdque frequenter habet in ore, *Hic vre, vt in æternum parcas.* Bellè etiam Ioan. Daud. in *Veridico Chrift. c. 37.* obferuat, oua colligentes non curare, etfi tam gallus, quàm gallinæ garritu & clamoribus omnia compleant; ita obloquijs neminem à recto abfterreri oportere. Nunc autem quàm multi multa bona face-



facerent, si mali non obstreperent? Contra quos  
audentiùs est eundum. Ex æquo est crucis ama-  
tori, benè facere, & malè audire. Dudum mo-  
nuit summus Magister, vt crucem suam tolleret,  
qui sequi se vellet. Monet, id & magistra non  
summa. Siquidem

*Christata anis, quicunq; doctrinam crucis*

*Non apprehendunt, erudit.*

*Paritura lignum comprimens rostro docet,*

*CRUCEM tenendam mordicus.*



Ovorum translatio periculi fugam  
docet.

EMBLEMA XXXIV.  
NON PLACET ISTA DOMVS:  
MIGRABO.



- I. IN Græco epigrammate Archias Poëta hiru-  
dinem, ad Medæ statuam nidos figentem,  
de periculo argutè admonet ijs versibus, quos  
aliter Borbonius, aliter l. 3. epigr. Marullus, ali-  
ter Alciatus embl. 54. Politianus autem sic La-  
tinè exposuit.

*Medæ statua est, misella hirundo,  
Sub qua nidificas; tuosne credas  
Huic natos, rogo, qua suos necavit?  
Quasi dicas, qui sibi nequam est, cui alij bonu  
erit*

erit? *Eccli. 14. 5.* Quia igitur Medea, vt est apud Ouid. 7. *Metam.* ab Iasone repudiata, proprios, quos ex eo liberos suscepit, interemit, existimat Poëta nec statuæ quidem eius credendum. Sed frustra, & memorem monet, dum auem monet, vt de nidi securitate sibi consulat. Quippe statuas, quæ motu carent, non mordere vel aues norunt. De quibus etiam iam olim ea fuit opinio, quòd in domo ruitura non nidulentur.

Carolus Sigonius *de Occid. Imp. l. 13.* refert, II.  
 Attilam, obsessa diu Aquileia in Italia, desperata quasi victoria, castra iam mouere in animo habuisse, atque in posterum diem profectiorem indixisse, *interim autem*, ait, oblato permotus auspicio restitit, quippe ciconiam quandam pullos suos è turri subinde manium exportantem, & contrà motum suum in agrum deferentem notauit. Quod visum ille continuo militibus abire parantibus indicauit, atque, vt erat auguralis discipline peritus, videtisne auem illam, inquit, qua nidum suum contra naturam destituit? pro certo habetote, illam tacito natura sensu imminentem vrbi ruinam, precipientem, sibi, natisque consulere. Vos autem si viri eritis, paulisper resistetis, ac certum, qui instat, expugnata opulentissima vrbis fructum haurietis. Neque verò illud inane fuit augurium. Nam vrbs, ob rei frumentariæ difficultatem relictæ, & ad eam ipsum mænium partem, qua nidus ciconiæ hæ-

N

ferat,

serat, capta, miserandum in modum direpta, & ad solum euerfa fuit. Ita aues subinde prælagæ fiunt.

**XII.** Certè adeò sunt cautæ, vt si *oua* sua animadu-  
uerterint esse reperta, fatùmque periclitari, illa  
ungue paruo suspensa, per aërem, aliò transfe-  
rant, & in tutum migrent. Sæpissime etiam, ubi  
odoratu cognoscunt, *oua* sua fuisse ab humana  
manu contrectata, & illa, & totum nidum de-  
stituunt. Cuius mihi rei causam videtur Plinius  
*lib. 10. c. 54.* subindicare, cum de *ouis* hoc præ-  
ceptum dat: *Concuti verò experimento vetant,*  
*quoniam non gignant confusis vitalibus venis.* Et  
humores conuersione *ouorum* (quæ ex Varro-  
nis & Columellæ sententia subinde necessaria  
est, vt æqualiter concalefiant) facillimè vitian-  
tur. *Quod vel inde constat,* ait Aldrouandus, *quia*  
*cum gallina in occulto incubat, oua omnia fecun-*  
*da fiant: manibus verò hominum tractata pluri-*  
*mum corrumpantur.* Conradus Heresbachius  
*lib. 4. de re rust.* sibi compertum esse tradit,  
quassata claudos produxisse pullos. Nolunt er-  
go aues *oua* sua tractari.

**IV.** Quam cautionem utinam & homines imita-  
rentur, atque æternæ salutis scopulos, Syrtes,  
Charybdes, Scyllas, Sirenesque non ultro quæ-  
ritarent. Quot cæci mortales filias suas, aut fi-  
lios Medeis credunt relinquuntq; seducendos?

Quot



Quot opes suas viri opulenti ingratiſſimis hæredibus diripiendas, aut luridiſſimis dilapidatoribus exponunt abliguriendas? cum tamen Dominus dicat *Matth. 6. 19. Nolite theſaurizare vobis theſauros in terra; ubi arugo & tinea demolitur: & ubi fures effodiunt, & furantur. Theſaurizate autem vobis theſauros in cælo &c.* In quem locum S. Hieronym. *Hoc autem*, inquit, non ſolum de pecunia, ſed de cunctis poſſeſſionibus ſentendum eſt.

Ergo & conſilia noſtra, tanquam oua; & v. corpora noſtra, & negotia noſtra, & ſtudia noſtra, & labores noſtri, & anni noſtri ac tempora noſtra in tuto collocanda ſunt. Et, uno verbo, vitanda pericula. Sollicitè Apoſtolus, 2. *Tim. 2. 16.* ait, *profana autem, & vaniloquia deuota: multum enim proficiunt ad impietatem; & ſermo eorum, ut cancer ſerpit: ex quibus eſt Hymeneus, & Philetus.* Et mox: *diſcedat ab iniquitate omnis, qui nominat nomen Domini.* ubi hoc ponit pro ſecundo ſignaculo firmi fundamenti, ſcilicet *fugam iniquitatis, & hæreticorum*, quorum conſortia ſemper ſunt periculofa. Malum enim, vt loquitur S. Dionyſ. c. 4. de diu. nom. *cum ſit deſectio à bono, ſua infirmitate & pondere ſemper ad aliud, & aliud malum progreditur.* Hinc omnes SS. Patres monuerunt, hæreticos, quali peſtes, fugiendos.

- VI. Sicut enim de Core, Dathan, & Abiron, Moyses Num. 16. dixit, *Recedite à tabernaculis hominum impiorum, & nolite tangere, quæ ad eos pertinent, ne involuamini peccatis eorum*: ita S. Antonius, apud D. Athanasium, adeò execrabatur Arrianos, ut suis ediceret: *Hereticorum, & schismaticorum venena vitæ, meumque circa eos odiū sectamini. Scitis ipsi, quod nullus mihi pacificus sermo cum eis unquam fuerit. S. Cyprianus l. 1. ep. 3. Declinent, inquit, fortiter, & enitent dilectissimi fratres nostri verba & colloquia eorum, quorum sermo ut cancer serpit, nulla cum talibus commercia, nulla convivia, nulla colloquia misceantur, sint quæ ab eis tam separati, quàm sunt illi ab Ecclesia profugi. Et, teste Eusebio l. 4. hist. c. 13. Tantum Apostoli & eorum discipuli habuerunt timorem, ut neque verbo tenus communicarent alicui eorum, qui adulterauerunt veritatem. Certè D. Ioannes eodem cum Cerintho balneo noluit lauari, & nec Ave eiusmodi dici voluit. ep. 2. 10. ne dum libros eorum volutari; quos proinde rectè prohibuit Ecclesia, ut videre est apud Niceph. l. 8. 18. Socratem l. 1. c. 6. & 24. Quid ni? cum etiam Ethnici Romæ libros exusserint religioni aduersantes, teste Liuius l. 10. & Lacedæmonij scripta Archilochi impudica vrbe exegerint, ut refert Val. Max. l. 6. c. 3.*
- VII. Neque enim hæresistantum, sed etiam libidinis

dinis vitium fugâ est superandum. Hinc Apostolus, 1. Cor. 6. *fugite, inquit, fornicationem; fugite pedibus, si in domo vestra est occasio, & velut oua transferte supellectilem vestram, mutatêque domicilium: fugite manibus, vt ne vestem quidem attingatis Sirenularum: fugite oculis, vt ne aspiciatis quidem, quod fas non est concupiscere: fugite mente, ne, dum cogitationi cogitando resistitis. imaginationem cupiditatemque magis accendatis. Quis è domo non fugit, quam videt ardere? æternum tibi incendium instat, & non fugis? Heu fuge crudeles terras, fuge littus auarum, clamat ille apud Virg. 3. *Æn.* & si ianua non patet, rimam quære. Sic fugit Ioseph impudicam, Gen. 39. 12. & vel in carcerem nidum suum transtulit, vt castitatem in custodia haberet. Imitare hoc exemplum, quisquis periclitaris. *Quid tibi necesse est, ait Hieronym. ep. 47. in ea versari domo, in qua necesse habes quotidie aut perire, aut vincere? quis unquam mortalium iuxta viperam securos somnos capit? quæ etsi non percutiat, certè sollicitat. Securius est, perire non posse, quàm iuxta periculum non perisse.**

Hanc fugam aues docent, inter quas rursus I I X. sunt ciconiæ; de quibus in *Magn. Spec. Exemplor. dist. 9. ex 62.* narratur, cum Gregorius IX. Pontifex ante initum Pontificatum Apostolicæ

ſedis legatus, in Lombardiæ quadam ciuitate, diffidentes inter ſe ſe magnates vellet conciliare, & vna quidem pars arbitrio eius ſe ſe ſubmitteret, altera verò nihil de pace ſtatuenda audire vellet, excommunicatum eſſe Capitaneum, diſſenſionis auctorem, & pacis repudiatorem. Hoc fulmen vbi contemſit Capitaneus, ciconiæ tremuerunt, quæ turribus & caminis illius nidos ſuperſtruxerant : quippe illico iſtam ſedem deſeruerunt, nidòſque ſuos in alterius Capitanei, qui Legato Pontificis obtemperare paratus erat, domum tranſtulerunt. Hoc poſtquam vidit contumax ille, non iam de pelui fulgur, aut brutum fulmen in ſe directum exiſtimans, veniam ſubmiſſus petijt, vinculòq; anathematis enodatus totū ſe in Legati voluntatem tradidit. Ac ne putes priùs temerè ciconias migrasse, poſtquam Capitaneus iſte in Legati, & Dei gratiam rediuit, redierunt & ciconiæ ad domum illius, nidòſque ſuos reportarunt. O vtinam & tu, adoleſcens, aut vir, aut quiſquis es, aues has imitareris; &, cum, ex habitatione, vel honeſtatis, vel religionis tibi periculum imminet, diceres: NON PLACET ISTA DOMVS; MIGRABO.



Humilitas instruitur à Struthione  
ova sepeliente.

# EMBLEMA XXXV.

OCCVLTARE IVVAT; SIC CON-  
SERVATA VIGEBVNT.



**A** Vium grandissimi, & penè bestiarum gene- I.  
ris. Struthiocameli Africi vel Æthiopici, al-  
titudinem equitis insidentis equo excedunt.  
celeritatem vincunt: ad hoc demum datis pennis, ut  
currentem adiuvant: cetero non sunt volucres, nec à  
terra tolluntur. Ungula ijs ceruinis similes, quibus  
dimicant, bisulca, comprehendendis lapidibus uti-  
les, quos in fugâ contra sequentes ingerunt pedibus.  
Concoquendi sine delectu deuorata mira natura &c.  
Pramia ex ijs ova, propter amplitudinem, pro qui-



*busdam habita vasis, conosq; bellicos, & galeas adornantes penna.* Hæc de Struthione *Plin. l. 10. c. 1. S. Gregor. in c. 29. Iob. & Isidor. lib. 12.* addunt, cum *oua* pariendi tempus est, suspicere Struthionem, & Pleiades observare; quas stellas ubi oriri deprehendit, plus quàm Mathematica artetum demum effosa arena, scrobem facere, & in eam *oua* sua deponere, rursùmque sabulo operire, & vix vno alteroq; passu digressum obliuisci prorsus, ubi ea defossa reliquerit (ob quam rem D. Greg. 31. *Mor. c. 16.* scribit, *oua* Struthionis fuisse Apostolos, ex Iudæis ortos, sed à Iudæis derelictos) quare nec ea postea quærere. Ergo quod parens negligit, natura compensat. Nam calore solis arena tepefactâ, & quantum necesse est, vegetante lucis radio irrigatâ, *oua* haud secus, quàm à matre incubante, excoquantur, & collecti in tutelam, tanquam genuina proles, recipiuntur. Ita sobolem, quam in *ouo* contemnit, de *ouo* egressam peperisse se cum lætitia meminit. Illud stoliditati ascribitur, quòd cum collum frutice occultauerit, latere se existimet. *Plin. loc. cit.*

- II. In homine sapientiæ fuerit, ita se abscondere, vt dum *lux* eius *lucet coram hominibus*, & opera eius vsque ad glorificationem Patris cælestis *videntur*, *Matth. 5. 16.* ipse tamen nolit videri; neque aspiciat, ad humanas, sed ad diuinas laudes,

laudes, tanquam ad Pleiades in cælo orientes. Si enim diuinæ laudes, velut Pleiades, te aliquid moliente, oriuntur, tunc tempus est, rem gerendi, tunc florere, tunc lucere, tunc *oua* parere, consilia promere licet, & telam ordiri, magnorúmque semina spargere negotiorum. Quod si verò etiam feliciter, quod concepisti, es enixus, tunc vel maximè Struthiocamelum imitare; animal excelsum; grande, & cristis adeò præditum, vt de ijs etiam bellatorum cassides adornentur; *ouis*, vasorum instar, opulentum; currendi celeritate; jaculandi certitudine; conquendi mira indole laudatum; sed in his omnibus tantis titulis non jactabundum, non superbum. Scit se corporis mole grauatum à terra non tolli; eaq; de causâ nec supercilium tollit, & cristas, sine cristis, erigit; nec suas laudes canit; immo adeò *oua* tam grandia & vtilia non ostentat, vt ea fabulo abscondat.

Vtinam homines, inter homines, sicut Struthio inter aues, grandissimi, vtinam in lauta & bene parte aucta constituti, vtinam ingenio, eruditione, potentia, aut etiam virtutum præclaris facinoribus facundi, possent gesta præconiaq; sua, aut præconijs digna tantisper sepelire, terra tegere, & obliuisci; neque ea vellent soli ostendere, aut ipsi spectare, vel contemplari, vt plausum vel ab alijs ferant, vel sibi ipsis  
N 5 dent;

dent: tum profectò opera illorum, diuino amore (velut cælesti calore *oua* arenis obruta) concalefacta, maximorum fætus meritorum essent productura: eo scilicet tempore, quo carne exutâ corporéque fracto, velut ruptâ testâ, ante diuini iudicis conspectum sunt proditura. Tunc vtique agnitori essent suos fructus, quos modestia, veluti terra aliqua occultatos seruant, qui sapiunt. Nam, teste S. Basilio in *Constitut. Monastic. c. 17*. *Humilitas tutissimus est virtutum omnium thesaurus; custodit enim virtutes; & earum merita, dum occulit, rapi à volucris cæli non finit, donec fructus æternæ veræque gloriæ maturescat; quem perdit gloria inanis.*

- IV. Hinc si de natura dubitatur, disciplina quid magis Deo ratum sit, ostendit, inquit lib. de *Virg. Veland. Tertullian*. *Nihil est illi charius humilitate, nihil acceptius modestia, nihil perosius gloria & studio hominibus placendi.* Ac vt videas, tanquam *oua* in scrobe, ita humilitate totum quoddam nostrorum actuum feneri corpus, vt loquitur S. Ambrosius *Serm. 20. in Ps. 118*. S. Hieronymum audi. *ep. 14. ad Celantiam* sic scribit: *Nihil habes humilitate præstantius, nihil amabilius. Hac est enim præcipua conseruatrice, & quasi custos quædam virtutum omnium: nihilq; est, quod nos ita hominibus gratos & Deo faciat, quàm si vita merito magni, humilitate infimi simus.*

Prò dolor, palam est, passim contrarium fieri. V.  
Si enim, vt docet S. Basilus in *Isa. 2. quest. 198.*  
*humilitas est depositio vani sensus, qui ab elatione*  
*vana de se existimationis proficiscitur*; quàm eum  
sensem pauci deponunt? quippe cum plerique  
se, & sua duntaxat cupiant existimari. Quin &  
qui nihil præclari egerunt, vel mentiendo se ja-  
ctitant, vt egisse videantur. Quid hi ex *ouis* suis  
excludent? pauonem, aut coruum, qui è cæli  
arca euolauit non rediturus. Qui verò *clauso cu-*  
*biculo*, Deum in *abscondito* & orat, & omni vir-  
tutum genere colit, & *quantiò maior est, tantò se*  
*magis in omnibus humiliat*, suo tempore experi-  
etur, sua se merita, non tam occultasse, quàm  
conseruasse; immo hac ipsa latibuli sui humili-  
tate, locum in cælo illustrissimum sibi appa-  
rasse. Nam, vt in *Prat. Spirit. & apud Villegam*  
*in Extrauag.* est, Thais illa prostituti pudoris fe-  
mina, vbi S. Paphnutij Abbatis ope ad frugem  
est reducta, tanta scelerum detestatione se quo-  
que ipsam detestabatur, vt erubesceret Dei no-  
men enunciare. Itaque cum aliud non præsume-  
ret eloqui, hoc solùm identidem mente & voce  
trepida repetebat: *Qui plasmasti me, miserere mei.*  
Qua animi modestia, ex meretrice antea, intra  
triennium, ad eum perfectionis gradum perue-  
nit; vt eminentissimæ gloriæ locum (quem Pau-  
lus simplex in cælo conspexerat mirificè radian-  
tem,

tem, Patrique suo S. Antonio paratum conijci-  
 ebat) vox de cælo audita, Thaidis esse, signifi-  
 caret; quem illa scilicet intra decimum quintum  
 diem esset aditura. Nempe de talibus, ad super-  
 bos, ait Christus Matth. 21. 31. *Amen dico vobis,*  
*quia publicani, & meretrices precedunt vos in reg-*  
*num celi* : cui aptior est humilis publicanus,  
 quàm thraſonicè se jactans Pharifæus; & multò  
 maximè is, qui cum in censu virtutum nihil ha-  
 beat, quod laudari possit, laudes tamen appetit.

*Disſimiles animis tumidus vitaq; modestus,*

*Sunt, gesta aspicias si bona, sæpe pares.*

*Abscondunt humiles pariter, pariterq; superbi,*

*Sed magis abscondunt hi bona, nulla patrant.*





Humilis aui similis ova sua & distri-  
buenti, & abscondenti.

EMBLEMA XXXVI.  
SIC ARTES ARTE CAVENTVR.



**Q**uiscula auis à sono sic appellata, docen-  
te natura, scit mustelam *ouis* suis, aliàs-  
que bestias inhiare, easque sub glebis,  
ubi *Quiscula* illa condit, per insidias quæritare.  
Ergo, vt refert Petrus Berchorius *lib. 12. Re-*  
*ductorij Moralis cap. 25.* damnum prudentiâ de-  
clinat. Nam neque nidulo eundem locum ser-  
uat, sed nunc hîc, nunc alibi *oua* ponit, diuersis  
temporibus diuersas sedes eligens. Quin adeò,  
cauta est; ne mustela posteritatem sibi tollat, ac  
*oua* simul reperta, simul deprædetur, etiam eo-  
dem

dem tempore in varijs ea locis occultat. Quare masculus & femina solent incubare : ille in vno loco *oua* calefacit, ista in altero fouet. Quasi cum Iacob *Gen. 32. 7.* populum, greges, oues, & boues, & camelos in duas turmas diuidente, dicerent : *Si venerit Esau ad vnā turmam, & percusserit eam, alia turma, quæ reliqua est, saluabitur.*

**II.** Ita sanè cauti sunt & homines nummati, ac diuites, qui à furibus, incendijs, alijsuē infortunijs cum sibi, tanquam à mustelis, apprimè metuant, varijs in arcibus, vrbibus, prouincijs; quin & rebus, opes suas solent collocare. Nec totum maritus thesaurum seruat, seruat & vxor sua cimelia. Vt si in viri conclaue irrumpat raptor, aliquid saltem remaneat in gynæceo; & si vineam grando percutiat, agri censum faciant; vel si seges infelix astra sentiat inimica, vites à pruina immunes, autumnitatem donent. Ita & in amicis solliciti sumus cumulandis; ne scilicet, dum, mustulæ ritu, inuidus vnum nobis eripit, omni amicitiae auxilio destituamur. Quare Senec. *lib. de remedijs Fortunæ*: *Amicum, inquit, perdidisti? fortem animum habe, si vnum; erubescere, si vnicum. Quid in tanta tempestate, ad vnā anchoram stabas?*

**III.** Hoc ergo in diuitijs, & amicitijs agimus? Cur non etiam potiùs imitemur *Quisculam*, vti &

Stru-

Struthionē, in occultando nostro thesauro spiritali, ac pluribus locis custodiendo; quando Stygius hostis, in eodem quærendo, tam sedulò imitatur mustelam? Quiscula 1. imbecillitatem suam agnoscit, sicut & humilis fragilitatem suam, ac peccata sua, teste S. August. *conc. 15. in Ps. 118.* 2. Quiscula sibi ipsi suisque viribus diffidit, sicut & humilis *verissima sui agnitione sibi ipsi vilescit*, teste S. Bern. *in tract. de gradib. Hum.* 3. Quiscula *oua* sua abscondit, sicut & humilis opera sua, humanū diem verens. *Quid est esse humilem?* ait S. Aug. *in Ps. 33. nolle in se laudari.* Et iuxta S. Basil. *in Isa. cap. 2. supra cit. Humilitas est depositio vani sensus, qui ab elatione vana de se existimationis proficiscitur.* Plerumque meritum perdit, qui factum ostendit; sicut *oua* qui iactat, maectat.

4. Quiscula talis Christus erat, qui maximis IV.  
miraculis, immo etiam, Solis instar, cum radiasset transfiguratus, vetuit rem eunlgari antè, quàm à mortuis resurgeret. *Matth. 17. 9.* Ita nimirum docuit *oua* abscondere, & fugere laudes humanas. Quare S. Bern. *serm. 4. de Adventu*, duplicem indicat humilitatem. Expendens enim illud: *Discite à me, quia mitis sum, & humilis corde*, ait, *Humilitas duplex est: altera cognitionis, altera affectionis, quæ hîc dicitur cordis. Priore cognoscimus, quod nihil simus, & hanc disci-*

*discimus à nobis ipsis, & ab infirmitate propria: posteriore calcamus gloriam mundi, & hanc ab illo discimus, qui exinanivit semetipsum formam serui accipiens; qui etiam quesitus in regnum fugit: quesitus ad tanta probra, & ignominiosum supplicium crucis sponte obtulit semetipsum. Priorem autem cognitionis non discimus à Christo. Non enim quomodo ego vel tu, ait idem, inuenimus nos in virtute dignos dedecore & contemptu, dignos omni extremitate & inferioritate, dignos etiam supplicijs, dignos plagis: non inquam, ita ille: quæ tamen omnia expertus est, quia voluit, tanquam humilis corde. Humilis videlicet illa humilitate, quam cordis suavit affectio, non quam extorsit, discussio veritatis. Porro tanta virtus est humilitas, ut à summo eam oportuerit Magistro doceri; & tamen pauci didicerunt.*

- V. 5. Quiscula se insufficientem agnoscens, maritum in partem laboris vocat, cui omnia subijcit, nec perdit: sicut humilis & Deo, & proximo propter Deum, se suamque subijcit. Hinc ait, Ps. 61. 2. *Nonne Deo subiecta erit anima mea? ab ipso enim salutare meum.* Verè S. Ambros. lib. 10. ep. 84. *In eo, inquit, proprietatem humilitatis definimus, quòd per omnia Deo subditur. Nec potest quidquam de meritis suis perdere, quorum causas, atque profectus, non in se, sed in auctore suo constituit.* Nec erga Deum modò humilis se sub-
- mittit,



mittit, sed etiam erga Magistros scientiarum ac virtutum, erga parentes, & superiores, denique subiectus est, *omni humanæ creaturæ propter Deū.*

1. *Pet. 2. 13.* neque ulli mortalium se antepo-  
nit.

6. Quiscula cautissimè sedem nidorum, atq; **VI.**  
*onorum* custodiam diuidit, sicut & humilis cir-  
cumspectè agit. Vnde S. Ambros. *l. 2. de offic. c.*  
*17.* in illud *Phil. 4. 12.* scio & humiliari, scio &  
*abundare.* Non ergo, ait, indocta humilitas, sed  
quæ habeat sui modestiam, & scientiam, laudi da-  
tur. Et D. Greg. *part. 2. Pastoralis c. 6.* solerter in-  
tuendum est (ijs qui præsunt) ne dum immodera-  
tiùs custoditur virtus humilitatis, solvantur iura re-  
giminis: & dum Prelatus quisque plus se, quàm  
debet, deijcit, subditorum vitam distringere sub di-  
scipline vinculo non possit. Vt ergo prudentiam  
comitari humilitas, ita vicissim prudentia ful-  
cire debet humilitatem: ne aut illa in superbiam  
degeneret, aut ista labatur in vilitatem subdi-  
tis perniciosam. Multiona sua perdunt, quia  
incautè custodiunt. Cum ergo negligentia tot  
res perdantur,

*Incuriâ quare laborant plurimi?*

*Quisquilia ubique, non ubique Quiscula.*



Hirundinum ova, linguæ vitia signifi-  
cant; quæ qui moderatur, dignus est mo-  
derari Mundum.

EMBLEMA XXXVII.  
INTER LOQVACES, QVI TACE-  
RE SCIT, IMPERAT.



I. **H**irundinibus hoc natura largita est, ait Æli-  
an. l. 1. de animal. c. 37. Cum blattæ earum  
ovis perniciose sint, matres apij folia ante pul-  
los projiciunt, ob idq; ab illis ad pullos accessus fieri  
nequit. Scilicet vt ad rutam à bufone. Sicut autē  
meropibus apes, eodem teste lib. 8. c. 6. hirundi-  
nibus cicadæ sunt faciles capti: ita ciconijs bufo  
& rana.

II. Hirundo, seu Progne, (vt quidam volunt  
contra

contra *Ouid. 6. Metam.* de quibus *Cal. Rhodigin. l. 29. c. 26.*) absçisâ linguâ in hirundinem garrulitate insignem, & matutinos somnos rumpentem mutata; ab Anacreonte accusata, eos significat, teste *Pierio l. 22. Hieroglyph.* qui sapientiæ parum, loquentiæ multum habent, vt copiâ sermonis inopiam mentis compensent. Apud *Aristophanem* Cleophanti illud stigma est impressum: *Ex cuius labris hirundo Thracia perstrepat.* Pythagoræ præceptum est, apud *Plutarch. q. 7. Sympos. 8.* hirundinem sub eodem tecto ne habeas: quamuis veris nunciam.

Itaque garruli id consequuntur, vt non solum molesti sint, sed etiam, vt multi loquentiâ suâ nihil consequantur. Parum enim ei creditur, qui loquitur multum; & sicut vna hirundo non facit ver, ita vnus loquax non facit fidem. Dicta illius, velut *oua Chelidonis blattas*, ita nugæ & apinas habent perniciosas. Quæ nisi identidem iuramentis, vti hirundines apij folijs, muniant, nihil sibi credi existimant. Cum autem hirundo cicadâ corripit, quid aliud docet, quàm loquaces loquacibus, aut indoctos doctis esse aduersos, eosque sæpe deuorare? Nam & garrulum, & eruditum cicadâ significat. Nota cicadæ & formicæ fabula; hæc enim magni laboris exemplum est, illa ostendit loquacitatem esse matrem egestatis. Itaque sæpe hirundo cicadam

corripit in pastum, cum loquax inuenit alium, se loquaciorem, à quo proscinditur: vt qua ipse mensura metitur alijs, alij quoque eidem reme-  
tiantur.

IV. Interim & suæ sunt cicadis laudes. *Cetera aues India*, inquit *Ælian. l. 1. de animal. c. 20. os expressum habent, & ore valent ad cantum, moreq; hominum, lingua loquuntur. Cicada non ita, sed (membranula uerberatione) circa cinctum loquuntur. Rore vescuntur. A prima luce, donec impleantur hominum conuentu fora, silent. vigore solis progrediente, cantare aggrediuntur: & tanquam laboriosi cantores supra caput messorum stantes, aures ipsorum & pastorum, viatorumq; demulcere student. Hoc autem cantandi studium solis maribus à natura tributum est. Cicada femina muta est, ac more sponsæ verecunda silentium sibi conuenire existimat. Hinc Samius ille, apud *Plutarch. loc. cit.* vel idcirco hirundinem hospitam recipi vetat, quia carnem depasci solet hirundo, venaturq; sacras illas *Musis canoras cicadas*. Et *Aristophanis, in Nubilis*, Scholiastes cicadas, ob cantum, *Apollini sacras* facit. Garrulus ergo in indoctos atque doctos pariter fertur.*

V. Loquacitatis item Symbolum est, rana identidem, etiam sub aqua, sub aqua maledicere & co-  
axare, itemque bufo lugubriter singultire non cessans. Quid verò hac sua garrulitate hæc om-  
nia

nia animalia lucrare reportant? Ciconia avis muta, cui nec lingua quidem est, sceptrum tenet; & nunc hirundinem sub nido suo nidulantem, nunc ranam, nunc rubetam rostro percutit voraciter, & quæ discerpit. Scilicet multum potest efficere, *Si quis in verbo non offendit, hic perfectus est vir, potest enim freno circumducere totum corpus. Iac. 3. 2.* Loquaces autem mendaces plerumque; quare faciunt, *ut nec vera dicentibus credatur. S. Hieron. ep. 38. Preferendus ille, & magnus est, cui inter prospera saltem visus indecentior, aut sermo insolentior, aut immoderatio cura vestis vel corporis non irrepsit. S. Bern. l. 2. de Consid. Rarò pœnitet tacuisse. Sancti viri, inquit Gregor. l. 22. Moral. c. 16. cum conspiciunt, quia auditorum vitam loquendo lucrari non possunt, tacendo abscondunt scientiam suam. Ad imitandum quippe viam Domini, quasi ad quoddam nobis propositum signum currimus. Ipse enim quia Herodem vidit non profectum querere, sed signa, vel scientiam velle mirari, requisitus ab eo tacuit, & quia constanter tacuit, ab eo irrisus exiit.*

Ita stulti rident sapientes; sapientes autem VI.  
sæpe potentiùs loquuntur tacendo. Inter quos Agatho Abbas, qui lapillo ori indito, tacere didicit, idque silentium per tres, ut S. Romualdus per septem annos, continuavit. At Theona domunculæ inclusus, supra Pythagoræ quin-  
O 3 quen-



quennium, nempe per 30. annos tacuit, cum solo Deo locutus: uti S. Gregorius Naz. toto aliquando quadragesimæ tempore silentium sibi indixit. S. Ioannes Silentarius, *apud Sur. 13. Maij* ex Episcopo eremicola, per 47. annos, usque ad ætatis suæ annum 104. siluit. B. Abbas Pambo, *in hist. Trip. l. 8. c. 1.* alicui sibi *Psf. 3 &.* legere incipienti, cuius initium est, *Dixi custodiam vias meas, ut non delinquam in lingua mea,* dixit: *Sat est, reliqua audiam, cum istud opere implerero.* Diu postea cum redire distulisset, dixit, se istud ipsum non perfecisse adhuc. Quare cum eum adiens Theophilus Episcopus spirituali sermone refici cuperet, respondit idem, nec sermonibus eum refici posse, si taciturnitate non reficeretur. Simile quid Arsenius fecit *apud Sur. 19. Iul.* cum frater eum inuideret. Quis nescit S. Thomam de Aquino adolescentem, tantum fuisse silentij amatorem, ut condiscipulis *bos mutus* vocaretur? ita nimirum mutus fuit, ut silentium eius postea, in toto orbe, auditum, & Academias, & Ecclesias acutissimè erudiret. Sed non tacenda mihi illa potentia silentij, quam, ut auctor est Thom. Cantiprat. 2. *Apum. c. 13.* in Affligenio S. Benedicti in Brabantia monasterio Religiosus quispiam mundo exhibuit; dum silentio ita deditus, ut intra 16. annos ne verbum quidem mutiret, orto tamen sæuissimo incendio,



cendio, omne auxilium humanum superante,  
cellâ suâ egressus, fusâ ad Deum prece, tandem  
linguam iussit ostendere, quid silendo didicerit:  
Lingua ergo in hæc se verba soluit: *Stes ignis, hæc  
horâ, flamma penitus acquiescas. Cum dicto hoc,  
ignis cessavit. Tantùm auctoritatis inest rarò lo-  
quenti.*

*Extinxit ignes factus vnus eloquens:*

*Plures loquendo suscitant incendium.*



Ova miraculo servata liberalitatem  
commendant.

EMBLEMA XXXVIII.  
SERVANTVR, QVÆ DONANTVR.



I. **D**ES. Catharina Senensi scribit in *vita eius*  
29. April. Surius in hæc verba. *Pauper*  
*quidam, sed qui sua sponte bonis temporarijs*  
*se nudasset propter Deum, rerum ad victum perti-*  
*nentium penuriam patiebatur. Percepit id sacra*  
*virgo, & aliquot ova coniecit in sacculum lineum,*  
*tunica ipsius intrinsecus assutum, ut in illo paupere*  
*Christum reficeret. In via autem ingressa in tem-*  
*plum orationi se dedit, & ecstasi passa, casu incubu-*  
*it corpore in sacculum illum ovis plenum. Erat au-*  
*tem in eodem sacculo digitale arcum. Ecce tibi rem*  
*omni*

omni admiratione dignissimam. Digitale illud pondere virginei corpusculi fractum est in tres partes, ova prorsus integra manserunt, cum tamen aliquot horis illud pondus sustinisset. Hæc ille.

Quæ docent, quantam Deus curam habeat **II.** eorum, qui vel paupertatis amore se ipsos non curant, vel amore Dei pauperes curant, promi magis, quàm condi. De illis ait *Pf. 54. 23. Iacta super Dominum curam tuam*, & ipse te enutriet; escàsque tuas custodiet, neque ova, quamvis ova confringi patietur. Sed illorum quoque curam habebit, qui curam habent pauperum, in còsque de suo, non de alieno, sunt liberales. Nam ova qui custodit ex liberalitate pauperibus destinata, multò magis custodiet ipsos, qui sunt liberales, ne liberalitate ab hominibus vincatur.

Aptè S. Leo *Serm. 10. de Quadrag. Vbi Deus curam misericordia inuenit*, ibi imaginem suæ pietatis agnoscit: ac plena manu dantibus, pleno modio refundit. Et Clemens Alex. *l. 2. Strom. Dei imago est homo benefaciens*. Quamobrem quemadmodum dinitum filij, inquit S. Chrys. *hom. 1. seu in præfat. in ep. ad Philip. ornatus gratiâ aureum monile gestant in collo, nec id unquam deponunt, velut nobilitatis signum circumferentes, & ostentantes: itidem & nos oportet semper beneficentia indutos esse, declarantes, quod filij sumus eius, qui misericors est, & solem suum exoriri facit super bonos ac malos.* **III.**

IV. Vel Ethnici hinc laudantur. Apud Suet. in *Vesp.* T. Vespasianus interrogatus, cur tam multa polliceretur? respondit, non oportere quenquam à Cæsare tristem discedere. Alphonsus, teste Panorm. l. 4. *de rebus gestis illius*, cum audisset Vespasianum Cæsarem, eam diem se perdidisse solitum dicere, in qua nihil quidquam alicui donasset, egit gratias Deo opt. Max. quòd eo modo nec diem ipse perdidisset. Hac ipsa de causa ait Apostolus Col. 3. 12. *Induite vos, sicut electi Dei, sancti, & dilecti, viscera misericordie*; Sicut induit Catharina Senensis, atque inde magis, quàm ipso miraculo enituit. Quippe, vt S. Hieronymus ait l. 16. in *Isa.* *Liberalitas virtus maxima est, & via regia, à qua declinat ad dexteram, qui parcus est, & non solum alijs, sed ne sibi quidem tribuit, quod necesse est. Ad sinistram, qui comedit substantiam suam cum meretricibus, & dicit cum Israël; manducemus, & bibamus, cras enim moriemur.*

V. Definitur à Speusippo liberalitas, habitus, qui in querendis erogandisq; pecuniis decorum seruat. Vbi, nomine pecunie, cum Aristot. 4. *Ethic.* c. 1. intelligendum est, quidquid nummis aestimari potest. Quamobrem à S. Thoma 2. 2. q. 112. art. 2. & 3. virtus hæc dicitur, diuitiarum appetitum moderari, hominémque expeditum reddere, ad ijs ex rationis dictamine vtendum: in acqui-




quifitione & erogatione fcilicet earum, quæ ni-  
fi moderata fit, vel non tantum, quantum opor-  
tet, tribues, & eris auarus ; vel in dando mo-  
dum excedes, & fies prodigus. Igitur *medio tutif-  
simus ibis* : quod S. Ludouicus fecit Sorbonicam  
adiuturus architectationem.

Tullius 1. *de off.* & S. Ambr. 1. *de off. c. 28. VI.*  
liberalitatem, pro affectu benignitatem, pro ef-  
fectu beneficentiam vocant. *Non enim fatis eſt  
bene velle, ait cap. 30. Ambr. ſed etiam beneface-  
re. Neq; ſatis eſt benefacere, niſi id ex bono fonte,  
hoc eſt, ex bona voluntate, proficiſcatur. Hilarem  
datorem diligit Deus. Quis neget, quòd diligat?  
In Catharinæ miraculo oftendit. Immo oſten-  
dit, quando piam liberalitatem ſacrificijs præ-  
tulit. Euntes, inquit, Matth. 9. 13. diſcite, quid  
eſt, miſericordiam volo, & non ſacrificium.* Pytha-  
goras rogatus, qua ratione homines Dijs ſimi-  
les haberi poſſint? dixit, *Si veritatem amplecte-  
rentur, & cunctis benefacerent.* Sicut ergo ad alta  
aspiramus naturæ impetu, ita, teſte Tullio, in  
*Lal. natura ad liberalitatem propenſiſſimus.*

Vnde & qui accipit, non tam effectum, VII.  
quàm affectu dantis meritum æſtimat. Quia, vt  
ait Seneca 1. *de Beneficijs c. 6. Beneficium non in  
eo, quod fit, aut datur, conſiſtit, ſed in ipſo dantis, aut  
facientis animo.* Affectus iſte debet eſſe ad omnes;  
etiam inimicos, *operemur bonum ad omnes, ait  
Pau-*

Paulus, *Gal. 6. 10.* & Christus *Matth. 5. 44. be-  
nefacite his, qui oderunt vos.* Et quidem animo li-  
berali, hoc est, libero & libenti, promptoq; De-  
nique ex Chilonis, *apud Laërtium l. 1. c. 5.* sen-  
tentia, *hac beneficij inter duos lex est. Alter statim  
oblivisci debet dati, alter accepti nunquam;* ut Se-  
necæ verbis rem vertam. Hæc omnia qui habet,  
est liberalis, qualis fuit Io. Eleemosynarius, Ni-  
colaus Myrensis, & Sanctulus ille Nursiæ, *apud  
S. Greg. l. 3. Dial. c. 37.* quem, ob liberalem cha-  
ritatem, Deus, velut *oua Catharine*, etiam à Car-  
nificis gladio non passus est violari, Cyrus dixit,  
se Thesauros parare dando; adeoque persuasum  
habuit, bona donare, esse seruare: è San-  
ctulo discimus, non tantum dona dan-  
do seruari, sed etiam donan-  
tes.

*Quis poni facto contraria credat in vno?  
In miseros aurum spargere, colligere est.*



Ovorum cura, disciplinæ magistra.

# EMBLEMA XXXIX.

INDUSTRIA NATURÆ MANVM  
PORRIGIT.



**A** Nserina ova feliciter, ac pavonina à gallinis  
fouentur. Ita autem sunt supponenda. Quin-  
que ova pavonum, reliqua gallinae supponan-  
tur: decima die, ova omnia gallinacea subtrahun-  
tur, & alia item gallinacea totidem recentia sup-  
ponantur, quot ablata sunt; ut trigesima luna, hoc  
est, expletis triginta diebus, possint cum pavoninis  
ovis aperiri. Ova autem pavonum, quae gallinae sub-  
iecta sunt, saepe manè conuertantur, quia hoc ipsa fa-  
cere vix valebit: unam partem ovi notabis, ut te  
subinde conuertisse cognoscas. Porro cum nati fue-  
rint,

rint, maximè custodiendi sunt, cum cristam mittunt, tunc enim facile pereunt. Anserina autem gallinaceis eodem modo supponantur, amoveanturque: nam pauonum & anserum cubandi idem tempus est: gallinarum autem dies viginti unus, nouem videlicet minus, quàm pauonum. Ovis tamen anserum urtica subijciatur. Hæc Palladius, & ex eo Cardan. lib. 7. de rer. variet. c. 35. Qui paulò infra subdit: In phasianis eadem ratio exactè, quæ in pannonibus, sed quindecim oua supponuntur, cetera sui generis terminus idem est. Tanta anserum, aut pauonum cura est.

- II. Et quæ cura filiorum? nonne & illi, velut oua, Magistris supponendi? Cur enim Persius sat. 5. ait:

*Me tibi supposui, teneros tu suscipis annos  
Socratico, Cornute, sinu tunc fallere sollers  
Apposita intortos, ostendit regula mores,  
Et premitur ratione animus, vinctique laborat,  
Artificemque tuo ducit sub pollice vultum.*

Et, si sacra quærimus, nonne Paulus Hebr. 13. 17. scribit: Obedite prepositis vestris, & subiaccete eis, sicuti oua, ut maturentur, debent subiaccere gallinis. Et rursus. Rom. 13. 1. Omnis anima potestatibus sublimioribus subdita sit. Sicut ergo ouis gallina, sic hominibus necessaria est disciplina, qualis est, Patris in filium, Magistri in discipulum, Domini in seruum, & Magistratus in sub-



subditum; quæ tota consistit in eo, ut alienæ isti pareant voluntati, & tempus expectent, ac modum, morésque velut calorem accipiant, donec maturescant.

Rectè enim Seneca *l. De Morib. Educatio, & III.*  
*disciplina mores facit: & illud sapit unusquisque,*  
*quod didicit. Et S. Cypr. de habitu Virginum: Di-*  
*sciplina, custos spei, retinaculum fidei, dux itineris,*  
*salutaris fomes, ac nutrimentum bonæ indolis, magi-*  
*stra virtutis, facit in Christo manere semper, ac iu-*  
*riter in Deo vivere, ad promissa cælestia, & diuina*  
*præmia peruenire. Hanc sectari salubre est, & ad-*  
*uersari ac negligere lethale. Quocirca Lucius*  
*lib. de Deo Socratis, ait, nihil se æquè mirari,*  
*quàm cum omnes cupiant optimè vivere, &*  
*sciant non aliâ re viui, quàm animo; nec fieri*  
*posse, quin ut optimè viuas, animus colendus*  
*sit, tamen homines animum suum non colere.*

*Qua tanto studio curantur, mutantur, con-*  
*uertuntur, neque aui cuiunque supponuntur;*  
*& liberi cuius pædagogo, cuius magistro com-*  
*mittuntur? Præstaret, nulli committere, quàm*  
*malo. Nulli tamen committere, est vel omnes*  
*malos suspicari; vel nolle, ut filij sapiant. Nam*  
*mores primùm, deinde sapientia discitur, quæ*  
*sine moribus malè discitur. Quare liberalib. stu-*  
*dijs filios erudimus? Non quia virtutem dare pos-*  
*sunt, sed quia animum ad accipiendam virtutem*

*præ-*

*preparant, ait Senec. ep. 89. Itaque debent homines, per disciplinam, ad sapientiam pervenire.*

V. Disciplina autem diuiditur in correctionem, & instructionem, quorum primum timore, secundum amore perficitur; vtrumque à Magistro; à quo si vulgus, si rustica plebes non vult litteris, certè debet pietate erudiri; etiam si sit adulta. *Quid est stultius, ait Senec. ep. 77. quàm quia diu non didiceris, non discere? Omnis ætatis homines hac schola admittit. Tamdiu discendum est, quàm diu nescias: & si prouerbio credimus, quamdiu viuas. Etiam seni discendum est. Assonant Augustin. ep. ad Hieronym. scribens: Ad discendum, quod opus est, nulla ætas sera videri potest: quod, & si senes magis decet docere, quàm discere, magis tamen decet discere, quàm ignorare.*

VI. Cuius rei pulcherrimum ipse exemplum reliquit, ad Auximum Episcopum scribens, & habetur 24. q. 3. can. si habes de hac. *Senex à iuvene, & Episcopus tot annorum à collega, necdum anniculo paratus sum doceri, quo modo possim vel Deo, vel hominibus iustam reddere rationem. Exemplum sunt autem & aliorum in disciplinam traditorum, tot, quot laudantur vel discipuli, vel magistri, qui eos, diuersos sanè, nempe vel puerorum, vel anserum, vel gallinarum oua, excluderunt: digni præmio siue in stupidos inciderint,*

rint, siue in ingeniosos. Nec multo aliter Socrates dixit : *Oportet magistros multas mercedes capere à discipulis : ab ingeniosis quidem, quia multa discunt : à rudibus verò, quia multos labores exhibent.* Denique vniuersim ova teneram adhuc prolem exprimunt, ut in c. 34. Iob. Scribit D. Greg. *quæ diu fouenda sunt, ut ad vinum volatile perducantur.* Ova quippe insensibilia in semetipsis sunt, sed tamen calefacta in viua volatilia conuertuntur. Ita nimirum paruuli auditores ac filij, certum est, quòd frigidi insensibilésque remaneant, nisi doctoris sui sollicita exhortatione calefiant. Sed ova Siruthionis derelinquuntur (vide Embl. 35.) cum discipulis suis hypocrita nullum celestis vitæ exemplum præbent. Quid enim speres à naue, quæ non habet gubernatorem; à viatore, qui, pro duce, incidit in seductorem? nonne illa in scopulos, iste in mille incurret Labyrinthos? cum alioquin etiam bonos duces pauci sequantur. Apud plurimos enim disciplina, non *disciplina* est, sed *displicina*. Malunt in tympanis ludere, quàm in choro saltare. Parentum est igitur & magistros prouidere, & bonos. Quare

*Quicumque maturos cupis,  
 Parens, habere filios,  
 Noli anseri committere.*

Ova variè aperta, variè tractanda hominum ingenia, sed piè, & à pijs, monent.

## EMBLEMA XL.

NON EST INGENIVM, NON EST MOS OMNIBVS IDEM.



I. **M**ensarum vrbalitas docet, septies errari posse in ovo edendo, & ritè aperiendo. Sed quemadmodum apponendi, ita etiam oua aperiendi modus diversus est, ait Vlysses Aldrouandus lib. 14. Ornithol. c. 1. Iudei enim ea aperiunt parte acntiore, ut si qua illic gutta sanguinis apparuerit, abstineant; nos (Itali scilicet) obtusiore plerumq<sup>3</sup>, Germani in latere. Martes ingenio callida alium aperiendi modum reperit;

nam



ham vt exugere ad amissim *oua* possit, vtroque capite ea subtiliter perforat, vt aër succedens, succum trahi sinat. Quem comedendi modum hominum quoque nonnulli imitantur, dum *oua* sorbendo exhauriunt.

Scilicet & homines trahendi non vnus est II.  
modus. Aliæ nationes, aliter nutriunt suos infantes; & aliæ aliter educant liberos; ac sæpe non tam pro liberorum capacitate, quam pro sua voluntate. Potest *ouum* quacunque parte aperiri; sed alijs alia pars placet, vel pro ritu gentis, vel pro more regionis. Ita nonnulli, tales suos volunt esse filios, quales ipsi fuere. Quam obrem non modò regum filij reges, sed etiam sartorum filij fiunt plerumque sartoires & rustici rusticorum. Quin & Menalcæ plerumque vult vocari, quoque à Menalcæ descendunt.

Quod in moribus etiam contingit. III.  
Tamen enim subinde heroum quoque filij noxæ; nec Ciceroni gnatus suus par est; plerumque tamen tricongij tricongios, & Sardanapali Sardanapalos; auaros auari, impij impios educant. At neutrum natura iubet, vel Deus. Sæpe enim aliquis à purpurâ parentum, ad humilia descendit; & non rarò in mapalibus nati, de stiuâ, ad scpetrum & solium perueniunt. Itaque nullus Cræsus regno ac fortunæ fidere, nullus Irus despectare, ob natales, debet. Neque verò omnis pa-

rens progeniem vidit vitiosiore. Efferatissima belluarum catulos genuerunt, qui si humanis manibus fuere excepti, cicurati sunt. Ita ethnicorum, Turcarum, hæreticorum proles Catholicè educata, ad magnam sæpe perducta est pietatem. Ipse Moses à Pharonis filia enutritus, quantum non profecit in litteratura Ægyptiorum? Quemadmodum spina, licet, per se nullum gratum hominibus fructum proferat, in pyrum tamen inserta fructus dulcissimos edit: sic homo agrestis licet sit, disciplina tamè adeò formari potest, ut fructus vberimos utilissimòsq; gignat.

IV. Et quamuis non gignat; saltem tu officio tuo satis fecisti, si conatus es ingenium aperire, & erudire. Si annunciante te ad impium, ut conuertatur à viis suis, non fuerit conuersus à via sua, ipse in iniquitate sua morietur. porro tu animam tuam liberaisti. *Ezech. 33. 9.* Hic certè, ait Prosper l. 1. de Vit. contempl. c. 22. satis euidenter ostenditur, quòd siue proficiant, siue non proficiant auditores, tacere eis non debeant sacerdotes. Ita & parentes debent omnia tentare. Itaque, ut non vnus est modus ouorum aperiendorum, ita nec vna ratio tentandi ingenia puerorum. Dummodo utilia doceantur. Hoc scire, quid proderit? ait Senec. ep. 89. ut sollicitus sim, cum Saturnus & Mars ex contrario stabunt? aut cum Mercurius vespertinum faciet

*faciet occasum, vidente Saturno.* Immo quid proderit, audire, à fele comas sibi lambente, pellemque mundante significari aduentum noui hospitis? aut coruo circa domum crocitante, portendi mortem alicuius inquilini?

Hæc docentur homines à cunis, & nesciunt, V.  
inter tot curiositates ac superstitiones, ritum Deum precandi, aut artem, qua metum sibi demant, cupiditatem eximant, libidinem frænent. Culpa ea est educatorum, & Magistrorum, quorum officium est, cum litteris docere virtutes. *Musica monstrat mihi, ait ib. Seneca, qui sint modi flebiles; monstret potius, quo modo inter aduersa non emittam flebilem vocem. Metiri me Geometres docet latifundia; potius doceat, quo modo metiar, quantum homini satis sit. Numerare docet me Arithmetica, & auaritiæ commodare digitos; potius doceat, nihil ad rem pertinere computationes. Doces me, quomodo nihil, perdam ex finibus meis; ego discere volo, quomodo totos hilaris amittam. ô egregiam artem: scis rotunda metiri; si artifex es, metire hominis animum, dic quàm pusillus sit. Scis, quæ sit recta linea, quid tibi prodest, siquid in vita rectum sit ignoras? Non malum est ista etiam discere, sed istis discendis itate impendere, vt necessaria ignores.*

Rectè proinde faciunt parentes, qui dum VI.  
sua magistris tradunt, non tantum magi-

stros gnauiter quærunt, à quibus litteras, & cl-  
tharam, sed etiam mores ac pietatem discere  
possint, vt vndique erudiantur. Discunt pedes  
saltare, cur non discunt manus orare? Sciunt  
tui filij numerare pecunias, cur non, vel te ma-  
gistro, etiam preces debitas Deo numerant? Nec  
erubescere debet quisquam, si occupetur in pu-  
eris ad virtutem erudiendis; cum videamus glo-  
rianter superbire sæpe, qui eos docent equitare.  
Nobilius est, Deum colere, quàm equos regere.

VII.

In Alexandrina Ecclesia, teste Eusebio l. 6.  
*hist. c. 1. & 12.* catechumenis instruendis præ-  
fuit Pantænus, Clemens, Origenes Heraclas,  
De S. Vincentio Ferrerio ita *apud Sur. 5. April.*  
scribit Petr. Ranzanus: *Neg, duntaxat atate pro-*  
*uectos sublimium rerum capaces erudiebat, sed etiã*  
*pueros certis ad se horis euocatos instituebat, docens*  
*eos, quemadmodum cruce se signarent, orationem*  
*Dominicam, & Angelicam salutationem, atque fi-*  
*dei Symbolum enunciarent, Deum colerent, ama-*  
*rent, parentibus & proximis quibusque honorem*  
*haberent, & debita officia persoluerent.* S. Hiero-  
nymus, *ep. ad Letam*, multa dat præcepta jam  
senex pro recta institutione filiæ, tandemq; hæc  
addit: *Ipse, si Paulam miseris, & magistrum me, &*  
*nutriciũ spondeo, gestabo humeris, balbutientia se-*  
*nex verba formato, multo gloriosior mundi Philo-*  
*sopho, qui non regem Macedonum Babylonio peritu-*  
*rum*



*rum veneno, sed ancillam & Sponsam Christi erudiam, regnis celestibus offerendam. Nec magnus ille Academiae Parisiensis Cancellarius Io. Gerson. dedignatus est puerilem catecheseos institutionem tradere, ac tam exemplo, quam verbo commendare. Quid quòd ipse Christus dixit Matth. 19. 13. Sinite paruulos venire ad me?*

Igitur & parentes, & quicunque, vel magni, I I X.  
vel parui, viam iuuentuti aperiant ad virtutem; quisque suo modo, dummodo bono, dummodo conuenienti, & accommodato. Alijs acumina laudesque obijciat, alijs latera fodiat stimulis, alijs obtusa demat; sic enim ingenia varia, velut *oua* sunt variè aperienda. Aptè huc apponi possunt Cn. Cornelij Galli versus eleg. 1. quibus idem docetur. Sunt enim isti.

*Diuersos diuersa iuuant: non omnibus annis*

*Omnia conueniunt: res priùs apta, nocet.*

*Exultat leuitate puer, grauitate senectus:*

*Inter utrumque manens stat iuuenile decus.*

*Hunc tacitum tristemq; decet; sit clarior ille*

*Latitia, & lingua garrulitate sue.*

*Cuncta trahit secum, vertitq; volubile tempus.*

*Nec patitur certâ currere quemque viâ.*

Ab omni creatura nos doceri,  
ovum docet.

## EMBLEMA XLI.

NEC TALEM PIGVIT, TALI DI-  
DICISSE MAGISTRO.



1. **F**ranciscus de Corduba in *Didascalia* multiplici, etsi non veram, iucundam tamen, atque curiosam, ex Hebræorum fabulis, affert interpretationem illius loci. 3. Reg. 6. 7. *Domus autem cum edificaretur, de lapidibus dolatis atque perfectis edificata est: & malleus, & securis, & omne ferramentum, non sunt audita in domo, cum edificaretur.* Cuius loci sensus genuinus est, industria artificum, & prudentia Salomonis, ad tantum opus lapides & ligna adeò exactè prius

prius alibi, nempe in monte & lapicidinis, à cæmentarijs Salomonis & Hiram, ut dicitur 3. Reg. 5. 18. fuisse aptata, ut in ipso loco templi, sine ullo ferè strepitu, bitumine, aliisque necessarijs vinculis compaginarentur; in figuram scilicet mystici illius templi in cælo, ubi sine malleo, sine verberibus, sine ictu & dolore, prius in his terris, & hac mortali vita *Tunſionibus, preſſuris expoliti lapides ſuis coaptantur locis.* Ita quidem locum illum intelligunt, qui rectè intelligunt.

Apud citatum tamen auctorem, Hebræorum **II.** ſomnijs non nemo eruditus, ait Salomonem cum omnium herbarum beſtiarumq; vires noſſet, *ouum*, an pullum Struthioni eripuiſſe, atq; in vitrum ingens incluſiſſe, unde certum aliquem vermen ſit adeptus. Struthio enim poſtquam *ouum* ſuum reperit, ſed in cuſtodiam datum, ut illud, velut è vinculis liberaret, illico notiſſimū ſibi, naturæ magiſterio, vermen quæſuiſſe fertur, quo admoto, vitrum ruptum diſſilierit, *ouumq;* reliquerit liberum ſtruthioni. Struthione ergo *ouum* ſuum reportante, Salomon, ut iſti ſingunt, vermen accepit, & ſaxis illis grandibus, quæ templo deſtinabantur, adhibuit, itaque fabre ſecuit, poliuit, dolauit, ut ea nullo malleo, ſecuri, alioue ferramento indigerent. In hunc ferè modum, quantum memini (nec enim ad

manum est auctor, alibi mihi lectus) Franciscus de Corduba. Crediderim facilius, saxa illa mendacij magnitudine, quàm vermiculi viribus rupta dissiliisse.

- III. Io. de Pineda in *Salomone prauio lib. 5. c. 5. q. 15.* ita loquitur: *Secunda Hebraeorum commentatio plena curiositate, comminiscantium, artifices illos, & preparatores lapidum usos fuisse sanguine cuiusdam vermiculi, qui dicitur Samir, cuius virtute scindebantur lapides mirabili facilitate, sicut smerillo scinditur vitrum. Itaque sanguine illo liti lapides mollescebant, & sua sponte scindebantur. Addunt verò fabulam fabula, illam vermiculi virtutem casu quodam & experimento à Salomone comperitam fuisse, cum struthionis pullus, quem habebat vitreo vase inclusum, non alia arte recuperari à parente potuisset, quàm prius vermiculo ille de deserto adducto, atque illius sanguine delinito, & confrecto vitro. Inde igitur experimento datum fuisse locum, & initium nouo artificio scindendi lapides & marmora. Meminit Lyra super id Ezechielis 3. 8. ut adamantem & silicem dedi faciem tuam, quod propriè in Hebraeo legitur: ut Samir fortio- rem silice dedi frontem tuam: quo loco sic scribit Nicolaus. ut vermem fortio- rem rupe dedi faciem tuam. Et per vermem secundùm eos intelligitur sanguis cuiusdam verm- is, quo sine sonitu incidebantur lapides in edificio templi Salomonis.* Confirmat hæc



hæc R. Moyſes Mammonius, apud quem, *Samir eſt reptile paruum, quod lapides ſecat, cum per eos tranſit.* At quot vermibus, quantoſue eorum ſanguine opus erat ad tot, pro vaſtiſſimo templo, lapides findendos? Et *Samir* Hebræis non vermibus, ſed adamas eſt, cuius durities ſeruit ad lapides & gemmas poliendas. Sed quis credat, ſaxa illa ingentia pro templo, ſecta eſſe vel adamante?

Interim, quando etiam fabulis erudimur, docet hoc figmentum, nos adeò ( ſi quidem diſcere velimus ) magiſtris non carere, vt etiam à brutis animalibus inſtruamur, quantumuis vel Salomones ſimus. Et quid opus eſt figmento? ipſe id Salomon docet, cum pigros mittit ad ſcholam formicarum. *Vade, inquit, Prou. 6. 6. ad formicam, & piger, & conſidera vias eius, & diſce ſapientiam: quæ cum non habeat ducem, nec præceptorem, nec principem, parat in æſtate cibum ſibi, & congregat in meſſe, quod comedat.* Hoc ſpiritualiter intelligendum eſt, ait S. Auguſtinus contr. *Adimantum, c. 24. vt quemadmodum formica æſtate colligit, unde in hyeme paſcatur; ſic unusquisq; Chriſtianus in rerum tranquillitate, quam ſignificat æſtas, colligat verbum Dei, vt in aduerſitate, & tribulationibus, quæ hyemis nomine ſignantur, habeat unde ſpiritualiter viuat.*

Hoc magiſterium nobis monſtrat etiam Ho-  
ratiuſ ſerm. lib. 1. Satyr. 1.

*Paruula nam exemplo est magni formica laboris,  
Ore trahit, quodcumq; potest, atq; addit aceruo,  
Quem struit hand ignara, ac non incanta futuri.  
Qua, simul inuersum contristat Aquarius annum,  
Non usquam prorepat, & illis utitur ante  
Quasuis patiens.*

- V I.** Neque formica tantum proponitur nobis, tanquam vita magistra. Ernere, quasi damula de manu, ait *Prou. 6. 5.* Spiritus S. & quasi anis de manu aucupis. Et ipse Seruator: *Matth. 6. 26.* Respicite volatilia celi, quoniam non serunt, neque metunt, neque congregant in horrea; & Pater vester celestis pascit illa. Vbi nimiam docemur sollicitudinem seponere, sicut à formicis, non esse negligentes. Fuerunt enim, qui illa verba malè intelligerent: de quibus S. Augustinus *heresi 57. de opere Monachorum* ait: *Horum verborum occasione quidam* (Euchitæ scilicet, id est, Orantes hæretici) *dicunt se operari non debere, quia nec volucres cali feminant, neque metunt, sed attendere isti deberent, quod sequitur, neque congregant in horrea. Jam verò isti manus ociosas scilicet habent, & tamen repositoria plena volunt habere. Mittuntur ergo ad formicam isti, quasi dicatur illud 2. Thess. 3. Qui non vult operari, non manducet.*
- V I I.** In Carthusianorum historia, refertur, tentum aliquando, postquam diu voluntariam illam solitudinem tolerauisset, tædio victum, statuisse

tuiffe profugere. Iamque in eo erat, vt scalis applicatis muros transcenderet, cum illi in mentem venit, auiculam quoque, quam charissimam habebat, è cauea sua emittere; quam cum aperuiffet, auicula carceri virgato affucta, etiam per patentes aditus noluit egredi. Quod vbi ille vidit, quasi Deo docente, dixit: Ergo hæc bestia, escæ caussa, potuit custodiæ suæ assuescere, ita ut nolit euolare, ego autem Dei caussa, non possum? Dixit, & mansit. S. noster Ignatius *ex tenuissimis rebus, ad Deum, qui in minimis etiam maximus est, ascendit, & è singulis utilissima ad vitæ informationem documenta cepit. Ribaden. l. 5. c. 1. vitæ eius. Exemplum sunt innumera. Vide Bellarm. de ascensu mentis in Deum. Ludovic. Granat. l. 1. Catechismi in sym. Fidei. Richeomum in valedictione Animæ.*

Rectè igitur Mercurio Trismegisto *Vniuersum est liber diuinitatis, sæculumque hoc sublustre est. speculum diuinorum.* Nam in eo, vt homines disciplinæ capaces docerentur, varias artes animalia docuerunt. Araneus artem texendi; hirundo & vespæ ædificandi; grues instruendi exercitum; milui nauem gubernandi; Hippopotamus Nili incola venæ incidendæ: is enim natura gulosus, cum se sanguine nimis turgere animaduertit, inter acutiores ripæ arundines circumcurrit, & fragmentorum affricu, aperit venam;

venam; sanguinēque, vbi fatis sentit se euacuatum, sistit, corpore, per pinguem & obstruentem limum, volutato. Vide *Plin. l. 8. hist. c. 26.* & 27. *Plutarch. in lib. de industria animal.* D. *Gregor. Nazianz. orat. 2. de Theol.* De musicam docente lascinia *Aristot. l. 4. de hist. c. 9. & Plin. l. 10. hist. c. 29.* De brutis futura præfagientibus, & mutationem aëris, pluuias, ac tempestates prædicentibus, ac Astrologos erudientibus *S. Ambros. l. 5. Hex. c. 9. Basil. hom. 7. Hex.*

**I X.** Ac omissis artibus, mores qui quærit: discet à leonibus magnanimitatem; à canibus amorem; à ciconiis pietatem; à turturibus fidem, coniugalem; à columbis simplicitatem; à serpentibus & elephantis prudentiam; ab apibus, gruibus, formicis ciuilem societatem. Vno verbo verè *Prosper l. 2. de vocat. Gent. c. 4. Cælum, terra, mare, omnisque creatura, quæ videri atque intelligi potest, ad hanc præcipuè disposita est humani generis utilitatem, ut natura rationalis de tot contemplatione specierum, de experimentis tot bonorum, ad cultum & dilectionem sui imbueretur auctoris, implente omnia spiritu Dei, in quo vivimus, mouemur, & sumus.*

*Inter tam multos, nil discere velle magistros;  
Aut ingens stupor, aut maxima pigritia est.*



Ovorum exclusio, filiorum educatio.

EMBLEMA XLII.

NON PERDIDI, QVOD PEPERI.



**H**enicus Salmuth in tit. 1. lib. 2. Guidonis  
Panciroli rerum mirabilium recens inuenta-  
rum, de Americis, ista scribit: Non magis  
de gallinis suis solliciti, quàm de anibus, quæ vitam  
in silvis agunt. Illas ubicunque fert impetus, ponere  
& excludere patiuntur oua. At gallinæ vicissim pul-  
los è dumis & vepribus domum deducunt: ita ut ea  
molestia careant Americanæ mulieres, quæ nostra-  
tes in pullis educandis satis fatigantur. Simile quid  
de gallinis agrestibus quæ è Gallinarijs insulis ma-  
ris Ligustici sunt allatæ, & mediæ sunt inter vil-  
laticas atque Africanas, seu Meleagrides, refert  
Varro

Varro lib. 3. de rer. rust. c. 9. Illæ ideò dictæ sunt agrestes, quòd non villis, sed ferè in siluis *ona* facerent; at in eo degeneres sunt, quia non item in secretò silentio educatos *pullos è dumis* & *verpibus domum deducunt*, quemadmodum Americanæ, multis parentibus in exemplum futuræ.

II. Quàm enim benè ageretur cum Rep. si parentes ita agerent, filiósque suos ad omnem virtutem probè instructos atque educatos in eundem modum producerent, & officijs munijque offerrent? *Qui docet filium suum, laudabitur in eo, & in medio domesticorum in illo gloriabitur Eccles. 30. 2.* Ita apud Val. Max. l. 4. c. 4. *Cornelia Gracchorum mater, cum Campana matrona apud illam hospita, ornamenta sua illo seculo pulcherrima ostenderet: traxit eam sermone, quousq; è schola redirent liberi: Et hac, inquit ornamenta mea sunt.*

III. Nulli præceptores efficacius possunt docere, quàm parentes; quorum & maior est potestas, & maturioris instructionis occasio, adhuc in cerea ætate. Hæc enim, *tanquam subacta, ac mollis cera est*, vt loquitur S. Basilus. *Reg. fusius disp. interrog. 15. quæ ipsa impressas in se formas quascunque facile recipit, & mollissimè cedit. Confestim igitur, ab initio, omni rerum bonarum imbui exercitatione debet.* Hinc illud. *Eccl. 7. 25. Filij tibi sunt? erudi illos, & curua illos à pueritia illorum.* Tunc velut tenera arbor in quamcunque par-

tem

tem possunt flecti ; qui , processu ætatis , querni  
 fiunt, & de nobili stirpe sæpe etiam trunci. Nam  
*adolescens juxta viam suam, etiam cum senuerit,*  
*non recedet ab ea. Prou. 22. 6. Quo semel est imbu-*  
*ta recens, seruabit odorem testa diu. Horat. l. 1. ep.*  
 2. Igitur, *ne discat in tenero*, ait S. Hieronym. ep.  
 7. *ad Latam, quod postea dediscendum est. Et mox:*  
*difficulter eraditur, quod rudes animi perbiberunt.*  
*Lanarum conchylia quis in pristinum candorem re-*  
*uocet? Ac rursus: si sollicita prouides, ne filia per-*  
*cutiatur à vipera, cur non eadem curâ prouideas, ne*  
*feriatur à malleo vniuersa terra? ne bibat de aureo*  
*calice Babylonis? Ac ep. 12. ad Gaudentium. Ut*  
*aqua in areola digitum sequitur præcedentem, ita æ-*  
*tas mollis & tenera, in utramque partem flexibilis*  
*est, & quocunque duxeris, trahitur.*

Quare non modò Plutarchus *De liberor. edu-* IV.  
*cat. eos, qui liberos ditare potiùs student, quàm*  
*bonis moribus imbuere, similes esse dicit illis,*  
*qui neglecto pede, calceos curant: sed & Apo-*  
*stolus. Eph. 6. 4. grauitè scribit: Et vos Patres,*  
*nolite ad iracundiam prouocare filios vestros: sed*  
*educate illos in disciplina, & correctione Domini.*  
*Hoc ni faciant, vindicantem Dei manum non*  
*effugiunt. Hos ego Patres, ait S. Chrys. lib. 3. ad-*  
*uers. vitup. vitæ monast. quod nemo tamen commo-*  
*tiùs dicere, quàm veriùs existimet, parricidæ ipsi*  
*immaniores sceleratioresq; dixerim. Illi enim corpus*

*ab anima disseparant, isti & animam, & corpus æternis ignibus tradunt. Atque is quidem, qui corpore occiditur, necessario naturali lege, etiamsi necatus non fuisset, moreretur : hic verò sempiternam mortem vitare potuisset, nisi hanc illi consciuisset paterna negligentia.*

**V.** Malæ educationis merces in Heli Sacerdote *1. Reg. 3. 11.* item in filijs, quorum alter, apud *S. Bernardin. Serm. 17. de Euang. eterno*, dum duceretur, auriculam: alter, apud *Boët. de disciplin. Scholariū*, nares parenti mordicus abstulit. Item in pueris, altero quinquenni, apud *S. Gregor. l. 4. Dial. c. 18.* altero duodenni apud *Cyrill. ep. de mirac. S. Hieronymi*, (quæ est *ep. 206. inter ep. S. Augustini*) à dæmone è conspectu, immo & sinu parentum raptis, item in patre ac filio damnatis sibi maledicentibus, apud *Dionys. Carthus. l. de quat. noviss. art. 42.* Vidit enim quispiam, Genio bono duce, miserando spectaculo, in medijs ignibus patrem filio, & hunc patri acerbissimè identidem occlamantem: *Maledicte fili, quò me miseriarum adduxisti, iustis iniustisq; artibus utentem, ut te multarū opum haberem successorem. Et: Quin immo huc me, huc me tua indulgentia, huc tui nimius amor ab religiosa vite desiderio abstractum precipitavit, detestande pater.*

**VI.** Discant igitur parentes à gallinis Indicis pullos suos



*fuos è dumis, & vepribus deducere; & quamuis multi, ubicunque fert impetus, ponere & excludere, à negligente magistratu finantur oua, illud altè defixum habeant: Melior est vnus timens Deum, quàm mille filii impii, & utile est mori sine filiis, quàm relinquere filios impios. Eccles. 16. 4.*

Quod ita esse luculentè confirmauit mulier illa, quam testatur in suis *Reuelationibus l. 6. c. 5. 2.* à se conspectam esse non exiguis virtutibus pol-  
lens, & sanctitate celebris illa Birgitta, velut è caliginoso lacu prodeuntè luridi vultus vmbra,  
sine corde horridè truncam labijs, exeso mis-  
rabiliter naso, oculis in genas prolixè propen-  
dentibus, exedentibus funestis pectus vermibus,  
de filia superstitè, tanquam si coram adesset, mi-  
serandum in modum conquerentem: *Eheu filia,  
non filia, sed lacerta veneno fatissima! miseram me,  
qua te genui! miserrimam, qua te exemplo meo pec-  
care docui! quoties enim pessimos meos imitata mo-  
res etiamnum peccas, toties hac inferni, qua propter  
te patior, tormenta, nouis auctibus recrudescent.*

Haud potuit hæc dicere, NON PERDIDI, QVOD  
PEPERI; dixisset verè: QVOD PEPE-

RI, ME PERDI-

DIT.

Ova in fimo, homo in peccato; vnde  
eum Baptismus liberat.

## EMBLEMA XLIII.

QVIS POTEST FACERE MVNDVM,  
DE IMMVNDIO CONCEPTVM SE-  
MINI? NONNE TV, QVI SOLVS ES?  
Iob. 4. 4.



- I. **A** Nimalia quaedam & citra incubitum, sponte  
natura gignunt, ut in Aegypti fimetis. ait  
Plin. l. 10. c. 54. Quod ex Aristotele ha-  
bet ita scribente: Incubitu animi ova excludi na-  
tura ratio est: non tamen ita solum ova aperiuntur,  
sed etiam sponte in terra, ut in Aegypto obruta fimo  
pullitiam procreant. Io. Baptist. Port. Nat. Mag.  
l. 2. c. 24, ex Democriti sententia haec praescri-  
bit

bit: Columbarum, vel gallinarum stercore tuso, atq;  
 in cerniculo subtiliter succreto, obruantur oua, non  
 irrita tamen, ne simul collidantur, substratis eorum  
 pennis, & circumpositis cubilia extruantur: turbi-  
 natio ouorum pars sursum vergat, & vicenis qua-  
 ternisue horis, alternis vicibus innouato circumuol-  
 uendo, ut aqualiter concalefiant, sic effata efficere  
 sunt solita, loco calido & tepente seruentur: ubi bis  
 deni dies elapsi, & completi foetus, & pulli rostellis oua  
 percutere inceperint, ausculta, num pipiant. Sape  
 enim propter eorum putaminũ crassitudinem erum-  
 pere nequeunt, vel rimis fatiscunt: testas tollito, &  
 gallinam inducito. Et si collibuerit, aliter potes: oua  
 tepido demergas fimo, senisq; diebus recentem subii-  
 cito, ne senescat, sed tempore suo foueat, & gallina  
 calorem imitetur, vertendo semper, donec excludant,  
 qui queruntur pulli.

In hoc ouo Iobum aliquis imaginabitur, qui I I.  
 testã saniam radebat, sedens in sterquilinio. Iob. 1. 7.  
 Rectè. Sed quiuis etiam homo (Christum, eius-  
 que Matrem excipio, sine macula conceptam)  
 tale est ouum, cum dicere possit: In peccatis con-  
 cepit me mater mea. Nam homines, qui ab initio  
 nutriebantur in croceis, originali peccato conta-  
 cti, amplexati sunt stercora. Thren. 4. 5. Itaque  
 ouorum more, in peccato, velut fimo, jacent,  
 cum jacent in vtero; immo & nati, si nondum  
 renati. Ad renatos autem, ait Apostolus 1. Cor.

6. 1 1. *Et hæc quidem fuistis, sed abluti estis, sed sanctificati estis (per Baptismum & Christianismum) in nomine Domini nostri Iesu Christi, & in Spiritu Dei nostri.*

III. Mutationis & ablu­tionis huius exemplum de se ipso narrat S. Cyprianus *ep. 2. ad Donatum*: vbi ingenuè fatetur, qualis fuerit ante baptismū (nō solūm à peccato originis, sed etiam alijs proprijs gestis defædatus) qualisque subitò euaserit, per gratiam baptismi, quidque sibi contulerit Christianismus; qui, vt ipse loquitur. *Est Mors criminum, & vita virtutum.* Paria his refert Nazianzenus *orat. funebri in laudem Cypriani*; vbi mirabilem eius conuersionem, & cordis vitæque commutationem, quam baptismō accepit, ob oculis ponit.

IV. Petrus de Natalibus, *in vita S. Catharine Virginis & Martyris* scribit, eam, cum nondum esset baptismō tincta, à Deipara visitatam; sed quamquam Deipara Christum illi paruulum exhiberet, futurum Sponsum, Christum tamen ob turpitudinem *originalis macula*, faciem ab ea auertisse, talemque, manibus ac pedibus relictum, repudiasse. Quapropter illa sacrum fontem, more sitientis cerui, desiderauit, & adepta ocyùs, illico, B. Mariâ præsentē, & innumerabili Angelorum multitudine circumstante, à Christo Sponsa est electa, annulo quoque Sponsali  
acce-



accepto, quem illa, ceu cælestem arrham, ad vltimam mortem diligentissimè asseruauit.

Si ita Catharinam suam est auersatus Christus, ob *peccatum* tantummodo *originale*, quantum eos auersabitur, qui tot actualibus flagitijs se, tanquam stercore cooperuerunt? Et quàm longè absunt à Catharina, ad baptismum properante, qui in sex hebdomades, immo menses, differunt filiorum suorum baptismum, ob pompam seculi, cui in baptismo filij sunt renunciaturi? *Lib. 1. Vite Patrum*, refert Græcus auctor, à Dionysio Abbate in Latinum idioma translatus, *cap. 5. vite S. Abbatis Pachomij*, eâ nocte, quæ illi à susceptione baptismi prima fuit, Pachomium sibi mellitum de cælo rorem in dexteram manum descendentem videre, & hanc vocem audire visum. *Aperi mentis tua oculos, Pachomi, & agnosce in rore isto acceptæ à Deo gratiæ argumentum, & pignus. Agnoscamus & nos, & abluti ad finem, vnde prodiuimus, redire horreamus; ne conueniat illud: Sus lota, in volutabro luti. 2. Petr. 2. 21.*

*Dum calor oua coquit non jam maternus in aluo,*

*En tibi nunc etiam pullulat ipse finis.*

*Sic spectare licet, qua finis origine nati*

*Nos quoque mortales, turba superba nimis.*

*Nam si nos primo benè cognoscamus ab ortu,*

*Verè est nobilitas maxima nostra finis.*

Pullus ex vtero & ovo, hominis nati &  
baptizati imago.

EMBLEMA XLIV.  
SIC DEBENT NATA RENASCI.



1. **O** *Va parere solet genu pennis condecoratum,  
Non animans:*

ait antiquissimus Romanorum Poëta, Rudius  
homo Ennius. Quia plus negotij est in ijs, quæ  
ex ovo prodeunt, quàm in reliquorum anima-  
lium ortu. *Bis debet generari, totiésque nasci;  
ovum ab alio, ab ovo pullus,* inquit, Puteanus *orat.*  
20. Postquam enim ab utero prodierunt, *hiul-*  
*ca ova maternus rumpit tepor,* quæ Claudiani  
phrasis est, *in prefat. Panegyri, 1.* Matre enim  
quod

quod natum est, fouente ( cum intus omne ouum volucrum bicolor ) ipsum animal ( denuo generandum ) ex albo liquore oui corporatur. Cibus eius in luteo est. Increcente pullo, candor in medium vertitur, luteum circumfunditur. Vitellus paulatim deficit. Ita Plinius l. 10. c. 53. licet aliter sentiat Hippocrates lib. de natur. foetus. Mirabile magnum, ait Petrus Greg. Tolosan. l. 13. de Rep. c. 25. n. 4. quia non planè comprehenditur virtus & omnipotentia Dei, ut pullus intra oui corticem conclusus, antè, quàm vel putamen effringat, pipiat, ales factus intra conclusus, post vndeagesimū diem ab incubitu gallina in oua.

Et homo bis generatur, ac bis nascitur, semel **II.** secundum carnem, altera vice secundum spiritum & virtutes, in baptismo. Vnde & regenerati, ac renati dicimur. Quare, ait S. Paulus ep. ad Tit. 3. 5. Saluos nos fecit, per lauacrum regenerationis, & renouationis Spiritus sancti. Et Baptismus Græcis dicitur *παλιγγενεσία*, iterata generatio, quia antè ex matre genitos secundum carnem, quasi de nouo regenerat, & renouat, per gratiam Spiritus sancti, nouosque homines, id est, sanctos, iustos, Dei amicos & filios efficit. Hic diuinæ illius auis effectus est, quæ nidum suum sub pennis congregat Luc. 13. 34.

Tantus amoris calor, tanta vis sacramenti, ut **III.** dum corpus abluit, ac velut testam fouet, pullū,

id est spiritum, qui intus est. animet, faciâtque ex muto pipientem; omniâque interiora eius conuertat, vt ex filio iræ fiat filius Dei. *Caro abluatur*, ait Tertullian. *l. de Resurrect. carnis*, vt anima emaculetur, caro ungitur, vt anima consecratur, caro saginatur, vt anima muniatur, caro manus impositione Christi adumbratur, vt anima spiritu illuminetur, caro corpore & sanguine Christi vestitur, vt anima de Deo saginetur. Olim enim recens baptizatis mel & lac, & Eucharistia gustanda dabantur, & sacramentum confirmationis per manus impositionem impendebatur; præsertim sub initium Ecclesiæ, vt baptizati, in persecutionibus tunc furentibus, firmi essent in fide, vt colligitur *Act. 8. 14. 15. 17.* & tradit Augustin. *lib. de fide & oper. cap. 11.*

- IV.** Porro tanti sunt effectus baptismi, in quo, vetustate deposita, ad gratiam & vitam spiritua-  
lem renouamur, vt meritò dicamur *regenerari*.  
Quare rectè in *cit. loc. S. Pauli*. Theophylactus  
ait: *Orem arduam & admirabilem*, adeo vitijs  
eramus immersi, vt nulla ratione purgari possemus,  
*sed opus fuit regeneratione*. Nam regeneratio & re-  
nouatio secundam natiuitatem, nouâque forma-  
tionem significant. Vt enim domum ruinosam, &  
planè veterem non suffulcimus, verùm ad funda-  
menta vsque diruimus, ac demolimur, nouâq; edi-  
ficamus: consimilem ad rationem Deus non recon-  
cin-



innauit, quod corruptum erat, sarciendo, sed denuò  
condidit. quomodo? per Spiritum sanctum, ne enim  
queras modum, spiritus, inquit, totum transegit.  
Vnde hoc perspicuum? quem effudit, inquit, abundè  
in nos. Non enim tantummodo per hunc refinxit  
nos, sed largè ipsum etiam nobis impertijt, ut & il-  
lud per hoc monstretur. Ac meritò postquam enim  
mundauit nos, tum & Spiritu suo sancto abunde nos  
impleuit, hoc est, quod ait, effudit; in impuros  
mundus ille purusque spiritus non ingrediebatur.

Huius regenerationis vim Deus ostendit in v.  
Genesisio, de quo Sur. tom. 5. Martyrolog. Rom.  
25. Augusti, & Vincent. Beluacens. in spec. hist.  
lib. 12. c. 104. Is Romæ in theatro, spectante  
Diocletiano Imp. tanquam mimus, Christianis  
mysterijs illudebat, fingens se velle baptizari.  
Quare velut æger decubuit, eum à quo bapti-  
zaretur poposcit: sed iocum in serias cogitatio-  
nes repente conuertit Deus, qui Genesium, po-  
pulo ridente, diuino lumine calefecit. Itaque ex  
templo mutatis consilijs, religionem Christia-  
nam professus est, Diocletiano primulùm ad-  
cachinnante, & adhuc ludos agi arbitrate.  
Tunc, sicut fuerat ordinatum, intrare faciunt exor-  
cistam & presbyterum, qui iuxta lectum eius se-  
dentes, dixerunt. Quid ad nos misisti filiolo? At  
ille iam non simulatè, & fictè, sed ex puro corde re-  
spondit: quia gratiam, Christi consequi cupio, per  
quam

quam renatus liberer à ruina iniquitatum mearum. Cúmque sacramentorum mysteria complexent, & vestibus albis esset indutus, quasi per ludum à militibus est raptus, & ad similitudinem sanctorum de Christi nomine discutiendus Imperatori est exhibitus. Sed cùm ad falsam adducitur passionem, ad veram accessit confessionem. Ascendens namque super basim, ubi statua fuerat Veneris, ita concionatus est: Audi, Imperator, & omnis exercitus, sapientes, & populi urbis huius. Ego semper Christianum nomen exhorruì, & in confessione permanentibus insultavi, ac super eos accendebam furias populi. Parentes quoque meos, & affines execratus sum causâ nominis Christiani, & in tanta derisione Christianos habui, ut eorum secreta mysteria diligenter perquirerem, non ut crederem, sed ut de his ludum ac risum vobis exhiberem. Mox autem ubi me nudum in conspectu vestro aqua illa perfudit, & interrogatus credere me respondi, vidi super me manum de celo venientem, & Angelos Dei flammeo radiantes aspectu iuxta me stantes, qui omnia facinora mea, quæ à iuventute commisi, scripta libro recitantes, dixerunt mihi: Aqua hac delet omnia ista, quæ te fecisse cognoscis. Cum ergo aquâ baptizatus fuissèm, simul & liber ille perfusus, niue candidior effectus est, ita etiam ut signum scripturæ præterita non demonstraret. Itaque dum vobis placere concupivi, celesti regi complacui, & dum omnibus

ibus risum extorquere studui, angelis risum feci. Hæc ille apud Vincentium, & plura. Mox, ait Baronius in *Martyrol.* 25. Aug. Imperatoris iussu ustibus crudelissimè casus, deinde equuleo suspensus, & ungularum diutissimâ laceratione vexatus, ampadibus etiam inflammatus, cum in fide Christi persisteret, dicens: Non est, Rex præter Christum, pro quo simillies occidar, ipsum mihi de ore, ipsum mihi de corde auferre non poteris; martyrij palmam capitis obtruncatione, promeruit.

Tantum profuit renasci mimo; quantum v i. proderit serio? Est & alia regeneratio, de qua Christus *Math.* 19. 28. ait: In regeneratione, cum sederit Filius hominis, in sede maiestatis sue, sedebitis & vos super sedes duodecim &c. Ad hanc quoque regenerationem, qui aspirant, pullo similes sunt intra corticem concluso, & pipienti, atque exire cupienti. Qualis pullus ille fuit, qui dixit: *Pf.* 119. 5. Heu mihi, quia incolatus meus prolongatus est! & ille cuius gemitus est, *Rom.* 7. 24. Infelix ego homo, quis me liberabit de corpore mortis huius? Liberari à corpore mortis, ait S. Augustin. 1. l. contra duas ep. Pelag. 11. est, omni sanato languore concupiscentiæ carnis, non ad penam recipere corpus, sed ad gloriam. Non enim à corpore mortis impij liberabuntur unquam, quibus in resurrectione eadem corpora ad æterna tormenta reddentur. Hinc exire de corpore sancti optant,

optant, impij trepidant. Illi pullum imitantur,  
 qui, si maturus est, rostellum testam pertundit,  
 & pipiendo, quodammodo gemit, quod inclu-  
 sus teneatur; isti nec pipiunt, nec gemunt, quia  
 cælo maturi non sunt; semper in corpore &  
 carne mansuri, nisi lex omnibus hominibus  
 statuta obnunciaret. Obstetrice ergo indigent,  
 & velut gallinâ matre cõrticis ruptionem ad-  
 iuvante, Ecclesiâ corpus eorum per ieiunia, per  
 pœnitentiam, per correptiones frangente, &  
 affligente. Ita enim & gallinæ quosdam  
 subinde pullos in lucem de *ovis*  
 educunt.

*Rumpe moras scelerum tandem, Peccator, & exi:  
 Quid iuvat in testa degere? rumpe moras.  
 Sic poteris calo nasci. Quid, stulte, moraris?  
 Si miserum est nasci, sit tibi dulce mori.*





In ovis, necessitas, & fructus Confirmationis declaratur.

# EMBLEMA XLV.

HINC VENIUNT VIRES.



**A** Viculæ delicatiores vocaliùs cantaturæ, I.  
præsertim eæ, quæ ex insulis Canarijs vel  
aduehuntur, vel nomen sortiuntur, vires  
firmant, cum *ovis formicarum* vescuntur. Quid  
mirum, tam paruum animal his *ovis* vegetari?  
cum, teste Plinio *l. 29. c. 6.* constet, *ursos agros,*  
*hoc cibo sanari.* Nempe non voluit auctor natu-  
ræ, ut animalia tantum viuerent, sed etiam ut  
valerent.

Ita & homines, postquam nati ex matre, II.  
renatique sunt ex sacro fonte, oportet in vita.  
spiri-

Spirituali confirmari, ne fiant desertores. Tu, inquit S. Cyprianus *de duplici Martyrio ad Fortunatum*, tam vili mercedula sollicitatus, sponte defecis ad eum, à cuius tyrannide te Christus suo sanguine redemit, cuius iam totus es factus. Huius militiam professus es ad salutare lauacrum, huic dedisti nomen, huius sacramentis initiatus es, accepisti donatium, & pignus Spiritus, ne quid dubitares de promisso stipendio: simulq; diabolo denunciasti perpetuas inimicitias, renunciaisti omnibus illius pompis ac voluptatibus, exsufflasti, exsibilasti: iurasti in verba Redemptoris &c. Si quis miles iuratus in verba Cæsaris, profugeret ad Turcam, & ex illius arbitrio faceret ea, quæ sciret ingratiſſima Cæsari, nonné comprehensus ad supplicium raperetur, vt desertor, vt periurus, vt perfuga? Qualis fuit nobilis ille Leodiensis de quo Cæsarius *lib. 2. illustr. mirac.* & plurimi Apostatæ.

III. Nempe renouatio hominis in Baptismo à peccatis quidem plenè, à vitijs tamen & concupiscentijs inchoatè fit tantùm. Quotidie igitur in ea renouatione proficere, & cupiditates, (quibus tam dens-è scatemus, quàm magno vento plenum est undarum mare) perdomare debemus, vt ab eis plenam sanitatem & renouationem consequamur in cælo, vti monet S. Aug. *l. 14. de Trinit. c. 16.* Vtergo post baptismum ad fidem

fidem Christi fortiores fiamus, aliud Seruator noster instituit Sacramentum, quod *Confirmati-  
onis* appellamus. Quod Sacramentum, cum sit velut medicina quædam præseruatiua, commo-  
dè *quo* potest significari; cum omnibus ferè me-  
dicinis, præsertim emplastris, potionibus, vn-  
guentis, pilulis, &c. *oua*, vel aliquid de *ouis* ad-  
hibeatur. Ita toti vitæ humanæ conducit etiam  
*Confirmatio*.

In ea enim, quemadmodum in die Pente-  
costes in Apostolis, diffunditur robur & pleni-  
tudo Spiritus Sancti in nobis, & peculiariter, I V.  
magisque justificamur, qui primùm in *baptismo*  
fuimus justificati. Fit autem hæc *Confirmatio*, in-  
telligiturque per manuum impositionem, quæ  
cum teste S. Augustino *l. 6. contra Iulian. c. 11.*  
conferat gratiam, immo plenitudinem gratiæ,  
consequens est, esse legis nouæ Sacramentum.  
Siquidem illa manuum impositio, de qua sermo  
est, non est *ordinatio*, sed *Confirmatio*: cum cha-  
ritatis diffusio, quæ per eam fit, non solis Cleri-  
cis, sed omnibus Christianis competat, omni-  
busque Christianis diffusam esse in cordibus  
charitatem testetur Apostolus *Rom. 5.* Ob hanc  
gratiæ plenitudinem, à S. Dionysio & alijs, Sa-  
cramentum *Confirmationis* dicitur *τελείωσις*, id  
est *perfectio* & *consummatio*. Et S. Paulus cum *1.  
Cor. 2. 5.* ait, *Sapientiam loquimur inter perfectos,*  
R per.

*perfectorum* nomine intelligit *confirmatos*. Hinc S. Irenæus l. 5. c. 6. scribit, dici *perfectos* eos, qui *acceperunt Spiritum Sanctum*, S. Vincentius *Domin.* 2. *quadrages.* affirmat, in persecutione Antichristi, eos in fide, inter ipsos persecutionum fluctus, constantes permanfuros, qui *Confirmationis* Sacramento fuerint roborati, multis interea deficientibus, qui baptismum susceperunt.

- V. De hoc Sacramento appositissimè exponitur ille locus 2. Cor. 1. 21. *Qui autem confirmat nos vobiscum in Christo, & qui unxit nos Deus: qui & signavit nos, & dedit pignus Spiritus in cordibus nostris.* Vbi quatuor *Confirmationis* effectus significantur. Primus est *fidei*, qua intensiore *firmamur*, in Christo; id est, per Christum, & merita Christi, in Sacramento *Confirmationis*, nobis applicata, nam in fide, & eius confessione, ac predicatione roboramur. Secundus est *charitatis* & *gratie*, qua copiosè *ungimur*, quasi charismate spirituali. Græcè pro *unxit*, est *χρίσας*, unde deducitur *Chrisma*, *Christus*, *Christianus*. Tertius est. *Signavit*, signo crucis scilicet, in fronte, & in anima *charactere indelebili*, (ob quem Sacramentum hoc, vti & *Baptismus*, & *Ordinatio* iterari non potest) quo nos *obsignavit*, quasi seruos, immo quasi milites suos. Quartus est, *pignus Spiritus* in cordibus nostris, quod est testimonium bonæ conscientiae à S. Spiritu suggestum, estque



estque quasi arrha gloriæ à S. Spiritu promissæ,  
& dandæ. Vide Suarez. 3. p. 9. 63. art. 1. & 4.

Adcò autem S. Spiritus plenè per confir- VI.  
mationem infunditur, vt Spiritus immundus il-  
lico frustra se esse animaduernerit, ab impia o-  
peratione & magicis artibus impeditus, vbi cæ-  
cus ille de coloribus antea tam accuratè judi-  
cās, fuerat ab Episcopo confirmatus. *apud Thom.*  
*Cantiprat. l. 2. Apum. c. 57. §. 32.* Non enim  
potuit amplius, vt priùs, angulatim & stabula-  
tim circumductus, nigram bouem ab alba pal-  
patione manuum distinguere, nigrâ arte desti-  
tutus, bubsequa cæcus. Luculentius est, quod  
narrat Gregor. Turon. l. 1. de glor. mart. c. 41.  
vbi, ob præsentiam Confirmati, Sacrificia ido-  
lorum fuere interuersa; sicut & responsa dæmo-  
num, *apud Lactant. l. 4. c. 27.*

Quid multa? experientijs certissimis con- VII.  
stat, in æstate & æstu diu ambulaturis, plurimùm  
ad refrigerandos pedes, atque à læsione conser-  
uandos prodesse, si plantas pedum manè *effracti*  
*oui* succo vnixerint perfricuerintque, aut lineis  
soccis luteum, albumque *oui* infuderint, atque  
calore vestigiorum siccârint. Ad cælum quoque  
ambulaturis multùm roboris addit, diuino Sa-  
cramenti istius vngvine esse delibutos, sicut &  
Sacramento Extremæ vnctionis: quod qui ne-

gligunt, & floccum faciunt, heu quantos sæpe  
æstus experiuntur, quos declinare potuissent!

*Si quoties animo, toties quoque corpore in ipso  
Languerent homines; viuere nemo uelit.  
Quid non, ut morbum pellamus corporis unum,  
Incipimus? mentis pharmaca nulla placent.  
Ergo Dei bonitas, scindiq̃, ṽriq̃ timentes,  
Ut faceret validos, ungere constituit.*



Ovum in nido, nidus in frumento,  
Christianus in ferculo Eucharistico  
tutissimus.

## EMBLEMA XLVI.

HÆC REQVIES MEA, HIC HABITABO. Psal. 131. 14.



**E**legantem illam, de exclusis iam, adhuc  
tamen in nido & ferè etiam in ovo hæren-  
tibus pullis, ex Æsopo, fabulam lepidè &  
elegantè denarrans lib. 2. c. 29. Noct. Attic.  
Gellius; ita exorditur: *Auicula est parua, nomen  
est cassita: habitat nidulatúrque in segetibus, id fer-  
me temporis, ut appetat messis, pullis iam iam plu-  
mantibus. Ea cassita in sementem fortè concesserat  
tempestiniorem, propterea frumentis flavescentibus*

pulli etiam tunc inuolucres erant. Cum igitur ipsa iret pullis cibum questum: monet eos, ut si quid ibi rei noua fieret, dicereturque, animaduernerent, idque uti sibi, ubi redisset, nuntiarent. Dominus postea segetum illarum filium adolescentem vocat: & videtur, inquit, hac ematuruisse? & manus iam postulare? Idcirco die crastino, ubi primum diluculabit, fac amicos adeas, & roges veniant, operamque mutuam dent, & messem hanc nobis adiuuent. Hec ille ubi dixisset, discessit, atque ubi redijt cassita, pulli trepiduli circumstrepere, orareque matrem, ut statim properet, atque alium in locum se se asportet: nam Dominus, inquiunt, misit, qui amicos rogaret, ut luce oriente veniant, & metant. Mater iubet eos à metu otiosos esse; si enim Dominus, inquit, messem ad amicos reijcit, crastinà seges non metetur, neque necesse est hodie, uti vos auferam. Die igitur postera mater in pabulum volat: Dominus quos rogauerat, opperitur, sol feruit, & fit nihil, & amici nulli erant. Tum ille rursum ad filium, amici, inquit, isti magnā in partem cessatores sunt; quin potius imus, & cognatos, & affines, vicinōsque nostros oramus, ut adsint cras tempori ad metendum? Itidem hoc pulli pauefacti matri. Mater hortatur, ut tunc quoque sine metu, ac sine cura sint; cognatos, affinesque nullos ferme tam esse obsequibiles, ait, ut ad laborem capefendum nihil euocentur, & statim dicto obediant; vos modo, inquit, aduertite, si modo quid denuo dicetur.



cetur. *Aliâ luce orta avis in pastum profecta est; cognati & affines operam, quam dare rogati sunt, superfedent. Ad postremum igitur dominus filio, valeant, inquit amici cum propinquis. Afferes primâ luce falces duas, unam egomet mihi, & tu tibi capies alteram, & frumentum nosmetipsi manibus nostris cras metemus. Id ubi ex pullis dixisse Dominum mater audiuit; tempus, inquit, est cedendi, & abeundi, fiet nunc dubio procul, quod futurum dixit. In ipso enim iam vertitur, cuius est res, non in alio, unde petitur. Atque ita cassita nidum migravit, & seges à Domino demessa est.*

Hæc quidem est Æsopi fabula de amicorum II.  
& propinquorum leui & inani fiducia. Sed potest aliud quoque Christianos docere; qui nō-  
runt, quid sit *frumentum electorum Zach. 9. 17.*  
Nempe ut nulla ovis exclusa avis Christiano si-  
milior ( qui itidem, ut alaunda, tunc tantum  
cantare, & triumphare debet, cum mente sur-  
sum, cælum versus volat; tacere, cum in terram  
& terrena descendit, neque in illis se iactare, aut  
gloriarī ) ita eundem Christianum docet, nidū  
suum atque ova, in frumento & segete *electorum*  
collocare, & in SS. Eucharistia sæpe adoranda,  
usurpandâque requiescere, nullo sermone ho-  
minum ab ea absterritum. Hic habitare, hic  
parere, hic adolescere, hic vires sumere, hic  
plumas & alas induere, hic eò usque vitam de-

gere oportet, donec mors falce sua, vnà cum vità, nobis auferat vsum occasionemq; hac ambrosià nos contra animæ mortem, muniendi.

**III.** Cassitam imitati sunt, qui dies noctesque ante SS. Eucharistiam supplices procumbere in delicijs habuerunt, vt B. noster Aloysius Gonzaga; vt B. Thomas de Aquino: vt Zacharias Constantinopolitanus cerdo, qui, vt Raderus *in Virid. Sanctior. refert*, cum, more cassitæ, in hac diuina segete habitaret, singulisque noctibus SS. Eucharistiam veneraturus ad S. Sophiæ ædem adiret, visus est ab alio etiam viro pio, qui tum ad ædis valuas peruigil & ipse orabat, magnâ circumfusus luce accedere, valuis ipsis sponte se aperientibus ingredienti, claudenti-busque, egresso, post factam, ad principem aram, orationem.

**IV.** Quid quodd sicut multi solo frumento, seu pane; &, vt quidem scribit Bartholomæus Cassianus *in Catal. glor. Mundi part. 12. Consid. 82. quarta pars hominum*, & ultra viuit ex ouis; ita multi non alio, quàm Eucharistico cibo vitam, bene longo tempore sustentârunt? Notum, de Nicolao apud Heluetios. 15. annis ita sustentato, penè recens exemplum. Apud Palladium *in Laus. c. 8. & Niceph. l. 11. c. 34.* Hor Abbas tribus annis; & Ioannes Monachus, apud eundem Palladium *c. 55.* diutiùs, sine cibo, vixit, ille ter  
in

in hebdomade, hic singulis Dominicis Angelico pane duntaxat refectus. Idem testatur Pius II. in *bullâ canonicâ*. de S. Catharina Senensi, de S. Liberale Petrus de Natal. l. 4. c. 93. de alijs Siegebert. in *Chron. A.* 823. Orlandin. *hist. Soc.* l. 2. & alij.

Hi omnes cassitam imitabantur, & quodammodo inter spicas cælestes habitabant, sicut & primi Christiani, qui ut S. Lucas *Act.* 2. 42. testatur, *erant perseverantes in doctrina Apostolorum, & communicatione fractionis panis, & orationis.* Syriaca versio habet, *in fractione Eucharistie.* Quare & Tridentina Synodus sess. 22. c. 6. optaret, ut singulis Missis fideles adstantes non solum spirituali affectu, sed sacramentali etiam Eucharistie perceptione communicarent, quo ad eos sanctissimi huius sacrificij fructus uberius perveniret; sed quia novit hominum fragilitatem, noluit propterea Missas quotidianas tollere, partim, quod in eis populus spiritualiter communicet; partim verò quod à publico Ecclesie ministro non pro se tantum, sed pro omnibus fidelibus, qui ad Corpus Christi pertinent, celebrentur. Vult ergo nos cassitas esse, quæ non sinant se ab hac segete auelli, aut absterreri. Væ qui, ut poculis & epulis vacent, ab hoc nectare & ambrosia abstinant; & sæpius ante amasiam, quàm Encharistiam genua flectunt. Hi mortem adorant, vitâ relictâ, quam ex Eu-

charistia essent habituri: quæ vel idcirco etiam potest per *ouum*, in symbolo, indicari, quòd *oui* vitellus à *vita* appelletur; inde enim est *vita*, quia *vita* alimentum, vt in Eucharistia, pane *vita*.

VI. Qui tamen ipse panis, vt canit Ecclesia, *Mors est malis, vita bonis, Vide paris sumtionis, Quàm sit dispar exitus. Itaque quicumque manducauerit panem hunc, vel biberit calicem Domini indignè: reus erit corporis & sanguinis Domini. 1. Cor. 11. 28.* Siquidem, vt ibidem dicitur: *indicium sibi manducat & bibit. Et ideò multi infirmi, & imbecilles, & dormiunt multi, somno scilicet ferreo, & lethæo.*

VII. Cur Christus iniuriam corpori suo re ipsâ factam non vindicaret, qui nec verba in illud contumeliosa finit abire impunita, vt præsentiæ suæ, in Eucharistia, probet confirmetque veritatem? Cuius rei exemplum, quia in *ouo* factum est, quamuis prolixum, haud tamen pigebit verbatim exscribere ex Tilmanni Bredenbachij *Collationũ sacrar. lib. 7. c. 60.* ubi ille hæc habet.

II X. Anno Dominicae Incarnationis 1561. antequam Gensicus furor effrenatiõis erumperet, non minus horrendum, quàm memorabile signum circa venerabilem Eucharistiam edidit Deus Opt. Max. Nouiomagij, ad Wahalim fluvium, quæ Ciuitas in Ducatu Geldriae, & antiquitate, & populi frequen-  
tia



tiâ privilegijsq; celeberrima est. Accidit ibi feriâ secundâ Paschæ (quæ tum incidit in septimum diem Aprilis) circiter horam diei nonam, ut Sermone in Ecclesia Parochiali simul, & Collegiata, quæ protomartyri Stephano sacra est, absoluto, alter Parochorum nomine Antonius Vorstius, unâ cum aditu suo, seu Custode Templi Ioanne Haeps accerferetur ad agrotantem mulierculam, quæ in solenni die Dominicæ resurrectionis, ob corporis imbecillitatem in Templo non communicarat. Decumbebat autem mulier in platea Regularium, sic dicta, quod via illa per fundum Canoniorum Regularium in ea Vrbe commorantium iam olim sit munita.

Porro in altiore vici parte prope vallum oppidi I X. taberna erat meritoria, in qua parum honestè tunc diuersabantur viri duo iuvenes: vni Noniomagum patria erat, alteri Traiectum superius ad Mosam. Vtroque ibidem tum ouum Paschale, quod vocant, solito more elixum manibus ostentante, certamen initur inter eos, idq; periculo hauriendi poculi cereuisiarij, uter suum prius ouum glutire queat. Interim aduentat Pastor predictus cum venerabili Sacramento, ouiculam suam infirmam in vicinia commorantem refecturus. Audita per plateam nolâ, quæ præferebatur Eucharistiæ, alter ille qui Traiectensis erat, in contemptum tremendi mysterij, audacter dixit ad sodalem suum. Ego ouum istud, quod manuteneo citius deglutinero, quàm agrotans mulier-  
cula


*cula deastrum illum (Teutonicè das Gädgen.)*

X. Dixit, & protinus hians, ouum in os immisit, volens traicere illud per gulam. Sed ecce presentissimam Dei vindictam, quâ prapeditus nullo modo ouum transmutere potuit. Hærente autem illo in faucibus, cum miser homo se statim suffocatum iri, nec spem vitæ reliquam videret, oculis horribiliter contortis, conspicit candelam sebaceam ex clauo pendentem. Arripit celerrimè sebaceum, & absque mora inijcit ori, cupiens, conansq; candelâ tali protrudere ouum, sed frustra. Nihil enim aliud effecit, quàm quòd, sebo candele in gutture apud oum relicto, ellychnium seu fila nuda retraxerit. Hac spe frustratus humi procumbit, instar bouis mactati, memoriâ loquendique facultate omnino priuatus. Et supinus iacens fuliginosum; & velut Æthiopicum induit vultum; & gutture diuinâ ultione confracto efflat animam, Parocho memorato cum sacrosancto illo pane celi astante.

XI. Is enim, simulatque infirmam communionis participem fecisset, ex illa domo rediens, audit miserabiles voces, ex taberna vicina resonantes: horrore perculsus intro currit, cum Venerabili Sacramento, rogat, quid illic sit negocij, audit ex ore presentiam rei gestæ seriem, hominem diuinitus percussum videt humi palpitantem, & cum morte certantem, & paulo post expirantis guttur fractum, ouo nunc instar tuberis intercutanei in altero colli latere, & non  
in

*in faucibus residente. Hæc ego ad verbum scribo ex ore ipsius Parochi, Domini Antonij Vorstenis, qui apud Noniomagenses curam gessit animarum annis 26. & amplius, magna cum laude, usque ad extremos furores Geusiorum, Parochus pariter & Canonicus ibidem : in præsens autem, ob verbi diuini gratiam, & bonitatem suam Catholico Resensium gregi gratissimus pastor. Miraculum istud nullâ unquam obliuione obliterandum, non sermone tantum omnium ferè Belgij habitatorum, verùm etiam publico carmine celebratur, quod ab omnipotente misericordia Dei profectum creditur, ad constabiliendam Catholicæ fidei veritatem, quo tempore grauissima imminebat persecutio.*

*Oua alijs vocem reddunt, huic abstulit ouum;  
In quo sacrilegis faucibus HÆSIT AQUA.*



Ovorum nidamentum, & Eucharistiæ  
sacramentum, in qua re possint com-  
parari?

## EMBLEMA XLVII.

HÆC CUI NON SAPIUNT FER-  
CVLA, DESIPIT.



1. **P** Rodijt Viennæ in Austria an. 1633. supra  
jam *Embl. 1.* etiam laudata *Relatio de nouo*  
*regno Cocincinae* Christophori Borri Societ.  
IESV, ex Italico idiomate, in Germanicum ser-  
monem versa, in cuius *cap. 3.* refertur, ea in re-  
gione Cocincinae, reperiri auem hirundini pa-  
rem, quæ nidum suum cui *oua* infert, & in quo  
pullities illi nascitur, marinæ rupi affixum ha-  
bet, ibi, vbi littus longè resonante vndâ tundi-  
tur,



tur, procellæque alliduntur. Nidus ille è spuma maris concrefcit, admifto aliquo ipfius auis humore; quo tota maffa ad picis tenacitatem redacta petraë agglutinatur. Hic nidus vbi exficatus aruit, clarefcit, & magna perfpicuitate miftam exhibet flauo colore viriditatem, quafi cum succino, aut jaspide fmaragdus confluxiffet. Incolæ hunc nidum summâ quærunt induftriâ diligentiaque. Quippe vbi eum aquis emollierunt, hoc condimento omnem è carne, pifce, olere, fimilibusque efculentis cibum red-  
dunt adeò fapidum, vt pipere, cinnamomo, & vniuerfo aromatum genere condiiffè videantur. Quare vel hîc vnicus nidus fufficit omnibus ferculis loco olei, laridi, falis, piperis, & quid-  
quid gula ad faporem conciliandû expetit, præparandis: vt cum Iſraëlitico illo manna quandâ habeat comparationem; niſi quod manna à cælitibus fuerit præparatum, nidus iſte ab aliti-  
bus conficiatur. Horum verò nidorum tantus eſt numerus tantæque copia, vt ſe P. Chriſtophorus Borrus ſimul ſpectâſſe vnâ vice teſtetur, decem naues totas eiufcemodi nidis oneratas; qui nidi omnes vix vltra mille paſſus à ſeſe diſſiti ſint reperti. Obingens horum nidorum præcium, mercimonia eorum regiæ cameræ ſunt attributa. Magna pars in Chinam auerſitur, vbi in aula valde æſtimatur. Hæc ex relatione citata.

Quibus

**II.** Quibus Symbolum Eucharistiæ, clarissimum continetur. Namin primis, quod in *ouo* nonnulli mirantur, hoc in nido quoque est isto. In *ouo* nucleum, & vasculum, cibum & lancem; potum & poculum, nectar & cyathum habemus. Hoc idem habetur in nido isto Indico; hoc in Eucharisticis speciebus. Deinde & sapor quoque conuenit Eucharistiæ, quæ longè excedit omnem mensam regiam, omnemque Megalensium apparatus. Nugæ illæ sunt, & dulciola, electibiliæque puerorum: in Eucharistia inest cæli precium: de qua, *in figura* dicitur Sap. 16. 20. *Angelorū escā nutristi populum tuum, & parauit panem de cælo prestitisti illis sine labore, omne delectamentum in se habentem, & omnis saporis suauitatem. Substantia enim tua dulcedinem tuam, quam in filios habes, ostendebat: & deseruiens uniuscuiusque voluntati, ad quod quisque volebat, conuertebatur.* Quis in illo Indicæ auis nido nobiliores, quàm in manna, sapores credat repertos? At manna figura tantum erat Eucharistiæ. Hanc verò nidum esse piorum hominum, *preced. emb.* vidimus.

**III.** Hic ergo vim & saporem indagemus. Qui non tantum è nido *ouorum*, sed etiam ex ipsis potest *ouis* intelligi. Siquidem Almanfor l. 3. c. 14. testatur, *oua vicem carnis aliquando retinere.* ut significant carnem quoque Christi, quæ in Eucha-

Eucharistia sumitur ; quam Spiritualem saporem habere necesse est, cum sit *esca*, non *Angelorum* tantum contemplationi data, sed & hominum epulationi præparata. Cuius *escæ* vis tantò est efficacior, quia cum Christus jam sit immutabilis, non nos Eucharistiam in nostram mortalem substantiam mutamus, sicut alimenta cetera in nostrum sanguinem & carnem conuertimus, aut sicut Israëlita manna conuerterunt; sed, vice versa, Christus in Eucharistia sumtus, & non consumtus, nos consumit, & quodammodo in se conuertit, atque ad suam trahit qualitatem, immo & immortalitatem.

Qua de causa iterum, iterumque *Ioan. 6. repetit. Si quis manducauerit ex hoc pane, uiuet in eternum.* Vt enim efficax pharmacum à natura sumentis non vincitur, sed naturam ipsam vincit, & sibi assimilatur, suasque ei proprietates impertit; ita Eucharistia & corpus, & animam nostram immutat. Et corpori quidem communicat agilitatem, subtilitatem, claritatem, immortalitatem. Etsi enim ad tempus moriamur, immò breui potius somno quiescamus, tamen resuscitati, non solum ratione animæ beatæ corporis immortalitatem meritæ (quod conueniet etiam veteris Testamenti Sanctis, qui Eucharistiam nunquam sumserunt) impatibilitatis donum consequemur, sed etiam ob corpus immor-

ale Christi corporibus nostris, per Eucharistia-  
sumtionem admistum; quod vim quandā mo-  
ralem habet, ijs quibus commiscetur, immor-  
talitatem communicandi: inuehit enim illis  
sanctitatem, quæ semen est immortalitatis.

V. Quanto studio medicinas quærimus, &  
nidos auium vitam procrastinantes? Et, credo,  
si ad lignum vitæ via esset, paucos fore, qui eò  
non proficiscerentur. Longè igitur cupidius ar-  
dentiùsque Eucharistiam appeteremus, si in-  
nobis hunc, quem dixi, immortalitatis afferen-  
dæ gustum excitaremus. Neque in hoc absolui-  
tur iste sapor, ut corpus nostrum à corpore Chri-  
sti trahat immortalitatem, sed præcipuè institu-  
tum est hoc Sacramentum, ad Spiritum Christi  
in nos transfundendum. Quod quo pacto fiat,  
expendendum est illud *Joan. 6. 63. Spiritus est,*  
*qui vivificat, caro autē non prodest quidquam,* quia  
per se, & vi sua nequit vitam æternam conferre;  
sed id facit vi Spiritus, seu conjunctæ diuinitatis,  
sicut ferrum non per se, sed ut ignis ferro inti-  
mè uniti, lignum accendit. Ita caro Christi in  
Eucharistia contenta, non quā caro, sed quā di-  
uinitati, quæ est Spiritus Christi, unita, facit, ut  
qui Eucharistico pane reficitur, eo ipso parti-  
ceps fiat Spiritus & diuinitatis.

VI. Ita nobis Christus caput nostrum vitam  
suam, Spiritum suum, diuinitatem suam, deniq;  
&



& immortalitatem communicat, dum hæc omnia Eucharistico alimento, alimentum autem nobis coniungit. Qua coniunctione, quia nulla potest maior, nisi hypostatica, repetiri, idcirco tam suauem sancti gustum ex sacramento (quod præsertim crebro eius usu consueissent) perceperunt. Hinc tantopere honorata, adorata, frequentata Eucharistia, ut à Rudolpho Comite Habsburgico, *apud Io. Albert. Vidmanst. l. Doctor. in præf. ad ep. D. Pauli*: ab Alphonso Arragoniæ ac Siciliæ Rege, *apud Ant. Panormit. l. 3. c. 19.* Hunniade Hungarorum Rege, *apud Æneam Syluium in histor. de Europ. c. 1.* à Wladislao Poloniæ Rege, *apud Mart. Cromer. de reb. Polon. l. 16. An. 1402.* à Dauide Scotorum Rege, *apud Hectorem Boëtium l. 12. histor. Scotor.* sed longè magis à S. Dominico, Francisco, Francisco Xauerio *in lib. 6. vitæ eius. c. 6.* Lydwina, Coleta, Clara, *in earum vita.* Horum omnium iudicijs & exemplis, discat condire labores molestiasque vitæ; qui aliunde tantæ dulcedinis ac saporis escam nescit æstimare.

In ovo vnus speciei Eucharisticæ  
sufficientia ostensa.

## EMBLEMA XLVIII.

VNVS EDENDO BIBIT, DVM BI-  
BIT ALTER, EDIT.



- I. **A** Brahamus Ortelius, in *Theſauro Geographico Verb.* Oona, ſic loquitur: Oona Sarmatarum inſula, apud Pomponium, quarum incolæ animum ouis, & auena aluntur. Caſari etiam populi ſunt in inſula quadam ad exitum Rheni in Oceanum, quos ouis animum viuere ſcribit. hos ego inſulam Eyerland (quod ſonat ouorum terra) inhabitare hodie crediderim. Caſſanæus Catal. de gloria Mundi part. 1 2. conſid. 8 2. inter delicatos Velitrarum cibos ona ponit, aique in eo Volſcorum

scorum oppido fuisse *ouorum* abundantiam; ob quam Mantuanus hunc versum dedit: *Iam Latij Romam caput, ouiferasq; Velitras.* Oonarum Plinius quoque l. 4. c. 13. mentionem facit. Ex quo Erycius Putean. orat. 20. hæc perstringens ait: *Fuit ouum, cum genus humanum non esset. Nec ulla postea tam fera, aut remota natio extitit, quæ tam familiari cibo non mitesceret. Adhuc visceratio non erat, & dabat gallina, quod pro carne esset; immo verò non à solis quadrupedibus lac manare mortales crediderunt, postquam avis peperit. Nullum igitur unquam sine gallina rus, nulla domus fuit: & ut scires omni mense ouum suffecisse, alius cibus non erat. Ceres panem dabat, gallina obsonium; simplicissima fercula ipsa natura commendabat: tales Oonas insulas Plinius nominat, in quibus antiq; ouis & auenis incolæ viuerent. Postquam deliciae inuecta sunt, suam tamen constanter dignitatem oua retinuerunt. Nimirum nihil aequè necessarium erat, quàm quod ab initio erat optimum, quod ferculum, & simul condimentum esset, vim cibi ac potus haberet.*

Idem disertè scribit Plinius l. 29. c. 3. his ver- II.  
bis: *Nullus est alius cibus, qui in agritudine alat, neque oneret, simulq; vim potus ac cibi habeat.* Aldrouandus l. 14. c. 1. ait, pro illo, *vim potus, alios legere, vini vsum.* *Ouum* hoc sorbile, quàm boni sit succi, quantas vires præbeat, quantæ sit

suauitatis, vt *gustulum* fuerit appellatum, docent Galenus *l. de Dynamidiis*, & *de comp. sec. loc.* Apul. *l. 9. asin.* Quin & militum quoque nonnullorum ars est, vt sicut sub æstiuo atque ardenti sole, ad sitim sedandam, crustam nigri panis durissimam ore, gestatam sugunt, succumque faciunt; ita *luteum oui* cocti duratum & in farinæ modum contritum secum portent, vallet enim etiam ad multorum dierum inedia tolerandam, si quotidie vel tantum sumatur, quantum potest vno cochleari comprehendere; cum totum in nutrimentum cedat, sanguinemque restauret. Quare & hi milites reponi possent, in numero Oonarum.

III. Omnes Christianos *Oonas* esse oportet, & *ouo* viuere, postquam Christum ipsum, quia homo, *ouum* esse docuimus. Nam nihil obstat, esse eum & *vitem*, & *panem*, qui *de calo descendit*, *Io. 6. 41.* & *ouum* quod cælestis Pater dat filio. *Luc. 11. 12.* Tanta enim in illo est virtus, vt sit hæc omnia. *Ouum* ergo hoc *gustulum* est, quod *omnis* habet saporis suauitatem. In cuius fortitudine cibi, vsque ad montem Dei possumus ambulare. *3. Reg. 19. 8.*

IV. Sed illud sigillatim mihi hoc ex *ouo* discant, quicunque non satis intelligunt, quo modo sibi, sub vna specie panis, Potus, præbeatur? Angit illos magis, quod spirituale quoddam epulum



lum instituerit Seruator; in epulo autem vident, homines non tantum edere, sed etiam bibendo se reficere. Quod cum in Eucharistia, *sub vna panis specie*, non deprehendant, *calicem* identidem poscunt sitibundi. Isti igitur inprimis, è citatis scriptoribus, sciant, lac non ex omnibus tantum, sed etiam ex *ovis manare*. Atqui is, qui lac vel cochleari de mulctra comedit, famem pariter & sitim sedat; & quodammodo bibit comedendo. Certè id consequitur, quod is, qui bibit & comedit.

Deinde quot scriptores, immo etiam ethnici ipsi aiunt, *ovum simul vim potus, (aut vini vsum) ac cibi habere?* Cur id non possit corpus Christi? Qui utique totus & integer, etiam sub unica panis specie, continetur: ne *semel mortuus iam iterum diuisus moriatur*; contra Apostoli effatum dicentis: *Christus resurgens ex mortuis, iam non moritur*. Rom. 6.9. Ergo iam caro, sanguis, anima, diuinitasque Christi, semper manent coniuncta. Ergo & sanguis datur, cui Christi corpus datur. Ergo si effectum spectes, spirituali modo, simul vim habet cibi ac potus, reficitque integrè animam esurientem, eamque *implet bonis*: cum laici sub vna specie, non accipiant solam carnem, sed carnem & sanguinem, animam & corpus, humanitatem & diuinitatem, & (vno verbo) totum Christum; adeoque

non percipiant minorem fructum ex vna specie, quàm ex vtraque: siquidem totus fructus percipitur à præsentia Christi, qui non minùs sub vna, quàm sub vtraque specie, per *transubstantiationem* verè ac realiter præsens est.

**VI.** Cum ergo Christiani sub vna specie possint non solùm comedere carnem Christi, sed etiam bibere eius sanguinem, malè inferunt necessitatem vtriusque speciei, qui ex eo inferunt, quòd Hebræi in deserto biberint aquam de petra *1. Cor. 10. 4.* quæ fuerit figura sanguinis Christi. Bibunt enim & laici sanguinem Christi, etiam sub specie panis; sicut bibit, qui *ouñ* comedit. Potiùs inferam, vnâ speciem sufficere, cùm toties, vna specie tantùm, sacramentum hoc fuerit figuratum; vt ea ipsa aquâ, quam *de petra biberunt* Hebræi; *panibus propositionis*; *pane subcinericio Eliæ*; *Mannâ*; *Agno Paschali*; *sacrificiis Mosaicis*.

**VII.** Nam etsi etiam pane & vino Melchisedechi fuerit significatum, aduersarij tamen hanc figuram non agnoscunt; eoque non tantùm significata fuit Eucharistia quâ sacramentum: sed quâ sacrificium quoque: at sacrificium requirit vtramq; speciem, quibus significatur separatio sanguinis Christi, à corpore Christi, in morte facta. Vnde sacerdotes in missa non possunt vna specie esse contenti; possunt autem & debent laici esse contenti, quia sacramentum non exigit

git vtramque speciem, cum vna species totum Christum, & gratiam contineat; nec caro tantum Christi, sed etiam sanguis sub specie panis contineatur.

Quod tot miraculis Deus voluit testari, quibus constat hostias à sagis, magis, hæreticis, impijs Iudæis læsas, aut alia de caussa, sanguine manasse. Exempla plurima inuenies, apud Th. Bozium de signis Eccl. Lud. Granat. 2. p. Catech. c. 27. Platinam in vita Urbani IV. Siffridum l. 2. Epitom. An. 1299. Baptistam Fulgos l. 1. fact. memorab. c. 7. Simonem Maiolum Colloq. 20. Guiliel. à Gen. lib. miraculor. de Euchar. Petr. Thyraum tract. 2. de apparit. sacram. Rouerum Pontanum rer. memorab. l. 5. Tilmannum Bredenb. l. 1. coll. sacr. c. 50. & l. 7. coll. c. 60. Michaëlem Isselt de rebus in Belgio gestis l. 1. an. 1591. Io. Diaconum l. 2. vitæ S. Greg. c. 42. Vsq̃ue adeò Christus non tantum olim pro nostra redemptione è corpore suo, sed etiam vel hodie è specie panis voluit sanguinem fundere, pro catholica veritate testanda. Liceat ergo in fide ægrotantes sic compellare.

*Quid sitiens clamas, potum tibi, turba, negari?*

*Ouum dum comedis iam, male sana, bibis.*

*Angeminam hanc ouo virtutem credis inesse,*

*Et Pani Angelico forsan inesse negas?*

*Tum mihi iam Christo non digna videberis, ouo*

*Si corpus Christi vilius esse putas.*

Ovi glutine, amicitiaē diuinā, per pœnitentiam, restauratio indicata.

## EMBLEMA XLIX.

FRACTA QVEVNT REFICI, CANDLÆ FLAMMA REDVCI.



- I. **N**Equid desit ouorum gratia, candidum ex his admistum calci vinæ glutinat vitri fragmenta. Plin. l. 29. c. 3. Eadem arte etiam aliæ res ferruminantur. Quin & vulnera candido oui glutinantur, & calculi pelluntur. Luteum autem renibus, & vesicæ rosionibus, exulcerationibusque, & cruenta exscreantibus prodest; vti & dysentericis, cæliacis, lienicis, alijsque morbis. Vt planè totum ouum sit Æsculapio consecratum, Quin & crimen magnum sit



fit oportet, quod veteres, vt est apud Iunena-  
lem, existimârint centum lustrari ouis non po-  
tuisse. Hinc & illud Luciani, *ouum ex catharsio.*

Hominis natura vitro est fragilior, & ani- I I.  
ma quoque suis morbis obnoxia: nam *Sensus &  
cogitatio humani cordis in malum prona sunt ab a-  
dolescentia sua. Gen. 8. 21. Habemus igitur the-  
saurum gratiæ in vasis fictilibus; 2. Cor. 4. 7.* quæ  
vasa franguntur, gratiamque diuinam cum cha-  
ritate, effundunt, quoties homines in peccata  
labuntur. Sola fides, & spes ( quæ non nisi per  
infidelitatis, & desperationis peccatum amit-  
tuntur ) in Catholico peccatore, tanquam frag-  
menta quædam, remanent, amissis moralibus  
virtutibus infusis omnibus, vnà cum charitate.

Nec tamen etiam peccatori desperandum, I I I.  
hinc spes remanet. Nam qui fide vera est prædi-  
tus, credit misericordiam Dei infinitam, & the-  
saurum humanæ redemptionis inexhaustum.  
Ita enim Filius Dei cum diuina iustitia negoci-  
um nostrum composuit, vt non tantum semel  
peccata nobis remitterentur, & jus æternæ vitæ  
amissum restitueretur, sed quotiescunque lapsi,  
per veram pænitentiam, ad Deum conuertere-  
mur. Pænitentia igitur est *fons patens domui Da-  
uid in ablutionem peccatoris. Zach. 13. 1.* seu, vt  
S. Greg. hom. 20. in Ezech. docet, *fons occultus  
est Unigenitus Patris, inuisibilis Deus: fons verò  
patens*

*patense est idem Deus incarnatus ; qui sanguine manans pænitentiae nobis balneum præparauit, in quo ablueremur à peccatis, & de precioso illo succo, velut oui sacro candido, cum lachrymis, ac pænitentia nostra, velut calce misto, fragmenta illa virtutum glutinaremus, vt iterum iustitia, prudentia, temperantia, fortitudo, atque charitas cum fide ac spe diuina coalescerent.*

IV. Voluit enim Christus nos, non sine nobis, saluari; sed sanguinem suum, per pænitentiam nobis, velut per viam & efficacem calcem applicari. De tali calce dicitur *Matth. 11. & Luc. 10. Si in Tyro, & Sidone factæ essent virtutes, quæ factæ sunt in vobis olim, in cilicio & CINERE pænitentiam egissent.* Vbi pænitentiam; non pro sola resipiscencia ( quæ præcedit pænitentiam in cilicio ) sed pro detestatione, & vindicatione peccatorum sumi, constat. Quo pacto ait S. Augustin. *ep. 108. ad Seleucianum: Est pænitentia bonorum & humilium pana quotidiana, in qua peccata tundimus dicentes, Dimitte nobis debita nostra.* Et S. Greg. *hom. 34. in Euang. pænitentiam agere, est & perpetrata mala plangere, & plangenda non perpetrare.* Quem planctum vtique auget, qui meminit, se Deo secundum tot beneficia ingratum extitisse.

V. Quippe pænitentia quæ virtus est, nihil aliud

ud significat, quàm verum animi dolorem, & detestationem de Peccato, cum voluntate illud puniendi, & de cetero non peccandi coniunctum; quem dolorem *Contritionem* appellamus; ut & voluntatem puniendi, *satisfactionem*; quibus si accedat *Confessio* peccatorum Sacerdotifac̃ta, tres habebis partes materiales, quibus constat pœnitentiæ Sacramentum. In quo facillimè, etiam per attritionem, fracta redintegrantur, cum sine hoc Sacramento difficulter & rarò habeatur vera *Contritio*, quæ ipsa etiam votum Sacramenti includit.

Pœnitentiâ gratiam diuinam restitui, & animæ nostræ, virtutes dissipatas, velut fragmina redintegrari, docet in illa *Psal. 146. Qui sanat contritos corde, & alligat contritiones eorum. S. Augustin.* his verbis: *Sanat Contritos corde, sanat ergo humilitatos corde, sanat confusos, sanat se ipsos punientes, in se se verum iudicium exercentes, ut possint esse illius misericordiam sentientes.* VI.

Potest autem *Confessio* fieri soli Deo, & tum VII.  
non est Sacramentum Confessionis, quo nos ad sacram synaxin præparamus, & peccata expiamus; gratiamq; vel promeremur, vel augemus. Est enim ex Concilij Tridentini *Sess. 14. c. 1. & can. 1.* doctrina, Sacramentum pœnitentiæ, in quo peccata sua detestanti & legitimè confitenti vera à Sacerdote absolutio remissioque concedi.

ceditur. Est, ex S. Hieronymi *ep. 8. ad Demetr.* & in 3. *Isa. secunda post naufragium tabula*, in qua scilicet illi, qui suscepto baptismo, in peccatum ceciderunt, adeoque gratiam, velut nauim fregerunt, ad salutis portum enauigant. Est contriti, vel etiam attriti, & minùs perfectè de peccato dolentis sanatio; & quasi diuinæ amicitiae gluten.

VIII. Quis non vtatur? Quid non faciunt homines, vt Principem concilient offensum? & vt Deo conciliemur, piget confiteri, piget satisfacere? At hæc quoque Deus, præter contritionem exigat, vt quibus modis, ait S. Chrysost. *hom. de penit. Deum offendimus (offendimus autem corde, ore, ac opere) iisdem reconciliemur Deo. Corde quidem per Contritionem, ore per Confessionem, ac opere per satisfactionem. Confessio quosdam maximè pungit, ideò vel non integrè, vel non verè contentur. At hi sciant illud Hieronymi in cap. 10. Eccles. Quod ignorat, medicina non curat. Et illud Augustini in Psal. 66. Quid erubescis, ô homo, confiteri? peccator sum, sicut, & tu, Confitere ergo homo homini: peccator homo homini peccatori. Quid times confiteri? homo sum, humani à me nihil alienum puto. Quid times confiteri? id quod per confessionem scio, minùs scio, quàm id quod nescio. Confiteri times, qui non confitendo non potes esse occultus. Elige quod vis. Si non confessus lates, inconfessus damna-*



*damnaberis. Ad hoc enim Deus exigit confessionem, ut liberet humilem; ad hoc damnat non confitentem, ut puniat superbum. Ergo tristis esto antequam confitearis, confessus exulta, quia iam sanaris. Ut sanari cupias, ouum considera, quod te docet non solum ad integritatem cum vitri fragminibus redire, sed etiam in confessione fieri vocaliorem. Si enim ouo recenti, velut liquido quodam plasmate, tollis raucedinem; cur non quaeris medicinam perniciosam in Confessione anginae, & raucedinisquam tibi Acherontici lupi, intulerunt? Cum non minus prouisum sit huic faucium scabriciei, quam tussientibus perliquidum oui luteum, quo guttur colluitur, reduciturque ad vocis mobilitatem.*

*Qui reparat vitrum, nec mentis vulnera sanat,  
Ille etiam in cerebro non leue vulnus habet.*



Ova conseruandi ars, contritionis &  
satisfactionis studium non negligen-  
dum admonet.

## EMBLEMA · L.

AVT SVB CINERE, AVT SVB SALE.



I. **N**E ad cibum inepta reddantur oua, ait Aldrouand. l. 14. Ornithol. c. 1. siue ne requieta fiant, ubi eorum copia est, quæ in futurum usum reseruare velis, in lomento repones. In eo enim seruare oua utilissimum Plinius indicat; vel, vt alibi ait, hyeme in paleis, æstate in fursuris. Qui oua, inquit Varro, diutius seruare volunt, perfricant sale minuto, aut muria: atque ita sinunt per tres, aut quatuor horas, eaque abluta condunt in fursures, & acus. Columella refert, quosdam  
trito

trito sale sex horis adoperire, deinde eluere, atque ita paleis, aut furfuribus obruere : nonnullos solida, multos etiam fresca faba coaggarare; alios salibus integris adoperire, alios muria tepesacta durare. Sed sal omnis quemadmodum non patitur putrescere, ita oua minuit, nec sinit plena permanere, quæ res ementem deterret : itaque ne in muriam quidem qui dimittunt, integritatem ouorum conseruant. Quare Plinij placita super isthac conseruatione sequi placet. Sunt qui, Ornithologo teste, oua recentiora, seruari velint frumenti genere, quod secale vocant, nostri segala, Germani rocten; vel cinere, ita ut acutior pars oui inferior sit, tum rursus secale, aut cinerem superfundunt. Hæc Aldrouand. Cardan. l. 7. de rer. Var. c. 39. de ouis loquens ait: æstate furfure seruantur, frigidior & sicciore; hyeme palea; est enim sicca, & calida. Sale autem ob vim exinanuntur.

Quæ oua, eadem ferè etiam est ratio hominum pectora conseruandi. Lomento, hoc est, farina fabacea, in paleis, in furfuribus, in trito sale, in cinere seruantur oua; hominum animæ in contritione, in humilitate, in pœnitentia, in cilicio, & cinere etiam ipso. Ita ait Iob. 16. 16. Saccum confui super cutem meam, & operui cinere carnem meam. Facies mea intumuit à fletu, & palpebræ meæ caligauerunt. Ita Dauid Ps. 10. 10. cinerem, tanquam panem, manducabam, Ion. 3. 6.

T

Ipse

Ipse ex Niniues *indutus est sacco, & sedit in cinere*. Sic *oua* ista fuerunt conseruata. Siciubet Ieremias *c. 6. 26. Filia populi mei accingere cilicio, & conspergere cinere. Quia cor contritum & humiliatum Deus non despiciet. Ps. 50.* Hinc & Ezechias ait, *Isa. 38. 15. Recogitabo omnes annos meos in amaritudine animæ meæ.*

III.

Oportet enim pœnitentiam continuare, si quis vult continuare humilitatem, sine qua diuinæ gratiæ thesaurus non custoditur. Inchoatam in conuiuio, in antro continuauit pœnitentiam Magdalena. Continuauit Petrus, qui, teste S. Clemente *l. 2. Recognit.* dum vixit, ita fleuit, vt in adustis perpetuo lachrymarum fluxu genis, vestigia canalium instar existerent. Alius immenso dolore, ob scelus admissum, concepto, expirauit, & corpore in cineres eunte, ad cælum iuit, apud Th. Cantiprat. *l. 2. c. 51. p. 7.* Et alia itidem apud Iacob. à Vitriaco. Et itidem alius apud Rib. *5. April. in vita S. Vincentij.* Hi nempe intellexerunt, *Contritione*, non iam fabricarum, sed animarum, homines cælesti mensæ fieri idoneos; vti & Macharius, qui *lib. 3. in Vitis Patrum* ait: *Ploremus fratres, & producant oculi nostri lachrymas, antequam illuc hinc eamus, ubi nostræ igneæ lachrymæ corpora nostra comburent.* Vides vt lachrymæ falsæ, tanquam *sal oua*, conseruent ab æterno igne?

Sed



Sed & à peccato seruamur, si peccata plecti- IV.  
mus. *Conc. Trid. sess. 14. c. 8.* ita loquitur: *Procul  
dubio magnopere à peccato reuocant, & quasi freno  
quodam coërcent hæ satisfactoria pene, cautioresque  
& vigilantiores in futurum pœnitentes efficiunt.*  
Hinc non lachrymis tantum, sed & cilicijs, &  
ieiunijs, & precibus, & eleemosynis, & vigilijs,  
& peregrinationibus, dum instamus, non so-  
lùm debita pristina expungimus, sed etiam ca-  
uemus, ne noua nomina faciamus. Non enim  
placet nobis, quod punimus. Et quanquam  
tam vi Sacramenti, quàm ob obedientiæ meri-  
tum, ea pœna vtilissima est, quæ Confessarij præ-  
cepto est peragenda, meritò tamen, addere ad  
eam vnumquemque debere, consulitur.

Qualis autem ab vnoquoque sit satisfactio V.  
eligenda, docet etiam Chrys. *hom. 10.* in illud  
*Matth. 3. facite fructus dignos pœnitentiæ,* Am-  
bros. *l. 2. de pœnit. c. 5. & alij.* Has pœnas eligi,  
atque à Confessario impositas admitti debere,  
id facilè suadet; quòd, etsi peccatorum absolu-  
tione tollatur æternorum suppliciorum obli-  
gatio, plerumque tamen supersit temporaneæ  
cuiusdam pœnæ debitum, vel hîc, vel in purga-  
torio soluendum. Ergo si nos ipsos iudicemus,  
& puniamus, non iudicabimur, & grauiore il-  
la pœna in foro Dei debita non puniemur: po-  
test enim paruo spontaneo, magnum necessariū

compensari: & dum, vt Comicus loquitur, in Andria, *pro peccato magno paullum supplicij satis est patri*, in hac vita, non satis tamen erit iudici in altera. Hinc tanta satisfactionum genera eorum, qui exfletis oculis, visum poenè amiserant, quàm verissimè potest, à Climacho commemorantur *grad. 5.* Ac ne Monachis tantùm ea existimes conuenire, Magnum illum Theodosium cogita, de quo Niceph. *l. 12. hist. c. 40.* Sigon. *l. 9. de Occid.* item Othonem Cæsarem, apud Rib. *7. Feb. in vita S. Romualdi.* Et Henricum II. Angliæ Regem, apud Baron. *t. 11. An. 1174.* & alios innumeros. Hi velut lomento, sale, cinere, & muria se seruauerunt; putruissent, si amaritudine & dolore caruissent; quem concipiunt, quicunque, quid sit peccatum, quid sit Deus, & æternum, nouisse volunt.

VI. Quare, vt *oua* cinere, sic pectora poenitentia seruare docemur. Quanquam & antiqui ritus, per *oua* nos poenitentiam docuerunt, neq; enim priscis hominibus lustrationes, aut expiationes per ignem duntaxat, aut aquam, sed etiam per *februa oua* fiebant. Hinc apud Lucianum, *ouum ex catharsio*; apud Iuuenalem, magnum crimen erat, quod *centum* lustrari *ouis* non potuit; apud Ouidium, ad torum purificandum dicitur:

*Et veniat, quæ lufret anus lectumque locumque.  
Praferat & tremula sulphur & oua manu.*

Deni-


Denique Madaurensis Philosophus ipse fatetur  
*lib. ult. de asin. aur. metamorphosin suam, sine*  
*ouo non esse absolutam, quando nauem Isidi e-*  
*lementorum dominæ dedicatam à summo sa-*  
*cerdote scribit; antè tamen teda lucida, & ouo, &*  
*sulphure purissimè purificatam. Sic sine ouo, ait Pu-*  
*tean. or. 20. totum exuere asinum Lucius non po-*  
*tuit: & quemadmodum nihil maius erat, quàm è*  
*bruto redire in hominem; ita nihil religiosius esse*  
*poterat, quàm ouo expiationem institui. Nos, vt*  
*sine superstitione lustremur, ouum vsurpemus*  
*non in expiationem, sed in expiationis recor-*  
*dationem.*

*Impie, quid dubitas, fœdari puluere, gratum*

*Si tibi fœdari crimine sæpe fuit?*

*Qui vitat cineres, plerumq, incurrit in ignes;*

*Ab longè est Stygio mitior igne cinis!*



In ovi vngvine, Vnctionis extremæ  
monimentum.

## EMBLEMA LI.

UTERE, QUÆ SUPERIORI PRÆSCRIBUNT PHARMACA.



- I. **O**va per se infuso candido oculis epiphoras cohibent, urentesq<sub>3</sub> refrigerant. Plin. l. 29. c. 3. Vbi plura ex ouis remedia reperiēs. Inter quæ etiam est. Lutea ouorum cocta, ut indurescant, admisto croco modicè, item melle & lacte mulieris illita, dolores oculorum mitigant. Io. Bapt. Portal. 3. Mag. nat. c. 1. Ovorum oleum, ait, sic parabis: supra ignem largo accommodato vase, sartagine, vel alio, in hoc boleta proicies, spatha permiscendo semper, ac crebra diuerberatione, ne cremen-



mentur. Vbi in puluerem versa, praelo exprimi curato, expressumq<sup>3</sup> oleum pyxide seruato. Velea elixando indurabis, & sic exprimatur liquor. In incensuius autem mixturis aliud sic parabis. Quorum multa remisceto vitella, cum sulphuris medietate vini, ac sartagine accommodentur igni. Vbi eluuius, vel oleosum quoddam per eorum superficiem enatabit, seruato; illud enim quæsitum erit oleum. Hæc ille de ouorum oleo.

Ita etiam inuenire est in ouo, quod nos ad- II.  
moneat illius Sacramēti, quo non solum oculi, sed & aures, alijque sensus ad extremam luctam inunguntur. De quo S. Augustin. Serm. 215. de Tempore, Quoties, ait, aliqua infirmitas superuenerit, corpus & sanguinem Christi, ille qui agrotat, accipiat, ac deinde corpusculum suum ungat, ut illud, quod scriptum est, impleatur in eo: Infirmatur aliquis? inducat Presbyteros, & orent super eum, ungentes eum oleo. Et quanquam Sacramentum, ut hîc sumitur (pro signo scilicet rei arcanae seu absconditæ) est tale signum, quod ex Dei institutione primariò habet vim significandi & efficiendi gratiam; tamen sæpe per extremam unctionem etiam corpori sanitas confertur.

Vt proinde stultissimi, & minimè satis in- III.  
rebus religionis instituti sint, qui ab hoc Sacramento accipiendo abhorrent, quòd sibi persuadeant, se tantò certius, vel citius morituros.

Quasi Sacramentum occidat ! sed ea cacodæmonis fraus est, homines vanissima opinione à rebus salutaribus impredientis. Nempe quia non solet dari hoc Sacramentum, nisi extremè periclitantibus, hinc fit, vt, eo accepto ( non tamen ob id acceptum ) plurimi non superuiuant. Quamuis plurimi superuiuant, qui non accepto, fuissent morituri. Itaque non facit, vt morituri moriantur, sed vt benè atque cordatè moriantur, vncti & instructi ad vltimum agonem ; aut etiam ne moriantur.

IV. Quia verò finis Sacramentorum, ob quem instituta sunt, est nostra Sanctificatio, seu vt conferant gratiam Sanctificantem, consequens est, effectum illorum esse gratiam ; quæ vel per hæc media incipit, vel augetur, vna cum omnibus virtutibus seu Theologicis, seu moralibus. Inter illas est Fides ; inter has est Prudentia, quæ quia mentis aciem oculumque perficiunt, quis vnctionem Extremam non comparet, eum *candido oui epiphoras cohibente, oculosq; refrigerante ?*

V. Mirum igitur est, cum tanta vis insit huic Sacramento, cumque per illud tanta facilitate nobis thesaurus diuinæ misericordiæ sanguinisque Christi applicetur, esse tamē qui negligent. D. Bernardus *in vita S. Malachia. Petr. de Natal. lib. 10. c. 27.* *Et alij* referunt, Benchorensis monasterij vicinum nobilem fuisse, ad cuius vxorem

rem extremè ægrotantem Malachias vocatus, ut extrema vnctione illam muniret, cum sub vespere intrasset, illamque exultantem præ spe & gaudio inuenisset, suum esse ab omnibus, ut in alterum diem differretur, periculo moriendi nondum tam præsentem. Eò accidit, ut tanti res momenti negligeretur. Nam interim, ut sunt incerta hominum tempora, mulier moritur. Conclamatur. Accurrit Malachias. concurrunt sacri, profani. Accusat se ille, suaque culpa feminam tanto beneficio esse fraudatam dicit, & tantum seipsum non conficit. certè mortuo quàm viuo prior mæret. Quare loco olei, lachrymis perfundit defunctam, nec ante vel ipse, vel discipuli eius Deum precari destiterunt, quàm illa reuiuisceret. Itaque quam mortuam fletu ad vitam reuocauit, eam iam viuam vnctu sacri olei etiam restituit sanitati.

Tanta vis est olei. Et sunt qui adhuc horrent! Quid mollius oleo? Si multo labore, si di-  
ris cruciatibus diuinæ gratiæ thesaurus esset comparandus, nihil foret detrectandum: jam vngi detrectant, vel certè negligunt tot mortales? Quid ita? quia arbitrantur, se idè morituros; vel citiùs morituros; vel si conualescant, non ampliùs nudis pedibus terram attingere auros; denique nefas fore posthac choreas ducere, & saltare illis pedibus, qui sacro fuerint

oleo inuncti. Quàm stulti isti? quàm cæci? im-  
mo quàm in seipso immites, more illius Ruper-  
ti Regis Romanorum, quem Io. Nider. *lib. 4. Formicarij c. 11*. scribit, diu distulisse, vano me-  
tu, hoc Sacramentum. Quod cum tandem  
persuasus admisisset, audissetque orationes pro  
sanitate quoque validas, exhilaratus dixit. *Re-  
uera si hoc Sacramentũ sciuisssem tantum pro utroq;  
valuisse homine, quemadmodum jam audio, dudum  
ipsum deuotissime postulasssem*. Dixit & conualu-  
it. Itaque non mortem, sed valetudinem distulit,  
dum distulit supremam vñctionem.

## VII.

Cuius vim cum nossent, tam ardentem ex-  
petierunt Elzearius, *apud Sur. 27. Septemb.* Su-  
pra memoratus, Malachias Episcopus Hyber-  
niæ, *apud S. Bernard. in vita eius.* Hedwigis,  
*apud Sur. 15. Octob.* Et, si nil conferret hæc vn-  
ctio; non ipsa B. Virgo Reginaldum, vt habetur  
*in vita S. Dominici l. 2. c. 2.* non ipse Christus  
Lydwina vñxisset. *Sur. 7. April. in vita eius  
part. 3. c. 11.* Illa enim cum sola esset, cunctis dome-  
sticis absentibus, & summo manè, ipso Paschatis die  
contemplationi vacaret, vidit ad se venientem Do-  
minum Iesum, cum Sanctissima matre sua & 12.  
Apostolis, multisq; & Sanctis, & Angelis. Sedit au-  
tem Christus ad lectuli eius dexteram, beatissima  
Maria ad sinistram, alijs in orbem honestissime eam  
cingentibus. Vidit etiam mensulam ornatam, & in




ea ceu sacri olei vasculum elegantissimum, crucem quoque pulcherrimam & cereum valde luculentum, totum cubiculum mirificè illustrantem. Erat tum corpus Virginis innumeris angoribus à vertice vsq; ad pedes oppressum & afflictum. Et ecce sentit ab ipso Salvatore Sacerdotalibus induto vestibus, loca corporis sui omnia perungi, quæ in morituris sacro oleo ungi solent: sed nulla audit Salvatorem verba proferentem. Inde Christus ponit in manu eius cereum, eumq; tenet cum matre sua, cruce illic inuisibiliter permanente, donec exhalaret Spiritum.

Christus, & unctus idem est; hinc uncti nomen habebat:

Nunc etiam VNGENTIS nomē habere potest.

Qui fugit ungentem, pungentem sentiet olim,

Postquam oleum atq; operam destruet ipse suū.



Ovorum, &amp; aliarum rerum benedictio.

## EMBLEMA LII.

VT PROSINT ANIMÆ QVOQVE.



1. **I**N festo Paschatis mos est Ecclesiæ vt inter *panes, carnes, lac, mel, & alia esculenta*, etiam *OVA* consecrentur: sicut in die S. Stephani, *pascuis*; S. Ioannis, *vino*; S. Marci, *segetibus*; Assumptionis B. Virginis, *herbis, plantis, radicibus, fructibus arborum* benedicitur: VT PROSINT ANIMÆ, & corpori non obsint. Nihil hîc Magicum, neque in ritu, neque in usu. *Extensa manu* Aaron signa fecit, *Exod. 8. 6.* Populo benedixit, *Leuit. 9. 22.* Sicut & Christus ascensurus in cælum discipulis. *Luc. 24. 50.* Crucem autem, inter benedicendum, manibus exprimi si Magicum

cum est, magus fuit Iacob, quando Ephraim & Manasse filijs Ioseph benedixit. *Gen. 48. 18.* Pietas est, non Magia, cibum antè Deo consecrare, quàm sumere.

Ipsi Gentiles cibum sumturi τὰς ἀπαρχὰς, seu I I. primitias dijs consecrabant; vt ad conuiuium, tanquam ad sacrum epulum, accederent, *Plutarch. in Symphos.* Quin & in secundis mensis merum dijs libarunt, *Athen. lib. 1. cap. 9.* Et, ex antiquo Rituali Hebræorum libro, ostendit Baronius, *An. 43.* in secunda mensa Paschalis conuiuij, cum distribueret paterfamilias tortam azyziam, propria & peculiari benedictionis formula vti solitum. At ne Gentiles, & Iudæos nominando, ianuam, vt in prouerbio est, in me ipsum videar patefecisse, quasi Gentilismum, aut Iudaismum introduceremus; apud Clementem, 8. *Const. 35.* Matthæi nomine, Apostolica est institutio, *aqua & salis* benedicendi. Quin & olei aliarumque rerum hominum vsui seruientium; cum 1. *Timoth. 4. 5.* Paulus scribat, *omnem creaturam sanctificari, per verbum Dei, & orationem*; & Christus *Luc. 9. 16.* panem turbæ daturus benedixerit ei, sicut & piscibus; vt Apostolis nobisque exempli relinqueret documentum.

Quid verò in benedictione, quæ fit per verbum I I I. Dei & orationem, sit reprehensione, & non potius laude dignum? Nunquid ipsi Heterodoxi,  
 si

si quidem tam benè cum eis agitur, ante mensam orant; aliò abeuntibus valedicunt, aut aliunde venientes salutant? *Grüß euch Gott/ be-  
hüt euch Gott*: certè propinanti passim respondent, *Gesegnes euch Gott*; quid est hoc aliud, quàm quoddam *benedicere*? Nihil ergo incantationis, in ritu benedicendi OVA, & similia.

- .IV Sed nec in usu; qui potius incantationes im-  
pedit, aut damna ciborum, vel ob intemperan-  
tiam, vt docet S. August. *l. 10. Confess. c. 31.* vel  
ob Magicam infectionem sæpe nocentium, vt  
idem ostendit *l. 18. Civit. c. 17. & 18.* & S. Gre-  
gor. *l. 1. Dialog. c. 4.* vbi Monialis Diabolum non  
deglutiuiisset, si lactucam benedixisset. Prodest  
ergo corpori *Benedictio ciborum*, multòque ma-  
gis animæ: ita enim cibi *sanctificantur*, hoc est,  
Deo, per gratiarum actionem, per verbum Dei,  
& orationem, quasi offeruntur, & consecran-  
tur; vt ostendamus, nos à Deo eos accepisse, &  
ad Dei honorem vesci velle iisdem; diuerso à  
Manichæis more, qui quòd à mali principio  
creaturas exortas, atque execrabiles esse dice-  
rent, eis pariter maledixerunt, teste Cyrillo  
Hieros. *Cateches. 6.* Ergo VT PROSINT ANIMÆ  
QVOQVE, dum corpori prosunt, benedicuntur  
OVA.

- V. Quanquam hæc non usu, & esu duntaxat, sed  
etiam significatu prosint: dura enim benedi-  
cun-



cuntur, vt indicent, homines, qui toto anno nunquam confessi peccatis indurantur, saltem Paschali tempore pœnitentiam agere, & benedictionem recipere oportere. Interim quanta vis sit cibi vel potus benedicti, ostendit Iac. Gretserus in volumine de benedictionibus, & vita S. Bernardi *lib. 1. cap. 11.* vbi narratur S. Bernardus haustu cereuisiæ à se benedictæ, conuertisse totam cohortem militū ad Claramuallem diuertentium. Rectè. nam sæpe milites etiam bibendo & pergracando peruertuntur. Sicut autem benedictio prodest adhibita, ita nocet neglecta, quod vt experta est, supra allata monialis, ita & ille religiosus, qui, vt *in vita S. Dominici* recenset Iacob. Episcopus Gemnensis, extra cœnobium, absque vlla benedictione præmissa, nec cruce poculo consignato, quia potauerat, à malo Orcino hospite est infessus. Sicut & sedecim annorum puella Colonienfis: quanquam hæc non tam benedictionem mensæ neglexit, quàm maledictione præmissa, in nomine diaboli, escam; cum esca muscam; in musa *Beelzebub Deum muscarum* deuorauit. Vt est apud Io. Nider. *in Formic. l. 2. c. 11.* Hoc si semper fieret, quoties homines vel sibi, vel alijs, diabolum imprecantur, credo Infernum totum diabolis exhauriendum. Ita longè crebrius

brius maledictio, quàm benedictio est in ore  
 impiorum. Porro ex virtute benedictionis in-  
 telligi potest dignitas sacerdotum, qui, vt ex  
 officio *benedicant*, & ipsi *benedi-*  
*cuntur.*

*Quicumque consecrata ferula nauseat,  
 Satietur execratis.*



Sacrorum ordinum potestas, per ova  
in manibus exclusa, declaratur.

## EMBLEMA LIII.

IN MANIBVS TVIS SORTES MEÆ,  
Psal. 30. 16.



**I**Nter admiranda Hiberniæ, Giraldus cap. 28. 1.  
& ex illo Iac. Gretser. l. 1. rer. var. c. 12. hæc  
refert. S. Keiuuinus quadragesimali quodã tem-  
pore hominum frequentiam ex consuetudine fugi-  
ens, in solitudine quadam, tugurio modico, quo à so-  
le tantum & pluvia defenderetur, soli contemplati-  
oni vacans, lectioni & orationi insistebat, qui cum  
manum, more solito, per fenestram ad calum eleua-  
ret, ei fortè merula insedit, & quasi nido fungens,  
oua deposuit. Cui prædictus Sanctus tanta mansue-  
tudine, & patientia compassus est, ut nec manum  
V clau-

clauderet, nec retraheret; sed usq; ad plenam pullo-  
rum exclusionem, eam infatiganter extenderet, &  
aptaret. In huius autem signi perpetuam memoriam,  
omnes imagines sancti Keiuvini, per Hiberniam, in  
manu extensa merulam habent. Hæc Giralduſ mi-  
rè curiosus scriptor; quæ faciunt ad dignitatem  
Sacerdotij commendandam. Ea enim etsi præ-  
cedente quoque commendata est *Embl.* tamen  
hoc loco distinctius exprimi debet.

**I I.** Keiuvini ad manum aduolat auis : ibi *oua*  
ponuntur, caleſcunt, perficiuntur. Siue ergo in  
aue Christus, vt *Emblem.* 12. 15. 16. 19. &  
22. dictum est, siue Spiritum Sanctum intelli-  
gimus, vterque mira per manus Sacerdotum  
operatur. Ad illos enim pertinet tum Sacra-  
mentorum administratio, tum gemina illa pror-  
fus diuina potestas, remittendi peccata, & Eu-  
charistiam consecrandi. Non fugit Keiuvini  
manum auicula? è libero cælo aduolauit? Ad-  
uolat ad Sacerdotis manus ipse Christus; immo  
non aduolat, sed ita ibi esse de nouo incipit, vt  
non desinat esse in cælo : quæ consecrandi vis  
meritò potest cum ipsa creandi potestate con-  
ferri. Quam ob rem sacerdotis potestas longè  
superat omnem regum, omnem imperatorum  
& potestatem, & dignitatem. Sicut & sacrifici-  
um ipsum longè est excellentissimum, quod de-  
cuit in excellentissima religione, per Sacerdo-  
tis manus, peragi.



*Oua* in Keiuuini manu sunt ad vitam addu. III.

cta, paulatimque animâ caluerunt ? Sacerdos manu crucem ducit, & peccatorem à peccato absoluit, cum illico è mortua ipsa anima viuam facit: gratiam enim reducit, qua anima uiuit. Itaque non tantum condonat ingens illud debitum, ut à peccatis, & morte æterna liberet pœnitentem; sed etiam sanctificat animas, efficitq; filios Dei, & jus æternæ vitæ tribuit. Quæ tam grandia nemo potest, nisi ipse Deus, aut diuina auctoritate præditus, cui Deus eam potestatem committendo, suum locum, suas vices, & velut suum tribunal concessit. Nemo enim nisi Deus, vel loco Dei, condonare potest offensas Dei. Hinc illi Christum non agnoscentes dicebant *Luc. 7. 49.* intra se: *Quis est hic, qui etiam peccata dimittit?*

Magnæ & patientis fuit bonitatis, sustine- IV.  
re manibus *ouum* tam diu, dum excluderetur, dum pullus prodiret: plus est sustinere pœnitentem, dum peccata velut *oua* aperit, eaquæ aperiendo. non jam è cæco videns, è claudo ambulans; sed, quod incomparabiliter plus est, ex inimico, Dei efficitur amicus, & saluus ex pereunte. Sunt itaque & Sacerdotes Angeli illi de quibus dicitur: *In manibus suis portabunt te.*

Porro cum per ordinem, nouæ legis sacra- V.  
mentum à Christo institutum, potestas spiri-

tualis tradatur, & gratia conferatur ordinatis ad Ecclesiastica ministeria obeunda, quæ varia sunt, vnde varij quoq; sunt ordines. Sed sacerdotij supremus, ob prædicta. Hinc non quiuis eo ordine ornandus. 1. *Tim. 5. Nemini citò manus imposueris, neq; communicaueris peccatis alienis.* Quare in *Prato spirit. c. 149.* refertur, Leoni Papæ quadraginta diebus ad sepulchrum S. Petri Apostoli vigilijs & orationibus intento Apostolum apparuisse, dixissèque: omnia illi peccata dimissa esse, præterquam impositionis manuû, non quòd peccata ex parte dimitti possint, si ad culpam referas, sed quoad pœnam, quæ restabat exsoluenda, ob promotos ad sacerdotium indignos.

**VI.** Qua de caussa etiam pœnitentem, & iam Monachum factum, ob sacrilegium tamen admissum, noluit ad ordinesmittere Benedictus IX. apud Baron. *t. 11. An. 1034. 24. 25.* Et alius contra S. Benedicti prohibitionem accedens à diabolo infessus & occisus est, apud S. Greg. *l. 2. dial. 16.* De simili pœna refert Notgerus *l. 2. de mirac. S. Remacii c. 2.* & post eum *Sur. 3. Sept.*

**VII.** Qui dignissimi fuere, ex reuerentia tamen fugere conati sunt hanc dignitatem, Ephræm Syrus, vt habet *Amphiloc. in eius vita*, qui tamen cum manuum impositione peritiam postea Græcæ

Græcæ linguæ accepit. Fugit hanc dignitatem & Rupertus postea Tuitienſis Abbas, vt ipſe teſtatur, *lib. 12. in Matth.* ſed diuinitus inſtigatus eſt, ad eam ſuſcipiendam. S. Franciſcus diaconus manſit, quòd puritatem in ſacerdote requiſitam à ſe abeſſe crederet. *l. 1. Chronici S. Franciſci. p. 1. c. 41.* Nam cum incredibiliter afficeretur ad reuerentiam ſummam Eucharistiæ exhibendam, veritus eſt, ne eam indignitate ſua contaminaret. Inſtigantibus autem identidem alijs, vt ſacerdos fieret, à Deo per ardentes preces conſilium popoſcit. Miſſus eſt ergo Angelus ad eum, cum phiala lucida, in manu, limpidiſſimo liquore plena, qui diceret: *Vide Franciſce, quicumque vult fieri ſacerdos, & ſacramenta adminiſtrare, ita purus eſſe debet in anima, ſicut iſte liquor.* Ah quàm multi priùs deberent hanc phialam contemplari, quàm accederent ad hanc dignitatem, ne indigni diuinam prouocarent indignationem! At bonus ſacerdos dignus eſt, vt in oculis feratur ab ijs, quos fert in manibus.

Alternata ouorum cura, doctrina est  
matrimonij.

## EMBLEMA LIV.

DVM TIBI NATORVM EST, EST  
MIHI CVRA TVI.



- I. **C** Omicem incubantem mas pascit, teste Plin.  
l. 10. c. 60. Et seq. c. 60. Crocodili vicibus  
incubant mas & femina. Supra autem c.  
58. Palumbes incubat femina postmeridiana in  
matutinum, cetero mas. Columba marem semper  
& feminam pariunt, priorem marem, postridie fe-  
minam. Incubant in eo genere ambo, interdum mas,  
noctu femina. Hæ vices sunt parentum, quorum  
vtrique incumbit in educanda alendâque prole  
laborare. Est proles vtriusque; cur non & cura  
pro-



prolis? Ad hoc matrimonium instituitur, vt proles habeatur, sed curâ parentum ad vires & mores ducenda. Et gratiam Deus peculiarem ad hoc parentibus largitur. Vices ergo laboris sunt seruandæ, vt dum mater lactat, ligat, fasciat, lauat, comit, & pectit sobolem, & velut perpetuò domi incubat; pater lignatum, & pabulatum eat, pascatque matrem.

In artibus autem & moribus ad vtrumq; pertinet, incubare. Femina femellas doceat nere, domum repurgare, culinam curare, & quæ similia sunt; vir pueros instruat litteris, equestri disciplina, negotijs seu agri, seu fori tractandis. Vterque imbuat vtramque prolem pietate; arceat à contubernio malorum, &, vt sollicitus est de hæreditate, ita sollicitus sit etiam de virtute. *Vt fundus quidem sit optimus*, ait S. Chrysost. hom. 9. in 1. ad Timoth. *cuncta molimur, eumque fideli viro magna cura tradimus. Ceterum quod nobis omnium charissimum est, omnino negligimus; quo pacto filium nostrum fideli cuiquam viro permittamus, qui ipsum seruare pudicitiam, formare mores, ingenium expolire, & exornare possit.*

Itaque, qui hîc sunt remissi, probè sciant illud Nauarri probum dictum *Manu. c. 14. n. 17.* *peccare mortaliter patrem, qui negligit notabiliter prouidere illa, quæ ad filij necessitatem spiritualem, aut corporalem pertinent, cum nulla est ei excusatio paupertatis, vel alia rationabilis causa. Paupertas*

excusat à pædagogo; sed tum ipse parens debet esse pædagogus. Quod si quis est opulentus, & frequentia negotiorum impeditur ab instruendo filio, *Magister probæ ætatis, & vitæ. atque eruditionis est eligendus*, vt ait S. Hieron. *ep. 7. ad Latam*. Huius Magistri prima cura erit, vt *Apostolorum Symbolum, orationem Dominicam*, & quæ Christianâ doctrinâ continentur, discipulo, tum alios mores & artes tradat; sitque velut alter parens, vt olim Chiron, & Phænix Achillis, Linus Orphei, Plato Aristotelis, Aristoteles Alexandri, Chrysippus Erasistrati, & Anaxagoras Periclis, Molo Ciceronis, cuius etiam Magister fuit Possidonius, vt ipse testatur *in lib. de fato*; & Plutarch. *in vita eius*. Docuit & Seneca Neronem, quamuis degenerem; Cebes Phædonem, Philetas Cous Ptolemæum; Empedocles Gorgiam; Plutarchus Traianum, Donatus & Victorinus Hieronymum, Arnobius Lactantium, alij alios.

- IV. Hi ergo omnes docent, filios vel à Magistris docendos, vel à parentibus. Dummodo parentes aliquid boni doceant: quod nunquam, aut rarò facturi sunt, nisi sint ipsi boni. Si enim avari sunt, auaritiem docebunt, ac sordes; si vinolenti, Baccho eos educabunt & Veneri; si superbi, Iunones facient, & pauones firmatâ trahentes, capillum crispantes, denique calamistri, & vnguentorum vsurpatores.

Sed

Sed non impunè. De Prætextata nobilissima v. femina. S. Hieronymus in ep. ad Latam. Illa, inquit, iubente viro Hymetio, qui patruus Eustochij Virginis fuit, habitum eius cultumque mutauit: & neglectum crinem mundano more pexuit, vincere cupiens & virginis propositum, & matris desiderium: & ecce tibi eadem nocte cernit in somnis venisse ad se Angelum terribili voce minitantem pœnas, & hæc verba frangentem. Tunc ausa es viri imperium præferre Christo? Tu caput virginis Dei tuis sacrilegis atrectare manibus, quæ iam nunc arescent, ut sentias excruciatam, quid feceris: & finito mense quinto ad inferna duceris. Sin autem perseveraueris in scelere, & marito simul orbaberis, & filio. Omnia per ordinem expleta sunt, & seram misera pœnitentiam velox signauit interitus. Sic ultiscitur Christus violatores templi sui, sic gemmas & preciosissima ornamenta defendit. Immo sic docet matres destinare liberos Christo; coniuges non iniqua petere à coniugibus, nec in gratiam mariti vxorem, aut in vxoris fauorem maritos peccare. Ad vitanda, non ad patranda peccata matrimonium est institutum. Cuius sanctitate neglecta, cum malè feriata iuuentus non iam ampliùs matres, sed matressas didicerit quæritare, heu quæ progenies potest sperari!

*Illorum de gente, patri quos dadala Circe  
Supposita de matre nothos furata creanit.*


Virgil. Æn. 7.

V 5

Ovum

Ovum stellatum B. Virginis symbolum.

## EMBLEMA LV.

RESPICE STELLAM, VOCA  
MARIAM.

1. **P**Ræter ceteras oui laudes, *formam*, inquit Putean. Orat. 20. *examina*; quid perfectius absolutiusq; obijci oculis potest? *colorem* penetra; quid *venustus pulchriusq;*? Et forma quidem dignitatem suam habet: non aspera, non horrida, non incisa est; sed *lavis, teres, & velut pumice expolita*: nec rotunda prorsus (de gallinis hîc loquor) sed tanquam præstantius aliquid effingi debuerit, fastigio, ut appellat Plinius, *cacuminata*. Orbem, aut globum proletarius quisque fingit, & exprimit: sed materiam forcipe comprehensam reciproco volu-



*lumine in curuos vertices coarctare, inter torni miracula, etiam periti censent. Sic quanto difficilius est, ouum quàm circulum celo cauare, tanto plus ornamenti corpus habet, quò obliquo gyro, siue limbo, quàm quod equali undique, & uniformi periodo absolutum est. In globo etiam productæ molis ambages volo; ut quedam velut latera, ut summum & imum inueniam; ut varietas sit, finis tamen principiumq; desideretur; immo ut æternitas sit, & nullo simplicitatis vitio decor violetur.*

Exterior hæc oui est forma. In ouo, ut deli- I I.  
cata omnia, ita distincta & venusta sunt, ac prorsus virginea. Putes in argento aurum, in aqua ignem; in crystallo chrysolithum, in niue crocum, in vitro electrum, in lacte purpuram natare. Siue igitur formam, siue colorem examinemus, nihil pulchrius ouo: omnium quæ amare, & æstimare possis imaginem continet. Ita natura ouum ornat, illius Symbolum, quæ Cant. 18. pulcherrima mulierum, & Cant. 4. 7. tota pulchra meritò appellatur: quàm Georg. Nicodem. orat. de oblatione Virginis sic compellat: ô pulcherrima pulchritudo omnium pulchritudinum, ô Dei Genitrix pulchrorum omnium summum ornamentum! Proinde venustas, dignitas, forma, color, perfectioque oui tota aliud nihil est, quàm Symbolum illius oui, de quo S. Spiritus exclusit auem illam preciosam, Pelicanum, Phænicem, Gallinam pullos suos, sub alis, congregantem. Atq;

III. Atque vt Symboli tanti apertior sit similitudo, expressiorque nota, ecce tibi *ouo* stellam, seu limbum solis, velut symbolo symbolum, siue à ludente natura, siue à Deo naturæ miraculum inscribente in iconismo propositum. Tale mihi ouum, vti delineatum est, in manus tradidit, etiam atque etiam considerandum atque examinandum, Prænobilis ac strenuus Dominus Ioannes Egolffus Dn. in Leonrodth, & Odelzhausen Reuerendiss. & Illustrissim. Domino Dn. Ioan. Christophoro Episcopo Eistadiano. S. R. I. Principi à consilijs. Vnà cum *ouo* eius quoque originem descriptam tradidit, quam non omitam apponere. Sic habet. Non procul Augusta Vindelicorum, ad duo circiter milliaria, in terra Bauaria, Vicus situs Odelzhusa dictus. Ab Vici arce, quarta horæ parte, venit ad locum à vetere siluula & fruteto, *Dexat* vernaculè nominatum.

IV. Ibi in ipso loci vrbilico casa erat rustica, & *raris habitata mapalia tectis*; quæ quia sub Dominio Prænobilis ac strenui Domini Ioannis Wilhelmi Hundij de Lautterbach, Domini in Sulzemos &c. fuère, ab eodē cultiora facta sunt, hortoq; & atrio aucta, vt essent in Ornithonem. Mox, vt ab exiguis principijs omnia sumunt incrementum, ab auibus ad pisces processum est, viuariúmque nobilissimis piscinis locuple-

pletatum ; quòd inibi pulcherrimæ fontium scaturigines emicarent. Amor loci, cum ornatu creuit. Itaque D. Virgini quoque sacellum apponere statuit, vt eadem sedes esset pietatis, quæ recessus fuerat amœnitatis. Sed præcipuè placuit ædificio dare formam stellarem, sacellumque ipsum appellare, *B. Virginem ad stellam*, seu, *B. Virginis stellam*.

Cæpta est ædificatio, eo ipso An. 1618. qui VI. Pragæ Illustrissimorum celeberrimorumq; heroum, per fenestras, sparsione, occasionem dedit, vt An. 1620. clarissima, *ad stellam*, victoria, in monte Albano, obtineretur. Porro & fundamentum, & tectum, & parietes, & fenestræ, omnia in stellæ modum sunt ædificata, absolutaque An. 1619. Quo Anno, in festo Natiuitatis B. Virginis, sacellum est solenni ritu dedicatum. Dum autem ædificaretur, sub ipsa initia, reperiuntur in corte, atque sirpiculo gallinarum, die quodam Veneris, eiusmodi impressâ stellâ, seu limbo radiofo notatum ouum ; atque decimo quarto postea die, alterum tale ; quod hîc dedimus delineatum. Cui postea complura alia similia in vicinis locis reperta, & nonnulla quidem, velut sigillo in ceram, aut mollem gypsum adacto, impressa, suisque eminentijs conspicua ; alia verò, velut penicillo, lineolis radiolisque in eandem figuram ductis striata. Quæ partim mi-

ri caussa, partim muneris loco, ad facellum allata multisque jam annis ibi, nihil graue redolentia asseruantur. Testatur id cum magna admiratione illuc, pietatis ergò, confluentium mortalium multitudo, quæ insigni frequentia locum honorat, jam etiam sæpius miraculis præclarissimis honoratum.

VI.

Existimem, non sine prodigio indicare voluisse Superos, gratam sibi illam stellarem architectationem, quam proinde in sede gallinarum factam, de vtero gallinarum honorare, & velut sigillo hoc confirmare voluerunt. Nec alibi similia oua reperiri existimo. Ait quidem Aldrouandus *lib. 14. c. 1. ouum* se in Musæo reseruare, *anseris* haud minus, *plicis, rugisq; insigne*, quod *illustris Io. Bapt. Barbazza Bononiensis* ei donarit, sed nullam de plicarum solari, stellarique figura mentionem facit, ut prorsus adhuc istud B. *Virginis ouum* sit peculiare. Fabulas enim nihil moror, è quibus Stephanus Vinandus in *Hercule Prodicio* pag. 43 2. docet, *limbis purpureis pretexendas chlamydes & equorum tegmina*: & addit: *limbos adornent alternatim oua argentea, & fulgura aurea Iouis eorum (Castorum) patris arma. In ouis singulis pingantur binæ stellule Castoris & Polulcis; oriens alter, qui aureus erit, alter occidens, qui niger.*

VII.

Quàm porro conuenienter radiatio illa Virgini



gini tribuatur, facile mecum sentiet, qui non solum meminisse volet, *mulieris sole amicta, & stellis coronata, Apoc. 12. 1. & in stella matutina vincenti danda in cælo Apoc. 2. quia omnes Sancti,* ait Franc. Mayro *serm. de creat. anim. Virg. in patria de plenitudine Virginis participant.* Quo in loco idem illuminatus Doctor, ob decem proprietates, siue priuilegia, ostendit, Virginē *Stellam maris* appellari. Et S. Ildefonsus *ser. 1. de Assumt. Maria,* inquit, *secundum verbum Hebraicum interpretatur Stella maris. Mare præsens seculum est : Stella autem. S. Virgo Maria, de qua ortus est ille, per quem illuminatur omnis mundus. Hinc securius accedite ad laudem Virginis : & illuminamini, quoniam ipsa est, per quam vera lux mari huius seculi refulsit.* Ad quam utinam, tanquam ad polarem stellam magnes, corda nostra rapiantur, Stellâ hac, hoc est, affectu Deiparæ, *oui instar, insignita!* Denique fas sit, in *quo* hoc illam agnoscere, de qua *Cant. 6. 9.* dicitur: *Quæ est ista, quæ progreditur, quasi aurora consurgens, pulchra, ut luna, electa, ut sol, terribilis, ut castrorum acies ordinata?* Castrorū autem aciem sæpe in similitudinem *oui*, ouali figura, fuisse ordinatam, docet Ælianus, *in tractatu de instruendis aciebus ad D. Hadrianum.* Vbi id genus instructionis ait inuentum à Thessalo Ilione, & à Iasone

sone quoque exercitationi mandatum, *tanquam*  
*tutum & percommodum, cum undique custodiatur*  
*decurione, tergiductore, custodibus lateris.* Cùm  
 ergo Patrona nostra, tanquam eiusmodi acies  
 sit ordinata, quàm meritò quotidie dici-  
 mus? *Sub tuum præsidium confugi-*  
*mus, Sancta Dei Ge-*  
*nitrix.*

*Si radijs ornata suis stellisq, relucet,*  
*Quis non stellifero comparet OVA Polo?*  
*OVA Polus sunt stellis ornata. quid ergo,*  
*Christiparâ ornatus VIRGINE, fiet homo?*



Aliqua, ex ovis non nata, volantia,  
dæmonum symbola.

## EMBLEMA LVI.

QVÆ SOCIETAS LVCI AD TE-  
NEBRAS? I. Cor. 6. 14.



**Q**Væ, & quotnam aues ex ovis non nascun-  
tur? Duæ hæ, si tamen duæ; *Vespertilio*,  
& *Phoenix*. Macrobius l. 7. *Satur.* hæc ha-  
bet: *Animantia aut gradiuntur, aut serpunt, aut*  
*nando volandoue viuunt: in gradientibus lacerte*  
*Et similia ex ovis creantur: quæ serpunt, ovi nascun-*  
*tur exordio, volantia omnia de ovis prodeunt, exce-*  
*pto vno, quod incerta natura est. nam VESPERTI-*  
*LIO volat quidem pellitis alis, sed inter volantia*  
*habendus non est, quia quatuor pedibus graditur,*  
X forma-

*formatosque pullos parit, & nutrit lacte, quos generat. Natantia ferè omnia de ovis nutriuntur generis sui. Crocodilus verò etiam de testeis, qualia sunt volantium.* Itaque, si fabula est de *Phanice* per cineres renato, orta ab Heliopolitanis Solem pingentibus, quasi auem, orientem & occidentem; (vnde veteres tradiderunt Phœnicem auem Heliopoli degere, in *Ciuitate Solis*, quòd in ea esset simulachrū & templum Solis) solus *Vespertilio*, inter quomodocunque volantia; vel certè cum solo Phœnice, sine ouo nascitur. Qua de causâ vtrumque ouo emblema inclusit.

**II.** Si ergo *Phœnicem* ex ouo non natum, Christo secundum diuinam naturam, quæ principio caret, eidemque homini de tumultu, velut nido suo, resurgenti contulerunt tot SS. Patres, cur nobis non liceat diabolum *Vespertilioni* comparare, cum & ipse, *Vespertilionis* more, ex ouo non prodeat, & tenebras amet, sicut *Phœnix* lucem atque Solem? Nempe & *Deus lux est, & tenebræ in eo non sunt vllæ. 1. Io. 1. 5.* & damnati illi ad tenebras exteriores (*Matth. 8. 12.*) spiritus, iam facti sunt rectores tenebrarum. *Eph. 6. 12.* Quare id vnum agunt, vt opera tenebrarum *Rom. 13. 12.* promoueant. Promouerunt sanè, cum è bonis Angelis tot malos fecerunt.

**III.** Pœtis Angeli Alites vocantur. Inter hos Alites, mali sunt *Vespertilionibus* simillimi. Vnde

&



& membranaceis pinnis pinguntur: & incredibiliter lactant, quoscunq; Orco pepererunt. *Volucrum animal parit Vespertilio tantum, cui & membranacea pinna uni. Eadem sola volucrum lacte nutrit, ubera admouens: geminos volitat amplexa infantes: secumque deportat. Eidem coenodix una traditur, & in cibatu culices gratissimi, teste Plinio l. 10. c. 61. Vides quadrare? Nam sæpe & diabolus geminos volitat amplexus, quos in furca vehit per aërem.*

At cur non prodit ex ovo? *reluet. Nihil candore speciosius esse fatentur omnes, ait Puteanus orat. 20. hinc lucem amamus, noctem odimus. Quin Deum ipsum, ut pulcherrimus appareat, puro die, velut circumscribimus; inferos, ut turpissimi sint, densis cacisq; tenebris sepelimus. Ouum igitur candidum est, & sic quoque calum imitatur; nec vehementius quippiam à colore laudare veteres potuerunt, quàm ut ovo præferrent. Lucem ergo, & candorem quia odit diabolus, ex ovo non prodit, tanquam contrario sibi, nam & lux illum odit: hinc ibi accessum habet multò patentiorè, in quorum animo nebula Cimeriæ, aut Tartareæ cæcitatibus caligo suboritur; aut certè ubi diuina luce, per iram, aliumvè affectum, ad occasum vergente, in vesperascit.*

Quid quòd in excludendis *ouis* mora est necessaria? Hinc quia nemo hominum fit repente

peffimus, in hominibus peruertendis cacodæmon *vespertilionem*, hac in re, non imitatur; cum *oua* ponat, more serpentis, vt dictum est *Embl.* 7. Paulatim enim interrogando, postea mentiendo, alliciendoque de *ouis mala*, monstroso partu exclusit. At quo instanti peccauit, eo statim de bono Angelo diabolus fuit, aliósq; diabolos fecit, quos seduxit; tenebris exterioribus itidem obnoxios. Quippe *Agentes, & consentientes eadē pænā sunt digni.* Non ergo *ouo* opus fuit, neque longa ad peruersionem dispositione. Quòd intellectu esset præditus, & libera voluntate, sicut omnis creatura intelligens, naturæ erat peccabilis; quòd tam perfecta atq; excellenti natura instructus, non potuit, ad peccandum, longâ morâ indigere.

VI. Itaque *ab initio peccauit.* 1. *Io.* 3. hoc est, non in primo quidem suæ creationis instanti (quo modo enim alioqui cecidisse de calo *Lucifer*, *Isa.* 14. aut in delicijs *Paradisi* fuisse. *Ezech.* 28. diceretur?) sed paulò post suæ creationis primū instans. Mox deinde supremus Angelus, ex his qui peccauerunt, alijs auctor suasorque fuit peccati, atque ita *traxit secum tertiam partem stellarum.* *Apoc.* 12. Quod quàm citò factum sit, ostendit S. Thomas 1. p. q. 63. a. 8. ad 1. his verbis: *Dicendum, quòd licet simul demones peccauerint, tamen peccatum vnius potuit esse alijs causa*  
pec-

peccandi. Angelus enim non indiget ad eligendum, vel exhortandum, vel etiam consentiendum, temporis mora: sicut homo qui deliberatione indiget ad eligendum, & ad consentiendum, & locutione vocali ad exhortandum: quorum utrumque tempore agitur. Manifestum est autem, quod etiam homo, simul dum aliquid iam corde concepit, in eodem instanti incipit loqui: & in ultimo instanti locutionis, in quo aliquis sensum locutionis capit, potest sentire ei, quod dicitur: ut patet maxime in primis conceptionibus, quas quisque probat auditas. Sublato ergo tempore deliberationis, quod in verbis requiritur, in eodem instanti, in quo primus Angelus suam affectionem intelligibili locutione expressit, possibile fuit aliis in eam consentire. Hæc Aquinas.

Monstruosum ergo istud malum, sine ovo, sine longa exclusionem, & in instanti est genitum, & merito *vespertilioni*, volanti, sed inter volantia non habendo comparatum; præsertim cum teste Hieronymo super *Habac. 3.* Hebræi tradant, dæmonis nomen esse *Reseph*, qui inter alios sit princeps, & ob celeritatem avis, ac volatile nuncupetur. Quin etiam sicut *vespertilio* quatuor graditur pedibus, sed ventrem trahens in terra, ita Hebræi tradunt *Reseph* esse, qui in paradiso mulieri locutus ex maledictione Dei, nomen accepit. Siquidem *Reseph reptans ventre* Latinis est. Quod si *vespertilio* culices capit & muscas, id

quoque ei conuenit, qui *Beelzebub*, seu Deus muscarum vocatur. Væ muscis, quas capit! Væ nocturnas tenebras amantibus, & à celeri hac noctis aue periclitantibus. Vt formatos pullos pariat, *vespertilio* est; vt oua faciat, serpens est; denique, vt quocunque modo fallat, *Proteus* est. Quem imitantur noctiuagi illi, qui non tantum ære alieno obruti, interdiu domi delitescunt, sed etiam opera tenebrarum, per furta, & scorta sectantes, vespere duntaxat, prodeunt; aut quisquis ore bilingui nunc reptat, nunc volat, vt nescias, quo in genere eum reponere debeas: qui meritò cum Varrone dixerit: *Factus*

*sum vespertilio, neque in muribus planè,  
neque in volucris  
sum.*





Ovum anguinum magiæ instrumen-  
tum, & Superbiæ vituperium.

# EMBLEMA LVII.

TALE OVVM COQVITVR, SI  
TALES ADHIBES COQVOS.



**A**Ngues innumeri astate convoluti, salinis fau- I.  
cium corporumq; spumis artificii complexu  
glomerantur, ANGVINVM appellatur. Dru-  
ide sibilis id dicunt in sublime jaectari, sagoq; oportere  
intercipi, ne tellurem attingat. Profugere raptorem  
equo: serpentes enim insequi, donec arceantur  
amnis alicuius interuentu. Experimentum eius esse,  
si contra aquas fluitet, vel auro vinctum. Atque ut  
Magorum solertia occultandis fraudibus sagax, certa  
Luna capiendum censent, tanquam congruere o-

perationem eam serpentium, humani sit arbitrij. Vidi equidem id ouum mali orbiculati modici magnitudine, crusta cartilaginis, velut acetabulis brachiorum polybi crebris, insigne Druidis. Ad victorias litium ac regum aditus mirè laudatur; tanta vanitatis, ut habentem id, in lite, in sinu, equitem Romanum è Vocentjs, à Dino Claudio principe interceptum, non ob aliud, sciam. Hic tamen complexus anguium, & efferatorum concordia, caussa videtur esse, quare extera gentes caduceum in pacis argumentis circumdatæ effigie anguium fecerint. Neque enim cristatos esse in caduceo mos est. Hæc Plin. lib. 10. c. 3. Certè si angues in caduceo cristati forent, magis cassides cristatas bellumque, quàm pacem significarent. At cacodæmones in ouum conficiendum conglobati, cristas erexere.

- II. Non ergo illud pacis erat, sed discordiarum & initium, & argumentum. Ex ouo geniti ipsi non sunt, ouum tamen sæpe genuerunt, aut velut in ouum glomerati confluerunt. Nam etsi, ut superbi, ita inter se discordes sint, vbi tamen malum facinus perpetrandum est, velut in ANGVINVM conuoluti, arctissimo complexu conspirant. Ac sinunt se sanè subinde despui, ut quasi salinis faucium glomerentur, dum Spiritus ipsi hominibus seruiunt ad superstitionem ac perniciem, tum maximè, cum victoria, ac regum aditus, cum tituli, & dignitates ambiuntur. Nam  
sicut

sicut diabolus diabolum in præceptis egit, ita quotidie conatur homines quoque de saxo jaceré. Cum Lucifer vellet Deo esse par, & solium suum supra conditionem suam eleuare, affectis placuit iste insignitus locus atq; excellentiæ amor: ita altissima petendo, in profundissima ceciderunt. Hæc eadem arte primos homines deiecit de gradu statûque felicitatis; diuinitatem scilicet promittendo: *Eritis sicut Dñ Gen. 3. 5.*

Quales plerunque videri volunt, qui magica discunt, vt similes sint patri suo. *Ipse enim est rex super vniuersos filios superbie. iob. 41. 25.* Quam ob rem *Act. 8. 9.* vir quidam nomine Simon, qui antè fuerat in ciuitate magus, seducens gentem Samaritæ, dicebat se esse aliquem magnum: cui auscultabant omnes à minimo vsque ad maximum, dicentes: *Hic est virtus Dei, quæ vocatur magna.* Attendebant autem eum, propter quod multo tempore magys suis dementasset eos, & obstupescerent. Quod faciunt, qui serpentes incantant, & id efficiunt verbis, vt ab eis non lædantur venenis. Quæ de causa in *c. 28.* *Actuum* scribit Oecumenius, olim moris fuisse, omnem qui gloriosum aliquod opus præstaret, Deum existimare; quemadmodum veteres Deos nominabant etiam eos, qui aliquid operarentur, quòd vires ipsorum, suorumq; coactorum excederet. Hanc vulgi opinionem vide ipsi diuinis litteris traditam. *Act. 28. 3.* Cum

congregasset Paulus sarmentorum aliquantam multitudinem, & imposuisset super igne, vipera à calore cum processisset, inuasit manus eius. Vt verò viderunt Barbari pendentem bestiam, de manu eius, ad inuicem dicebant: Vtique homicida est homo hic, qui cum euaserit de mari, ultio non finit eum viuere. Et ille quidem excutiens bestiam in ignem, nihil mali passus est. At illi existimabant eum in tumorem conuertendum, & subito casurum, & mori. Diu autem illis expectantibus, & videntibus nihil mali in eo fieri. Iterum supra modum loquuntur, ait Chrysostomus, nam conuertentes se, dicebant eum esse Deum.

**I V.** Quod non ob sanctitatem Pauli, quæ illis ignota erat, dicebant, sed quia vulgari stultitia ducti, existimabant, id fieri per incantationes: quibus qui vtuntur, non solum incantatores & malefici Deut. 18. 11. & magi Deut. 5. 11. sed etiam diuini vocantur Deut. 18. 11. Isa. 8. 19. & alibi passim. Hic primus fons est magiæ, vt plus, quàm homo, posse videaris. Sed vel à Deo hoc ipso isti tales puniuntur, quo seducuntur. Nihil enim vilius, nihil abiectius est ijs, qui dæmonis mancipia esse voluerunt.

**V.** Fons alter est magiæ curiositas, à qua, teste S. Augustino l. 10. de ciuit. c. 9. & 18. c. 19. desiderium succrescit magicarum artium condiscendarum. Verè ita est. Nam & Lucas Act.



19. 10. eos, qui magicos libros combusserant coram omnibus, disertè scribit, *curiosa fuisse sectatos*. Itaque rectè monet S. Spiritus Eccl. 3. 22. *In pluribus operibus Dei, non eris curiosus: plurima enim super sensum hominum ostensa sunt ibi. Multos enim supplantauit suspicio illorum, & in vanitate detinuit sensus illorum*. Comburantur ergo libri, & cum libris magicis ipsi magi, ne superbia, atque curiositate ipsi alios faciant æternis ignibus comburi.

4. Reg. 1. Ochoziæ regi, ob consultū Beelze. V I. bub Accaronensis Dei oraculū, mortē prædixit Elias. Saul 1. Reg. 28. qui prius abstulerat magos, & ariolos de terra, & interfecerat eos, qui pythones habebant in ventre, ab hostibus concitatus, pythonissam consuluit, postridiēq; eius diei, in peccatis suis moriturus, in gladium suum incubuit. Tales secum habere amabat Pharaos, vt Moyssi negocium facerent. Nolebat, apud Æn. Syluium lib. 4. de Alphonso c. 3. Alphonfus rex hos tales tolerare, alioqui in omne hominum genus munificus ac liberalis. Cuius rei rationem reddebat non nemo istam: *sidera stultos regunt impelluntq; sapientes verò astris imperant*. Rectiùs dixisset Tartara, quàm sidera esse, quæ sic stultos regant. Tam ergo stolidè, quàm impiè agunt, qui, Pharaonis more, in aulis patiuntur, aut secum magos, fatidicos, præstigiatores

332 EMBL. LVII. MALOR. ARTIFICVM.

tores, & similes anguini *oui* factus circumducunt; hosti enim suo capitalissimo, hoc est, ipsi cacodæmoni se credunt regendos: cuius non multum interest, per suosne, an per se, aliquem regat, ac possideat. At fortasse animi tantum causa tales habentur, nec tam ad superstitionem, quàm ad curiositatem circumducuntur? Pulchra oblectatio, si, animi causa, anima pereat!

*O miseri, quorum gaudia crimen habent!*



Dvorum partus magicus iustitiam ex-  
citat dormientem.

# EMBLEMA LVIII.

LVS SCIT, QVÆ TALEM SCIT  
NOBIS PINSERE PANEM.



**F**Abulæ quid non audent? magis mira nar-  
rant, quàm *Si mulier vitulum, vel si bos ede-  
ret agnum*. Immo etiam fingunt feminas,  
quæ *oua* pepererint, more gallinarum. Nam *Se-  
lenitides*, siue *Lunares* feminas Herodorus He-  
racleotes testatur *ouiparas* extitisse, exclusosque  
fætus *πεντεκαδεκαπλασίονας ἡμῶν εἶναι*, quindecu-  
plo nobis *proceriores* esse. Nempe quando è feminis  
*oua* prodeunt, prodeunt ex *ouis* gigantes. Supra  
*Embl. 1.* vidimus, *Chronum*, siue *Herculem ouip-  
arum*, sed tam immensæ magnitudinis erat il-  
lud

lud *ouum*, vt fidem excederet, & meritò fabulis annumeraretur. Nunc omittam fabulas, & historiam ex tripode afferam, verissimam, ac recentem; sed admirabilitate sua, citius ferè fabulæ parem.

**II.** Vix anni seni fluxêre, cum Bonna à fide dignissimo viro scriptum, & relatum est Ingolstadij litteris, quas ipse vidi, legi; captam in ea provinciâ, & in vincula datam veneficam, & verò etiam supplicio affectam, flammisque rogalibus lustratam, quæ, velut forex, suo se indicio prodiderit, in hunc modum. Vicinam habebat, non admodum opulentam. Ea se, inter ceteros rusticos lucrandi modos, etiam gallinarum nutritione, venditioneq; *onorum* sustentare solebat. Sed, quæ est inuidia, aut hominis, aut dæmonis, aliquando malis artibus factum est, vt gallinæ omnes, præter morem, parere cessarent, non hyemis rigore, sed fascino steriles & conclusæ. Hoc vbi simplex femina aduertit, damni doloriq; suo consilium pariter remediûmque à vicinâ petiuit. Hæc busto matura, redire afflictam postero iussit; enimuerò dixit se remediûm præsentissimûm in diem sequentem paraturam.

**III.** Vbi diluxit, illa redijt, nec aliud quidquam à vicina sua, quàm panis haud exiguum frustum accepit. Eum panem micatim iussa est gallinis cessatricibus obsipare. Accepit panem muli-



r, & gratias immortales reddidit, etiam *ouo-  
rum* non contemnendum numerum donatura,  
i ars, immo casus non fefellisset. Postquam do-  
num est reuerſa, nescio, quonam repente nego-  
cio incidente, in granarium ascendit, frusto pa-  
is interea temerè deposito, ac in mensa relicto.  
Dum abest, ingreditur in hypocaustum seruus  
iraneante stomacho famelicus, pater esuritio-  
rum: qui occasione vtendum ratus, vice jenta-  
culi, vtraque manu inuolat in panem, vires ro-  
boraturus antè, quàm cum equis & aratro ad a-  
grum colendum exiret. Bonam jam partem de-  
truncârat panis, cum sensit heram per gradus  
descendere. Maturè ergo se subduxit, parte re-  
liqua & vltima panis mensè reddita. Sed non diu  
latuit furtum. Quanquam alia id est ratiõne,  
quàm ficus Æsopicæ, proditum. Cæpit enim  
illico tumultuari illi venter, & murmurare inte-  
stina, pellisque laterum tendi, in morem tym-  
pani. Veritus est misellus, ne extemporaneo hy-  
drope intumuisſet. Sed paulo post morbum su-  
um ipse risit animaduertens, se identidem de ru-  
stico gallinam factum, & oua moliri, enim uerò  
etiam bono numero parere. Quibus omnibus e-  
gestis, extemplo sensit, se conualuisse.

Id quàm primùm rescivit hera, rescivit vi- I V.  
cinia, pagus, prouinciâ, magistratus; qui non  
dubitauit, tam prodigiôsæ artis auctorem com-  
pre.

prehendere, ac de grauioribus examinare. Examinata ab *ouo* vsque ad hircum, inde vsque ad ro-  
gum est deducta. Simile quid, constanti famâ,  
narratur, in Franconiâ contigisse, nisi, quòd  
hîc artificem & *ouificum* panem non seruulus  
aliquis, sed canis superueniens degulârit, cuius  
virtute (an vitio?) fertur centum & triginta  
*oua*, prodigiosissimo partu, enixus esse.

V. Non disputo, an, aut quomodo vera *oua*, de  
non vera gallina prodierint? Ea est celeritas dæ-  
monis, vt omnem oculi ictum anteuertens, ne-  
mine aduertente, possit cambium facere, & *oua*  
substituere. Ea calliditas, vt etiam ipsis huma-  
nis intestinis ea valeat insinuare. Quo pacto  
quàm mirabilia sæpe videmus ex humano cor-  
pore educi? crinium globos, aciculas, vitrorum  
fragmina, cultros vetustos, pectines, & nescio  
quid non. Sed hæc, vt dixi, non disputo.

VI. Illud moneo, non temerè in eiusmodi  
casibus quosuis, aut quasuis esse consulendas.  
*Hominibus istis*, ait S. Augustin. *serm. 160. de*  
*Tempore*, vt fieri solet, *caput dolebit. Dicturus est*  
*tibi vicinus tuus, aut vicina: Est hic incantator,*  
*est hîc remediator, & nescio ubi Mathematicus.*  
*Tu dicis: Christianus sum, non licet mihi. Et si ille*  
*dixerit tibi, quare? Nonne ego Christianus sum?*  
*Tu dicturus es; sed ego fidelis sum: Et ille tibi. Et*  
*ego Baptizatus sum, Fiunt Angeli diaboli, membra*  
*Christi*

*Christi : quia ipsum possidet inimicus , trahere querit , & alium .* Voluit fortasse & illa Canidia , non tam gallinas facere facundas , quàm vicinam allicere , ad easdem Magicas artes perdiscendas . Et seruus , præter opinionem ac voluntatem tam heræ , quàm magæ , in panem , *ouiferum* incidens ostendit , sæpe alijs veneficia obuenire , quàm quibus destinantur .

Denique vt vellem nullas esse magæ istius VII.  
imitatrices , ita ex animo cuperem , omnes Magistratus fieri huius Magistratus imitatores , & euidentia veneficiorum indicia tam spissè non dissimulare ; sed inquirere , sed punire , ne ipsi à Deo puniantur , tanquam fautores diaboli , & tot flagitiorum permissores . Quibus non ignota est lex diuina : *Maleficos non patieris viuere .* *Exod. 22. 18.* Quod si ergo patiuntur hoc genus hominū viuere , meritò Deus ipsos non patitur viuere , sed famem , pestem , bellum immittit , vt pariter è medio tollat & veneficos , & veneficorum patronos .

Non excusantur , quòd sit crimen hoc oc. VIII.  
cultum , cum toties , & in tam manifesta erumpat argumenta . Nec eos defendit respectus consanguineorum , & amicorum ; sed conuincit . Si enim sciunt vel proprias suas vxores esse eiusmodi Nymphas diaboli , non solùm iniusti sunt , sed etiam lenones , vt qui diabolum pa-

338  
tiantur suum esse rivalem. Si verò ignorant, & tamen metuunt; quo modo diligunt, de quibus tanta crimina suspicantur? aut si non suspicantur, cur metuunt? cur à iustitia abhorrent? Si nihil metuunt, cur non metunt hanc segetem? Videant ergo ipsæ quoque horum vxores, nihili faciendos istos maritos, à quibus sincerè diligere non possunt; aut qui ipsi digni non sint, vt diligantur. Nam coniuges suas vel suspectas, & idcirco exosas; vel, quod deterius est, cum cacodæmone communes habere sustinent: quæ non est patientia, sed dementia, & insanus, amoréque indignus amor vxorum. A quibus quotidie exitium expectare ac timere necesse est, eas diligant? aut illæ eos diligant maritos, in quorum opinione, intelligunt se pro talibus haberi? & tamen vel præ stupore, vel præ furore amari? quod ex animo fieri, vix sibi vnquam persuadebunt. *Oua* diaboli tales fastidiunt, cur ament gallinas diaboli? Certè à viro, cui vel stilla est generositatis, quamuis Saguntina fame prematur, tamen

*Talibus ova Magi si gignant artibus; ipsi  
Ova inebuntur, quæ faciunt, edere.*



Ova à laruatis sparsa, latenti superstitionum pesti similia.

## EMBLEMA LIX.

HEU QVALE MONSTRVM, QVOD  
LARVA EST TEGENDVM?



*Ecce ouum arte noua paritur, pariente sagittâ:  
Sed caue gallinam, non parit oua, iacit.*

**C**um laruis olim luctari dicebantur, qui  
defunctos infectarentur maledictis: hodie  
in multis Italiæ, Galliæ, Germaniæque  
locis, cum laruis ipsæ larvæ, eæque viuæ cum  
viuis pugnant, atque ludendo illudunt. Mos est  
enim Bacchanalia agitare, non in mensis tan-  
tùm & poculis, sed etiam in equis & plateis.  
Illuc personati eunt, currunt, equitant, & vm-

braticam quandam pugnam exercent, non iam florum, sed *ouorum* iaculo petentes eas, quæ de fenestris curiosæ sunt puellæ. Sagitta neruo arcus alligata, ne excussa euolet fugiatque longiter, in summo, cuspidis vice, palam habet, cui inferitur *ouum*, quod solum prouolat excutiturque, expulsâ, sed illico retentâ sagittâ. *Ouum* igitur, quasi tormento eiectû, pro glande plumbea est. Hoc iaculo fenestræ sonant laceratæ, & non rarò etiam feriuntur frontes puellarum. Quæ ne refugiant, & declinent dolum venientem, *oua* nonnulla haud illepidè parantur, vitello & albo extracto, atque in testam vacuam odorifera de rosis, vel aromatis, aqua inducta; ut vbi impegerint ruptaque fuerint, mirifica hominibus fragrantia blandiantur.

- II. Eleganter, more suo, Puteanus or. 20. rem totam describit in hunc modum. *Efflari medulla angustissimis foraminibus solet, florum succus infundi; testa verò nunc emblemate ornatur, nunc lineis obducitur, nunc stellis spargitur. Putes ouum in gemmam conuersum, & sic vacuum preciosius esse pleno. Hæc munera in sinum domina amator mittit, hæc missilia in populum spargit. Alius blando iactu fenestras petit, alius parietes flagellat, alius limina salutat: quamcunque formam quisque dignam putat ouo. Suavis hæc, & interdum sereno caelo, tempestas est. Quid dicam? Iouis personam, ut*

& Dii iam larvati sint, ipse Bacchus sumit: grandinem hiberna adhuc manu missurus, ova iaculatur, ac iam putares in ova grandinem succreuisse. Hic capite, ille pectore, iste manu ictum excipit, nemo tamen læditur: perluitur, & odorem amat.

Hoc odore postquam inescati sunt, qui, aut III. quæ de fenestris prospiciunt, & iam etiam vltro captant ova volantia; mutatis repentè armis, pugnatur, nam ova vera, sed vetusta ac tetrùm fœtentia proijciuntur: quæ vbicunque fuerint illisa, Auernalis cuiusdam Mephitis vestigia relinquunt, pestemque naribus faciunt. Tum demum animaduertitur, quid sit cum larvis pugnare.

Quid dicam? ecce peccatores intenderunt ar. IV. cum, parauerunt sagittas suas in pharetra, ut sagittent in obscuro rectos corde. Psal. 10. 2. Nullus tam est peccator, quàm diabolus, qui semper peccat, atque etiam, dum bona suadere videtur, malè suadet, quia malâ mente. Hic peccator semper in vulnus nostrum, inque perniciem arcum habet intentum, paratâsque, seu cupidinis, seu mortis, sagittas. Multos percutit in obscuro, & ignorantes; multos in aprico, & in ipso sole vulnerat scientes volentésque. Qua de causâ Ps. 90. 5. cauere iubemur (scuto veritatis) à sagitta volante in die.

Sed inprimis decipit larvatus iaculator, ova V.

spargens cinnameo odore plena, dum *sacra nomina*, dum *cereos*, dum *res benedictas*, dum ipsam *crucem* sacrosanctam iubet ad vanissimas superstitiones adhiberi. Quis dæmonem crederet talia suadere? quid mali potest subesse, sub tantis bonis? Et tamen quoties se abscondit sub hac larua stygius insidiator? Neq; *oua* hæc bono odore imbuta diu, aut semper vibrat. Citò ab his declinat, ad apertos foetores, atque ad illa *oua*, quæ in multis locis, certis anni diebus, superstitionissima puellarum gens, sibi in capite elisa, & in aquam infusa, velut speculum inspicit, visura nimirum futuri sui mariti vultum speciemque. Quasi in *ouo* sit vis diuinandi, immo monstrandi ea, quæ sunt euentura. Quàm foedè *ouis* maculantur istæ? Quibus iam dudum, vt veteres loquebantur, *siremse in lege*, dictum est: non declinetis ad magos, nec ab ariolis aliquid sciscitemini, vt polluamini per eos, ego Dominus Deus vester. *Leuit. 19. 31. Et Deut. 18. 10. Non inueniatur in te, qui ariolos sciscietur, & obseruet somnia atque auguria, nec sit maleficus, neque incantator, nec qui Pythones consulat, nec diuinos, aut quærat à mortuis veritatem.*

VI. Satis hæc *oua* fugere deberet, qui agnoscit, ea esse ab hoste humani generis profecta, quamuis sub larua lateat. Quam illi detrahit S. Cyprianus de idol. *vanit.* his verbis: *Horum omnium ratio*



ratio est illa, qua fallit & decipit, & prestigijs cantibus veritatem, stultum & prodigum vulgus inducit. Spiritus insinceri & vagi, qui posteaquam terrenis vitiis immersi sunt, & à vigore celesti terreno contagio recesserunt, non desinunt perditum perdere, & deprauati errorem prauitatis infundere. Et infra, Hi ergo spiritus sub statuis atque imaginibus consecratis delitescunt, hi afflatu suo, vatum pectora inspirant, extorum vibras animant, auium volatus gubernant. Sortes regunt, oracula efficiunt, falsa veris semper inuoluunt: nam & falluntur, & fallunt: vitam turbant, somnos inquietant, irrepentes etiam in corporibus occultè mentes terrent, membra distorquent, valetudinem frangunt, morbos lacerant, ut ad cultum sui cogant: nec aliud illis studium est, quàm à Deo homines auocare, & ad superstitionem sui ab intellectu veræ religionis auertere: cum sint ipsi pœnales, querere sibi ad pœnam committentes, quos ad crimen suum fecerint errore participes.

Eò vsque progreditur superstitionis infania, VII. ut iam nihil intactum relinquat, aut incontaminatum. Quare & ipsis ouis, eorumque nunc succo, nunc cortice vititur, in malarum artium instrumentum. Ridentur gallinæ, quarum stoliditas libentiùs parit, cum iam priùs ouum in nido conspiciunt, quamuis ligneum, vel marmoreum, aut ex alio lapide candido effictum.

Rideatur potiùs hominum dementia, quæ non modò subinanibus, aut simulatis, mentientibusque, sed etiam superstitiosis, sed è Proserpinæ, & Hecates calatho petitis *ouis* se ipsam frustratur. Maior enim stultitia est, rem ad cærandū factam, adhibere ad peccandum; quàm ligneum, aut lapideum *ouum* pro vero aspicere; luculentior infania est, res sacras in instrumenta diabolorum conuertere, quàm vice *oui*, saxum velle excludere.

*Non est, fallimini, sacrata non est,  
Non est, ô vetula, sacrata quauis  
Ars, qua res adhibere scit sacratas.*



Ovo delusis similes, qui diabolo credunt, vel de astris, vel aliunde magna pollicenti.

## EMBLEMA LX.

QVOD NON EXPECTAS, HABEBIS.



**A** Gyrtæ, qui vel præstigijs, vel agilitate ludos faciunt, vt faciant lucrum, in circulis persæpe hominem statuunt vel rusticum, vel alium quempiam, qui Solonis parum, Salomonis nihil habet. Ei cum persuadent, vt hiant ore dentes ostendat, suone numero, aut sanitate constent; vel vt monstret, se inibi nihil abscondisse; mira quadam celeritate *orum* insinuant, inq; ipso rictu confringunt, vt deridiculo habeant. Quod & in aulis faciunt illi, qui-

Y s

bus

bus, inter equorum strigiles, in stabulis, libet joculari: nam *orum* putiscens, monstrato & promisso pomo, in saccum, aut sinum iniiciunt, atque inibi, per speciem palantis ac blandientis, confringunt. Socios ergo ijs poppismis adorant, ut si efflictim amarent. Nec verò quidquam est facilius, quàm fallere adulando.

**II.** Talis præstigiator, circulator, & stabularius est ille, qui *circuit quarens, quem deuoret. 1. Pet. 5.* Aliud agit, dum aliud promittit; & plerumque eos risui exponit, quos largissimis pollicitationibus suspendit, & tanquam hiantes coruos decipit, bolo non expectato. Eiuscemodi fraudes etiam ab Ethnicis deprehensas S. Cyprianus *de idol. van.* in hunc modum refert. *Regulus auspicia seruauit, & captus est; & Mancinus religionem tenuit, & sub jugum missus est. Et pullos edaces Paulus habuit, & apud Cannas tamen casus est. C. Caesar, ne ante brumam in Africam nauigia transmitteret, augurijs, & auspicijs retinentibus, spreuit, & eò facilius nauigauit, & vicit.* Scilicet ut nemo circumforaneo ludificanti sapiens se credit, ita rectè ista spernuntur, quæ ab Acherontico circuitore ortum habent; neque utilia esse possunt, cum sint ab hoste tali. *Non immerito ait S. Augustin. l. 5. de Ciuit. c. 7. creditur, cum astrologi (iudiciarij) mirabiliter multa verare-  
spondent, occulto instinctu fieri spirituum non hono-  
rum:*



rum: quorum cura est, has falsas & noxias opiniones de astralibus fati inserere humanis mentibus, atque firmare, non horoscopi notati & inspecti aliqua arte, quæ nulla est, sed nocendi voluntate. Et quia nihil pronius est diabolo, quàm mentiri & fallere, agyrtam agit, hiantesque eludit, spe illorum, velut ouo, fracta, atque in ludibrium & damnum credulorum versa.

Laurentius Surius *Comment. rev. in orbe ge* III.

*star. An. 1544. de Muleasse Tunerano rege*  
 hæc, inter cetera habet. Fuit ille rex superstitioni Machometane addictus, & astrorum obseruator, quæ res ei certissimum exitium attulit. Visum enim ipsi fuit ex fatali, ut putabat, astrorum influxu, amittendi regni, & dire mortis cladem sibi impendere. Eo partim nomine discessit ex Africa, sed eo ipso discessu cladem, quam euitare voluit, in suas cervices acciuit. Atque utinam vel Christiani tandem discerent, vanissimam eam esse, quæ ex astris petitur, rerum futurarum, immo & superstitosam, atque ideo illicitam diuinationem. Scilicet liberum hominis arbitrium Deus astris subiaccere voluit, quæ in hominū ministeria condita sunt. An non scriptura eidentissime dicit, juxta vias gentium nolite discere, &c. à signis cali nolite metuerè, quæ timent gentes, quia leges populorum vana sunt? Ierem. 10, multis locis diuus Augustinus, ut alios prætermittam, in hoc genus superstiosæ diuinationis acriter

inue-

inuehitur, & mathematicos egregiè perstringit. Lib. 2. de doct. Christi c. 21. 22. & 23. quos, dum ex stellarum positione actiones nostras, vel actionum euentu predicere conantur, nimium errare dicit, & vendere imperitis hominibus miserabilem seruitutem: immo eiusmodi predictionem, magnam demeritiam vocat. Quod autem non raro eueniant, quæ ab ipsis Astrologis predicuntur, eius causam idem vir sanctissimus exprimit his verbis: illusionibus & deceptionibus præuicatorum Angelorum euenit, ut istis superstitiosis & perniciosis diuinationum generibus multa præterita & futura dicantur, nec aliter accidant, quàm dicuntur, multaq; obseruantibus secundum obseruationes suas eueniant, quibus implicati curiosiores fiant, & se se magis magisque inse-rant multiplicibus laqueis perniciosissimi erroris &c.


- IV. Verùm ad Muleassem reuertamur. Dum Neapoli moraretur, ubi eum Cæsar iussit subsistere post Niceæ arcem frustra à Barbarussa oppugnatam, certis ex Africa nunciis didicit, Amidam filium, ipsius amicis & præfectis trucidatis, Tunetum & arcem occupasse. Eare vehementer perturbatus, militem conscribit, magna celeritate, confluuntq; breui ad eum mille & octingenti homines, issq; nauibus impositis, Guletam proficiscitur. Sperabat enim se filium nondum confirmatis viribus facile oppressurum, nec prorex Petrus Toletanus eius consilia improbat.

bat. Amidam filium quidam proceres corruperant, excitatis vanissimis rumoribus, Muleassem Neapoli discessisse è vita, & per summum scelus ante obitum Christiana religione initiatum esse. Amida his rumoribus, & procerum consiliis permotus, Tunetum se confert, sed inde tunc excedere compulsus est, quòd Tunetani de Muleassis morte nihil comperti haberent. Heret interim in hortis Martiis, & rursus oblata ab insperato occasione, à Tunetanis quibusdam euocatus, qui Muleassem odissent, Tunetum reuertitur, aliquot ipsi aduersos perimit, & in arcem se recipit, paruo momento urbe, arce & regno potitus. His de causis, ut diximus, Muleasses conscriptis tumultuarijs copiis in Africam traiecit.

Vbi Guletam venit, à Francisco Tonarre Casa. V. ris prefecto admonetur, ne cum tam parua manu Tunetum adeat, nisi Tunetanorum ciuium animos prius habeat exploratos. At illum facile fefellerunt proceres quidam Afri ex urbe progressi, qui gladiis iugulo admotis, more gentis, fidei militaris sacramentum ei dicunt, Amidamq; ipso conspectu celeriter urbe excessurum confirmant. Mox ille, plurimum deterrente Tonarre, Tunetum pergit, & in itinere rursus ab Hispanis equitibus à Tonarre missis admonitus, ut sibi ab insidiis; quæ iuxta urbem essent, caueret, in proposito perseuerat. Vbi autem ad urbem propius accessit, erumpentibus tum ex urbe, tum ex oliuetis Afrijs, ex eim exercitu periêre supra mille

mille & trecenti, & ipse Muleasses fugiens, nulla re  
 alia magis quàm unguentorum odore ab hostibus  
 agnitus & captus est. Eum ad se adductum, Amida  
 filius utroque orbatum lumine crudeliter excecat  
 candenti scalpello procissa utriusque oculi pupilla.  
 Idem pertulère duo Amidæ fratres, cum Muleasse  
 capti, Nabaser & Abdalas. Hæc Surius. Ex qua  
 vel vnica historia, ab eodem copiosius adhuc  
 continuata, perspicuum fit, quàm miserè non  
 jam oua, sed spes ingentes frangat stygius ille  
 promissor, per ipsa astra, ad tartara ducens suos  
 admiratores, quod planè miserum genus est  
 pereundi. Alij terrenis rebus grauantur, & ad  
 exitium trahuntur; isti dum cælestia tractant, fi  
 unt scelesti, cælumque amittunt cælo inhian  
 tes.

*Que deceptio maior esse possit?  
 Per calum Astrologi ruunt ad Orcum,  
 Et per SIDERA Tartarum merentur:  
 Quis non diceret, esse SIDERATOS?*





Peccati grauis odor, in odore oui  
perceptus.

EMBLEMA LXI.  
HARIOLARE NARIBVS, LICET.



**S**æpe ouum, quod Agyrta in ore alterius i.  
frangit, etiam foetet, vt odore graui pari-  
ter molestat, ac liquore contaminet. Hor-  
reretur foetor, non dubiò, si sciretur. Et sunt, qui  
hac sciendi arte polleant. *Illud non vanum*, ait  
Cardan. l. 7. de rer. var. c. 39. *cocum me agno-  
uisse Principis Istonij, qui odore seligebat oua nuper  
nata, ab his, quæ iam diu. Ratio discriminis clara  
est: olent enim quid grauius, ob sanguinem & vte-  
rum gallina. Sed oportet in rebus tenuissimis, longa  
& diligenti obseruatione, velut in gemmarum di-  
gnotione, vti.*

Ita

**I I.** Ita *oua* recentia foetent, quasi homo, quem in peccatis concepit mater sua *Psal. 50.* adhuc vterum olens, & nondum ablutus à peccato originali. Longè autem grauius olent *oua* vetustate vitiata, præsertim fissa; vt planè etiam peccator, suis facinoribus corruptus. Cui viscera contabescunt, eius halitus totus foetet, tantàmque mephitim exhalat, vt putes te ab Acherronte, non procul abesse, aut à stygia, vel Lernaë palude. Ô quàm foetentem animam habet peccator! nihil eâ foedius, nihil magis abominandum! *Sicut putredo*, inquit S. Bonauentura in *Diæta salutis c. 2.* aufert poma decorem, valorem, colorem, odorem, & saporem: sic peccatum aufert animæ decorem vitæ, & odorem famæ, valorem gratiæ, & saporem gloriæ.

**I I I.** Narrat Petrus Damianus ep. 3. ad *Blancam Comitissam cap. 9.* detestabilem è splendidissimo sepulchro feminæ nobilissimæ *Sophiæ* delicatiùs nutritæ, foetorem integro anno fuisse exhalatum. Sed hoc post mortem. In vita quoque non est boni odoris impius. Et vide mihi quantus sit peccatoris foetor. Refert Cyrillus monachus in *vita S. Euthymij*, fuisse aliquando obuiam factum S. Euthymio virum, qui sola mentis cogitatione turpe aliquid versaret, & tamen tam Auernalem spiritum auramq; pestilentem afflaret, vt ille graui odore percussus, à damone se in-

inseffum arbitraretur. Hoc vir in viro sensit. Fuerunt & feminae sagaces. Scribunt Anton. Senenf. Sur. & Ribaden. *ex Raimundo*, Catharinam Senis natam, vsque adeò pios ab impijs distinxisse, vt impudicæ secum loquentis mulieris horrendum foetorem tolerare non potis, nares fuerit coacta obturare. Cum verò Raimundus, qui illi à confessionibus erat, gestum hunc admiraretur, respondit Catharina, se, ni hoc fecisset, præ nausea & animæ illius exhalata peste foetoreque, fuisse vomituram.

Et si alium vis cocom *oua* odore distinguen- IV.  
tem, refert S. Antoninus *4. p. summa tit. 14. c. 6. §. 1.* Angelum aliquando Eremicolæ cuidam viæ se comitē, spectabili forma adiunxisse, alio occurrente adolescente preciosissimè palliato; cuius vestes Arabiam, cinnini Palæstinam, chirothecæ seplasiā, manus balsamum, os cinnameum quiddam spirabant. Hic admirari Eremita, & alterum sibi Angelum obuium fieri existimare, ac optare, vt totum se natura nasum faceret. At Genius cælestis, omnia in diuersum faciebat, ostendebatque, plerumque *non bene olere, qui bene semper oleret*. Nam tam comto pusione prætereunte, nares sibi vtrāq; manu compressit obstruxitque; quod paulò prius, cum putidissimū, & graueolentissimū cadauer transiret, nequaquam fecerat: vbi tamen Eremita arbi-

tratus erat, præ intolerantia foetoris, sibi mori-  
endum, certè verò, suspenso pulmone, animam  
tantisper differebat reciprocare, ne tantam na-  
rium pestem vnà attraheret. Miranti igitur illi,  
& causam cognoscere desideranti, testatus est,  
longè se plus horridi foetoris ex adolescentis  
istius flagitijs, quàm Eremitam è corpore tabi-  
do, persensisse.

V. Et cur non persensisset hanc peccati abomi-  
nationem Angelus, cum apud Sur. 16. *Nov. c. 19:*  
in vita S. Edmundi, Edmundus sæpenumero di-  
xerit, malle se in fornacem ardentissimam, quàm  
in vnicum peccatum lethale præcipitem cadere?  
Et D. Anselmus apud eund. Sur. 2. *April.* dicere  
solebat, non iam in fornacem, sed in ipsum In-  
ferni barathrum se, quàm in peccatum malle  
præcipitari. Si tantus peccati, apud homines est  
foetor, quantus erit apud Deum, omnia longè  
acriùs iudicantem? Et adhuc foetorem istum  
amamus? immo sæpe de eo gloriamur?

VI. Ducit hîc foetor peccati ad foetorem supplicij.  
Qui quantus sit, luculentâ historiâ demonstrat  
Thomas Cantiprat. *lib. 1. Apum cap. 7. parag. 3.*  
Sed quia is auctor in manu est, exscribam aliam  
*ex Epist. Cyrilli, quæ inter opera S. Augustini*  
*est, & gesta à S. Hieronymo ad S. Augustinum scri-*  
*bit.* Ibi qualiscunque tandem Cyrillus, etiam  
hæc habet. *Nepos quidam meus Rufus nomine,*

*viro-*



utroque priuatus parente, anniculus ad meas de-  
uenit manus. Quem tanta diligentia suo infortu-  
nio enutriti, ut plures eum à me genitum credi-  
dissent. Crescens itaque puer etate, non sapientia;  
ingenti pulchritudine corporis, sed non anima, pro-  
bis moribus, elegantia multa sapientiæ decoratus, à  
cunctis amabatur. Is igitur XVIII. etatis sue an-  
no mortuus est, flentibus eum cunctis. At ego nimis  
eum diligens rogari gloriosum Hieronymū, ut quid  
ei contigerit, mihi reuelaret. Oranti itaque mihi,  
die quadam, hora nona tantus foetor adfuit, ut om-  
nino tolerare non possem. Cogitans unde tantus hic  
foetor, conspicio supremè infelicem meum nepotem,  
quasi catenis igneis religatum, fornacis instar flam-  
mas fœdissimas emittentem. Cum itaque treme-  
bundus interrogare saepe disponerem, nec possem, re-  
sumto tandem spiritu inquisiui tremens, si ipse  
meus nepos esset. Heu, inquit, ille, utinam nunquam  
fuissem, ne tam diris pœnis affligerer, nam aternis  
scias me pœnis deputatum. Post longam igitur col-  
lationē, quæro, quæ causa suæ damnationis esset, cum  
tamen in mundo tot virtutibus sic polleret. Pro nulla  
alia (inquit) causa, nisi quia ludis delectabar. At  
quia in morte accepta pœnitentia, quasi stulta igno-  
rantia (ut debebam) nolui confiteri, diuinam non  
merui veniam adipisci. Et hoc dicens disparuit. Post  
quem talis foetor remansit, quod nullus locum aude-  
bat introire. Sic foetent hirci.

VII. Vel si nondum nauseam creat, nimis brevis  
foetor, accipe, quæ Palladius in *hist. Lausiaca* de  
Pachomio refert. Huic enim cum insidiator  
stygius forma muliebri, quamvis deformi, &  
tanquam Æthiopa apparuisset, ut vnà & laruam  
& tentationem à se reijceret, colaphum excus-  
sissima inflixit manu. Sed ecce, quantus sit fœ-  
tor Acherontis, illicò dexteræ percutientis ca-  
dauerosus, & intolerabilis odor adeò adhæsit  
pertinaciter, ut duobus integris annis, deteri  
non posset, quid adhæsisset animæ illius, si pec-  
cauisset? quando hoc contigit manui resistenti?

*Pes alijs, alijs hircus sudante sub alâ*

*Fœtet, plaga alijs; quid scelerato? anima.*



Super-

Superstitionum vanitas, in superstitione  
 so Iuliae Augustae ouo reprehensa.

# EMBLEMA LXII.

NON AVGVSTVM EST, QVID.  
 QVID FECIT AVGVSTA.



**I**ulia Augusta, prima sua inuenta Tiberio Cesare I.  
 ex Nerone granida, cum parere virilem sexum  
 admodum cuperet, hoc vsa est puellari augurio,  
 ouum in sinu fouendo, atque cum deponendum ha-  
 beret, nutrici per sinum tradendo: ne intermittere-  
 tur tepor. Nec falso augurata proditur. Plin. l. 10.  
 c. 55. Quod etiam refert Petrus Crinitus. l. 11.  
 c. 5. de honesta dis. Rectius fecisset Iulia, si colum,  
 quàm ouum in manum sumsisset. Vniuersim re-  
 ctè refellit S. Augustinus. Apud quem l. 4. de ci-

uit. 6. 30. Cicero Augur ipse irridet auguria, & reprehendit homines corui, & cornicula vocibus, vita consilia moderantes. Quod quidem fecit Cic. lib. 2. diuin. Vbi etiam scribit, Pompeio, Crasso, & Cæsari, ab omnibus Chaldaïs prædictum fuisse, eos domi ætate iam affecta, immensa cum gloria morituros, quod tamen non euenerit. Crassus enim apud Euphratem summa cum ignominia obiit. Pompeius in Ægypto longè miserabilioribus modis trucidatus; Cæsar multis vulneribus, in ipso senatu, confossus est. Potuisset igitur & Iulia ouum suum gallinæ relinquere: aut Keiuuini patientiam potius vsurpare, de qua supra Embl. 53.

- II. Certè aruspices, augures, aut fulgurales, aut quicumque harioli Iuliæ adulaturi faciliè poterant, ouum porrigere, de quo rusticorum experientia nouit, prolem masculam nascituram. Qualenam illud? Horat. ser. 2. Satyr. 4.

*Longa quibus facies ouis erit, illa memento,*

*Vt succi melioris, & ut magis alba rotundis*

*Ponere, namq; marem cohibent collossa vitellum.*

Et Columella l. 1. Cum uolet aliquis quàm plurimos mares excludi, longissima quæque, & acutissima subijciat; & rursus cum feminas, rotundissima. Tota ergo ars aruspiciis fuit, superstitiosæ Iuliæ ouum longum dare, ex quo sciebat marem proditurum. Cetera casui commissa, & fortè à Deo permissa sunt.

Meri-



Meritò igitur etiam Romani sapientes hæc **III.** talia contemserunt. Cato, teste S. Augustino. *l. 2. doct. Christ. c. 20.* cum esset consultus à quodam, qui sibi à soricibus erosas caligas diceret; respondit, non esse illud monstrum, sed verè monstrum habendum fuisse, si sorices à caligis roderentur. Eodem lib. *c. 23.* Augustinus ostendit, etiamsi aliquando eueniat, quod ab impostoribus istis prædicatur, tamen fiduciam in tali arte non esse collocandam; cum Deus *Deuter. 13. 1.* disertè moneat, cur id ita euenire permittat, dicens: *Si surrexerit in medio tui propheta, aut qui somnium se vidisse dicat, & prædixerit signum atque portentum, & euenerit, quod locutus est, & dixerit tibi: Eamus, & sequamur Deos alienos, quos ignoras, & seruiamus eis; non audies verba Prophetae illius, aut somniatoris, quia tentat vos Dominus Deus vester, ut palam fiat, utrum diligatis eum &c.*

Interim ne infallibilitas superstitioni concii- **IV.** liet auctoritatem, sæpius hæc talia fallunt. Quare Seneca, in libello de morte Claudij Caesaris, refert, Astrologos quotannis, immo singulis mensibus, consueſſe prænunciare mortem Claudij, cum tamen dilata mors per annos quatuordecim eos deluserit. Certè Phauorinus apud Gelium *l. 14. c. 1.* audet dicere, vera à Mathematicis prænuntiata non esse partem millesimam mendaciorum, quæ effutiunt quotidie. Et quid certi afferrent

de animi liberi motibus, aut de fortuitis euentis, qui ne cæli quidem tempestates habent cognitæ? Affirmat Io. Picus, *in libris contra Astrologos*, se, cum longo tempore istas tempestatum mutationes obseruasset, & semper ante oculos haberet alicuius Astrologi prædictiones, intra continuos 130. dies, non deprehendisse septem, in quibus non fuerint hallucinari. Et multi Caledaria faciunt æquè veracia, cum alijs Caledarijs vbique contrarium annotant, & turbido serenum, aut sereno cælo turbidum opponunt. Quo pacto igitur haruspiciæ Iuliæ præscient, maremné, an feminam sint parituræ, si neq; astrispices sciunt, quid sit tempesta paritura?

- V. Aut cur ouo credunt, cum aues fallant? Thom. Cantiprat. *l. 2.* hæc habet: *Narrauit nobis anno præterito beata memoria Theobaldus Abbas Eberbacensis, quod quidam conuersus, cum nescio quò tenderet, & auem, quæ cuculus dicitur, à voce nomen habens, crebrius cantantem audiret, vices interruptionis enumerauit, & viginti duas inueniens, easque quasi pro omine accipiens, pro annis totidem vices easdem sibi computauit. Eia, inquit, certè XXII. annis adhuc viuam, ut quid tanto tempore mortificem me in ordine? redibo ad seculum, & seculo deditus, viginti annis fruor deliciis eius, duobus annis, qui supersunt pœnitebo. Haud dubiū, quin diabolus, qui supra dictum conuersum, ut Epi-*  
*scop-*

*scopus fieret, ad credendum induxerat, aperto sermone, & huic suaserit, ut tali augurio fidem adhiberet, occulta suggestione; sed dominus, qui augurium odit, aliter quàm ille ordinauerat, disposuit. Nam duos, quos poenitentia deputauerat, annos, cum in seculo viuere permisit, & annos viginti deliciis ordinatos, iusto suo iudicio, subtraxit. Ecce tales sunt promissiones diabolicae.*

Et tamen his omnes anguli pleni. Meliùs esset nihil ab aniculis discere, quàm id, quod ipsæ à diabolo didicerunt. Quale est prorsus & illud diuinantium, certis antè Natalem Christi, noctibus, puellarum, qualemné, aut è qua vrbe, vel domo maritum sint adepturæ? Nam *ouo* in vitrum aqua plenum effuso, & vrbes, & domos, & sponfos, utique Albinos, Albutios, aut Vitellios, ab *oui* albo, aut vitello natos, credunt se spectaturas. Neque hac stultitia contentæ sunt, ut credant se spectaturas; multarum amentia vsque eò progreditur, ut persuadeant sibi, quod sperauerant vanè, verè spectauisse; dignæ phantasticis maritis, quæ phantasticis sponfis se ipsas fefellerunt: quemadmodum & illi, qui malis auspicijs olim negocia sua peregerunt, ad quæ se bonis auibus ire arbitrabantur.

*Consilium toties si vos, antiqua, fefellit,  
Secula; quid mirum? consulistis aues.*

Agyrtæ ova attollenti, & reuocanti similis diabolus.

## EMBLEMA LXIII.

CERNIS, VT ASCENDANT? VNA  
VERTIGINE TOLLO, AST ALIA  
REVOCO.



- I. **S**. Serapion, apud Theodoret. & in *hist. SS. PP. c. 83.* vt quosdam, qui histrioniam  
• factitabant, de ludo ad seria, atque ex Orco ad Christum duceret, in mancipium se illis tradidit; Seruatorem imitatus, qui & ipse *formam serui accepit*, vt hominem ab Orci seruitute liberaret. Diuersum morem habet diabolus, qui homines à serijs ad ludos, à Christo ad Orcum ducit, & libertatem promittit, vt mancipia faciat,



faciat. Similis illis circulatoribus, qui vno, vel tribus *onis* perticæ, in morem canalis, excauatæ, impositis, ac sensim subleuatis, in orbem se rotant; *oua*q; ipsâ vibratione motus, quasi viuerent, serperentq;e, sursum versus, vsque ad apicem prouehunt. In summo vbi hæserunt aliquamdiu, mox circulum recalcans se in gyrum contrario circuitu vertit egregius promotor, ac rursum descendere *oua* sua pro imperio iubet, itaque ex summis ima facit, quasi idcirco in altum sustulisset, vt ad humilia reuocaret. Sæpe etiam, post longum eiusmodi ludum, *oua* cum ipsa pertica humi applaudit, allisq;e frangit.

Talem ludum quotidie ludit diabolus, pe- I I.  
stilens histrio. Vendit se quidem, & vendi finit, non vt mancipium sit, sed vt mancipium faciat, quemcunque à serijs ad nugas, à veritate ad vanitatem, à libertate ad vincula auocat. Et sanè multos *tollit in altum*, *Vt lapsu grauiore ruant*. Non enim est mos illi velle exaltare, sed humiliare mortales. Itaque si quos ad alta promouet, dolo id facit, vt possit præcipitare; &, in morem lignatoris agit, qui securim extollit, vt affligat. Quàm multos ille à plumbo securos facit, vt ferro occupet incautos? Quid dicam dona non dona, aut plus quàm hostilia dona? scilicet sanitates ab illo datas, vt viuo corpore animas occidat? Quid referam ipsas cruces, & ceras sâ-  
cras,

cras, ipsas aquas consecratas, ipsas Missas & Eucharistiam, qua nihil est sanctius, ab eo adhiberi ad sacrilegas artes, vt non solum res istas ignominia afficiat, sed etiam hominum quorundam decipiat simplicitatem? Quos sæpe audiui-  
 mus dicentes: *Quid mali hoc esset? cum Sacrosanctum IESU nomen, cum diuina Trinitatis persona, cum cruces adhibeantur?* Quasi vlla res tam sit sancta, vt abusu non possit cantaminari? aut quasi Tartareus histrio non possit *oua* attollere cælum versus, quæ vult in terra frangere? aut quasi non soleat etiam in hoc histrionem agere, vt res sacras imitetur?

II. Quoties hunc simium depingunt Iulius Firmicus in libello de profanis gentium erroribus, Tertullianus lib. de prescript. Origenes & alij? Audi Sanctum Augustinum tract. 7. in Io. Illi ipsi, ait, qui seducunt per ligaturas, per praeantationes, per machinamenta inimici; miscent praeantationibus suis nomen Christi: quia iam non possunt seducere Christianos, vt dent venenum, addunt mellis aliquantum, vt per id, quod dulce est, lateat quod amarum est, & bibatur ad perniciem. Vsq̃ue adeò vt ego nouerim aliquo tempore illius Paleati (alij legunt pileati. vide Iac. Gretser. cap. 5. Paralipomenon) Sacerdotem solere dicere; & ipse paleatus Christianus est. Vt quid hoc, fratres, nisi quia aliter non possunt seduci Christiani? Ne queratis ergo  
 alibi

*alibi Christum, quam ubi se voluit predicari Christus.* Aiunt dæmonem malum, cum se spectandum hominibus præbet, semper de pede capri-  
no, aut capite cornuto, vel alia nota prodi: sic  
ligaturæ, atque anicularum carmina, & amu-  
leta, plerunque talia sunt, vt alienum non sit  
suspiciari, ea esse nomine Christi vestita, sed frau-  
de diaboli; vt superstitione velum habeat.

Qui nomine Christi fallit, fallit etiam tem-  
plis Christi. Hinc multæ mulierculæ, vt, velut IV.  
*ouum* in cælum conscendere videantur, hærent  
perpetuò in templis, plenæ diabolis. Quan-  
quam enim rectè Gregor. Tolosan. *l. 13. de Rep.*  
*c. 18. n. 21.* scribat, veneficas nusquam pacem  
maiores, quàm in templis inuenire, quò scili-  
cet, ob sanctitatem loci malus Angelus non po-  
test semper, neq; pro arbitrio accedere; tamen  
pleræque sagæ idcirco templum frequentant, vt  
malitiam suam hypocrisi tegant; immo etiam,  
vt in templo, vbi alij precantur, diras execra-  
tiones ferant, in Deum, & sanctos. Hætales Do-  
ctrices, quia piæ volunt videri, de templis pro-  
deuntes, res sacras adhibent, vt velent ligatu-  
rarum suarum superstitiones. Quas nemo vn-  
quam satis oppugnabit. Velut lolium crescunt,  
instar Hydræ pullulant.

Quamobrem meritò S. Augustin. loc. cit. V.  
*Quando nobis delet caput, non curramus ad præcan-*

tatores, ad fortilegos, & remedia vanitatis. Fratres mei, non vos plangam, quotidie inuenio ista, & quid faciam? Non persuadeo Christianis in Christo spem esse ponendam? Ecce, si cui factum est remedium moriatur? Quam multi enim cum remedijs mortui sunt, & quam multi sine remedijs vixerunt? qua fronte exiit anima ad Deum? perdidit signum Christi, accepit signum diaboli. An fortè dicet, non perdidit signum Christi? Ergo signum Christi cum signo diaboli habuisti. Non vult Christus communionem, sed solus vult possidere, quod emit. Tanti emit, ut solus possideat, tu facis ei consortem diabolum, cui te per peccatum vendideras. Vae duplici corde, qui in suo corde partem faciunt Deo, partem faciunt diabolo. Iratus Deus, quia sit ibi pars diabolo, discedit, & totum diabolus possidebit. Non frustra itaq; Apostolus dicit. Neque detis locum diabolo. Cognoscamus ergo Agnum fratres, cognoscamus pretium nostrum. Infra. Cum caput tibi dolet, laudamus si Euangelium ad caput tibi posueris, & non ad ligaturam cucurreris. Ad hoc enim perducta est infirmitas hominum, & ita plangendi sunt homines, qui currunt ad ligaturas, ut gaudeamus quando videmus hominem in lectulo suo constitutum iactari febribus & doloribus, nec alicubi spem posuisse, nisi ut sibi Euangelium ad caput poneret; non quia ad hoc factum est, sed quia praelatum est Euangelium ligaturis. Si ergo ad caput ponitur, ut quiescat dolor

capi-



capitis, ad cor non ponatur, ut sanetur à peccatis?  
Fiat ergo. Quid fiat? Ponatur ad cor, sanetur cor,  
bonum est. Ita S. Augustinus, qui alibi sæpe, cum  
sacris litteris, & cum eo alij SS. Patres, itémque  
Ecclesiasticæ & ciuiles leges acriter monent, ne  
sacra putemus, quæ sunt sacrilega: & ne velut  
paua nos sursum rotari sinamus, mox histrioni-  
ca fraude à charitate ad carnalitatem, & à san-  
ctis ritibus, ad diabolicas cæremonias descen-  
turi.

*Bis miser est, quisquis rebus se perdit honestis:  
Et grauius celsò culmine lapsa cadunt.*



Ova aspidum, sunt dogmata Hæreticorum.

## EMBLEMA LXIV.

NEC FOVEAS, NEC EDAS: NVLLIS SVNT VSIBVS APTA.



- I. **I**saïas Prophetes, inter ceteras causas, quas affert, cur benignus & potens Deus tamen Iudæos non exaudiat, ait etiam c. 59. 5. *Ova aspidum ruperunt, & telas aranea texuerunt: qui comederit de ovis eorum, morietur: & quod confutum est, erumpet in REGVLVM.* D. Gregorij l. 15. moral. c. 8. verba sunt: *Ova aspidum pravis hominibus rumpere, est malignorum spirituum consilia, quæ in cordibus latent, peruersis operibus aperire.* S. Hieronymus in c. 59. *Isaia, per ova aspidum*

intelligit peruersam Iudeorum & Hæreticorum doctrinam. Quos ibidem Propheta rectè describit *iustitiam* à legibus præscriptam (internamque) contemnentes, & de caussis ad se delatis (deque scripturarum diuinarum sensu) præposterè iudicantes; suaque somnia, pro Dei Verbo, iactantes, dum ait: *Non est, qui inuocet iustitiam, neque est, qui iudicet verè; sed confidunt in nihilo, & loquuntur vanitates: conceperunt laborem, & pepererunt iniquitatem.*

Vocem Hebræam, pro qua hîc (*laborem*) habemus, S. Hieronymus *Iob. 15*, & *Psal. 7*. vertit *dolorem*, hoc modo: *Ecce parturit iniustitiam, concepit dolorem*, (cum labore enim & fatigatione, & dolore, & reclamante conscientia molliuntur impij in mentē suas machinationes) & *peperit iniquitatem*, hoc est, sententiam contra ius & fas pronunciata, aut hæresin: quæ est iniquitas maxima, & more aspidis, linguæ vulnere venenum infligit; hæresin inquam, cuius origo sunt *Oua aspidum*, omnia in venenū conuertentium, sicut hæretici ipsas conuertunt sacras scripturas. His dum schismata & errores suggerit serpens Auernalis, *oua ponit*. Rectè enim & Procopius *oua aspidum*, vocat semina diaboli, serpentis illius, qui Euam decepit. Ex quo patre diabolo fuere illi Iudæi, qui, quasi aspidēs, *aures obturauerunt*, ne Christi monita au-

a                      dirent;

dirent; & velut viperæ Christū parentem suum occiderunt. Qua de causā à S. Ioanne vocantur *genimina viperarum*.

## III.

*Oua* ergo & semina, è quibus hæ aspides, immo reguli, seu basilisci erumpunt, sunt suggestiones & dogmata cum lege Dei pugnantia, qualia scribis & Phariseis obiecit Christus, præcepta Dei, de honorandis parentibus, de iuramento, de Sabbathi violatione &c. prauissima interpretatione peruertentibus, vt videre est *Matth. 23. 16*. Qui quando *Matth. 16. 11*, dicit, *Caute à fermento Phariseorum, & Sadduceorum*, monet, vt eorum peruersa doctrina caueatur, quæ bonos mores corrumpit inficitque, sicut massam farinæ corrumpit fermentum; occiditque animas, sicut occidit halitus è ruptis aspidum *ouis* aërem venenans; aut sicut aspis ipsa ex *ouo* educta, *oui* effractorem mordet. Grauius S. Leo *serm. 18. de Passione Domini Viperea*, inquit, *hereticorum vitate colloquia*. Nam etsi scripturas, & verbum Domini iactent, Phariseorum tamen fermentum imitantur, & sacris litteris, sicut diabolus sacris nominibus, & rebus; abutuntur, S. Augustinus *ep. 222. ad Consentium*: *Intellectum*, ait, *valde ama, quia & ipse scripturæ sanctæ, quæ magnarum rerum ante intelligentiam, suadent fidem, nisi eas rectè intelligas, vtilis tibi esse non possunt. Omnes enim heretici, qui*  
*eas*



*eas in auctoritate recipiunt, ipsas sibi videntur sectari, cum suos potius sectentur errores, ac per hoc, non quòd eas contemnant, sed quòd non intelligant, hæretici sunt.*

Sicut ergo aspis bonam herbam vertit comedendo in malum venenum, ita Hæreticus bonam scripturam, in malum sensum. *De intelligentia enim hæresis, non de scriptura est, inquit S. Hilarius l. 2. de Trin. Sensus, & non sermo, fit crimen.* Scilicet, vt in Græco prouerbio, *Multa in intervallo hastarum* possunt collocari; ita plurima eidem scripturæ à diuersis accedere, per diuersas interpretationes. Nec quidquam contra superbū hæreticum efficiet Catholicus, si suam dicat interpretationem à SS.PP. esse acceptam, statim enim audiet: *Eius quidem chorus, & thiasus maior; meus verò maioris harmonia.* Sua enim superbo maximè placent.

Sensus ergo tales præposterì, hæreses sunt, & *V. aspidum ova*, quæ cum populo aperiuntur, necant veritatem. Vnde & S. Petrus 2. ep. 2. hæreses vocat *sectas perditionis*. Vtuntur scripturis, vt hac velut pellicula ouum vestiant virulentum. Appositè S. Nazianzen. *lib. de fide. Vt solet, inquit, lethale poculum mellis dulcedine temperatum suauitate fallente perimere, sic & hoc malum, per blandimenta aurium, audientiū sensus quadam labe contaminans, contagione adherentes in se sit.* Quod si

vel halitus nocet huius *ovis*, & audire hæresin; quid non efficiet esus? Aut quo remedio erit curandus?

**VI.** *Vir quidam Cissus nomine, Serapidis cultui deditissimus, ait Ælian. l. 11. c. 34. Petrus insidijs mulieris, quam prius amatam, deinde uxorem duxerat, quum ova serpentis deuorasset, angebatur, & misere affligebatur, ita ut à morte parum abesse videretur. Rogatus autem ab eo Deus, muranam viuum præcepit emendam, & manum vinario, seu vasi (in quo seruaretur) immittendam. Paret ille, manum immittit: cui muræna mordicus inheret: & quum auelleretur, simul cum ea morbus etiam iuuenis euulsus est. Præstaret manum abscindere, & manu carentem in cælum intrare, quàm manu libros voluere, ne dum scribere, aut describere, hæresin continentes. Ita Christus iussit: si manus tua scandalizat te, abscinde eam; aut certè præbe eam murænæ mordendam, ut venenum exugat; hoc est, Ecclesiæ te censuræ subijce, ne gustatis hæreticorum ovis, pereas incuratus.*

**VII.** *Qui comederit de ovis eorum, morietur. Quid est edere ova aspidum, nisi legere libros hæreticorum? Paternè Isaias Abbas int. 2. bibl. SS. PP. Si librum, inquit, inueneris, qui dicatur esse hæreticorum, caue illum legas, ne veneno mortifero cor tuum impleat, sed in ea doctrina, quam in Ecclesia*

*S. didicisti, ita persiste, ut ei nihil addas, nihil detrahas.* Si enim rectè dixit S. Hieronymus, in *ep. ad Galatas*, non in verbis scripturarum esse Euangelium, sed in sensu; non in superficie, sed in medulla, non in sermonum folijs, sed in radice rationis: quis sensum hunc mihi melius indicabit, quàm Ecclesia? Certè non huius, vel alterius sectæ auctor; cum vterque se iactet, de vero sensu, & tamen pugnantia dicant. *Aliter namque Scripturam Novatianus, aliter Photinus, aliter Sabellius intelligit,* teste Vincentio Lyrinenſi *cap. 2.* Cui ergo credendum? non huic, non isti, non illi, sed Ecclesie, cuius, ut antiquior, ita grauior est auctoritas; imò & certior, cum sit *columna & firmamentum veritatis 1. Tim. 3. 15.* Ita *ova aspidum* non rumpet, sed vitabit, quisquis non suum, non huius, non illius noui doctoris, sed Ecclesie sensum sequetur.

Porro ruptis quoque *aspidum onis* foetor exi- I I X.  
stit ingens, qui auras incæstat. Ita mortuis quoque Hæreticis, libri eorū venena exhalant. Quade causa eos S. Augustin. l. 4. in Iulianum c. 9. cimicibus comparat, qui *dum viuunt, mordent, mortui autem foetent.* Hoc foetore offensa B. Virgo apud Euripatum, vulgò Sophronium, *Prat. Spir. c. 46.* sicut & Ioannes Baptista, & Euangelista cellam Abbatis Cyriaci ingredi noluerunt, in qua, inscio ipso, libri duo Nestorij lati-

tabant. Quid indoctis damni non inferent libri  
 Hæreticorum, si ipsi Diui eos, velut aspidum,  
 oua abhorrent? & quidem iam beati? vt minùs  
 mirum sit, si S. Ephræm, in hac vita, pestilentes  
 Apollinaris libros foliatim conglutinauit, inu-  
 tilésque reddidit, vt est in eius Vita apud Suriũ.  
 Cum enim apud eum depositi essent, neque illi  
 flammis eos tradere liceret; restituit quidem,  
 sed ita, vt tanquam morbidì, sub medici manu  
 fuisse viderentur, & non sine emplastris ad Do-  
 minum suum redirent. Ita libri, & artes hæreti-  
 corum tractandi, & vel in vltimam Thulen, cum  
 auctoribus suis, relegandi sunt. Aspides in sola  
 Africa nascuntur, si fides est Lucano l. 9. Vti-  
 nam & hæreses ibi solùm fuissent natæ! Nunc  
 ferè tam de hæresi, quàm de aspide dici, cum eo-  
 dem Poëta potest:

*Ipse caloris egens, gelidum non transit in orbem  
 Sponte sua, Nilòque tenuis metitur arenas.*

*Sed quis erit nobis lucri pudor? inde petuntur  
 Huc Libyca mortes, & fecimus aspidæ merces.*

Cur non & oua aspidum, hoc est, hæreses? quas  
 non est mirum, pro regnis vendi; mirum est,  
 pro regnis emi.

*Merx est pessima, qua, suo veneno,  
 Emptorem necat, atque venditorem.*



Ova à suis feliciùs fota, parentum  
sunt documenta.

EMBLEMA LXV.  
CVR NATVM COGIS DEGE-  
NERARE, PARENS?



**E**xperimento didici, inquit Hieron. Cardan. I.  
lib. 7. de rer. Variet. c. 35. pullos anserinos,  
aut pavonis, qui ex gallinarum fetu proueni-  
unt, cum oua pepererint, ea nolle fouere: atque ita co-  
gi, ut perpetuò gallinæ seruitio indigeamus. Quam-  
obrem eos saltem, quos propagationis causa habere  
volumus, consulo ut à suo genere cubari facias. Hæc  
ouorum, quæ librorum cura? quando Catholici  
parentes hæreticis Magistris tradunt filios eru-  
diendos; aut bonæ alioqui matres, lacernatis

aniculis, vel malis nutricibus ipsos adeò infantes, ( vt iram, leuitatem, & omnes tam animi, quàm corporis morbos cum ipso lacte bibant ) de meretricijs sæpe vberibus suspendunt ? Cum, vt in Græco adagio monetur, *rosa canina, & anemone non sint conferenda.*

- II. Gellius *l. 12. c. 1.* Fauorino puerperam inuisenti hunc tribuit sermonem : *Nihil dubito, quin filium lacte suo nutritura sit.* Sed cum mater puellæ, parcendum esse ei, diceret, adhibenda-  
que puello nutrices, ne ad dolores, quos in enitendo tulisset, munus quoque nutritionis graue ac difficile accederet ; Oro te, inquit, mulier, sine eam totam integram esse matrem filij sui. quod est enim hoc totum contra naturam imperfectum atque dimidiatum matris genus, peperisse, ac statim ab se se abiecisse ? aluisse in utero sanguine suo nescio quid, quod non videret : non alere nunc suo lacte, quod videat, iam viuentem, iam hominem, iam matris officia implorantem ? an tu quoque, inquit, putas naturam feminis mammarum ubera, quasi quosdam nauulos, non liberum alendorum, sed ornandi pectoris causa dedisse ? sic enim quod à vobis scilicet abest, pleraque istæ prodigiosæ mulieres, fontem illum sanctissimum corporis, generis humani educatorem, arefacere & extinguere, cum periculo auersi corruptiq; lactis, laborant : tanquam pulchritudinis sibi insignia deuenustet ? quod quidem faci-  
ant.

sunt eadem vecordia, qua quibusdam commentitijs fraudibus nituntur, ut fetus quoque ipsi in corpore suo concepti aboriantur; ne aquor illud ventris irrugetur, ac de gravitate oneris & labore partus fatiscat. quod cum sit publica detestatione communiq; odio dignum, in ipsis hominem primordijs, dum fingitur, dum animatur, inter ipsas artificis naturæ manus interfectum ire: quantulum huic abest, iam perfectum, iam genitum, iam filium, proprij atque consueti, atque cogniti sanguinis alimonia privare?

Sed nihil interest (hoc enim dicitur) dum alatur & vivat, cuius id lacte fiat. Cur igitur iste, qui hoc dicit, si in capeffendis naturæ sensibus tam obscuravit, non id quoque nihil interesse putat, cuius in corpore, cuiusq; ex sanguine concretus homo & coactus sit? an quia spiritu multo & calore exalbit, non idem sanguis est nunc in uberibus, qui in utero fuit? nonne hac quoque in re solertia naturæ evidens est, quod postquam sanguis ille opifex in penetrabilibus suis omne corpus hominis finxit, aduentante iam partus tempore in supernas se partes profert, ad fouenda vitæ atque lucis rudimenta præsto est, & recens natis victum offert. Quamobrem non frustra creditum est, sicuti valeat ad fingendas corporis atque animi similitudines, vis & natura, non secus ad eandem rem lactis quoque ingenia & proprietates valere.

Neque in hominibus id solum, sed in pecudibus IV.

quoque animaduersum. nam si onium lacte hedi, aut caprarum agni alantur, constat fermè in his lanam duriozem, in illis capillum gigni teneriozem. In arboribus etiam & frugibus maior plerumque vis & potestas est, ad earum indolem vel detractandam, vel augendam, aquarum atq; terrarum, quæ alunt, quàm ipsius, quod iacitur seminis. ac sæpe videas arborem letam & nitentem in locum alium transpositam, deterioris terræ succo, deperisse. Quæ malum igitur ratio est, nobilitatem istam nati modò hominis corpusq; & animum benè ingenuatis primordiis inchoatum insitino degeneriq; alimenta lactis alieni corrumpere? præsertim si ista, quam ad præbendum lactem adhibebitis, aut serua, aut seruilis est, ut plerumq; solet, externæ atque Barbaræ nationis, si improba, si informis, si impudica, si temulenta est, nam plerumque sine discrimine, quæcunque id temporis lactens est, adhiberi solet. Patiemurnè igitur infantem hunc nostrum pernicioso contagio infici, & spiritum ducere in animum atque in corpus suum ex corpore & animo deterrimo? id hercle ipsum est, quod sæpe miramur, quosdam pudicarum mulierum liberos parentum suorum neque corporibus, neq; animis similes existere.

V. Scitè igitur & peritè (post Homerum) Maro, non partionem solam, sed alituram quoque feram & seuam criminatus est: addidit enim hoc de suo: Hyrcanèq; admòrunt vbera tigres. quoniam vide-



videlicet in moribus inolescendis magnam ferè par-  
 tem ingenium altricis, & natura lactis tenet : quæ à  
 principio imbuta paterni seminis concretione ex  
 matris etiam corpore, & animo recentem indolem  
 configurat. & præter hæc autem, qui illud etiam neg-  
 ligere aspernariq; possit, quod quæ parvulus suos dese-  
 runt ablegantq; à se se, & aliis nutriendos dedunt,  
 vinculum illud coagulumq; animi atque amoris, quo  
 parentes, cum filiis natura consociat, interseindunt,  
 aut certè quidem diluunt deteruntq;. Nam ubi in-  
 fantis aliorum dati facta ex oculis amolitio est; vi-  
 gor ille maternelæ flagrantie sensim atque paulatim  
 restinguitur, omnisq; impatientissima sollicitudinis  
 strepitus consilescit. Neque multò minor amandati  
 ad nutricem aliam filii, quàm morte amissi obliuio  
 est. Ipsius quoque infantis affectio animi, amoris,  
 consuetudinis, in ea sola, unde alitur, occupatur : &  
 proinde, ut in expositis usu venit, matris quæ genuit,  
 neque sensum ullum, neq; desiderium capit. Ac pro-  
 pterea, oblitteratis & abolitis nativæ pietatis elemē-  
 tis, quidquid ita educati liberi amare patrem atq;  
 matrem videntur, magnam ferè partem non natu-  
 ralis ille amor est, sed civilis & opinabilis. Hæc Fa-  
 vorinus de lacte alieno : quid dicendum esset  
 de religione aliena ?

Quæ lac & ubera filio mater negat,  
 Lactat tamen : vis scire quem ? quem decipit.

Ovorum varietas, & augmentum, speculum dogmatum variorum è superbia natorum.

## EMBLEMA LXVI.

NEQVAQVAM, SI NON TVMVISSENT, NATA FVISSENT.



**P** Iscium discrimina etiam à generatione sumuntur. *Alia enim genera generantur ex animali ipso, velut quæ respirant, ait Cardan. l. 7. de rer. Variet. c. 37. ut tursio, balena, delphin, vitulus, ac cetera huiusmodi: alia ex ovo, ut fluviales omnes penè celebriores, perca, lucius, tineæ: alia è putredine, aut simili, velut anguilla, & aquarum genera pleraq;. Rursus quæ ex ovis (ut extrema mediis coniungantur) quadam intus prodeunt, ut in galeo-*

aleorum genere, ac plerisque qua mole magna sunt, non tamen respirant, veluti lamia. Et infra. Quæ vero oua foras emittunt, generant ex ouis pisces. Vt vero multitudini consuleretur, oua parua esse necessarium fuit. At ex ouis paruis pisces non poterant commodè generari: natura igitur effecit, vt incrementum susciperent extra, atque velox, ne interim corrumpere, itaque edita celerrimè augentur. Etenim vim quasi fermenti retinent, sponteq; intumescunt, & humidum pingue tum terra, tum aqua in se conuertunt. Crescunt autem oua celerrimè, quia humidum pingue plurimum continent, & quod facile extenditur: hacq; caussa amia & murene adeò celeriter augentur, vt in singulos dies incrementum earum dignoscatur. Ostensum est autem, quæ tam celeriter augentur, parum viuere. Hæc ille.

Nempe quæ citò fiunt, citò defiunt, & fluxa I I.  
esse conuenit, quæ in aquis degunt; semperque maior est profunda petentium multitudo. Nam quæ in piscium ortu varietas, ea ferè etiam est in origine morù ac religionū. Pisces alij ex animali, alij ex ouo animalis; alij ex putredine, alij intus de ouis, alij foris prodeunt. An non Catholici Catholicis parentibus, vel Hæretici Hæreticis filij statim quasi à cunabulis nascuntur? & prima quasi regula est credendi, vt credant filij, quod audiunt parentes credidisse? Væ ergo illis, qui bonis parentibus mali fiunt: vè illis, qui eandem matrem

matrem biberunt, & tamen diuersam suxerunt religionem. Dicet enim Catholicus frater sorori Lutheranae, *Genus inde mihi, unde tibi.* Illud laudabile est, bonum fieri, de malis parentibus oriundum. Sæpe enim & isti filios bonos sortiuntur, si in bonos incidant educatores. Hæreticorum tamen hîc gemina est similitudo. Nam & illi ex putredine generantur, & velut piscium oua de paruitate sua intumescunt. An non ex putredine, & corruptis moribus nascuntur, qui, ut est 1. Jo. 2: 19. *ex nobis prodierant, sed non erant ex nobis?* Sic enim erant in corpore Christi, ait Beda, *quomodo humores mali, qui quando euomuntur, tunc releuatur corpus. Sic & mali quando exeunt, tunc Ecclesia releuatur.* Tanquam putrida ergo membra abscinduntur, & verminant, & velut piscium oua, sponte intumescunt, ac sese extendunt: audentque venerandam SS. Patrum vetustatem, tanquam Lacon Philomelam prouocare; iisdemque, per tot secula approbatis Doctoribus, velut pica, aut epops cygnis obstrepere.

III. Omnes hæretici, inquit Tertullianus *l. de præscript. tument, omnes scientiam pollicentur.* Et S. Hieron. in c. 1. *Abdia, Quis hæreticorum non in superbiam extollitur?* Cui ad stipulatur & S. Augustin. *l. de Pastorib. c. 8. in quens, diuersis locis sunt diuerse, sed una mater superbia omnes hæreses genuit, sicut*



*sicut una mater nostra Catholica omnes Christia-  
nos fideles toto orbe diuisos. Dum enim sapere se  
existimat supra omnes, dogma hæreticus cudit  
contra omnes. Contra quos ne tantum quidem  
valet, quantum iactus taxilli chius ad senionem.*

*Igitur ex Origenis in Matth. hom. 19. do- 1V.  
ctrina, Hæreticus habendus est omnis ille, qui Chri-  
sto quidem credere se profitetur, aliud tamen de fidei  
veritate credit, quam habeat definitio traditionis  
Ecclesie. Enimverò hic fidei canon est ab ipso  
Apostolo relictus Gal. 1. 8. licet nos, aut Ange-  
lus de celo euangelizet vobis præterquã quod eu-  
gelizauimus vobis, anathema sit; si quidem fieri  
posset, vt Angelus aliter euangelizet, qui in ve-  
ritate confirmatus, vtique aliter non poterit e-  
uangelizare. nisi sit ater, qualis fuit, qui Luthe-  
rum & Zwinglium de Eucharistia instruxit; aut  
qui Apellis virginem Philumenen docuit. Tanta  
enim est fidei certitudo, tot miraculis & seculis  
confirmatæ, vt quodcunq; nouum dogma, hoc  
ipso, si cum antiqua & recepta Ecclesiæ Catholi-  
cæ fide non concordet, hæreticum censi de-  
beat.*

*Si de aliqua modica questione, ait S. Irenæus v.  
l. 3. c. 4. disputatio orta fuerit, nonne oportebit in  
antiquissimas recurrere Ecclesias? & ab eis sumere  
de præsentī questione, quod certum, & liquidum est?  
Et S. Hieron. ep. ad Pammachium & Oceanum:*

*Quis*

*Quisquis assertor es noxorum dogmatum, quæso tē,  
 ut parcas humanis auribus, parcas fidei, quæ Apo-  
 stolico ore laudata est. Cur post quadringentos an-  
 nos docere nos niteris, quod antè nesciuimus? vsq;  
 in hunc diem, sine vestra ista doctrina, Christianus  
 Mundus fuit. Sed superbia vult omnes, etiam  
 post mille sexcentos annos, docere. Et mirum  
 est, tot discipulos nancisci. Nimirum carni ju-  
 cunda docet; & pereuntium semper pronior est  
 ruina, ac maior multitudo damnandorum: sicut  
 in omni re sequiorum maior est copia. Hinc &  
 auium generi tribuit hoc natura, vt facundiores  
 essent fugaces, quàm fortes; vtque plura forent  
 oues passerum, quàm aquilarum; Et viles pulli  
 nati infelicibus ouis longè vberius prouenirent.*

*Quid numero gaudes, & magna tumore, tri-  
 umphas?*

*Ab quò maior, eò peior, es Impietas!*



Spei vanæ, in ovo, delineatum emo-  
lumentum.

EMBLEMA LXVII.  
NON SIC OVANDVM.



**I** Dem ouum & durissimum, & mollissimum esse  
facilius credas, si fortassis quod optimum est, fieri  
pessimum posse pronunciem, ait Putean. orat. 20.  
Durissimum esse, paulo supra probat his verbis:  
Qui neruos & firmitatem corporis iactant, hos cer-  
tamine exerceri solent, ut confringant ouum. Co-  
nantur etiam, & strictis nexisq; digitis utrumque  
cacumen valido palmarum nisu premunt. Sed quid?  
ut frustra sint, & vires humanas à fragili testa vin-  
ei fateantur. Putares sub ipsis manibus ouum in  
marmor commutari, I nunc homo, & robar iacta:  
b tenuis.

*tenuissimum corticem non dicam conterere, sed ne commouere quidem potes. Quid dicam? nisi ludere naturam, mortales verò illudi? Quod tenerrimum est, firmissimū tamen existit. nihil facilius leditur, frangiturque, nihil pertinacius resistit. Miraculum, si quis velit, hīc habet. Nullum vitrum ouo fragilius est, nullum tamen as, nullus chalybs durior: leuicasu, aut collisu vulnus capit, & effluit; & vim tamen omnem è transuerso illatam superat. Si partes has concedis ouo, dixerim, in capite pedibūsq; tantum robur esse. Huius rei causam indicauimus supra Embl. 31.*

- II.** Hīc rei tam robustæ fragilitas indicat, humanæ potentiæ speique infirmitatem. Quam cum Poëta quispiam, in theatro, vellet exhibere spectandam, rusticum induxit, inuento ouo, mirificè *OVANTEM*. Nam secum has ipse rationes instituebat. Ex hoc ouo pullum, ex pullo gallinam, ex gallina & gallinæ pullis mille oua; igitur & mille gallinas, & mille gallinarum pullos: atque rursus his venditis, pro ouis, oues habebo; & mox mille oues; deinde ouium grege se multiplicante, mille boues nanciscar, & greges in armenta conuertam. Quid ni tunc agros & villas emam? & velut regulus aliquis familias alam? Enimverò meam quoque familiam ac stirpem Corydonis, in multos hæredes nepotesque producam. Horum ego omnium Pater, Auus, Ca-  
put,



pūt, Princeps audiam. Dum hæc dicit, dum  
 VAT, & tantum aras sibi non destinat, in men-  
 tem illi venit, vicini sui filius, malè moratus, in-  
 ers, potator, gerro, fraus, helluo, ganeo, damno-  
 sus. Mox ergo, quid si & mihi talis obtingat,  
 ait, filius? tum ego illum profectò sic humi ap-  
 plaudam, & pedibus conteram. Hæc iratus, &  
*oui* oblitus, dum dicit, *ouum* ipsum cum dicto in  
 terram allidit, vñoque iactu, *oui*, gallinæ, *ouorū*,  
 gallinarum, ouium; bouum, agrorum, villarumq;  
 omnium iacturam facit; nec secus laceratis cri-  
 nibus, lamentatur, quàm si hæc omnia iam, cum  
*ouo*, in manu habuisset.

Similem rem de Eremicola scriptam, polito **III.**  
 epigrammate comprehendit Iac. Bidermannus  
 noster editione postrema: & passim narrant ve-  
 terum Patrum historiæ de olla mellis perdita,  
 ictu bacilli. Scribit Spartianus, *eo tempore, quo*  
*natus est Antoninus Geta* (verba sunt Puteani or-  
 20.) *gallinam in aula, siue olla ouum peperisse pur-*  
*pureum; quod cum allatum Bassianus frater eius; ad-*  
*huc paruulus, acciperet, & quasi ludens applosum ad*  
*terram frangeret, Iuliam matrem in hac verba io-*  
*catam, Maledicte parricida, fratrem tuum oc-*  
*cidisti. Ac sanè occidit postea; ut velut diuinitus*  
*emissam putes augurantis, non ludentis vocem.* Spes  
 ergo vana in *ouo*, & quidquid cum *ouo* frangi-  
 tur, ut ferè spes humanæ.

IV. Quid enim non sperant mortales? quos non honores, quas opes sibi non promittunt? quæ regna, quæ sceptræ non somniant? quæ non cogitant secula? *Ecce nunc, qui dicitis: Hodie, aut crastino ibimus in illam civitatem, & faciemus ibi quidem annum, & mercabimur, & lucrum faciemus; qui ignoratis, quid erit in crastino. Quæ est enim vita vestra? vapor est ad modicum parens, & deinceps exterminabitur. Iac. 4. 13. Ono citius spes omnes mortalium franguntur. Ut neque confidendum sit in principibus, in filiis hominum, Psal. 145. 3. & sæpe, qui his nititur, baculo arundineo nitatur. 4. Reg. 18. 21.*

V. Audi apud improbum scriptorem, probè loquentem. *Postero die, cum poneremus consilium, cui nos regioni crederemus, repente video corpus humanum circumactura leui vertice, ad litus deferri. Substiti ergo tristis, cœpique viventium oculis maris fidem inspicere; & , Hunc fortasse, proclamo, in aliqua parte terrarum secunda expectat vxor: forsitan ignarus tempestatis filius: aut patrem utiq; reliquit aliquem, cui proficiens osculum dedit. Hæc sunt consilia mortalium. hæc vota, magnarum cogitationū. En homo quemadmodū natat. Adhuc, tanquam ignotū deflebam, cum inuiolatū os fluctus conuertit in terram, agnouiq; terribilem paulo ante, & implacabilem Licam pedibus meis penè subiectum. Nontenui igitur diutius lachrymas, immo percussi semel iterūque manu pectus: & , Vbi nunc est,*

est, inquam, iracundia? ubi impotentia tua? nempe piscibus belluisq<sup>3</sup>, expositus es, & qui paulo ante iactabas vires imperij tui, de tam magna naue, ne tabulam quidem naufragus habes. Ite nunc mortales, & magnis cogitationibus pectora implete. Ite cauti, & opes fraudibus captas per mille annos disponite. Nempe hic proxima luce patrimonij sui rationes inspexit: nempe diem etiam, quo venturus esset in patriam, animo suo finxit. Dij deaq<sup>3</sup>, quam longè à destinatione sua iacet! Sed non sola mortalibus maria hanc fidem præstant. Illum bellantem arma decipiunt: illum diis vota reddentem penatum suorū ruina sepelit: ille vehiculo lapsus properantem spiritum excussit. Cibus avidum strangulavit, abstinentem frugalitas. Si bene calculum ponas, ubique naufragium est. At enim fluctibus obruto non contigit sepultura? Tanquam intersit periturum corpus quæ ratio consumat, ignis, an fluctus, an mora. Quidquid feceris, omnia hæc eodem ventura sunt.

Hæc in spes humanas Petronianum Satyri- V I.  
con, quæ meritò doceant, NON SIC OVANDVM.  
Spem certam qui optat, diuinam arripiat, illa neminem fallit; sed illud etiam atque etiam secum perpendat, aliud esse spem, aliud præsumptionē. Hæc sine alis volare, sine semente metere cogitat; illa scit, Deos sudoribus omnia vendere.  
Quare in ore semper habet illud:

*Nolo, quod cupio, statim tenere,  
Nec victoria mi placet parata.*

Ova serpentum fota, beneficia sunt in-  
gratis, & impijs collata, & charitas ma-  
leficijs compensata.

## EMBLEMA LXVIII.

SÆPE NOCET PRODESSE MALIS.



- I. **N**atura, quæ sæpe homini in bestijs mon-  
strat virtutem, ciconias erudiuit, vt pa-  
rentes senio confectos, & iam seminu-  
dos, defluentibus plumis pennisque, succol-  
lando portent, ac suarum beneficio alarum su-  
stinent, teste Plinio *l. 10. c. 23.* Ex qua re Græ-  
cis proverbum natum est: *Antipelargiam ser-  
ua.* Eadem natura vitiorum quoq; foedam ima-  
ginem in multis feris exhibuit, vt tædium face-  
ret aspicienti. Quid enim vel nomine viperæ  
deto-



detestabilius? Illa multos parit foetus, vsque ad viginti; sed sensim eos enititur, scilicet *singulis diebus singulos*. Itaque ceteri tarditatis impatientes perrumpunt latera, occisa parente, ait Plinius lib. 10. c. 62. Quare S. Gregorio lib. 15. Moral. c. 9. teste, *vipera, quod vi pariat, nominatur*. Nam etsi non ita certum sit, viperam ex ouis illis foetus, in vtero, excludere, quod affirmat Plinius & Ælian. l. 1. de animal. c. 24. negat Aristoteles lib. 5. hist. animal. c. 5. & licet Aldrouandus neget, viperam à foetu enecari; est tamen is communis sensus & sermo, cui sese sacra solet scriptura conformare. In qua apud Isa. 59. 5. *ouis aspidum* incubans, eaque viuificans ac *rumpens*, à foetu erumpente dicitur lethaliter morderi; dum *quod confotum est, erumpit in regulum*.

Itaque & gallina, quæ oua vel aspidis, vel vi- I I.  
peræ calefacit, mortem suam excludit; & homo, qui serpentem in sinu fouet, nunquam securus dormiet. Malus hospes malam post se relinquit mercedem. Et quidem sæpe necesse est benefacere malis, à quibus si malæ gratiæ referuntur, merces tamen, apud Deum, non perditur. Non rarò tamen magnus delectus habendus est. Nam SÆPE NOCET PRODESSE MALIS. quibus cum benefeceris, peiores fiunt: quippe tuiste beneficijs oppugnant: vt dici tibi queat illud: *Oculum tuum excitas: Tuo laqueo captus es:*

*Tuo gladio ingularis.* Quod Trebellius Pollio narrat, Mario contigisse, vni è triginta tyrannis. Interemptus est enim à milite, qui eum adoriens dixit: *Hic est gladius, quem ipse fecisti.* Quippe Marius, ante imperium faber ferrarius fuerat, eiusdemq; militis opera in officina fabrilis vsus. Meritò proinde vsurpare poterat, illud Ovidianum;

*Heu patior telis vulnera facta meis!*

III. Quoties parentes à filijs, magistri à proprijs discipulis, ijs ipsis opibus, quas dederunt; vel scientijs, quas docuerunt, impugnantur? vt, sicut sentiebat Hannibal suis se artibus peti, apud Liuium l. 2. de secundo bello Punico, ita isti sentiant, suis se vel diuitijs, vel instructione peti. Acerba sunt vulnera ab ijs inflicta, à quibus tu vulnera ipse auertisti. *Si inimicus meus maledixisset mihi,* ait *Psalm. 54. 13. sustinuissem utique.* Et si is, qui oderat me, super me magna locutus fuisset; abscondissem me forsitan ab eo. Tu verò homo vnanimis, *dax meus, & notus meus: qui simul mecum dulces capiebas cibos: in domo Dei ambulauimus cum consensu.* Sunt ergo vulnera ab inimico inflicta, vulnera gladio facta, & ideò tolerabiliora, quia expectata. At si is, cui benefeceris, ferrum suum vulnusque ingrati animi crimine, velut vipereo felle, linit, lethale censetur, quidquid sentitur. Danda ergo opera est sedulò, ne homines im-

pro-

probi promoucantur, qui euersuri sunt promotorem suum.

Doctè Gabriel Faernus Cremonensis in Gal. I V.  
linæ & Hirundinis fabula (quam soluta oratione etiam refert Vlysses Aldrou. tom. 2. ornith. l. 24.) ait,

*Gallina cum serpentis oua nacta esset,  
Ea diligenter fouit, atque ab ijs fœtus  
Exclusit. Id præteruolans eà fortè  
Hirundo conspicata, cur, ait, demens  
Hos alerè tendis, qui ubi adoleuerint, abs te,  
Tuoque capite iniuriam auspicabuntur?*

Rectè hi tales serpentibus comparantur. Fecit id & Tiberius, qui, apud Suetonium in Caligula c. 11. de Caligula aiebat, exitio suo Cæsum vivere, &, se natricem populo Romano, Phaëtonem orbi terrarum educare. Nec vllum nomen tam est infaustum, quo ingratus non sit dignus. Nam iuxta Publij Mimi dictum: *Dixeris maledicta cuncta, si ingratum dixeris.* Ergo bestię sunt, immo & bestijs peiores, qui bona accipiunt, & mala reddunt. Nam, teste Seneca l. 1. de benefic. c. 3. *officia etiam fera sentiunt. Nec vllum tam immanis animal est, quod non cura mitiget, & in amorem sui vertat. Leonum ora à magistris impune tractantur.*

Quod constat exemplo Gerasimi, apud Sophronium in Prat. spir. c. 107. cui ob euulsam

b s

sibi

sibi è pede spinam leo vsque ad mortem seruiuit, & cuius mortem rugitu ingenti, sepulchrū propria morte honestauit; defuncti enim tumulo incubuit, donec & ipse defungeretur. Simile ferè est de leone Androdi, siue Androclic, apud Gellium l. 5. & apud Matthæum Paridem *in hist. Anglicana pag. 241*. In qua historia vltima, non solum leo è scrobe, sed etiam immanis serpens liberatus gratum se ostendit liberatori, gemma preciosissima allata, cum interim Vitalis ex eadē fouea extractus, ingratus existeret, Quare non iam alijs bestijs, sed ipsis quoque serpentibus sæpè satius est prodesse, quàm hominibus improbis: qui plerumque malam gratiam, pro bona, reponunt: quia nec ipsi boni. Si boni essent, gallinam imitarentur, quæ, vt est apud Putean. *or. 20. refundit gratiam, quia alitur: & quod nulum agit brutum, se, & spem quoque stirpis impendit. Paucula quotidie grana sine hordei, siue auenæ accipit, aut panis miculas, & magnam reddit partem sui; id, inquam, quod satis nunquam laudem: reddit cibum, & simul delictum, ferculum & pharmacum, deductum velut calo cerebrum Iouis. Præstat ergo alere gallinam, quàm hydram, & auis, quàm serpentis oua fouere.*

*Oua venenati quicumque excluserit anguis,  
Quid sperare potest? virus, & exitium.*



Odium charitati aduersum, in fractis  
 aquilæ ouis, repræsentat scarabæus.

# EMBLEMA LXIX.

QUANTVLVS HEV QVANTO SÆ-  
 PE NOCERE POTEST?



**L**epus, vt fabulatur Æsopus fab. 2. & est in I.  
 vita eius (cuius fabulæ etiam Aristophanes  
 meminit) quæ Aquila insequabatur, ad Sca-  
 rabæi lamulam confugit, & illius auxilium implo-  
 ranit. Sacrabæi petiit ab Aquila, vt parcat supplici,  
 per q̃ summum Iouem obtestatur, ne despiciat parui-  
 tatem suam; at illa profligato Scarabæo raptum le-  
 porem deuorat. Quam auolantem affeclatur Scara-  
 bæus, vt cognosceret, quo illa loco nidificaret, ac mox  
 occasionem nactus, de nido aquilæ omnia oua, qua

incrant, deuoluit per petrarum præcipitia. Aquila, re comperta, authori doloris sui valde irata, nidum extruxit in multò magis arduis rupibus, & in illo parit oua, sed simili euentu. Tum inops consilij ad Iouem aduolat, cuius propria auis esse perhibetur, & testeam faturam, in gremio illius deponit, orans atque obsecrans, ut tutam præstaret. At Scarabeus globulum sterquilinij eodem deiicit. Quem excussurus Iupiter, laxata veste, oua aquila effundit, quæ insilicta pauimento aereo facile comminuuntur. Cum autem de Scarabæo intellexisset, quòd ab Aquila factam iniuriam sibi hac voluisset ratione vindicare, quòd statueret, non solum Scarabeum, sed etiam suum Numen ab Aquila lesum, atque violatum esse, reuersam illam grauius obiurgauit, & indicauit ei auctorem malorum, quæ passa esset. Cum tamen genus Aquilarum funditus interire nollet, Scarabeum ad gratiam cum Aquila reconciliandam adducere tentat; quo vehemèter refragante, Aquile tum partum transtulit ex eo tempore in aliud, quo Scarabæi non apparerent.

II. Scilicet non est panthera tantum hyænæ inimica, & nemo tam vilis est, qui contemnatur impunè, ac vel pauper opportunitatem expectat, quæritque vindictam, atque potentioris injuriâ laceffit, illud prouerbiū vsurpat: *Aquila Scarabeus ero obstetrix.* Itaque sapienter in *Mimis* Publius ait:

*Ini-*

*Inimicum quamvis humilem, docti est metnere. I I I.*

Sæpe audaciores sunt, quibus nihil est, quod perdant vindicando. Brasidæ, cum eum ficus legentem forex momordisset, illud celebratur: *O bone Iuppiter, nullum est tam minuum animal, quod sui defendendi, aut periculum vitandi, cum sit opus, occasiones non perquirat.* Id ad eò causæ est, quamobrem licet sceptropotens Alexander, Ptolomæi tamen, ut scribit Ælian. l. 14. var. c. 48. dexteritatem habebat suspectam, Arrii verò turbulentiam, & Pythonis novarum rerum studium timebat. Igitur

*Non quia sunt Aquila, Scarabæi crimine tantum,  
Excussit è sacro Iuppiter oua sinu.*

Tantum potest, profundus sulcus, & alta mente repositum vulnus, odijque machinatio, ut neque in ipso Iouis gremio securitatem relinquat. Odium è sinu quodammodo parentis excussit Iosephum Gen. 37.8. quem fratres diligere potius debuissent. Odium diaboli excussit Adamum è Paradiso, &, ni resipuisset, è cælo. Odium excussisset propemodum omnes Iudæos è regnis Assueri; certè, in auctorem refusum. Ammanem excussit è mensa regis, & dignitate summa, usque in summam crucem. Esther 14. 13. Odium fecit, ut Abel à Cain occideretur 2. Io. 3. 11. *Hæc est annunciatio, quam audistis ab initio, ut diligatis alterutrum; non sicut Cain, qui*

*ex maligno, & occidit fratrem suū. Et propter quid occidit eum? Quoniam opera eius maligna erant, fratris autem eius iusta. Ita plerūque insidiantur Aquilis Scarabæi, & iustis iniqui; sicut mūrænæ conger: non rarò etiam magnis viris putidi, ac infimæ sortis humunculi; denique Scarabæis pares, quia nigri, quia stridore, & fatore molesti, ob os, & oculos, & aures circumuolitant honestorum.*

IV. Nec mediocriter tales sunt scelerati. Quisquis proximum suum odit, & grauissimo se scelere obstringit, & Cainum imitatur. Verè enim S. Ephræm *In* interrogat. *Quemadmodum, ait, omnium virtutum excellentissima est charitas, ita vniuersorum vitiorum grauissimum est, odisse proximum. Nam qui fratrem suum odit, homicida est, sicut ait Apostolus. Qui odit fratrem, Deum ipsum odio habet. Qui odit fratrem suum in tenebris est, & in tenebris ambulat, & nescit, quò vadat; quoniam tenebræ obscurarunt oculos eius. Vides quò odium hominem ducat, vsque ad homicidia, vsque ad odium Dei, vt quasi cum Scarabæo ascendat ad ipsum gremium Iouis (in quo is fouetur, quem odium petit) contaminandum.*

V. S. Ambrosium *precatione. 2. ad Missam* audi: *De inuidia odium, susurratio, detractio, exultatio in aduersis proximi, afflictio autem in prosperis eius propagatur. O mala progenies, quæ si animo intrmissa domi-*




*dominari cæperit, omnem sanctitatis sobolem extinguit. Qui itaque inuidet, vel odit, non alium prius quam se ipsum occidit. Qui exultat in aduersis proximi, & affligitur in prosperis eius, alieno proximum, se suo petit gladio. Hoc secundum superbia virgultum, tunc primum fuit exortum, cum ille de quo scriptum est (Sap. 2. 24. Inuidia diaboli mors intrauit in orbem terrarum, Cain persuasit, ut linoris odio fratrem funderet sanguinem.*

Itaque odium non solum proximo nocet, V I. sed Deum in proximo petit, sed ipsum quoque occidit osorem. Non occidat? cum charitatem illi, quæ vita est spiritualis, & omnes actiones vitales auferat? & ipsum diabolum mortis auctorem inferat? S. Basil. Serm. de instit. monachor: *Vbi deliquitum patitur charitas, eò prorsus, eius loco odium succedit. Quod si ut Ioannes (1. ep. 4. 9.) ait, Deus charitas est, sine dubio necesse est diabolum odium esse, ut igitur, qui charitatem habet, is Deum habet, sic qui odium habet, diabolum in se nutrit.*

Quæ igitur opera à tali speres? nullis potest V I I. vti sacramentis, immo neq; orationem quidem Dominicam potest sine mendacio recitare, nec munus ante altare offerre, *Math. 5. 23.* nec veniam à Deo offenso sperare, quam ipse negat inimico *Math. 6. 15.* nec iustitiæ perfectionem habere, quam Deus in fratris dilectione posuit, teste

Iste S. Aug. l. 8. de Trin. c. 8. Qui lib. 50. homil. hom. 42. ait: *Quid est ira? libido vindictæ. Quid odium? ira inueterata si facta, iam odium dicitur. Quod videtur confiteri ille, qui cum dixisset turbatus est, præ ira oculus meus, addidit, inueteraui in omnibus inimicis meis. Quod erat ira, cum erat noua, odium factum est, quia in vetustatem conuersum. Ira festuca est, odium trabs est. Aliquando reprehendimus irascentem, & odium teneamus in corde, & dicit nobis Christus. Festucam in oculo fratris tui vides, & trabem in oculo tuo non vides? Vnde creuit festuca, ut trabem faceret? quia non statim euulsa est. Aliter fecit fratribus suis Ioseph, persecutoribus Dauid, lapidatoribus Stephanus, qui læsi lædentibus benefecerunt, quia non scarabæi, sed aquilæ fuerunt, Deum scilicet ipsum in proximo etiam lædente intuentes. Quod quia tam multi non faciunt, diuinorum obliti, origine viles, desperatorum consiliorum authores; idcirco*

*Ab quoties Aquilam scarabeus perdere tentat?  
 Non faceret, si non perditus ipse foret.*



Imprudencia, per anseres ovis parien-  
dis se rumpentes, adumbrata.

## EMBLEMA LXX.

NIL EGO SOLLICITOR: SI VI-  
VERE DESIIT ANTE, QVAM PARERE,  
O FILI, NON OLOR, AN-  
SER ERAT.



**A**nscribus oua si quis surripiat, pariunt, donec i.  
rumpantur. Aliena non excludunt. ait Plin.  
l. 10. c. 59. Et ibidem: Pullus eorum urtica  
contactu mortifera, nec minus aueritas, nunc facie-  
tate nimia; nunc suamet vi: quando apprehensa ra-  
dice, morsu saepe conantes auellere, ante colla sua ab-  
rumpunt,. Nempe nimius in omni re conatus,  
noxius est; qui quidem in pijs rebus raro est, in  
c rebus

rebus autem ad carnem, aut seculum pertinentibus, ferè semper est. Quid non fit stripis ac posteritatis causa? ad quæ remedia non curritur? Nec anseres tantum, multæ etiam mulieres *pariunt, donec rumpantur*: pariunt enim iniquitatem, & inuidia rumpuntur. Quidquid vident vel in moribus alienis magnificum, vel in vestibus tumidum, vel in delicijs cibi sumtuosum, id continuo existimant pullis suis deberi. Quare per fas & nefas, equis & quadrigis id accersunt. Ita nihil laboris piget, dummodo sua *oua* foueant. *Aliena non excludunt.* Quid dico? ne alunt quidem, aut frustillo panis pauperes iuuant, quæ cum inopem ante fores audiunt, pro stipe rogantem, perinde gaudent, ac si tigris tympanum audiret: quin sæpe, vt abundant, etiam illicitis quæstibus, & vendita pudicitia opulescunt, de hæreditate iniqua sollicitæ antè, quàm sciant se hæredem habituras.

- II.** Hæc est prudentia carnis, vrticæ, & omnibus vrentibus carnemque mortificantibus inimica. Sed eodem recurrens, vnde fugit. Nam carnem necat, dum saginat, auiditate veneno inhians, & letho satietate. Quis ergo iure prudentiam hanc non appellet imprudentiam? Cum alioquin etiam vniuersè quisquis peccat, contra iudicium prudentiæ peccet, vt docet S. Thomas 2. 2. q. 53. sicut & quodlibet laudabile



le opus, non, nisi prudenti judicio, peragitur. Sanè prudentis monitum est: *Ne quid nimis*. Et teste Horatio l. 1. Sat. 1.

*Est modus in rebus, sunt certi deniq<sup>3</sup> fines,* III.  
*Quos ultra citraq<sup>3</sup> nequit consistere rectum.*

Nempe quoties etiam in bono opere vel excedis, vel deficis, à recto deficis; cum in ipso quoque recto nimium non sit rectum. Deficis autem 1. si *precipitas*, cum prima prudentiæ regula sit, vt antè, quàm opus aggrediaris, vel iudicium feras, deliberes de *mediis, modo, ordine exequendi, cauendisq<sup>3</sup> impedimentis*. Si ergo, præfixo fine, statim, ad opus, te accingis, in leges prudentiæ, & contra *consilium* peccas, Coræbo stultior. 2. Si, prætermissa diligenti inspectione, iudicas, *inconsideratione* contra *iudicium* peccas, Mammachuta, & Sanna amentior. Est enim altera prudentiæ regula, vt rem de qua iudicandum est, eiúsque circumstantias diligenter expendas.

Quod non fecit ille, de quo Antonius Laubegeois in *Epitome Hellados*. pag. 65. ita scribit: IV.  
*Nautam quendam subiit desiderium agricultura. Linteum itaque neglectum expandit accommodatum aratro, & vomeri, & adiutorem Deum sollicitè prestolabatur. Non promouente verò quidquam vomere, indignabatur. Accedens quispiam: O amice, bonus opus est, Quomodo igitur, ait, paulo antè ma-*

*nè, afflante Subsolano in nauigiolum meum non ualido, onus graue uehens bellè uehebar ? Sanè. Verùm, ô Portitor, hîc alia quapiam re, præterquam vento, in super opus est.*

**V.** 3. Quia prudentiæ officium est, vt rebus deliberatis, & rectè judicatis, constanter inhæreas, neque te finas, velut *arundinem, vento agitari*, & ob leues ratiunculas à proposito dimoueri; ideò *inconstantiâ à iudicii firmitate* deficis, si vel nulla, vel certè iusta caussa sententiam mutas, & Vertumnum agis. 4. Exigit prudentia, vt rem deliberatam opportuno tempore agas; quod per *negligentiam* cum non fit, in prudentiæ leges, contra *rationis vigilantiam*, delinquitur. Non est autem hîc sermo de negligentia, quæ est omissio diligentia requisitæ, in externo opere (sic enim non repugnat directè prudentiæ, sed illi virtuti, in cuius materia versatur) sed quæ est omissio diligentia requisitæ in intellectu excitante ac dirigente voluntatem, virésque externas ad executionem.

**VI.** Facile hæc foret omnia ostendere, in anseris emblemate: sed eo magis indicantur excessus prudentiæ, qua etsi anser omni careat, non caret tamen excessu, seu potius quadam specie, ac imagine excedentis prudentiæ. Cuius excessus apud S. Thomam sex sunt modi; hîc sufficiat commemorare: *prudentiam* scilicet carnis; qua  
quis

quis viuit & sapit secundum carnem, sequiturque naturæ corruptæ motus, atque excogitat idonea media, ad opera carnis complenda, quæ sunt *fornicatio, immunditia, impudicitia &c.* quæ Apostolus recenset *Gal. 5.* Vt enim quævis virtus suam habet prudentiam, qua, tanquam regula, in suis functionibus dirigatur, vt opus suum honestum faciat; ita quoduis vitium sua quadam falsa prudentia dirigatur ad obtinendum honorem, opes, aut bonum delectabile, quod est eius finis.

Porro non opus est, vt huius falsæ prudentiæ iudicio insit error, atque ea falsitas, quasi media, quæ eligit, non sint idonea ad finem, vel vt iudicet, illa absolutè esse bona; sed sufficit, quòd iudicium tale sit causa prauæ electionis; aut quòd non sit consentaneum appetitui recto: idcirco enim tale iudicium practicè falsum appellatur, esto speculatiuè verum sit. Quamquam sæpe etiam speculatiuè erret: *qualis enim quisque est, ita iudicat*, teste Philosopho. Hinc frequenter noxia appetuntur. Atque vt anserem videas, donec rumpatur parientem, sicut prudentia *spiritus vita & pax est*, ita *sapere secundum carnem mors est. Rom. 8.* Neque animæ tantum mors est, sed non rarò corporis quoque: alij enim nimia auiditate, alij nimia pereunt satietate. Denique audi, quò imprudens hæc car-

VII.

nis prudentia ducat, *propter crapulam multi obierunt*, ait *Eccli. 37. 34.* Itaque hitales saginantur, sed, præ nimia mentis cæcitate, nesciunt se, more gladiatorum, ad mortem saginari. Ad quem modum etiam obcæcata acu gallinæ, capique, ceteræq; volucres mirificè pinguescunt, tanto citiùs ad culinam, & cacabum, & ignem venturæ, quantò celerius pinguescunt. Sed non absterrent voluptati mancipatos supplicia; magis extimulant, vt quoad possunt, voluptuentur. Hinc sibi illud Horatij Epicureum *l. 4. carm. od. 12.* assiduè canunt mutuò, vt inuitent ad curas eluendas, poculist tingendos amicos.

*Verùm pone moras, & studium lucri,  
Nigrorùmque memor, dum licet, ignium,  
Misce stultitiam consiliis breuem:  
Dulce est desipere in loco.*





Stulta sæculi seipsum decipientis astutia, immo ignorantia in ovo pullifero reprehensa.

# EMBLEMA LXXI.

NIL OPVS EST FRAVDEM TEGERE, TEGE SIMPLICITATEM.



**D**uo adolescentes in diuersorium sumendi cibi I. gratia se receperunt, ait Othmarus Liscinius In Sali. cap. 128. Ex his, qui erat iunior, ouum in mensam allatum aperiens, pullum propemodum iam foetura absolutum reperit. Quem cum Sodali ostendisset, submonuit ille, clanculum absorberet, ne hostiti, si resciret, decuplum soluere cogere-  
tur. Paruit iuuenis; Et cum ratio sumtuum exposce-  
retur senior alteri susurravit in aurem: Ne graue-

*ris hospiti pro me, quod debeo numerare, alioqui prodam te de denorato pullo, & exsolues decuplum.*

II.

In contrarium penè alius ouum pullo foetum existimans culinæ artibus deceptus, parum abfuit, vt abijceret. Arbitri, in *Satyrico*, verba sunt. *Repositorium allatum est cum corbe, in qua gallina erat lignea patentibus in orbem alis, quales esse solent, quæ incumbunt oua. Accessere continuo duo serui, & symphonia strepente, scrutari paleam ceperunt, erutæq; subinde pauonina oua diuisere conuiuis. Conuertit ad hanc cœnam vultum Trimalcio: & Amici, ait, pauonis oua gallina iussi supponi. Et mehercule, timeo, ne iam concepta sint, tentemus tamen, si adhuc sorbilia sunt? Accipimus nos cochlearia, non minùs sex libras pendentia, ouaque ex farina pingui figurata pertundimus. Ego quidem penè proieci partem meam: nam videbatur mihi in pullum cõisse. Deinde, ut audiri veterem conuiuiam, Hic nescio quid boni debet esse, persecutus putamen manu, pinguiissimam ficedulam inueni piperato vitellio piperatam. O albam hominum mentem albis dentibus ridendam?*

III.

Contrarijs erroribus dicunt *malum bonum, & bonum malum. Isa. 5. 20.* Nam prorsus bono numero sunt, qui sua simplicitate se percutiunt, non pauci huic vtrique persimiles; nam ea ipsa in re, qua aquilæ esse volunt, talpa fiunt cæciores. Dum enim nasum rhinocerotis se habere

pu-

putant, longiorem habent; nempe tricubitalem. Plerumque versipelles tandem sua se fida vulnerant, proprioque hamo induunt, dum alijs malum meditantur. Adolescentes isti auarè gulosi, non cauponem, sed in gratiam ventris ventrem, & suum etiam genium deceperunt. Deus enim est, qui dissipat, cogitationes malignorum, ne possint implere manus eorum, quod cœperant. Qui apprehendit sapientes, in astutia eorum, & consiliū prauorum dissipat. Per diem incurrent tenebras & quasi in nocte, sic palpabunt in meridiè. *Iob. 5. 12.*

Est hic alter, post prudentiam carnis, veræ I V. prudentiæ excessus, ut desipiant, qui volunt esse nimis prudentes, & in meridiè cæcutiant, dum sutelas & astuta verba componunt, per propriū iugulum reditura. Tamen enim Astutia generatim, est ratio aliquid agendi modo occulto, quo sensu Aristoteli 1. *Magn. Mor. c. ult.* omnis prudens est astutus, licet non vicissim omnis astutus sit prudens; tamen peculiari modo astutia sumi solet, pro notitia prauorum mediorum ad fallendum idoneorum, cum affectu ea exequendi coniuncta. Hæc astutia, teste S. Augustino l. 4. *contra Iulianum c. 3.* prudentiæ similis, ab Apostolo prohibetur. 2. *Cor. 4.* Haud rarò tamen in caput auctoris recidit, ut incidat in *fo-neam*; qui eam fecit *Psal. 7. 16.* Ita quæ astutia putatur, paracope est. Luculentum exemplum

traditur, in consilio, quod dedit Achitophel.

4. Reg. 17. 23.

V. Astutiae sociatur dolus, tanquam executio illius, seu verbo, seu opere facta. Nullus enim committitur dolus, nisi erga proximum, ac praesertim in rebus ad iustitiam spectantibus. Hinc non multum à dolo differt fraus, quæ est executio astutiae per facta, ut cum est, vel putatur hospitij, aut cibi precium minus iusto, & tamen loco iusti precij persolvitur. Est enim fraus externus iniustitiae actus. Et quia *fraus, & dolus nemini debet patrocinari*, etiam in foro externo, ut habetur, *cap. Ex tenore. de Rescriptis*. multò minus solet patrocinari in foro interno; siue *fraus fiat contra legem* (seu contra id, quod lege praecipitur, vel vetatur) absque colore & artificio, quo violatio illa tegatur: siue fiat *ipsi legi, fraus*, qua ita, eoque artificio contra mentem legis agitur, ut is, qui agit, nihil legi aduersum committere videatur: seque pallio quodam iustitiae tegat: ut cum coniunx volens donationem facere coniugi (quod lege prohibetur) substituit aliam personam, cui donat, cum onere transferendi in coniugem; aut cum beneficiarius specie gratitudinis soluit mille Philippæos ei à quo beneficium accepit.

VI. Noluit talem gratitudinem Propheta Elisæus, at eius famulus Giezi, quia non modo non repu-



pudiauit, sed etiam auarè clanculòque poposcit,  
 vnà cum vestibus Naaman, etiam leprā Naaman  
 accepit. 4. Reg. 5. 27. Quid profuit astutia &  
 fraudulentè sepultum spoliū Achan, nisi vt &  
 ipse lapidibus obrutus sepeliretur? 1os. 7. Quan-  
 ta erat machinatio Iezabelis, vt vinea potiretur  
 aliena? Obtinuit sanè vineam, sed & illam,  
 canes, qui eam in plateas proiectam deuora-  
 uerunt, Cerebro interea animam illius lace-  
 rante, 3. Reg. 9. Astutè & perfida fraudulentia  
 Iudas peculium subduxit; quin & totius Mundi  
 thesaurum 30. argenteis vendidit sceleratus  
 plagiarius. Quo lucrò? tandem & ipse de arbo-  
 re pendulus, velut turgidum marsupium cre-  
 puit, & viscera, velut numismata, prodigè effu-  
 dit, vt compensaret, quod auarè collegerat. Cal-  
 lidè de precio agri decerpserant duo coniuges  
 miserandi Ananias & Saphira. Act. 5. Sed quan-  
 ti ea fraus stetit? morte repentina extincti simul  
 & mendacium, & furtum luerunt.

Hoc si perpenderent, quicunque iniquis in- VII.  
 umentibus volunt diuites fieri, sæpe manus  
 abstinere. Neq; enim tantum lucra vera ini-  
 quis lucris iugulantur; sed longè grauiora in-  
 commoda à Deo emuntur. Vt proinde reuera  
 possit *stulta* vocari *Mundi sapientia*; quæ desul-  
 toriè exorbitat; & à tibia, quod dicitur, exerrat.  
 Falces petit, nec ligones accipit. Iamque non  
 pul-

pullum, sed embryonem pro *ovo* deuorat. Cum-  
 que amentissimè egit, existimat se maximè sa-  
 puisse; vt bis deliret, & agendo scilicet, & iu-  
 dicando. Vt ergo *virtus est vitium fugere*, ita  
 verè *sapientia prima, Stultitiâ caruisse*. Horat.  
*l. 1. epist. 1.* quæ cum nulli profit, sibi nocet  
 maximè.

*Nemo tam simplex, neque tam maligno  
 Sidere est natus, rigidôque celo;  
 Quàm suo qui se miserandus ipsum  
 Decipit astu.*



Ovum avi, discipulum præceptori parem esse, & ab eo callidam iniquitatem trahere.

EMBLEMA LXXII.  
MALVS CORVVS, MALVM OVVM.



**A** Gellius Noët. *Attic. lib. 5. c. 10. vbia.* I. git de argumentis reciprocis, quæ referri contra conuertique in eum possunt, à quo dicta sunt, addit illud, quo *Protagoram Sophistarum acerrimum usum esse ferunt adversus Euathlum discipulum suum. Lis namque, inter eos, & controuersia super pacta mercede hac fuit. Euathlus adolescens diues, eloquentia discenda, causarumq; orandi cupidus fuit. Is in disciplinam Protagoræ se dedit; daturumq; promisit grandem pecuniam,*

niam, quantam Protagoras petiuerat : dimidiumq<sup>3</sup> eius dedit iam tunc statim, priusquàm disceret. *Pepigitq<sup>3</sup>, ut reliquum dimidium daret, quo primo die causam, apud Iudices, orasset, & vicisset. Postea cum diutulè auditor, affectatorq<sup>3</sup> Protagoræ fuisset, & in studio quidem facundia abunde promouisset : causas tamen non reciperet : tempusq<sup>3</sup> iam longum transcurreret, & facere id videretur, ne reliquum mercedis daret : capit consilium Protagoras, ut tum existimabat astutum. Petere institit ex pacto mercedem. Litem cum Euathlo contestatur, & cum ad iudices conyiciende, consistendaq<sup>3</sup> causa gratia venisset : tum Protagoras sic exorsus est.*

- II.** *Disce, inquit, stultissime adolescens, utroque id modo fore uti reddas, quod peto, siue contra te pronunciatum erit : siue pro te. Nam si contra te lis data erit : merces mihi ex sententia debebitur : quia ego vicerò. Sin verò secundum te iudicatum erit : merces mihi ex pacto debebitur ; quia tu viceris. Ad ea respondit Euathlus. Potui, inquit, huic tue tam anticipiti captioni isse obuiam : si verba non ipse facerem : sed alio patrono uterer ; sed magis mihi in ista victoria pro ludium est, cum te non in causa tantum, sed in argumento quoque isto vinco. Disce igitur tu quoq<sup>3</sup>, Magister sapientissime, utroque modo fieri, uti non reddam, quod petis, siue contra me pronunciatum fuerit, siue pro me. Nam si iudices pro causa mea senserint, nihil tibi ex sententia debebitur : quia ego vice-*



vicero; *sin contra me pronunciauerint, nihil tibi ex pacto debebo, quia ego non vicero. Tum iudices dubiosum hoc, inexpectabileq̃, quod utrinque dicebatur, rati, ne sententia sua utramuis in partem dicta esset, ipsa sese rescinderet: rem iniudicatam reliquerunt, causamq̃ in diem longissimum distulerunt. Sic ab adolescente discipulo Magister disciplina eloquentia inclytus, suo sibi argumento confusus est, & captionis versuta excogitata frustratus fuit. Idem narrat L. Apul. in Florid.*

Quid verò iudices? an non optimo jure **III.** hoc saltem sententiæ vice pronunciare debuerunt, ait adagiorum Collector *Chil. 1. cent. 9. κακὸν νόεονος καὶ ἐν ὧν; MALI CORVI MALVM OVVM?* Quod alij referunt ad naturam animantis, quæ nec ipsa est idonea cibis humanis, nec *ovum* parit ad quidquam utile. Et sunt, qui dicant fieri, ut coruorum pulli parentes ipsos deuorent, si fortè non pascant illos ad satietatem, Quod multi imitantur parricidæ; multi magistris faciunt ingrati discipuli. Simile quid S. Casiano contigit, quem proprij discipuli graphijs confoderunt; sed bono Magistro id à malis discipulis cōtigit; sicut cum quondam, apud Volscos, malo Magistro discipuli innocentes in tergum incurfarunt. Multò id crebriùs mali discipuli malis Magistris faciunt, ut malam mercedem, pro mala doctrina, reponant. Hinc adagij origo

origo ex eo est, quod in *Prolegomenis in Hermogenis rhetoricen* legitur, Coracem quendam primum Syracusis, post mortem Heronis, instituisse artem rhetoricen mercede profiteri. Cum hoc adolescens quidam in vtrumque dexter, & in morem Chimææ, aut cothurni, Proteiue versatilis, nomine Tifias, hac lege, pactus est, vt tum demum mercedem persolueret, vbi jam artem perdidicisset. Dein vbi, jam arte cognita, præmium reddere cunctaretur, Corax in ius discipulū vocat. Ibi iuuenis sicut antiquorū fistula eadem grauem & acutū sonū reddere apta, jurat per anserem, se Magistro nihil debere. Quare huiusmodi dilemma proponit. Percontanti, quis esset artis finis, vbi Corax respondisset: *Persuadere dicendo*: Age, inquit, si persuadeo Iudicibus, me nihil debere, non reddam, quia vici causam; sin minùs persuadeo, non reddam, quia non perdidici artem. Hæc cum discipulus intorsisset, & Magister, ad eum modum, quo supra è Gellio appositum est, argumentum retorsisset, admirati iudices succlamarunt: MALVS CORVVS, MALVM OVVM.

- IV. Sunt qui id à corona circumstantium existiment esse succlamatum. Meritò. Sed & Magister mercedem retulit, quam meruit. Quid enim boni expectet homo ab ijs, quos docuit facere mala? Discant ex hoc *omo*, qui quotidie  
Mun.


Mundum accusant de ingrati animi crimine. Vnusquisque alterum toties consilijs factisque mala docet, docetque cum coruo crocitare: quid ergo desiderat, nisi vt ex albo *ouo* niger & ingratus coruus prodeat? cui seducto jam nihil candoris, multum fuliginis insit, qua & ipse os alijs sublinat. Quam gratiam, aut sinceritatem ab altero expectat, qui eum ipse docuit Creticè loqui, & politicà, vt jam vocant, veritate alios decipere? Quid autem, apud diuinum iudicem, hos tales maneat præmij, vide mihi in exemplo, quod Petrus Cantor Parisiensis, & ex eodem Iacobus de Voragine, itemque Petrus de Natalib. *lib. 10. c. 8.* refert.

Magister Silo quendam suorum discipulorum v. extremè ægrotantem, obtestatus est, vt defunctus sibi compareret, statumque suum exponeret. Moritur æger, effertur mortuus. Post aliquot soles, adest Magistro terribili forma. Nam epomis illi de capite in humeros Academicè fluebat, pergameno tamen extra, intus furioso igne constans, quasi flammis vndantibus subsuta esset. Ceterum membrana illa exterior vbique sophismatis inscripta, ac velut litteris maioribus fimbriata erat. Horruit, aspecto discipulo, Magister. Quem discipulus compellans ait: Epomis hæc membranacea, magis me premit grauatque, quàm si vasta, mihi aliqua turris

d  
supra

supra caput imposita esset : Enceladus mihi esse videor, & non Ætnam nunc tantum, sed & Pelion portare. Hæc merces mea est, pro inani gloria, quam de Sophismatis captaui, in quibus mihi ipse nimis placui, nimis plausi. Flamma verò, quæ huic chlamydi tam egregiæ subluceat, meque acerbissimè lambit identidem, voratque, pellibus successit delicatis ac preciosis, quibus ad superbiam vsque me exornaui. Ac ne leue existimes, quod patior, manum exhibe, & vel vnicam mei sudoris guttam excipe. Fecit. Sagittam dixisses, non guttam illi in manum incidisse, ita extemplo eam cum incredibili cruciatu perforauit. Sed longè altiùs in animum, quàm in manum Magistri penetrauit; qui altero die orto discipulis in schola collectis, religionem ingressurus, his versiculis vale dixit:

*Linguo coax ranis, cras coruis, vanaq; vanis.  
Ad Logicam pergo, que mortis non timet Ergo.*





Iniusta exigentium, aut iusta non red-  
dentium ingrata auarities, in ovi vitello  
postulato & negato.

# EMBLEMA LXXIII.

CVR SPEREM VITVLVM? NON  
DAS, INGRATE, VITELLVM.



**Q**Uam ex Chrysippo lib. de orac. Suidas I.  
historiam refert, eam Cicero lib. 2. de  
diuin. his verbis narrat. *Desert ad conie-*  
*ctorem quidam, somniasse se, ouum pendere ex fascia*  
*lecti sui cubicularis. Respondit coniectoꝝ, thesaurum*  
*defossū esse sub lecto. fodit. inuenit auri aliquan-*  
*tum, idq; circumdatum argento. misit coniectoꝝ*  
*quantum visum est de argento. Tum ille, NIHILNE*  
*DE VITELLO? id enim ex ouo videbatur aurum*

*declarasse: reliquum argentum.* Vtroque versum  
 vsurpari hoc potest. Multi eum coniectore ni-  
 mis petunt multum, nec vlla compensatione sa-  
 tiantur. Lepidè Accius: *Nihil credo auguribus,*  
*qui aures verbis diuitiant alienas, suas vt auro locu-*  
*pletent domos.* *Prou. 30. 15. Sanguisuga due sunt*  
*filia, dicentes: Affer, Affer.* Et auaritia pecuniæ-  
 que cupiditas est ignis, qui nunquam dicit: *Suffi-*  
*cit.* Nam vel Salustio teste, *Auaritia studium pe-*  
*cunia habet. Ea quasi venenis malis imbuta corpus*  
*animumq; effeminat. Semper infinita, & insatiabilis*  
*est, neque copia, nec inopia minuitur.* Neque enim  
 ait Cic. in *Parad. vngquam expletur, neque satia-*  
*tur, cupiditatis sitis: neque solum ea qua habent, li-*  
*bidine augendi cruciantur; sed amittendi metu.*  
 Pulchrè Seneca l. de *morib. Pecunia non satiat a-*  
*uaritiam, sed irritat.* Et Aristoteli l. 1. *Politico.*  
*Desiderium diuitiarum vadit in infinitum.* Cuius  
 16. c. 6. rationem reddit. Certè etsi per acqui-  
 sitionem possidemus, non tamen acquirimus, vt  
 possideamus, sed vt ijs, quæ possidemus, tan-  
 quam instrumentis vtamur. Hunc finem auari  
 ignorant, hinc nimis sunt petaces.

- II. Plerique ex eodem fonte ijs amant dare ni-  
 mis parum, aut nihil, à quibus omnia accepe-  
 runt. Immo, si Iuuenali credimus, *Sartyr. 7. Sci-*  
*re velint omnes, mercedem soluere nemo.* Multi  
 quorum auxilio ditati sunt, eos ipsos deglubūt.

Multi

Multi à quibus promoti sunt, eos de gradu deijciunt. Quàm ingratus fuit optimo suo coniectori pincerna ille, cui cum Ioseph somnium tam verè, quàm lætè exposuisset Gen. 40. 14. dixit: *Tantum memento mei, cum bene tibi fuerit, & facias mecum misericordiam &c.* Et tamen succedentibus prosperis prepositus pincernarum oblitus est interpretis sui. Quæ ingratitude ad Deum vsque se extendit. Docet enim S. Hieronymus l. 11. in Isa. c. 39. Hebræos antiqua traditione retulisse, Ezechiam regem ideò vsque ad mortem agrotasse, quòd pro reportata ab Assyrijs inclyta illa victoria, qua vna nocte ab Angelo hostium centum octoginta quinque millia cæsa sunt, nullum, more reliquorum regum, canticum laudis & gratiarum actionis accinuisset. Ipsius Christi querela est: *Nonne decem mundati sunt, & nouem ubi sunt? Luc. 17. 17.* Plura S. August. Serm. 18. de verb. Apost. Quoties sanitatis redditæ obliuiscuntur homines? quoties victoriâ obtentâ sunt ingrati? Quàm pauci loui statori, Seruatori, immo vero Numini statuunt templum, hostis cæsi, fugatique monumentum? Aliquid saltem thesauri repertor retulit coniectori: multi ipsis parentibus nihil referunt, à quibus tamen & vitam, & fortunas omnes acceperunt.

*Recentis omnino memoria est, ait Philipp. 111.*  
 Doultreman p. 1. Padag. Christ. c. 6. §. 3. quodq;  
 d 3 ab

ab oculato teste Soc. IESV Sacerdote R. P. Henrico Compegio ego ipse nuper accepi, de Adolescente Nobili Flexia in Gallia nato. Hic cum à parentibus tantum pecuniæ, quantum petierat, non accepisset, litteras ad eos dedit diris, contumeliisq̃, ac maledictis plenas. Sed eas vix miserat, cum subito ita omni audiendi facultate spoliatus est, ut ne vel tormenti bellici fragorem perciperet. Malo isti diu quasita per Galliam remedia, sed frustra. Statuit ergo Adolescens è calopetere, quod in terra negabatur. Eam ob rem Lauretum, ad misericordiæ Matrem properat, ubi positis ritè, antea acta vita maculis, indictisq̃ sibi nouendialibus, in Sacra B. Virginis ade, precibus, Deum per Matrem placare aggreditur. Proximè aderat dies, quo eiusdem S. Virginis in calos Assumptæ memoria solenniter colitur, cum in eiusdem diei peruigilio, secundum quietem nocte, videre sibi visus est Matronam augusta specie cum utroque parente, cubiculū ingrediētem, & ab his percunctantem: Effetné iste eorum filius? & an ei sanitatem reddi vellent? Quibus annuentibus, accessisse ad lectum, immissoq̃ in aurem digito, chartam eduxisse, & explicatam legendam proposuisse: legisse verò ipsa illa impietatis sue carmina, quæ nuper parentibus exarasset. Super quæ, evanescente visō, expergefatus Adolescens, restituto in integrum auditu, ad P. Compegium sibi à confessionibus accurrit, & in ipsa sacra Virginis Matris ade iureiurando rem sibi euenisse



nisse testatur An. 1613. Hæc ille, de ingrato, sed tamen misericordiam consecuto.

Grauius punitum alium filium describit S. IV.  
Bonauentura l. de 10. Præceptis serm. 5. de 4. præcepto. Is patre pransum veniente, caponem, quem in mensa habebat, seponi iussit tantisper, dum senex abiret, & abeunte reponi. Sed ecce tibi mutatus in horridum bufonem capo, ex lance in impij vultum insiliens, totum à mento in frontem occupauit: nec, ante miserandi hominis mortem, arte vlla auelli potuit. Quin & si qua parte bufoni molestiæ aliquid afferebatur, eandem iste simili parte corporis percipiebat. Simile quid refert Cæsarius l. 6. c. 22. & Thom. Cantiprat. l. 2. apum c. 7. art. 4. licet hîc alias quasdam circumstantias addat, quæ ob diuersitatem indicent, historiam non esse eandem. Sed nihil refert, idem supplicium miraculosum bis accidisse, cum & idem iniquissimæ atque auarissimæ ingratitude flagitium accadat quotidie.

*Indignos Cereris semine dicimus,  
Et saxis similes Caucasæis agros,  
Qui tantum accipiunt, reddere nesciunt,  
Quod fidi agricola dextera sparserit.*

Ovi in vitrum conuersio, humanæ  
fragilitatis imago est.

## EMBLEMA LXXIV.

VITRUM VEL OVVM SIS, VTRVM-  
QUE FRANGITVR.



- I. **O** Va exeunt à rotundissima sui parte, dum pariuntur, molli putamine, sed protinus durefciente, quibuscunque emergunt portionibus. Plin. l. 10. c. 52. Hæc tamen durities non tollit fragilitatem; sicut nec splendor, cum ovum in vitrum degenerat supra mensam suspensum. Ita enim & suspendi vidimus, & in vitrum flauescens, vel halitu ciborum, uti non nemo recenset, vel potius vetustate in calicem subsidens, ac velut glacie flaua durefcens sæpius conspeximus.

mus. Tametsi nonnullæ anus neque hîc sua abstineant superstitione; quasi certo die, aut ritu suspendi oporteret. Quanquam ambigi poreft, veréne *oua* naturam, an similitudinem vitri induant? Certè si speciem perdunt, non perdunt fragilitatem.

Quod & in hominibus fieri amat, qui cum I I. sæpe ex humili fortuna incipiant florere, ac splendere, velut *ouum* in vitrum transeunt, fragilitate retenta. Perinde enim postea morbis, & morti; immo & timori periculorum omnium obnoxij sunt, ac prius. Siquidem *mors a quo pulsatur pede pauperum tabernas, Regumque turres*. Horat. l. 1. od. 4. Et *ventorum statio est vita hominis*. Itaque fragilitati nostræ fortitudine opus est, quæ impedimenta rectè operandi, ex periculis & malis huius vitæ occurrentia, remoueat, ne propter illa ab honesto recedamus. Quæ virtus maior est quàm temperantia. Et si enim Virtutes Cardinales non semper eodem ordine numerentur à SS. Patribus, ex Aristotelis tamen lib. 1. Rhet. c. 9. doctrina, eæ virtutes ceteris antecellunt, quarum utilitas latius patet, quales sunt, quæ in commune multitudinis bonum vergunt. *Multitudinis siquidem bonum*, inquit idem 1. Ethic. c. 2. *diuinius est proprio*, vel priuato. Hinc iustitia, & fortitudo, maximè quæ est in bello, temperantiæ præferuntur. Adde, quòd difficilius sit, timorem

d 5

mortis,

mortis, & verberum vincere, quàm cupiditatem voluptatam refranare : cum etiam immanes belluæ à maximis voluptatibus, metu verberû, abstineant.

III. Hanc ergo, inter pericula tanta, virtutem inducere oportet. Quidam, vt à fulminibus sint tuti, galericulos sibi faciunt è vitulo marino, quem immunem à Iouistelo arbitrantur: potiùs laborent, vt virtute induantur ex alto. *Primum argumentum compositæ mentis existimo*, ait Senec. *ep. 2. ad Lucil. posse consistere, & secum morari.* Tale ouum non ouum, nec vitrum fuit Ludouicus Bauarus, quem cum in vinculis teneret Albertus Marchio Brandeburgicus, ac multa petens nihil impetraret, minas adiecit, ni pareret, tradendum in manus sui hostis. Cui, vt scribit Æn. *Syl. 1. 3. Comm. de Gestis Alph.* Ludouicus respondit: *Quæ poteris ex me libero impetrare, eadem modo ex capto petito. Si amplius quid voles, corpus meum in tua potestate est; animum verò mihi, non tibi obnoxium inuenies.* Gerebat nempe in fragili corpore animum infractum.

IV. Ceterùm quia multis non tantùm in corpore, sed in animo quoque fragilitas inest, sepe quod temeritas est, fiduciam esse credimus. Ex doctrina S. Cypriani *lib. de singularit. Clericor.* *Vtilius est, vt infirmum se homo cognoscat, vt fortis existat, quàm fortis videri velit, & infirmus emergat.* De qua re  
pre-



*presumptores obiurgat Apostolus dicens: si quis putat se aliquid esse, cum nihil sit, se ipsum implanat. Ille autem tutius sibi consulit, qui circa malos semper infidus species quasdem noxias extimescit. Cautius vitrea, quàm lignea vasa portantur; nec oua licet iactare, vt saxa. Igitur sicut corpori, ob fragilitatem vbique cauemus, ne aut casu allidatur, aut insidijs petatur; ita animo quoque fragilitate sua non carenti fas est cauere. Fortitudo exerenda est, cum in hostes venit. At domos suspectas adire, familiaritates noxias quærere, hostem prouocare, est de saxo atque in ferum mucronésque infilire; quod non fortes, sed temerarij faciunt. Et qui amat periculum, in illo peribit.*

Timiditas quidem in vitio est, cautela tamen **V.** exigitur: cuius vt memores simus, ipsa *oui* & *vitri* fragilitas admonet. Bobadilla noster in satrapæ cuiusdam mensa, fracto per nescio quem scypho crystallino preciosè æstimato, per salutarem iocum, & culpam diluit frangentis, & irascentis impetum cohibuit, cum diceret: *Restanti steterat, tamque caduca fuit?* O quanti nobis stat corpus, vt illud saginemus, & vestiamus, & tamen quàm est caducum? quàm scilicet ipsum vitrum.

Noui ego familiariter in Alsatia nobilissimi **VI.** nominis & familiæ Dominum, cui mos erat me-  
ri-

ridiari, atque idcirco, remotis secundis mensis, in tumultuario lecto accumbebat. Lectus erat humilis, stragulis russei coloris instratus. Pende-  
bant circumsecus cortinæ holosericæ eiusdem coloris. Sed & mensa oblonga propter lectum stabat puniceo tapete tecta. Nec excedebat hic apparatus opes. Ex eadem illa arce in qua habitauerat, nouem in ambitu seu vicos, seu pagos conspiciebat, tam vicinos, vt penè omnes tangere posset glande plumbea. Illi omnes pagi ad illius dominium pertinebant. Nihil præterea deerat, quod posset à tali viro optari, nisi quod *onum*, immo fragile vitrum fuerit. Nam ecce siue quia in pauperes ac religiosos beneficus, siue quia in Diuos pius erat, sicut Bobadilla suum inuitatorem, ita bonus Genius hunc in vitro docuit, quàm fragilis vita esset humana.

VII. > Cum se à meridie in torum reciperet, iubebat in mensa statui crySTALLINUM calicem vino rubro punicantem, vt à somno sicciior illico se posset haustu præsentis refrigerare. Hic mos illi erat quotidianus. Aliquando igitur, integris sensibus, & valetudine prorsus vegeta accubuit. Ibi nescio quæ hominem subijt cogitatio *de aeternitate*, quæ eum non fuit obdormiscere. Cum hac cogitatione dum luctatur, atque ante oculos positum vitreum scyphum animo nolente identidem contemplatur, scyphus repentè, nullo

lo attingente, velut ictus, sonat, & sponte sua  
 medius diffilit, vinumque in mensam effundit.  
 Territus inexpectato spectaculo Dominus, tin-  
 tinnabulo, quod ponè stabat, dat signum: ad-  
 sunt famuli; quærunt, quid velit? quibus trepi-  
 dâ voce rem, vti euenerat, recenset, additque,  
 ita vitam suam, quemadmodum vitrum, rum-  
 pendam, animamque, vini instar, effundendam.  
 Solantur illi; tristem cogitationem abijcere iu-  
 bent, vitium in vitro fuisse, casu crepuisse, atque  
 vt mentem illi aliò auertant, scyphum remo-  
 uent ex oculis, aliumq; illius loco substituunt,  
 perinde Bacchi sanguine, repletum, vt priorè,  
 herumque se quieti reddere iubent, quo se in-  
 torum recipiente, abeunt.

Non abijt tamen cum illis tristis sollicitudo. **I I X.**  
 Ecquis scit, ait, an non & mihi omni fortuna  
 pleno, sic repentè interitus immineat, vti huic  
 vitro de Burgundiaca vua pleno? Quid si Ge-  
 nius meus bonus, hoc mihi signum dedisset in-  
 stantis morris? Multis talia contigère, vt ante  
 obitum monerentur. Primus ego non sum.  
 Quin ergo alienis sapio exemplis? Hæc fortè  
 secum tacitus dum agit, per mediam horæ  
 partem, ecce tibi rursus etiam alterum hoc vi-  
 trum, cum sonitu claro sponte medium rumpi-  
 tur, nemine lædente, atque purpureum vinum  
 in mensam euomit. Maior ergo, quàm prius,  
 homi.

hominem inuadit consternatio. Vocat famulos, vocat uxorem, mandatq; vt actutum Bruntruto aduocent animæ suæ medicum, nam de corpore actum esse, non secus, atque de vitro iam altero, prodigiosè vtique, fracto; neque aliud indicante, quàm vitæ suæ fragilitatem ac interitum repentinum: ita enim animam suam effundendam, vti vinum; neque tam vitrum, quàm Parcæ stamen ictum; sonitu illo mortem ad fores suas pulsauisse. Ne igitur in extremis versantem destituant auxilijs spiritualibus, quando corporis deinceps subsidia desint, etiam atque etiam rogat. Hoc tali sermone vxor magis quàm ipso vitri prodigio perculsa, cum diu laborasset, in persuadendo marito, ne somnij crederet, aut tristitiæ delirantis vanitati, tandem appromisit, se Patrem Societatis consuetum aduocari curaturam.

- I X.** Interim vt sedaretur mentis tumultus in marito, tertium iubet scyphum reponi, priusque bene inspicere, ne fractus, aut vestigium habent læsionis reponeretur. Ita maritus se denuo ad soporem componit; vxor quia inanem viri arbitrata est esse imaginationem, mittere pro Confessario omittit. At non ita Dominus, qui singula peccata in digitos digerit, & totus in eo est, quemadmodum non somnum capere, sed mortem obire velit. Hæc dum agit ( quis digi-  
tum



tum Dei non agnoscat?) rumpitur tertium quoque vitrum, & vinum per mesnam dispergit. Tum demum nihil ampliùs dubitare dominus, tum per superos obtestari vocatam coniugem & seruos. vt Confessarium quantocyus accersant; modicum sibi temporis superesse, quo salutis suæ prospiciat, illud se negligere nolle: sed obsequi cupere Angelo monitori; itaque festinent, volent; nam festinare etiam id vitæ, quod reliquum superesset. Omnia Mundus faciliùs credit, quàm sua pericula. Quare tum quoque, insanire dominũ, familia magis, quàm non sano corpore esse credidit. Ita dies à prandio vsque in serum vesperum ijt; nec quisquam missus est, qui Confessarium Bruntruto aduocaret. Crepusculum diei, fuit & crepusculum vitæ. Nam ad primam faciem mirificè cœpit pallere, segniùs & vena micabat, ac vires in momenta singula deficiebant. Ergo tum demum vxor mittit equos expeditos, & quanta possit contentione iubet famulum celerare. O quàm occulta sunt iudicia Dei! Itinere aliqui non admodum longo, & intra montes plerumque continuato, neque erroribus exposito, pergit incitatissimis equis famulus, & in modica siluula, quæ interiacet, tota nocte circumuagatur, cum interea media iam nocte herus  
funus

432 EMBL. LXXIV. HUMANÆ FRAG.

funus fuit. Itaque serò adductus Confessarius mortuum inuenit, fatis tamen occupationis reperit, circa viuos consolandos, qui sua dicebant negligentia, aut incredulitate potiùs, herum sine diuinis Sacramentis è vita discessisse. Quò autem discessit? Ah! Deus nouit. De salute illius nolim desperare. Spes tamen vtique robustior esset, si, sicut ipse, ita & familia illius, eandem & vitri, & hominis agnouissent fragilitatem.

*Vitra, ut rem fragilem, contingit frangere multis;  
Sed multos etiam frangere vitra solent.*



Ovum, pro pila, iactatum, temerariorū  
audaciam accusat.

EMBLEMA LXXV.  
PERICLITARI LVDVS EST.



**O** Vis olim lufum, Varro ruficant his ver-  
bis docet : Non modò ovum illud fublaturu  
eſt, quod ludis Circenſibus noniſſimi curri-  
culi finem facit quadrigis ; ſed ne illud quidem ovũ  
vidimus, quod in Cereali pompa ferri ſolet eſſe pri-  
mum. Sed quod antiqui in Circo, ait Putcan. or.  
20. quid ni in Sphariſterio nos faciamus ? tam pul-  
chrè notari pila termini ovũ poſſint, quàm quidquid  
in Circenſi pulvere ſignabatur. Periculum tamen  
ſubinde foret meræ tam fragilis conculcandæ.  
Sicut non ſine periculo grandi ovũ pro pila ipſa

vñuntur nonnulli, quibus omnia in amœnita-  
tibus esse consueuerunt. Nam *ouis* vel sigillatim  
certant, quis sursum sparsa sæpius altiùsque re-  
cidentia reprehendat illæsa; vel datatim iactata  
diutiùs conseruet integra, reddâtque colluden-  
ti volantia; vel denique, quod cum admiratione  
spectatur, certant nonnulli in pratis, quis ea,  
altiùsque, longiùsque, summa vi brachiorum  
proijciat, in terram sine rupturis vllis labentia.  
Nam præsertim ad duritiem cocta, nisi in lapi-  
dem, aut lignum incidant, cacuminibus à mol-  
liore terra vel cespite excepta, non confringun-  
tur. Vt enim nihil citiùs rumpitur, ita nihil fir-  
miùs resistit. Latera leui casu, aut allisu vulnus  
capiunt; in capite vtroque robur ingens, vt om-  
nem vim è transuerso illatam vincat. Ita & vi-  
trum est, & chalybs. Et quamuis chalybs, sæpi-  
sime tamen, vel inter ludentium manus, frangi-  
tur obliquum, vel in terram excidens interit  
ruptum.

- II. *Sic ad capiendi consilij prudentiam maximè in-  
citaberis, ait Isocrates in parenes. ad Demonic. Si  
qua damna temeritatem sequantur, cogitâris. Nam  
& valetudinem diligentissimè curamus, cum agro-  
tationum molestias recordamur. Sed iuuenes oui  
iacturam parui faciunt: idcirco & iactant.  
Enimnerò alij quoque, qui res grandiores & ad  
vnguem non exigunt, & periculis temerè expo-  
nunt,*



nunt, prudentiâ iuvenes sunt. Nam, vt Quintilianus declamat. 8. ait *nunquam ex magno venie affectu incredibilia, vel non profutura tentasse: & in re, quæ plus de incerto habet, temeritas experimenti solam probat desperationis audaciam.* Fortes videri volunt, fortes non sunt, temerariè qui agunt. Torpent enim primo statim impetu, aut vltra æquitatem sunt firmi, aut duri potius, ac pertinaces. Fortitudo autem, vt docet S. Ambros. l. 1. de officijs c. 36. in duobus generibus spectatur. Primò, vt externa corporis pro minimis habeat, & quasi superflua despicienda magis, quàm expetenda ducat. Secundò vt ea, quæ summa sunt, omnesque res, in quibus honestas, & illud  $\pi\epsilon\acute{\epsilon}\pi\omicron\nu$  cernitur, præclara animi intentione, usque ad effectum prosequatur.

Itaque fortis viri est, non solùm contemnere **III.** diuitias, honores & voluptates, sed etiam habere firmum propositum inhærendi bono honesto, sic vt nullis malis nec ipsius quidem mortis periculo se sinat ab eo dimoueri. At qui animi est præfidentis ac temerarij, cum nimium viribus suis confidat, facilè aggreditur aliquid, quod vires suas superet; quod vbi se fecisse animaduertit, desperatione cogitur desistere. Aut, si in falsa illa de suis viribus opinione persistat, in pertinaciam ruit. Qui enim perseuerat in proposito, vbi non oportet, vel plus quàm oportet,

pertinax est, iuxta *Arist. 7. Ethic. 9.* Inde multa damna incurrit. Quod in Phaëtonte suo descripsit Ouid. 2. *Metam.* totum ferè orbem perdente, qui nullis parentis monitis potuit, à pernicioso consilio dimoueri. Ita omnes, qui plus quàm par est sententiam suam amant, illi inhaerent, vsque ad interitum. Nam hoc pacto hæretici multi suam falsam religionem mutare nolunt, ne videantur inconstantes; & multi magistratus, ob eandem causam nolunt abrogare legem à se latam, quam vsus docet esse perniciosam. Alterutrum ergo vitium comitatur præsumptionem aut temeritatem, pertinacia vel inconstantia.

I V. Sed & ipsum in se est satis deforme ac noxium; nec iam *oua* tantùm, sed res longè maiores exponit discrimini, valetudinem, famam, honorem, vitam, animam. Quoties mortales ingenij aut prudentiæ, aut scientiæ, aut experientiae viribus maiora tentant? quoties regimen ambiunt inepti, cathedram indocti, belli imperium timidi? quoties medicinam profitentur se facturos, qui ipsi elleboro, hoc est, medicina cerebri indigerent? quoties ipsi Confessarij potestatem iurisdictionis transgrediuntur; & nonnulli in personis cōsecrandis etià ipsius ordinis? quoties scripturas exponere aggrediuntur, qui neque in SS. Patribus versati, neq; in vllis scho-

lis exercitati! id didicerunt? quoties gratia gratis data qui carent, tentant tamen, faciuntque ea, quæ sine eiusmodi gratijs non peraguntur? quàm multi dæmones expellere tentant, qui ipsi sunt sub dæmonis potestate? quoties nonnulli miracula iactant, absque dono miraculorū? quanti futura vaticinantur, & in ipsos fastos ascribunt vulgantque, qui nec Prophetæ sunt, nec filij Prophetarum? quot, solis naturæ viribus, existimant se posse benè viuere, legemque implere, de gratia diuina impetranda non solliciti? quot alijs promittunt, se aduocatu- ros, ipsi indigentes Aduocato, qui eius lucri istam occasionem, apud clientem, extorqueat? quoties iudex secularis de causis Ecclesiasticis cognoscit? Denique de ipsa diuina misericordia, quàm multi præsumunt? diuinam iustitiam nihili facientes? dum confidunt, Deum ipsis libenter veniam daturum etiam, si illi nihil solliciti sint de vitæ emendatione; quasi Deus illis obligetur tale beneficium conferre. Ad horum vnumquemque dicere licet, quod ille parens apud Poëtam l. 2. Met. dixit:

*Non est tua tuta voluntas,  
Magna petis, Phaëthon, & quæ non viribus istis  
Munera conueniunt, nec tam puerilibus annis.*

438 EMBL. LXXV. TEMERITATIS.

*Sors tua mortalis; non est mortale quod optas.  
Plus etiam, quàm quod superis contingere fas est,  
Nescius affectas.*

Hoc dici potuisset fratri illi, de quo in Vitis  
PP. p. 1. in vita S. Pachomij §. 9. qui præsum-  
ptione sua, non ouum, sed cælestis patriæ tesse-  
ram confregit.

*Qui neque securè vitro, neque ludimus ouo;  
Tam temerè in summis ludimus exitijs?*





Ova sua frangens pauo intemperantis  
animi exemplum.

# EMBLEMA LXXVI.

NON AMAT CONIVGEM, QUI  
LIBEROS OBIT.



**P**auo à trimatu parit. Primo anno unum, aut I.  
alterum ouum, sequenti quaterna, quinaue,  
ceteris duodena, non amplius. intermittens bi-  
nos dies ternosue parit, & ter anno, si gallinis subijci-  
antur incubanda. Mares ea frangunt, desiderio in-  
cubantium. Quapropter noctu, & in latebris pari-  
unt, aut in excelsis cubantes, & nisi molli strato ex-  
cepta, franguntur. Plin. l. 10. c. 59. Idem de cyg-  
nis tradit Ælian. lib. 14. de hist. animal. c. 13.  
his verbis: Ne cygnis quidem amici sunt Indi, quod

*illas, quanquam Apollini sacras, & mirè canoras  
 aues, sua tamen pullitiei insidiari, & oua propria  
 perdere fama sit. Nempe odio dignos censent In-  
 di cygnos, qui præstantia oua in id pariunt, vt  
 perdant. Quanquam, si de præstantia ad esum  
 sermo sit, alij aliter sentiant. Ita loquitur qui-  
 dem Cælius l. 14. antiq. lect. c. 50. Inter oua, pa-  
 nonis primatem locum tribuunt plerique; chenalo-  
 pecijs, id est, anserinis secundam sibi notam vendi-  
 cantibus; tertiam auitijs. Medici præferunt oua  
 gallinarum, & phasianorum. Quidquid sit de  
 excellentia, satis constat de pretio ouorum pa-  
 uoninorum. Et tamen hæc frangunt mares,  
 dum perditè nimis amant matres ouorum.*

- II.** Clarus intemperantiæ est iste typus. Nam,  
 vt ex lib. 2. Ciceronis de Inuentione, temperantiam  
 definit S. Augustin. lib. 83. 99. *Temperantia est  
 rationis in libidinem, atque alios non rectos impe-  
 tus animi, firma & moderata dominatio. Seu vt l.  
 1. de liber. arb. c. 13. ait, est affectio coercens &  
 cohibens appetitum ab ijs rebus, quæ turpiter appe-  
 tuntur. Quales, teste Aristotele 3. Ethic. c. 10.  
 & S. Thoma. 2. 2. q. 141. sunt illæ passionēs  
 appetitus concupiscibilis, quæ circa delectabilia  
 corporis, juxta sensum tactus & gustus, in vsu  
 scilicet cibi, & potus, ac venerearum volupta-  
 tum, versantur: quas in freno habere perni-  
 miū interest. Has enim qui non moderatur pas-  
 sio-*

siones, etiamsi in matrimonio sit constitutus, intemperas est. Sicut enim è proprio aliquis potest dolio inebriari, ita etiam in legitimo toro se illegitimè gerere, ac pavonis impatientiam imitari; ut neque honestè, neque verecundè, neque; ut filiorum ratio exigit, neque remotis arbitris faciat, quod alioqui fas esset, ut docet S. August. lib. 1. de civit. c. 17. Ea ergo ad hæc ipsa pars temperantiæ illi necessaria est, quæ pudicitia solet appellari; sicut vina amanti *Sobrietas*, cibis inhianti *abstinentia*. Quàm pauci enim cum S. Augustino lib. 10. Conf. c. 31. dicunt: *Hoc me docuisti, ut quemadmodum medicamenta, sic alimentum sumpturus accedam?*

Porro ex dignitate, & necessitate temperantiae, conijci potest intemperantiæ turpitudine ac perniciēs. Et ferè ex intemperantia in vino & epulis oritur intemperantia carnis. Ex utraque morbi, mortes, & tam fortunarum, quàm animarum damna. Sed & ea, quæ in liberos redundant. Qui enim hæreditate destituuntur? quorum parentes omnia dilapidarunt commessando. qui debili stomacho, ad calculum, ad podagram, ad oculorum lippitudinem, immo & ad lepram proni nascuntur? quorum parentes vino, cibo, matrimonio intemperanter vsi. qui stupidi, qui indomiti, qui ad omnia vitia inclinati & affecti? quorū parentes continuis ebric-

tatibus conuiuijsque ætatem, ingenium, vires  
& virtutes contriuerunt. Cum enim intempe-  
rantia temperantiæ opponatur, contrarios illi  
fructus pariet.

- IV. Ac *Temperantia*, teste S. Prospero l. 2. de  
Vita contempl. l. c. 19. *temperantem facit, absti-  
nentem, parcum, sobrium, moderatum, pudicum,  
tacitum, serium, verecundum. Hac virtus, si in a-  
nimo habitat, libidines frangat, affectus temperat,  
desideria sancta multiplicat, vitiosa castigat, omnia  
intra nos confusa ordinat, ordinata corroborat, cogi-  
tationes prauas remouet, inserit sanctas, ignem libi-  
dinosæ voluptatis extinguit, animi teporem deside-  
rio futura remunerationis accendit, mentem placida  
tranquillitate componit, & totam semper ab omni  
vitiorum tempestate defendit. Ita in Daniele, pu-  
eris Hebræis tribus, Iudithe, Hestere, Elia, Eli-  
fæo, Io. Baptista, & omnibus, qui hac virtute  
emicuerunt, fuit manifestum.*

- V. Contrarium autem in Holoferne, populo,  
qui ab epulis surrexit ludere, & in ipso Loth ap-  
paruit. Hi omnes à satietate, vel ebrietate in li-  
bidinem exæstuarunt. Libidine autem vāsani-  
entes parentes sæpe ad proprios descendunt li-  
beros interimendos; quos scilicet miseri isti me-  
tuunt, si nascantur vel spuriam progenitorum  
libidinem prodituros, vel ob inopiam destitu-  
endos. Ergo, per artes impias, vel sæcundita-  
tem



em præpediunt, vel fatum immaturum expellunt. Nonne hoc est cum pauone *oua* frangere? naturamque ipsam scelere nefario violare?

Itaque sicut Adamus pomo Paradisum; Esau v. 1. primogenita, vno rustico ferculo; Israëlita terram lacte & melle manantem, ob Ægypti pepones, & allia perdiderunt: ita isti breuissima voluptate stripem, filios, cælum, Deum vendunt; similes Tantalo, qui Pelopen filium, aut Prognæ, quæ Ityn coxit; aut furenti Agauæ, quæ Pentheum discerpfit; aut Altheæ, quæ Melegrum suum, in stipite, combussit; aut Hippodamanti, qui Perimelen præcipitauit; aut Athamanti, qui Learchum, & Eurycleam occidit; ne dicam Mario, qui Calpurniam immolauit; aut Herodi, qui tres filios minoris, quàm tres porcos fecit. *Macrobius. l. 2.* ipsi sunt similes Deiotaro, Erichtheo, ipsi Medæ, Dyndimum & Thessandrum iugulanti. Tanta fuit amoris impotentia. Nam, vt Maro canit *Eccl. 8.* *Sæuus amor docuit natorum sanguine matrem Commaculare manus.* Scripsit Io. Sarisberiensis *lib. Policratici 5. c. 4.* iure quidem diuino iussos nos honorare patrem & matrem; at *liberos non multum oportuisse commendari, eò quòd nemo carnem suam odio habuit, natura scilicet maiores in homine affectus erga prolem, quàm erga parentes effundente.* Sed impietas omnes rumpit naturæ leges, & sæpe odiū,

aut

444 EMBL. LXXVI. INTEMPERANT.

aut furor est tantus, ut ipsum amoris maternæque flagrantia impetum superet. Quare non tantum parricidia, sed naticidia quoque audiuntur. At quis hos, parentes dixerit? Parentum est, vitam dare, non eripere.

*Quid miraris aues, si frangunt ova? nefandum  
Est magis in propria prole quod audet homo.  
Quem nondum peperit, mater necat impia: post hac  
Esse cupit quamvis virgine casta magis.  
Virgine sic ficta licet urbem fallat, & orbem,  
Iure tamen NATVM se ingulasse negat.*



Modus implendi ova, symbolum  
superbiæ.

EMBLEMA LXXVII.  
PRÆSTAT INESSE NIHIL, QUAM  
SIC IMPLERIER OVA,



**O**va vitrea qua exiguum tantum habent fo- 1.  
ramen, attracto spiritu, statimque aqua im-  
mersa, repetito sapius ordine, sensim imple-  
tur. Aliter autem repleti nequeunt: adeo enim aer  
resistit, ut si imo urcei, etiam latissimi oris charta  
extendatur, urceus verò sic converso ore, rectè sub  
aqua etiam in multam horam detineatur, non ma-  
descat charta, quoniam ne aqua ascendat, aer ipse  
cohibet. Hanc artem tradit rectè Cardan. lib. 13.  
de rer. var. c. 63. exercent malè hominū socio-  
rum.

rumque perueriores. Si enim in aliquos incidunt Spiritu diuino plenos, quibus mores suos decreuerunt instillare, vt *velut aqua bibant iniquitatem Iob. 15. 16.* sensim pietatis Spiritum eis subducunt, ac demum omnino omnes igniculos virtutis extinguunt; dum bona malaque omnia eleuant; dum furta jocos, adulteriorum horrorem scrupulos vocant.

- II.** Sed maximè malus Dæmon, hac arte diuinum ex hominum corde Spiritum elicit, vt eaturum impleat, ac vana sui opinione. *Est enim superbia non magnitudo*, ait S. Augustinus, *serm. 16. de temp. sed tumor: quod autem tumet, videtur magnum, sed non est sanum.* Ita quidam, tanquam chamæleontes, ore patulo, ventos captant, existimationem Mundi, applausus laudesque hominum: vt virtute parui, sermonibus magni fiant. Sed tumor est, non magnitudo. Fastu, velut hydropes implentur, vt, si quis in eis est Spiritus vitæ, euocetur. Sunt enim insidiatores, qui dicunt: *exinanite, exinanite usque ad fundamentum in ea. Psal. 136. 7.* Hi exinaniunt primò Spiritum timoris, vt Spiritus tumoris subeat. Persuadent ergo homini, satis eum tandem sapere; non amplius esse sub ferula & Pædagogo; ex ephebis dudum excessisse; non indigere, vt ad singula instruatur; vt consilium petat; vt Confessarium interroget; vt de singulis negocijs se-
- natum



natum cogat; aut examinet, an quid communi Ecclesiæ Romanæ doctrinæ, an traditioni, an Patribus, an Scripturis sit consentaneum.

Hinc eo usque intumescunt, vt visiones, & III.  
 reuelationes, vt critiria jactent; vt res iniquissimas, pro iustitia; falsissimas, pro veritate, habeant, seque magnos, non tumidos arbitrentur; cum sint tumidi, non magni; & sæpe non integris sensib. qui mera somnia & phantasmata habent, pro reuelatione. Maximeque feminæ, huic vel insanix, vel superbiæ sunt obnoxix; quæ sæpe magnos decipiunt viros; vt Maximilla, & Priscilla Nouatianos; & Montanistas, & ipsum adeo Tertullianum, qui *lib. de anima c. 9.* animam probare contendit esse corpoream, ex visione Priscillæ, quæ in Ecclesia tempore diuini officij extasi rapiebatur, & cum Angelis loquebatur, sed atris. Terribile est exemplum quod de Theologo Peruano narrat Iosephus Acosta *de natura noui orbis*. Ex quo satis prolixo apparet verè eum, *qui communicauerit superbo, induere superbiam. Eccl. 13. 1.* neque tantum pro Spiritu timoris Domini Spiritum tumoris, sed etiam desperationis, hæresis subire, & omnis impietatis, quæ *velut aqua bibitur*.

Excludunt hanc superbiæ aquam omni co- IV.  
 natu, in quibus inest Spiritus Dei, Spiritus humilitatis. Hinc in vitis PP. *lib. de obed. c. 35.* legimus,

gimus, Eremitam dæmoni, in forma Gabrielis Archangeli, se conspiciendum præbenti dixisse: *Fortè ad alium à Deo missus es, ego enim visitatione Angelorum non sum dignus.* Nec Angelos tantùm veretur aspicere Spiritus humilitatis, sed multò magis ipsum etiam Dominum Angelorum. Nam *Luc. 5. 8.* ait Petrus: *Exi à me, quia homo peccator sum.* Immo vsque adeò à Spiritu superbiæ abhorret Deus, vt, ad eum excludendum, sæpe hominem permittat in alia peccata labi; vt postea dicat: *Bonum mihi quia humiliasti me, vt discam justificationes tuas.* Ita Petrus, cum occulta superbia inflatior dixisset *Matth. 26. 33.* *Et si omnes scandalizati fuerint in te, ego nunquam scandalizabor,* statim à Christo humiliatus est, prædictione negationis; longèque postea magis ipsa negationis fæditate agnita. *Audéo dicere,* ait S. Aug. *l. 14. de ciuit. c. 13. & ser. 53. de verb. Dom. superbis esse utile cadere in aliquod apertum manifestumq; peccatum, vnde sibi displiceant, qui tam sibi placendo ceciderunt.*

- V. Immo Dei spiritu pleni, ipso diabolo, quàm superbiæ tumore, maluerunt occupari. Sur. 8. *Ian.* narrat S. Abbatem Seuerinum, in suo Monasterio, tres habuisse monachos arrogantes, typhoq; plenos, qui sapere sibi videbantur, suaq; scita, velut è tripode, aut ad cribrum dicta accipi volebant, acclamationibus dediti, vt re-

rum suarum omnium haberent approbatores, sicut qui in naui vehuntur paraceleustas. Quos primùm commonuit. Sed quia, vt spiritu superbiæ infecti, monitionibus non paruerunt, cum lachrimis Deum est precatus, vt eos castigatos humiliatosque emendaret. Nondum orare desierat, cum jam superbos illos totidem cacodæmones infederunt, atque ita agitarunt, vt cordis tumore insolentissimis clamoribus prodere cogerentur; idque per totos quadraginta dies. Quibus exactis S. Abbas oratione denuo liberauit, quos precibus, ad emendationem, impetrauerat castigari. Et sanè cum spiritu superbiæ superbia quoque ipsa illos reliquit.

Neque alios sancti hoc remedio tantum, sed VI. seipsos quoque voluerunt sanari. Nam Sur. *loc. cit.* & Seuerus Sulpitius *dial. 1. § 14.* recensent, Sanctum quempiam virum virtutibus & miraculis clarum, agris sanitatem, energumenis immunitatem passim restituisse, obque id vbiq; gentium notum, ab Episcopis, à magnatibus, ab aulicis vndique visitatum, qui certatim tunicam eius tangere, & benedictionem reportare laborabant. Titillauit ea res animum viri, sensitque vanitatem quandam subrepere. Igitur cum, odio superbiæ, de varijs medicinis circumspexisset, neque subducere se turbis confluentibus posset, ardentissimis precibus à Deo popo-

f

scit,

scit, & obtinuit, vt qui alios à vexante diabolo liberaſſet, ipſe à Diabolo infiliretur ac vexaretur. Miſerandum erat atque inexpectatum hominibus ſpectaculū, videre iam illum ſic vexari coeptum; immo furentem, & catenis vinctum, etiam per templa circumductum, ad quem paulo ante alij vinculis circumdati ducebantur ſanandi. Quæ quidem tragoedia quinque menſes tenuit. Poſt quintum menſem ad ſe, & humilitatem rediuit, qui cuneo cuneum pepulit, & ipſum ſpiritum ſuperbiæ cuſtodem poſuit, ne ſuperbia locum haberet.

*Quàm dira res ſuperbia eſt,  
Si præſtat ipſum demonem,  
Habere, quàm ſuperbiam?*





Ova irrita, inanis gloriæ operibus  
 . simillima.

EMBLEMA LXXVIII.  
 VT QVID DILIGITIS VANITA-  
 TEM? Pl. 3. 4.



**O** Vum quidem ex doctrina S. Greg. 31. I. mor. 7. est, ubi semen aliquorum animalium, præcipue auium, continetur; unde animal fouendo producant, quod etiam scribit S. Hieronym. sup. Iob. 39. sed loquuntur hi Doctores de ouis prout à natura destinantur, si sint perfecta. Nam alioqui, vt author est Plin. l. 10. c. 58. Palumbes & turtures, quamuis tria pepere- rint (ova) nunquam plus duobus educunt. Terti- um quod irritum est, urinum vocant. Quin & ipsa  
 f 2 inter

inter se (si mas non sit) femina aequè saluunt, pari-  
untq; oua irrita, ex quibus nihil gignitur: quæ hype-  
nemia Græci vocant. Et cap. 60. Irrita oua, quæ hy-  
penemia diximus, aut mutua femina inter se libidi-  
nis imaginatione concipiunt, aut puluere: nec colum-  
ba tantum, sed & gallina, perdices, pavones, anse-  
res, chenalopeces. Sunt autem sterilia, & minora,  
ac minus iucundi saporis, & magis humida. Qui-  
dam & vento putant ea generari: quæ de causâ etiâ  
Zephyria appellantur. Hæc autem vere tantum.  
Vrina sunt incubatione derelicta, quæ alii cynosura  
dixere:

- II. Nempe ex Aristotele l. 3. de gen. anim. c. 2.  
quod caniculæ tempore gignuntur, Zephyria;  
quia Fauonio vento flante concipiuntur, etiam  
subuentanea solent nominari. Quam rem etiam  
S. Basil. hom. 6. in Hexam. de quibusdam auium  
generibus affirmat, inter quas ponit & vultu-  
res. Nam in aëreas, inquit, subnectæ plagas, solo ven-  
torum haustu & afflatu concipiunt oua: quæ quia ex  
vento sunt, ideo subuentanea nuncupantur: eua-  
dunt tamen oua ista irrita semper, atque inania. Im-  
mo etiam ab eiusmodi ouis Basiliscos excludi pleri-  
que scribunt. De quorum origine infra Embl. 85.  
Hæc ergo oua, quia vt seq. Embl. dicam, certis  
indicijs dignoscuntur, & nullo unquam incu-  
batu, nullo calore in pullum maturescunt,  
sub matre, corrumpuntur. Ea causâ est, ob-  
quam

quam gallinas ab incubatu abigere sit necesse.

Vtinam & homines possemus abigere ab *ovis subventaneis*, inanibus illis & vento vanitatis conceptis consilijs, & inceptis actionibus. *Oua Zephyria* fæturæ inepta sunt, & irrita redduntur, quippe citra patrem generata, tamen in cibum idonea gignuntur: at ventosa illa mortalium opera non tantum nihil profunt ulli, vel teruncio indigna; sed etiam obsunt inde gloriâ captanti. Itaque nullum illis, tanquam *subventaneis ovibus*, inest semen cælestis præmij; irritum est, quidquid isti pariunt. *Amen dico vobis receperunt mercedem suam. Matth. 6. 23.* Quantum damnum facit, qui singulis operibus cælum mereri posset, & tamen non, sicut palumbes, & turtures, tertium *ovum* irritum facit, sed ne tertium quidem opus vtile reddit, ad salutem æternam promendam?

Quid dico vtile? etiam perniciosum, ut quasi basiliscum sibi peperisse videatur. *Va*, ait S. Bern. *serm. 45. in Cant. qui bene de Deo & sentire, & eloqui acceperunt, si quæstum æstiment pietatem; si convertant ad inanem gloriam, quod ad lucra Dei acceperunt erogandum; si alta sapientes, humilibus non consentiant.* Quàm meritò de his queritur Deus Osee 2. 8. *Dedi eis argentum, multiplicavi eis aurum, quæ fecerunt Baal.* Atque ut videas hæc

*ona*, per inanis gloriæ ventum, illegitimè concepta, refert huc S. Greg. l. 22. *Mor. c. 17.* illud S. Pauli 2. Cor. 2. 17. *non sumus, sicut pluri-  
mi, adulterantes verbum Dei, sed sicut ex Deo, co-  
ram Deo, in Christo loquimur.*

- V. Nec enim tantum verbum Dei adulterant hæretici, & qui illud peruersè exponunt sensu adulterino iudicii proprii, relicto legitimo sensu Spiritus Sancti, qui est legitimus scripturæ, vt auctor, ita & maritus, & interpret, per Sanctos Ecclesiæ Doctores: sed etiam qui è scientia vel sacrarum, vel etiam profanarum scripturarum, relicta Dei gloriâ, & salute atque vtilitate animarum, vanos honores captant. Vt enim legimus conjux, & adulter eo differunt, quòd ille filios, hic voluptatem duntaxat spectet; ita qui inanis non est, doctrinâ suâ spirituales Deo gignere filios quærit, vt dicere possit, *Per Euangelium ego vos genui* 1. Cor. 4. 15. at qui propriam delectationem, commoda, atque laudes humanas in concionibus, vel quocunq; negotio spectat, qui ad gratiam loquitur, & verbis etiam coquinarijs delinit; qui ditissimo cuique assurgit, & more lupi ceruarij adulatur; nã ille verbum Dei adulterat. Qua de caussa SS. Patres vanæ gloriæ, *spiritualis luxuriæ* dant nomenclaturam.



Nihil ergo profunt opera, ob vanam glori- VI.  
 am, aut ex superbia facta, sicut *oua subuentanea*.  
 Et fortasse haud parum viliora. *Oua subuentanea*  
 esui saltem sunt idonea; vanitates illas, ne semi-  
 obolo quidem, aut cassa nuce vnica emeris. Im-  
 mo sicut ex his, quidam existimant gigni basi-  
 liscum, ita ex illis detestandorum criminum  
 monstra nascuntur. Quin & ipsa superbia satis  
 pestilens est monstrum, quod quis meritò confer-  
 re possit cum basilisco. Et sanè contulit S. Bern.  
*in Psal. 90. 13.* vbi exponens illa: *Super aspi-*  
*dem, & basiliscum ambulabis*, ait: *De basilisco res*  
*mira & inaudita refertur, taliter scilicet cum visu*  
*suo homini venenum afflare eum, ut occidat.* (vi-  
 deri potest *Plin. l. 8. c. 21, & l. 29. c. 4.*) Hanc  
 basilisci naturam vanæ gloriæ accommodat ex  
 illis *Matth. 6. 1.* *Attendite ne iustitiam vestram*  
*faciatis coram hominibus, ut videamini ab eis.* ita  
 enim videri, est videri velut à basilisco, & occi-  
 di. Vbi bellè quadrat similitudo basilisci. Vt  
 enim videri ab illo, est occidi, & videre illum, est  
 occidere illum; ita illi soli à vana gloria pere-  
 unt, qui videri concupiscunt; qui autem eius  
 inanitatem, & turpitudinem, velut basili-  
 scum, prius vident, ita fumum & venenum illud  
 detestantur, ut eis non noceat. Hac considerati-  
 one accidit, ut diuinum illud ingenium, & An-

456 EMBL. LXXVIII. VANÆ GLORIÆ.

gelicæ scientiæ Doctor Aquinas nunquam toto  
vitæ tempore, vt est in vita eius; S. Ignatius au-  
tem noster, multis ante mortem annis, nunquã  
vanæ gloriæ peccatam contraxerit *Rib. l. 5. c. 3.*  
Fuerunt ergo opera istorum non *oua subuenta-*  
*nea.* Quos vt quisque bonus sequatur magistros,  
sibi illud identidem occinat:

*Concepta ventis oua nil gignunt boni;  
Ventosa virtus quid ferat?  
Testas inanes, corticem, cucurbitas,  
Locoque prolis, tormina.*



Ova natantia, se se extollientiū inanitas.

# EMBLEMA LXXIX.

NIHIL OVA NATANTIA PRO-

SUNT.



**N**E ova sterilia incubentur, in aqua est ex-  
perimentum: inane fluitat; itaque sidentia,  
hoc est, plena subijci volunt. Plin. l. 10. c.  
54. Cui subscribit Aldrouand. l. 14. Ornithol. c.  
1. his verbis: Ova recentia nomen servant, vetu-  
sta verò antiquis requieta dicta sunt, nobis vulgo  
stantia, fortè quoniam leuitate sua aquis superna-  
rent. Hac enim ratione tutò experire, si plena sunt,  
& recentia, an è contrario. Ex aliorum quoque  
medicorum sententia tradit Putean. Orat. 20.  
Ouum corruptum urinumq; fluitare, integrum sub-

*fidere. illud enim aquefcere contabescendo fpiri-  
tibusque augeri : hoc pondere fuo & foliditate irahi.  
Quemadmodū & circa cadauer vfuuenit : id enim  
fpiritu deftitutum primò fundum petit, & in imo  
delitefcit : mox ubi computrefcere cœperit, emergit  
ac natat. Sic verè & in ouo velut cadauer habemus,  
fed corrupto ; hominisq; fatum hac imago, hoc ouum  
fufinet, quoties tabefcit ac moritur. Moritur ouum,  
nec colorem feruat : & , vt fcias, in hoc natura mi-  
raculo meras tenerrimasque delicias efle, nihil tam  
facile perit, quàm quod præftantiffimum eſt : ac  
tale efle debebat, quod tanta custodia feruaretur, al-  
bumine cinctum, membrana claufum, teſta muni-  
tum, immo tale efle debebat, quod auri colore di-  
gnum natura indicauit. Ergo non in terra tantum,  
fed etiam in ouo habent mortales quod æſtiment.*

- II.** *Habent verò & quo abutantur ad superbiam,  
& quo vtantur ad doctrinam. Ouo enim muli-  
erculæ, pictæ illæ, & formam mentientes illi-  
nunt frontem, vt ſplendeant, ſi effatæ ſunt ; ſi  
vernant, ne à ſole colorem contrahant aduſtæ,  
aut æthiopiffæ fiant. Nam candido oui facies il-  
litæ, ab vrente Phæbo non læduntur, neque ni-  
greſcunt. Quod, vt aliæ caueant, laruas indu-  
unt. Ita ſuperbia abſcondere vultum cogit illas,  
quæ maximè videri cupiunt. Hæ ergo tales, quæ  
ouis vtuntur, vt ſuperbiant, iſſdem vtantur, vt  
demiffè ſentiant. Nam more *onorum*, inania, &*



inanes summa petunt; stant, natant, & apparent in aquis, quæ putrida sunt: saniora, & in quibus est momentum, subsidunt. Quod in lignis quoque videre est, viliora aquis innatant, ebum descendit. Qua ratione vulgus nostrum *Romana*, ut vocant, *rosaria* probat.

Fisces quoque in summo capiuntur, tuti forent, si in maris immo possent latitare. Et est quoddam genus, *Murænam* vocant, cuius in supremis undis sol cutem ita siccet & arefacit, ut imum non possit amplius subire, itaque prædantibus exponitur. *Martial. l. 13.*

*Quæ natat in Siculo grandis muræna profundo,  
Non valet exustam mergere sole cutem.*

In fabulis, quid *Icaro* notius? quod altior, eò stultior patre factus est. Vera ars *Dædalum* cohibuit. Et plerumque minus docti, magis sunt superbi: gloriantiusque loquuntur, qui mentem habent extibiatam. *Dolia* quæ tinniunt, inania sunt; plena obscurè resonant percussa. Sic verè pij non gloriantur; neque se iactant, aut immortalibus æquant, qui sunt sapienter docti. In quibus nihil est, nisi ventus, inanes non cessant flare glorias: poppysmata sutiunt, altissima affectant; &, si rectè expendas, non *oua*, sed sterco-ra sunt natantia, quorum perpetua vox est, *Nos poma natamus.*

At quis miretur, ab his *amari primos recubitus* I V.

*in coenis, & primas cathedras in synagogis, & salutationes in foro? Matth. 23. 6. cum superbia nihil aliud sit, quàm inordinatus celsitudinis appetitus, vt eam definit S. Aug. l. 14. de ciuit. c. 13. omnis enim superbus vult maior esse eo, quod est, siue apud se, in suo iudicio & tacita cogitatione, siue in æstimatione aliorum, vnde se iactat; siue in opere, quod supra vires suas aggreditur; vt audiat : Io Paan. Quæ omnia varijs modis fieri possunt, & sæpe vlque ad iniuriam proximi, & contemptum Dei ac mandatorũ eius progrediuntur. His modis qui se effert, quàm inane est *ouum*; non sic nataturũ, nisi vacuum? Nam siue à se habere se existimet, aut existimari velit, quod ab alio habet; siue suo merito, quod gratis habet; siue maius esse putet, quod habet, quàm reuera sit, nonne semper inanis & vanus, & mendax est?*

- V. Quare nullum aptius illi est remediũ, quàm vt hunc basiliscum prius intueatur. Non poterit enim eum non contemnere, si cognoscat. Si enim vana, & mendax est illa opinio, quàm de seipso, vel in alio quis habet; quid quæso amat? nonne merum *nihil*? Et tamen hoc *nihil* quot, & quantos tenet? Sciuit id probè S. Franciscus Xauerus, qui vt est in l. 6. c. 8. *vita eius*, sæpe erat auditus, multo cum gemitu ac suspirio, dicere: O arrogantia venenũ Christiana virtutis, quantum

*fuisti, obes, obfutura es orbi terrarum?* Quod si erò etiam opes, si vires, si ingenium, si ciencias, si virtutes, quis habet, facile etiam ibi agnoscat suam parvitatem ac inanitatem, si se ad alios magnos æstimet: si reputet, etiam Drusos olim elices appellatos: si cogitet, quot in his terris sint, aut fuerint in omni genere laudis maiores. Et si vel neminem putat, se, in terris maiorem excellentioremque reperire; mente ad Inferos descendat, & videat quanta damnatorum dæmonum, Deo inimicorum ibi sit multitudo, quorum vel minimus est fortior, ingeniosior, doctior, & natura sua nobilior maximò, qui nunc vivit in hoc mundo. Quod si nondum satis perpenxit suam parvitatem, ad cœlos cogitatione sublevetur, & tot millia Angelorum, ac deniq; ipsum Deum, & abyssum scientiæ, sapientiæ, potentiæ alius consideret.

*Solitarius equus*, ait S. Io. Climachus grad. 25. v. 1. *nonnunquam currere videtur, at si gregi societur, tunc suam agnoscit tarditatem.* Et paulò post, hæc subiungit. *Cuidam fortissimo athleta Christi, impudens demones laudem in corde subseminabant: At ille divina inspiratione malignorum spirituum nequitiam pio & religioso compendio vincere aggreditur. Describit in cellula pariete altissimarum virtutum appellationes, puta perfecta charitatis, angelica humilitatis, mundissima orationis, incorruptibilis castitatis.*

stitatis, & huiusmodi virtutum reliquarum. Cum ergo illum cogitationes extollere cœpissent, dicebat illis: Eamus ad arguentem: adueniensq; relegebat, sibi que ipsi clamabat: Cùm has omnes possederis, tunc scies, quàm longè adhuc à Deo sis. Cum enim eas possederis, seruus eris inutilis, fecisti enim quod facere debuisti. Hæc Climachus.

VII. Chrysostomi ad pop. hom. 39. hæc sunt. Fortis es, & altum sapias, nonne per ea magis humiliari debes? Quare sapias altum in re vilissima? Nam & leo te est audacior, & aper fortior, nec es ad eos culex. At & latrones, & fures, & gladiatores, & serui tui fortiores sunt: hoc igitur laude dignum? Sed pulcher es & speciosus. Cornicum ostentatio, non es panone pulchrior, neque propter florem, neque propter alas. Verùm & cygnus valde pulcher est, & alie aues multa, quibus si fueris comparatus, aspicias te quasi nihil. Frequenter autem & viles pueri, & innuptæ virgines, & meritoria mulieres, & molles viri hanc gloriam habuerunt. At es locuples? unde? quid possidens? Aurum, argentum, lapides preciosos, hac est & latronum, & metalla scrutantium gloria. Sed ornaris, & comeris? Verùm & equos comtos videre licet, apud Persas quoque camelos, hominum verò scenicos omnes. Non confunderis in his alta sapiens, in quibus bruta tecum sociantur, & serui, & homicide, & molles, & latrones, & fures? Sed propter vocem altum sapias. Cygno,  
luscio-



usciniâne nunquam tu suavius canere poteris. At  
 n artis varietate? Et quid ape in hoc sapientius?  
 quis phrygio, quis pictor, quis geometres huius ope-  
 ra poterit imitari? Sed in vestis subtilitate? Ve-  
 rùm hac aranea tibi prastant. At in pedum veloci-  
 ate, rursus primas ferunt bruta, lepus, & caprea.  
 Sed acutè cernis? tamen non sicut dorcas, nec ut a-  
 quila. At auditum habes acutum? sed asinus acu-  
 tiorem. At olfactum? Verùm canis te præcedere non  
 sinit, &c. Vides quantum nobis rerum examinatio  
 conferat? Omnibus hominibus altiora sapiens etiam  
 brutis vilior inuentus est. Quanta ergo inanitas  
 est, se se supra ceteros extollentis? Et tamen se  
 extollit, non facturus, si inanis non esset. Itaque


*In vacuo, aut pleno virtutem examinet ovo,  
 Qui vel summa lenis, vel gravis ima petit.*



Ova clandestinè cocta, hypocritarum,  
simulationem prudentia.

## EMBLEMA LXXX.

NE FVERIS HYPOCRITA IN CON-  
SPECTV HOMINVM. Eccli. i. 37.



- I. **A** Ndreas Lucardus cuidam obiicienti, quòd  
hypocrisin ab ipso didicisset, hanc fabulam  
narravit. Fuit Monachus anonymus, qui ie-  
iunij impatiens, cum nihil aliud suppeteret, in cella  
sua ovum candele admotum, tam diu versavit, donec  
percoctum esset. Id cum canobiarcho per rimam inspi-  
ciens notasset, cellam ingressus canobitam increpuit.  
Ille sese excusans, ait: Hanc artem peccandi tam  
subtilem demon ipse me docuit. Tunc enim verò da-  
mon, qui sub mensa latitârat, se proripiens: Menti-  
ris,

*vis, ait, pessime : hanc enim nequitiam non tu à me, sed ego à te didici. Gasp. Ens. l. 2. Epidorpid. p. 241. Ita quidem retorsit calumniam Lucardus. Ceterum etsi nec ipse existimem, vllum caco-dæmonem tam esse rudem ac simplicem, vt nequitiam adeò leuem, hoc est, artem oua candelæ admota coquendi, didicerit à Monacho, cum naturalia omnia spiritibus illis sint perspectissima; tamen, ob eam vnicam rationem, haud dixerim fabulam esse (quam prorsus fabulam esse, & in odium Monachorum à maleuolo excogitatam credo) æquè enim diabolus, procliuiusq; mentiri potuit, ac Monachus : quia non est veritas in eo : cum loquitur mendacium, ex propriis loquitur, quia mendax est : Io. 8. 44.*

Certè haud absimilem historiam recenset S. Gregorius l. 4. dialog. c. 34. his verbis : *Est* II.  
*apud nos nunc Athanasius ex Isauria, presbyter, qui in diebus suis Iconii rem terribilem narrat euenisse, Ibi namq; ut ait, quoddam monasterium Thongolaton dicitur, in quo quidam Monachus magna estimationis habebatur; bonus quippe cernebatur moribus, atque in omni actione sua compositus, sed sicut ex fine res patuit, longè aliter, quàm apparebat, fuit. Nam cum ieiunare se cum fratribus demonstraret, occultè manducare consueuerat. Quod eius vitium fratres omnino nesciebant. sed, corporis superueniente molestia, ad vitæ extrema perductus est. Qui cum*

iam esset in fine, fratres ad se omnes, qui monasterio inerant, congregari fecit. At illi tali, ut putabant, viro moriente, magnum quid ac delectabile se ab eo audire crediderant. Quibus ipse afflictus & tremens compulsus est prodere, cui hosti traditus cogeatur exire. Nam dixit. Quando me vobiscum credebatis ieiunare, occultè comedebam: & ecce nunc ad deuorandum draconi traditus sum, qui cauda sua mea genua, pedesq; colligauit, caput verò suum intra meum os mittens spiritum meum ebibens extrahit. Quibus dictis statim defunctus est, atque ut penitendo se liberare potuisset à dracone, quem viderat, expectatus non est. Quod nimirum constat, quia ad solam utilitatem audientium viderit, qui cum hostem, cui traditus fuerat, & innotuit, & non euasit. Hæc S. Gregorius.

III. D. Augustinus in l. 83. qq. 9. 53. Sicut prope summa & diuina virtus est, ait, neminem decipere, sic vltimum vitium est, quemlibet decipere: quod faciunt, quicunque volunt videri, quod non sunt, qui cum bonitate vera careant, saltem boni sibi vmbram circumpingunt. Ita fiunt non virtutum exemplaria, sed spectra Empusarum. Assonat D. Hieronymus lib. 7. in Isa. sub finem, sic castum esse me simulo, inquit, & aliud est in conscientia mea: habeo non gloriam mercenarij, sed supplicia peccatoris. Et in comparatione duorum malorū, leuius malum est, apertè peccare, quàm simulare, & fingere sanctitatem. Acce-



Accedat quartus Ecclesiæ Latinæ Doctor IV.

Ambrosius, & erudiat seculi nostri Politicos, qui verba sua ita didicerunt componere, vt ferè nihil illis ampliùs credere audeas; certè trepidare oportet, quoties etiam optima promittunt; & *oua* clam candelæ admouere timendi sunt, quando palam apparent abstinentes; spondentque omnem protectionem, cum deglubere cogitant, pellace vulpe benigniores. Veritatis simplex oratio; fraus fucò vestienda est, & astu colenda. Præda citiùs capitur, si laqueus tegatur. Ita loquitur S. Ambrosius l. 7. epist. 44. *Nemo in dolo loquatur ad proximum suum. Laqueus est in labijs nostris, & sæpe unusquisq; sermonibus suis non explicatur, sed innoluitur. Fonea alta est os maleuoli, grande innocentie præcipitium, sed maius maleuolentie. Innocens dum credit facile, citò labitur, sed tamen iste lapsus resurgit: maledicus autem suis artibus præcipitatur, unde nunquam exiliat, atque euadat. Ponderet ergo unusquisque sermones suos, non cum fraude & dolo: ne seipsum magis, quàm alium decipiat.*

Similis est talis, teste S. Greg. Nazianz. in V. orat. funeb. Pat. meretrici, quæ sicut, cum natua pulchritudine destituta est, ad colores, pigmenta & fucos confugere solet: ita hypocrita cum specie solida, perfectæq; virtutis carcat, adumbrationem, quandam pietatis externam simulat, qua eorum

oculos retinet, qui adumbrata virtutis simulatione capiuntur. Nec meretrici tantum, ipsi caco-dæmoni similis est hypocrita, nam & ille transfiguratur se in Angelum lucis 2. Cor. 11. 14. Hinc 2. Machab. 6. Eleazarus senex, & eius exemplo, apud Sur. 22. Ian. S. Anastasius Martyr Persa, omnia potius extrema pati voluerunt, quam esse impij simulatores.

VI. Hæc si nostra ætas impensius imitaretur, non haberemus tot clandestinos *Ouorum* cocos: non tot gladios melle litos, nec tot pocillatores, qui lethale mulsu propinant. Ceruis, & damis, subinde in ventriculo, è saluberrimis herbis, colore subuiridi, aut ferrugineo, *ouum* nascitur, quale & in boue aliquando repertum aiunt. Hoc *ouum* succum præstat; vt cerui quidem ac damæ, cum niuib. omnia algent, diu sine cibo vitam possint producere, succo scilicet, & viribus *oui* illius, vicem agentibus ciborum. Tale *ouum* Eleazaro, atque Anastasio in pectore fuit, vt cum Christo 10. 4. 32. dicere possent, *Ego cibum habeo manducare, quem vos nescitis: &: Meus cibus est, vt faciam voluntatem eius, qui misit me, vt perficiam opus eius.* Hinc neque cibus vetitis, neque simulatione comedendi vti voluerunt. At quibus in corde nullus est succus pietatis, neque vllus virtutum thesaurus; foris simulant, quo intus carent. Ea propter  
Domi-

Domini monitio est, *Matth. 6. 16. Cum ieiunatis, nolite fieri sicut hypocrita tristes, exterminant enim facies suas, ut appareant hominibus ieiunantes. Amen dico vobis, quia receperunt mercedem suam.* Quin &, apud homines, quod quærunt perdunt. Nulli enim minoris æstimantur, quàm qui virtutem mentiuntur. Quare deprehensi, *sicut diploide*, duplici confusione induuntur, & quòd non boni, & quòd fraudulentij; sicut ille, qui neque ieiunij amans fuit, & tamen videri talem se studebat, *oua* occultè ad candelam coquere deprehensus. Quem proinde felicet compellare.

*Errasti, infelix. Si clam coquere oua volebas,  
Vmbra tibi, minimè Lvx adeunda fuit.*



Ovorum vsus, simulatorum dolus.

# EMBLEMA LXXXI.

QVAM VOTA SVNT MORTALIVM  
CONTRARIA? NIGER HIC VIDERI,  
NON VIDERI ALTER CVFIT.



- I. **O**Vum ad colorem facere ex Plin. discimus  
l. 35. c. 6. nam pingentes sandyce subdita  
mox ovo inducentes purpurissimum, fulgorem  
minij faciunt. Ælianus l. 1. de animal. c. 48. ita scri-  
bit: Corui oua audio nigros efficere pilos. Qui verò  
capillitium suum sic adulterat, oportet oleum in ore  
compressum habeat. nam nisi id fiat, simul cum pilis  
ei dentes nigri redduntur, vixque elui possunt. Sed  
etsi dentes ovīs nigrescerent, ovīs tamen iterum  
possent emaculari, putamine eorum in denti-  
fri-



fricium redacto. Nec enim aut promptiore remedio offeum illud oris septum, aut mundiore puluiscipulo illuues labéſque repurgatur. Ceterum quia purissimi tenerrimiq; succi est *ouum*, ætatem non fert, seniúmque timet; tametsi enim quàm primùm nascitur, in testa caluitiem ostēdit, nihil tamen illi adeò obest, quàm si diuturnitate sinatur computrescere. Fœdus pædor est, cum vetustum est. Exoleſcit, cum asseruatur. Venenum fit, cum è diario fit annona.

Idem homini contingit, qui iuuenis cum est, II.  
vernāt, floret, formosus est; cum senescit, putrescit. Fugiunt tunc è genis rosæ, & subit pro purpura pallor, pro aurea cæsarie canities; pro niue frontis, niues capitis, vultusq; ipse hyemem præ se fert. Quare senex fuit, qui cum iuenculæ nuptias ambiret; coruorum *ouis* caput curauit lauari dicam, an maculari? Nam è candido niger factus est illi capillus, ipséque è cygno coruus euasit; & puellam decepit, quæ vtique pro cum, quia *niger* erat, cauere debuisset. Vidit hoc è familia non nemo, æthiops, bello mancipium factus, quem cetera mancipia miserum affecerunt malè, & peius omnibus oderat herus, quòd niger & stigmaticus, & in tergo, vt auis attagen, variegatus esset. Artem ergo se nactum ratus, qua albesceret, fortunam sic aggressus est emendare. Audiuerat aliquando dici, & velut è louis

tabulis recitari; *contrariorum eandem esse scientiam*, hinc se Philosophum ratus, postea etiam in medicum euasit, cum intellexit, *contraria contrarijs curari*. Itaq; sicut herum viderat coruorum *ouis* nigrescere, ita sperauit ipse posse se *ouis* cygnorum albescere. Sed postquam omnia cygnorum *oua* consumpsit, æthiops mansit; ac insuper in furto deprehensus (tanquam aliàs nihili, aut certè sale emptum mancipium, inutileque terræ pondus) ad coruos missus est, vt nigri simul essent. Quin laqueo suffocatus, aliquantulo etiam nigrior est factus, quàm viuus fuisset.

III. Notum est, de alio sene, qui plumbeo calamistro, in nuptijs, canos in atros capillos cum vertisset, à Principe viro, choreis adeò adactus est sudare, vt denuo canesceret. Nempe quisq; suo colore contentus esse debet, quod prior ille senex niuib, & Æthiops carbonibus suis ostendit. Quod & ostendit Ælius Adrianus Imperator, de quo, vt refert Spartianus, *illud quoque innotuit, quod cum cuidam canescenti quiddam negasset, eidem iterum petenti, sed infecto capite, respondit; Iam hæc patri tuo negavi.*

IV. Quibus rebus erudiuntur hypocritæ, ne colores quærant suorum vitiorum; aut arte conterege, aut etiam ornare nitantur criminū suorum næuos. Plerumque malè cedit pietas simulata;

lata; & fucus transit in infamiam, cum detegitur. Quis non ridet mulieres *interpoles*? *veteres* illas, quæ se unguento vntitant? *Plant. in Mostel.* quæ tantum quotannis stibij in oculos, cerussæ in cutem insumunt? quæ magis pictæ sunt, quàm vlla tabula? quibus nunquam licet in choreis sudare, ne facies, riuis manantibus, peremtum candorem, nigros sulcos exhibeat; dum exanguem piceamque pellem atra lux pererrat? quæ nunquam se iuenculas facient, quamuis adhibeant, quidquid pharmacopolæ vendunt; quæ denique larvæ, quæ *oua*, picturata, quæ veteratoriæ artis magistræ audiunt?

Merito Nicias poëta, vt rideret effeminatum v. caluum, dixit: *ὠν ἄπας γέγονεν*: *ouum totus factus est.* Mollis ille canitiem non ferens, fuco tingere capillos non definebat: sed cum sic continuum cum natura negotium esset, neque nives capitis vinceret, hoc egit, vt vitiata cute, capilli defluerent. *Put. or. 20.* Vnde igitur isti placere volunt, inde displicent, ac ibi damna illis eueniunt, vbi comoda quærunt. Nam rectè dicitur *Iob. 8. 13.* *Spes hypocrita peribit.* Quàm luculentè id apparuit in Anania & Sapphira? *Act. 5. 3.* *Quid euidentius eo,* ait S. Ambros. *l. 3. de off. c. 11.* *quod Ananias, quia fraudauit de precio agri sui, quem ipse venderat, & portionem pretij, tanquam summa totius numerum, ante pedes posuit Apostolorum, sicut reus*

fraudis interijt? Licuit utique illi nihil offerre, & hoc sine fraude fecisset: sed quia fraudem admiscuit, non liberalitatis gratiam reportauit, sed fallacia poenam exoluit. Nempe planè ita est, vt fraus sua nemini, neque apud homines, neque ante diuinum tribunal, debeat patrocinari: &, vt dicitur Prou. 3. 32. *Abominatio Domini est omnis illusor.*

**VI.** Hinc in Cassiodori hist. tripart. l. 9. c. 48. sequentia leguntur. *Quidam pauperes studentes Epiphanium arte deludere, vt eis aliquid daret, cum iter ageret, unus eorum supinum se prostrauit in terra, alter verò stabat, quasi mortuum deflens, nec habens unde eum sepelire posset. Epiphanius autem superueniens orauit, vt sub quiete dormiret, & sepultura necessaria prebuit, simulq; consolatus est flentem dicens: Quiesce fili à lachrymis: non enim fletu suscitari poterit. Cùmq; discessisset Epiphanius, coepit ille pulsare socium, vt resurgeret. Et cum hoc secundo fecisset dicens: Surge, hodie tuis laboribus epulemur; & ille penitus non sentiret, cognoscens verè mortuum, cucurrit ad Epiphanium flens & petens, vt eius socium suscitaret. At ille consolatus est eum, hortans ne ferret grauiter, quod euenerat, non tamen defunctum denno suscitauit. Hoc enim credo proinde gestum, vt ministri Dei non facile deludantur.*

**VII.** Simile quid habetur in vita S. Gregorij Thaumasma.



maturgi, quam S. Gregorius Nyffenus scripsit. Ex quibus perspicuum fit, quid lucri ferat simulator, qui dum videri vult aliquid, vilissimas partes agit; estque, quod Iphicrates de Callia dixit, *Mithragyrtes, non daduchus*. Qualibus teste S. Hieron. *l. 2. contra Pelagianos*, plenus est mundus. Quisquis enim se vult videri, quod non est, hypocrita est. Et S. Basilij *hom. 1. verba sunt. Hypocrita dicitur histrio, qui in theatro personam sustinet alienam: saepe heri, cum sit seruus: aut regis, cum sit priuatus*. Itidem in hac vita plerique vitam suam, velut è proscenio, ad ostentationem componunt, aliud in corde gerentes, aliud, in specie, hominum oculis præ se ferentes. O quàm miseri isti sunt histriones! qui dummodo hominibus placeant, non verentur Deo displicere; neque iam re tantum, sed ipsa etiam simulatione mali; sicut senex qui niger, & Æthiops, qui albus videri cupiebat, fraude etiam se faciebant deteriores.

*Diffimulare senex, iuuenis simulare volebat  
Candorem; neuter candidus ergo fuit.*

Ovum aureum avaritiæ nutrimentum.

EMBLEMA LXXXII.

QVID NON MORTALIA PECTO-  
KA COGIS, AVRI SACRA FAMES?



I. **H** Abebat gallinam quidam, quæ ovum quoti-  
die pariebat aureum. Hic sperans auri mas-  
sam intra illam esse absconditam: occidit gal-  
linam, & in dissecta nihil aliud reperit, quàm quod  
in reliquis esse gallinis consuevit. Itaq; ingentibus il-  
le diuitijs inhians, etiam mediocres perdidit. Ita Æ-  
sopus fab. 135. vbi monet, immodicas vt cupi-  
ditates, & auidos diuitiarum animos compesca-  
mus; & vt suâ quisque fortunâ contentus viuat.  
Quò etiam pertinet illa fabula 24. eiusdem, qua  
cum Demosthene ostendit, rebus secundis non  
esse

esse modum, neque finem cupiditatum, multos-  
que sæpe fortunæ melioris, & nescio quæ diuiti-  
arū Gargara somniantes, præsentia bona amit-  
tere. Est autem fabula hæc. *Mulier vidua gallinā*  
*habebat, quæ singulis diebus ouum unum pariebat,*  
*quæ si curaret diligentius & saginaret gallinam, spe-*  
*randum esse existimabat, ut bina aut terna illa quo-*  
*tidie oua pareret. Cum autem cibo superfluo opima*  
*gallina & pinguis facta esset, planè tum oua parere*  
*desit.*

Perdit ergo lucrum amor nimius lucri; & ad I I.  
auaritiam allicit ouum, quòd, si rectè confidere-  
tur, liberalitatem docet. Nam, ut Conciliator in  
*differentia 69.* describit; *Ouum est animal poten-*  
*tia ex ouificantis productum superfluo;* quod offici-  
um est opulentorum, qui & ipsi de superfluo sti-  
pem debent erogare, vnde pauperum vitam su-  
stentent. Nam, ut in Græcis dicitur, *Qui multum*  
*habet piperis, etiam oleribus immiscet:* & quò ple-  
nior est Pactolus, eò magis inundat. Ita quidem  
par esset facere eos, qui è pleno dolio hauriunt.  
Sed arenæ sunt steriles; imbrem bibunt, gramen  
non reddunt. Amalthææ cornu si illis esset, flo-  
sculum non donarent. Denique *Quò plus sunt*  
*potæ, plus sitiuntur aqua;* & qui olim pomo, nunc  
ono, eoq; aureo decipit. Accipe, quod in Societatis  
nostræ Annalibus An. 1588, Collegio Monacensi re-  
fertur. *Monachij diabolus, noctu viro cuidam pis*  
*appa-*

*apparuit monens, orationem longam simul & difficilem Deo gratissimam esse, oraret proinde noctu quotidie, nudato corpore, flexis genibus, expassis brachijs totum psalterium. Fecit homo: ratus, Angelum bonum fuisse. Dubitare tandem capit, num insidia laterent, credo ex defatigatione. Adest ergo denuò diabolus, & ut ab omni fallacia tutus sit, rem futuro miraculo firmat. Pone ouum, inquit, in ara diebus Sabathi, postridie AVRATVM reperies. Sed cum ille, gloriam, an consilium querens, rem alijs aperuisset, suusum est homini ut de re tota ad nostros referret. Retulit, & demoni fraudem edoctus, facta confessione, omni molestia liberatus est.*

- III.** O si multi seruarent, quod, apud Liu. l. 5. dec. 1. Camillus sanxit, ne quis plus quingenta iugera possideret! ô si, inquam, multi eo, quod possident, contenti, ouum possent aureum contemnere, quàm truculento se dæmone liberarent! neque illis cupiditas sua damno esset, ut non jam gallinam, sed ipsa viscera sua euiscerarent. Ecquando isti tales satis prandent, nisi quando foris, & alienâ quadrâ? Quod si auarities eos cogit, proprium genium defraudare, jam deteriores fiunt viduâ Æsopica, quæ plus hordei dedit, & alimentum gallinæ auxit, ut augetet & fæcunditatem. Nam quia audierat, gallinas omni tempore, præterquam duob. mensib. brumalib. parere oua, & quasdam quidem bis die,
- ali-



aliquas in tantum, ut effatæ moriantur, non contenta *ovo* quotidiano, ut geminarentur *ova*, victum geminavit. Sed pinguefactam gallinam sterilem reddidit. Isti verò, qui præ avaritia nunquam audent satiare importunè latrantem stomachum, neque agros quidem suos sterco- rant ad satietatem, & metere volunt, ubi se- mentem non fecerunt.

Quid quod ne equis suis pabulum suffi- I V.  
ciens præbent? quid mirum si minùs arant post-  
ea jumenta, quæ non pascuntur? Scholasticus,  
*apud Hieroclem in Facetiis*, equum emerat, quem  
docuit, nihil comedere, demensum subducen-  
do. Cum ergo aliquot diebus equus nihil come-  
disset, corruit mortuus. Bœoticus ille Scholasti-  
cus mortem jumentum impatienter deploravit,  
duplici se damno affectum dicens; & quòd equum  
amisisset, & quòd tum, cum jam nihil come-  
dere didicisset. O quàm multi auari, hanc stul-  
titiâ imitantur! qui queruntur, se optimos  
famulos, & amicos, atque etiam artifices, immo  
& milites amittere. Nempe cum nihil dant,  
quod edant, mirantur se perdere lucri sui pro-  
motores. Immo hoc impetrant, ut tales sibi ipsis  
longè vberius provideant, de domini crumenâ;  
existimant enim id æquum esse, quando incide-  
runt in dominum iniquum.

Nunc quid isti cum *ovo anreo* gallinam amit- V.  
tunt?

tunt? Ergo sua illis cupiditas nocet, quæ sæpe, quod appetit, amittit. Nihil enim aliud est, quàm amor & appetitus immoderatus habendi, qui consistit *in retinendo, & non dando*, v. g. *aliena, vel mercedem, quando, vel quomodo, & quibus oportet*: itemq; *in acquirendo præter modum, per fraudes, usuras, furta*. Peccat verò avaritia non solum erga alterum, & contra iustitiam; sed etiam contra liberalitatem, quando quis erga se ipsum est avarus, tenui salillo, & fressâ fabâ victitans, benè nummatus.

**VI.** Avaritiæ insignes septem è D. Gregorio filias enumerat S. Tho. 2. 2. q. 118. art. 8. *Obdurationē*, quæ animo immisericorde non vult succurrere necessitatibus proximorum: *inquietudinem*, qua quis ob immoderatum affectum, sollicitus est, & varijs anxietatibus distrahitur: *fraudem, fallaciam, periurium, violentiam, proditionem*. Qui enim contra rationē appetit ditescere, sæpe utitur *fallaciâ* in verbis, & *fraude* in factis, & perjurio ad falsum confirmandum, & *violentia* ad furandum, rapiendum, spoliandum, occidendū; etiam *proditione* ad acquirendum, vt Iudas.

**VII.** Neque consistit in his filiabus avaritia, nam sicut, Mydæ ritu, cibo in aurum verso, inedia se cruciat; ita in alterâ vitâ Tantalos facit, æternæ quoque parens damnationis. Pharmacopæi, inter medicamenta, quoddam asseruant, quod *aurum aureum* appellant, quo aiunt malignas à corde

corde fuligines arceri. Contrarium facit avaritia, non tantum fuligine os sublinat, sed pectus quoque implet æstu, & animam in æternas fuligines, & caminos coniecit. *Eccl. 10. 10. Nihil est iniquius, quam amare pecuniam: hic enim & animam suam venalem habet.* Et *Baruch 3. 18. Vbi sunt, qui argentum thesaurizant? & aurum, in quo confidunt homines? Exterminati sunt, & ad inferos descenderunt.* Ipse Apostolus *1. Tim. 6. 9.* quam rotundè pronunciat: *Qui volunt divites fieri, incidunt in tentationem: & in laqueum diaboli, & desideria multa inutilia & nociva, qua mergunt homines in interitum, & perditionem.* Nonne hoc est gallinam pro ovo perdere? Denique in nullum avarus bonus est, in se pessimus. *Senec. ep. 108.* Quid ita? quia divitijs non utitur, nisi tanquam compedibus, quibus vincitur. In hanc rem opes obijcit Mammona: cuius effigies fuit *Circulator à simiã rogatus, catenulam dum ipsi dedit; quam admittens, & ea detenta captiva facta est.* Itaque sordidus non juuatur, sed ligatur opibus; & cochleæ vitam agit, sordibus victitat, abstemium sacrificium libat: quin ipsis pecunijs suis tanquam Euclio, in mille sollicitudines datur, nec cælum ijs emit; nec ipsis divitijs dives, sed pauper est. *Prou. 13. 8.* Cum interim, vel apud Ethnicos, opum contemtor dicere possit:

*Pauperiem modico contentus semper amari:*

*Et rerum Dominus nil cupiendo fui.*

Ova miraculo mutata impiorum avaritiam castigant.

EMBLEMA LXXXIII.  
SACRILEGIS NVNQVAM PRO-  
SVNT SVA FVRTA.



- I. **S** Ilueſter Giralduſ Cambrenſis in Topographia Hiberniæ, inter Hiberniæ mirabilia cap. 40. hæc habet. In ulteriore Ultoniæ parte, ſunt montana quadam, in quibus grues aueſq; variæ ſuo in tempore abunde nidificant, propter refugium & pacem non tantum hominibus, verum etiam pecoribus & anibus ab incolis ibidem exhibitam, ob reverentiam ſcilicet S. Beani, cuius Eccleſia locum illuſtrat. Sanctus iſte miro, & inaudito more non tantum aueſ, ſed & anium ſuarum ova tuetur. Si enim,



*ut ouarapias, manum admoneas, videas protinus pullos marcidos & rubros, & tanquam eadem hora iam exclusos. Sin autem manum retrahas cum voluntate, videas iterum seu miraculosè, seu phantasticè, contra naturam cursum, pullos in oua vel conuersos, vel reuersos. Accedant duo inspector simul & raptor, hic pullos, ille oua videbit. Alexander Magnus, etiam olitorem odi, qui radicitus euellat, inquebat in populi oppressorem; sancti adhuc delicatius amant sibi creditos, ut ne auibz quidem velint stirpem suam excindi.*

Nequeunt sancti tolerare rapinam auium **II.** suarum, & tolerabunt opum, immo reliquiarum suarum? osores furti, erunt amatores sacrilegij? Qui vel miraculo custodiunt oua, negligent templa? Et tamen sunt, qui hæc spoliant, religionis, sine vlla religione, violatores. Verè dictum est *Eccl. 10.9. Auaro nihil scelestius.* Cui subscribit Bion, nam ex illius sententia, *Cupiditas est metropolis abominationis.* Certè, ut Cic. orat. pro Quint. ait, *Nullum est officiũ tam sanctum atque solenne, quod non auaritia comminuere, atq; violare soleat.* Et, ut in Vatinium inquit, *Nemo tam firmum habuit presidium, quod auaritia non infregerit, atque debilitauerit.*

Bellè in oua cupiditate, cupiditas auri denotatur. **III.** Nam & in ouo aurum argento circumdatum, sed idcirco testâ durior est munitum, ut

fit tutum. Certè auri argentique in *ouo* color est. Sed neque tam in vllis filuis, vel nidis est abditum, neque adeò in vllis ramis arboribusque sublime vllum *ouum*, quo non subinde Autolyçi, & manus auarę accedant; tametsi sæpius delusæ. *Sordidus quidam*, ait Phryx fabulator, *anarus credulus*, audito de præruptis montibus, & collibus *India auro, ebore, & electo solidis*, eò profectus, & *gryphes inaccessos eos custodientes nactus*, cum *grauibus maledictis reuersus est*. Ita vbicunque aurum, argentumue adoratur, *auaritia insatiabilis, immensa & incredibilia potest*. Cic. in *Vatin.* Et, vt S. Chrys. orat. 7. in *auaros* loquitur, *quid manibus auari sceleratius? quid oculis impudentius? & caninum magis? non aspicit homines vt homines, neq; celum vt celum, sed omnia pecuniam esse putat.* Hinc sacra & profana, nullo discrimine violat.

- IV. Quare nec volucres cali nidos habere finit, hoc est, nec ipsos Dei seruos, in claustris suis Deum laudantes, intactos prætermittit. Nam & illinc extrahit victui necessaria, vt quasi à mortuis tributum exigat. Sed paruo suo lucro. Rarò enim tales diu diuitias malè partas seruant. Immo, vt aquilinæ pennæ columbinis additæ eas consumunt, ita quæ Deo erepta priuatis opibus iunguntur, & ipsa euanescent, & illa quoque consumunt, quæ propria fuere; vel certè inutilia.
- red.

reddunt, sicut S. Beatus ova sibi concredita, quando à raptoribus violantur.

Videtur hoc ipsum prædicere S. Iacob. 5. v.

1. Agite nunc divites, ait, plorate ululantes, in miseriis vestris, quæ advenient vobis. Dinitia vestra putrefacta sunt, & vestimenta vestra à tineis comesta sunt. Aurum & argentum vestrum aruginavit, & arugo eorum in testimonium vobis erit, & manducabit carnes vestras, sicut ignis. Thesaurizastis vobis iram in novissimis diebus. Quid ni? Nam avaritia fidem, probitatem, ait Salust. in Catil. ceterasq; bonas artes subvertit, proq; his superbiam, crudelitatem, Deos negligere, omnia venalia habere edocuit. Hinc grauib. pœnis à Deo mulctatur non rarò, etiam in hac vita, vt Cassian. l. 7. Instit. c. 14. in Giezi, Iuda, Anania & Sapphira ostendit. Quibus addi potest Achan, & Abias, Achab, cum Iezabele.

Greg. Turon. l. 1. de glor. Mart. c. 106. VI. refert, mulierem itare solitam in terram sanctâ, collegisse magnam pecuniæ summam, captiuis redimendis, & egenis iuvandis, titulo tenus, nam re ipsa sibi collegerat, & defoderat. Sed mox, Deo vindicante, mortua & ipsa etiam in sepulchro defossa est; quò inuentæ, iussu Episcopi, pecuniæ, simul cum cadauere, sunt projectæ. A media ergo nocte, per tres continuos dies, è tumulo, fœralis vox audita est, quæ identidem dice-

ret: *Vrit me aurum, vrit aurum.* Aperuerunt tumulum, qui audierunt, & liquatum aurum flammæ instar, in os se mulieris infundere, indeque ebullire deprehenderunt.

VII. Num clementius actum sit cum illo, cum quo centum Solidi sepulti sunt, Nitriæ, de quo S. Hieronym. *ep. 22. ad Eustochium*, aut cum Iusto, cum quo tres aurei sepulti sunt, in sterquilinio, de quo S. Greg. *l. 4. c. 55*, Deus nouit. Quàm meritò S. Bonauent. *in diata Salut. tit. 1. c. 4.* auarum porco comparat, qui non nisi mortuus utilis est alijs, quibus opes relinquit, *Volens egenus viuere, locuples mori*: vt, plerumque nihil ei diuitiæ profint, obsint plurimum, præsertim rebus sacris, per Simoniam, aut sacrilegium comparatæ. Ita suo damno jus primogenituræ, id est, sacerdotij lenticulâ vendidit Esau *Gen. 25. 3.* Nam Hebræi, teste S. Hieronymo *ep. 126.* tradunt, quòd usque ad Sacerdotium Aaron omnes primogeniti ex stirpe Noë, cuius series & ordo describitur, fuerint Sacerdotes, & Deo victimas immolarint, & hac esse primogenita, quæ Esau fratri suo vendiderit Iacob.

IX. Hinc & Malachias propheta, *cap. 12.* & S. Paulus *Rom. 9. 13.* Esau proponit, velut typum spirituales omnium reprobos, vt monet S. Augustin. *in Psal. 46.* Multa hîc possent exempla commemorari, præsertim illud, quod Baro-

nius



nus *An. 1055. ex Nicolao Arragonio, & Anno 1047. ex Wilhel. Malmesburiensi*, recenset: sed videt prò dolor nostra ætas tot exempla, vt consuetudine ea contemnat. Quàm multi enim dum sacra ad se trahere vel bona, vel beneficia nituntur, & oua, & pullos amittunt? Nam & filios perdunt immatura morte, quibus canonicatus, nescio qua arte, attrahunt antè, quàm sciant breuiarium legere. Idcirco enim *dormiunt multi*, vt nihil inueniant in manibus suis, quia viri diuitiarum, non horarum canonicarum esse voluerunt: similes illi, de quo Puteanus *orat. 20. ait: Addam, quid amico cuidam meo & Sodali olim studiorum contigerit. is cum Patauii ageret, & domo subsidia nummorum expectaret, visus sibi à tabellario ouum accipere, mox frangere, & nucleo totum corpus perungere. Verum profectò somnium fuit. Etenim paulo post transmissa pecunia est, quæ partim aureis, partim argenteis constabat nummis. atq; hoc candidum luteumq; ouum erat. Sed quid? vix nummos acceperat, & in grauissimum morborum incidit, quo omne illud aurum argentumq; consumtum est, id enim erat corpus inungere.*

Ite, quicumque illicitis vijs, & præsertim **IX.** per sacra, pecuniam facitis; ite, sperate opes, somniate oua, auro argentoque plena, & spem, & rem frangetis. Denique benè vncti, tantò la-

culentiùs in Inferno ardebitis; quot fraudes, tot ignes; quot furta, tot incendia; quot Simonias, tot flammæ inuenietis. Quanquam Infernus vester, etiam in hac vita incipit, dum in ipsa abundantia indigetis. Dexterè hoc vlcus tetigit Cornelius Gallus *Eleg. 1.* ita canens:

*Quid mihi diuitia, quarum si demeris vsum,  
Quamuis largus opum, semper egenus ero?  
Immo etiam pœna est partis incumbere rebus,  
Quas cum possideas, est violare nefas.*

*Non aliter sitiens vicinas Tantalus undas  
Captat, & appositis abstinet ora cibus.*

*Efficior custos rerum magis ipse mearum,  
Conseruans aliis, quæ periêre mihi.*

*Sicut in auricomis pendentia plurimus hortis  
Peruigil obseruat non sua poma draco.*

*Hinc me sollicitum torquent super omnia cura,  
Hinc requies, animo non datur vlla meo.*

*Querere quæ nequeo, semper retinere laboro,  
Et retinens semper nil tenuisse puto.*



Ova cuculi, flagitia delignant impuri.

# EMBLEMA LXXXIV.

NON REM SED TANTVM NO-  
MEN HABERE PVDET.



**C**Oecyx ( seu cuculus ) vt Plin. scribit. lib. I.  
10. c. 9. semper parit in alienis nidis. Causa  
subiiciendi pullos putatur, quod sciat se inui-  
sam cunctis auibus, nam minutas quoque infestat;  
ita non fore tutam generi suo stirpem opinatur, ni se-  
fellerit. Quare nullum facit nidum, alioquin trepi-  
dum animal. Educat ergo subditum adulterato fata-  
nido. Ille auidus ex natura, præripit cibos reliquis  
pullis, itaq; pinguescit, & nitidus in se nutricem  
conuertit: illa gaudet eius specie, miraturq; seipsam,  
quod talem pepererit: suos comparatione eius dam-

nat, ut alienos, absumiq, etiam se inspectante patitur, donec corripiat ipsam quoque iam volandi potens. Vnico Alciatus disticho Embl. 60. rem narrat, & accommodat, inquiens:

*Fert oua in nidos alienos, qualiter ille*

*Cui thalamum prodit uxor adulterio.*

- II. Quare idem, lib. 7. *Parerg. iuris c. 5.* haud immeritò docet, rectiùs cuculos appellari, qui ipsi violant alienum, quàm qui violari sinunt suum torum; hac enim ratione hos curucas, illos cuculos vocari, cum & adulterium, quasi ad alterius torum dictum sit. Hoc sensu Plaut. in *Astinaria* ait: *At etiam cubat cuculus; surge amator, i domum.* Ac mox: *cano capite te cuculum uxor ex lustris rapit.* Et in *Persa*: *Cadere tum hodie vestibus.* *P. tua quidem, cucule, caussa.* Et in *Trinummio*. Ibi ille cuculus. Adagiorum collector: olim, ait, qui fuissent in re quapiam parum honesta deprehensi, vulgari probro *Cuculi* dicebantur. Quamuis id ortum à vinitoribus, qui seriùs putare vineam cæpissent, putet cum Plin. lib. 18. c. 26. quod verum est; si hoc probrum dicatur negligenti; si impuro, cum Alciato sentiendum est.

- III. Et prorsus appositè voluptuarij illi, cum cuculo dicuntur semper parere in alienis nidis. Semper enim alienus nidus est, siue vitium inferat ut personæ liberæ, quæ utique non est fornicantis, licet pudicitiam vendat; siue coniuga-



ta, siue Deo dicata: nam illa coniugis, ista Dei est. Et quoties nothus *præripit cibos reliquis pullis?* quoties in se patrem conuertit spuria soboles? *ille gaudet eius specie, miraturque seipsum, quòd talem pepererit: suos comparatione eius damnat, ut alienos.* nescius nempe, foetum illum sanguinis esse longè nobilioris, & indolis non quotidianæ. Perspicilijs scilicet egeret, ad laruam detrahendam filio non suo, quem tamen fortè plus amat, quàm suos. Quare & plus in illum impendit, quàm in suos: ut prorsus etiam hîc verum sit, eum pati, ut, se inspectante, ceteri absumantur.

Miser ergo est iste, quia deceptus. Sed mi- I V.  
serior, qui decepit. Primò, quia *neque fornicarij, neque adulteri, neque molles, neque masculorum concubitores &c. regnum Dei possidebunt. 1. Cor. 6. 9.* Si ergo, apud Gell. l. 1. c. 8. Demosthenes dixit: *Tanti pœnitere non emo:* quantò magis nos id dicere debemus, qui plus perdimus? Secundò, quia *fornicatores, & adulteros indicabit Deus*, ut ait Apostolus *Heb. 13. 4.* (ut taceam iudicia & supplicia hominum, de quibus Gell. l. 10. c. 23. & alij) & quidem non in altera tantùm vita, sed etiam in hac: nam ait *Rom. 8: 13.* *Si secundum carnem vixeritis, moriemini: non tantùm morte æterna; sed sæpe etiam vita præsens luxuriosis interrumpitur: implentur enim*

nunc

nunc lepra, nunc lue Aphrodisia, nunc alijs miserijs; & qui, cum casti essent, tam formosi erant. *ut dicerentur ex uno prodijisse; vbi cœperunt sectari illicitas voluptates, luridi, squamosi, scabiosi effecti sunt; vno verbo, angelicam faciem cum larvis mutauerunt dæmoniorum.* Tertiò, quia luxuria, hoc est, inordinatus impuræ voluptatis appetitus hominem totum euertit, rationem carni, equitem iumento subiicit. *Qui dominari nescit cupiditatibus*, ait S. Ambros. *l. 3. de Virginit. is quasi equus raptatus indomitus, voluitur, obteritur, laniatur, affligitur.* Hinc vel Seneca ep. 63. dixit: *Ad maiora natus sum, quam ut mancipium mei corporis fiam.*

- V. Quartò quia ex homine bestiam, immo monstrum facit hoc vitium; monstrumque, quod, (sicut cupidus in lucro, gulosus in ventre) cor habet in libidine, lasciuisque cornibus transit in Satyriscum, aut equum vbique adhinnientem. Hinc illud S. Augustini *serm. 50.* dictum est: *Qualis est in oculis hominum, qui in uersis pedibus ambulare videtur, talis est in oculis Angelorum, cui propria caro dominatur.* Id ex filiab. luxuriæ constat, quas S. Thom. 2.2.q. 113. art. 5. & S. Greg. l. 3 1. mor. c. 3 1. recenset. Sunt autem hæ octo: *cæcitas mentis, precipitatio, inconsideratio, inconstantia, amor sui, odium Dei, amor huius mundi, horror futuri seculi.* Quæ, ut perspiciantur,

tur, duo probè spectanda sunt. Vnum est, varias esse in anima potentias, intellectum scilicet, & voluntatem, quæ sunt in ratione, & illas quæ sunt inferiores, scilicet sensus exteriores, & interiores, quique ex illis sequuntur, appetitus. Hæ omnes potentia quia ab vnica anima mouentur, fit, vt, dum vna potentia vehementer operatur, altera vel omnino non operetur, vel certè languidè. Nam *pluribus intentus, minor est ad singula sensus*. Alterum est, potentiam eò vehementiùs, & ardentius occupari, quò magis delectatur aliqua re. Hinc fit, vt dum delectatio carnis est vehementissima, ratio absorbeatur, aut certè valde impediatur. Quare nec consideratio simplex finem bonum ita apprehendere; nec consilium media disquirere, quibus finis bonus consequendus est; nec iudicium de rebus qualis vnaquæque sit, iudicare potest; & deniq; imperium quoque, quæ facienda sunt, proponere nequit; quando intellectus cæcitate mentis rapitur ad cogitanda, quæ carnis delectationem faciunt; aut præcipitatione non curat vti consilio, in bonis, ob mentis occupationem, quæ tota est in carne. Ita & voluntas trahitur ad reliqua vitia.

Quintò quia remorsus conscientia, macula V I. famæ, dilapidatio pecuniæ hinc sequitur. Quæ de causa ipsi gehennæ flagitium istud comparatur

ratur à S. Bonau. in diet. salut. tit. 1. c. 9. quia sicut in hac tria sunt specialiter, scilicet ignis ardens, vermis rodens, & sulphur foetens: sic in illa est ignis concupiscentiae, vermis, scilicet remorsus conscientiae, & sulphur infamiae. Et ideo, qui est in peccato luxuriae, iam quodammodo est in supplicio gehennae. Hæc sunt, quæ homines possunt deterrere, sine velo, & canino aspectu obtuentes, atque in vino, inter colloquia, per familiaritates, per ocia in cuculum transmutatos. Ac ne quis se ab his remotum esse periculis putet, ait Saluator Matth. 5. 27. Omnis qui viderit mulierem ad concupiscendam eam, iam mæchatus est eam in corde suo. Vides ergo, quantum mulier impudicè aspecta distet à Medusa; hæc in saxum homines, illa commutat in cuculum auem vulgò scabiosam, ut sanè neque impuri isti sæpe carent scabie, sed peregrina, qualis cuculum decet.

*Quidam Poëta nobiles producere  
Solent cucullum in carmine;  
Corripere quidam. Rectius, quares, utri?  
Corripere dignum qui solent.*



In ovo basiliscum dante, inuidia per-  
stricta.

# EMBLEMA LXXXV.

HEV FVGE CRVDELES OCVLOS!



**C**um Isaias c. 59. s. Iudæis dixisset, *ova aspi-* I.  
*dum rupisse*, adiecit, *qui comederit de ovis*  
*eorum, morietur: & quod confotum est, crū-*  
*det in regulum*. Septuaginta vertunt: *qui de ovis*  
*eorum comedere voluerit* (sunt enim aspidum ova  
visu pulchra, si exterius aspicias) *frangens repe-*  
*riet putridum, & in ipso regulum; id est, basiliscū.*  
Pro *regulum*, Aquila vertit, *viperam*, Symma-  
chus *aspidem*. Quia constat naturam non ferre,  
ut ex *ovis* aspidum, *reguli* seu *basilisci*, sed *aspides*  
nascantur. Aiunt igitur interpretes proverbiū  
esse,

esse, simile illi, quod est *Isa. 14. 29. Deradice colubri egredietur regulus.* Quibus loquendi formulis significatur, impiorum consilia cogitationesq; erumpere in opera longè perniciosiora ac sceleratiora; tanquam si *aspis*, aut *coluber* in *regulum* *oua* producerent; & non iam *aspis* à *vipera*, quod aiunt, mutaretur, *venenum*, ut habet *Tertullianus l. 3. contra Marcionem c. 8.* sed ab *aspide* longè pestilentius aliquid propagaretur.

**II.** Quanta basilisci serpentis sit vis, indicat *Ælianus lib. 2. de anim. c. 6.* sed satis est ex *Plinij l. 8. c. 21.* descriptione accipere. *Cyrenaica*, ait, hunc generat provincia, **XII.** non ampliùs digitorum magnitudine, candida in capite macula, ut quodam diademate insignem. Sibilo omnes fugat serpentes: nec flexu multiplici, ut reliqua, corpus impellit, sed celsus & erectus in medio incedens. Necat frutices, non contactos modo, verùm & afflato: exurit herbas, rumpit saxa. Talis vis malo est. Creditur quondam ex equo occiso hasta, & per eam subeunte vi, non equitem modo, sed equum quoque absumtum. Atque huius tali monstro (sæpe enim enectum concupiuere reges videre) mustelarum virus exitio est: adeò natura nihil placuit esse sine pari. Inijciunt eas cauernis, facile cognitæ sola tabe, necant illa simul odore, moriturque, & natura pugna conficitur. *Ecl. lib. 29. c. 4.* Basilisci, quem etiam serpentes ipsi fugiunt, alios olfactu necantem, qui hominem vel si  
*aspi.*

*aspiciat tantum, dicitur interimere, sanguinem Magi miris laudibus celebrant, coeuntem picis modo, & colore, dilutum cinnabari clariorem fieri.*

At verò ex quonam ovo prodit basiliscus? III.

*Narrantur & mortua gallina, ait idem auctor l. 10. c. 55. mariti earum visi succedentes inuicem, & reliqua fata more facientes, abstinentesque se à cantu; sed parere oua, non ait narrari. Vulgo tamen nihil crebrius est, quàm vt ex illo iam sene ouum, ex hoc basiliscus generari credatur. Allatum est supra Embl. 78. ex S. Basilio de subuentaneis oris aliquid. Sed placet in compendio referre, quæ hac de re habet Aldrouandus t. 2. l. 14. c. 1. Vbi ait, Videamus, an gallus etiam ouum pariat. Etsi enim Aristoteles alijque veteres nullam huius rei mentionem faciant, & id Albertus falsum esse scribat, tamen id alios viros doctissimos, non credere tantum, sed & experientia propria id scribere video, ait, edere autem id, inquiunt, cum iam decrepitis esse incipit, ac senectute confici, idq; non nullis septimo, nono, aut ad summum decimo quarto ætatis anno euenire, pro virium vel robore, vel imbecillitate &c. tunc enim ex putrefacto intus seminis excremento, aut humorum colluie conflare ouum existimant, ediq; sub Canicula exortum, quòd tunc maximè ab ambientis calore, expultrix languida in alite decrepita iuuetur. Taceo modo mihi bis, terne à viris etiam non plebeis, sed fide*

i di-

dignissimis ouum allatum, quod è gallo natum affirmabant, rotundum, colore luteo, buxéo, flavescente, lurido. Quod verò nonnulli dicant, testa carere, sed adeò dura pellis esse, ut fortissimis ictibus resistat, id planè fabulosum esse existimo, ut etiam quod vulgus in tota Europa existimat, ex eo basiliscum generari, maxime si à rubeta, vel bufone excludatur. Leuinus Lemnius propria se se experientia comprobatum habere tradit, Gallum non edere tantum ouum, sed incubare etiam. Scribit autem in ciuitate Zirizea, atque insule huius ambitu duos annos gallos non tantum ouis suis incubasse, verum etiam fustibus agrè ab illo opere abigi potuisse, atque ita quoniam ciues eam per suasionem concepissent, ex eiusmodi ouo basiliscum emergere, ouum contriuisse, & gallum strangulasse. Verum quidquid hic aliq; dicant, ego ne iurantibus quidem crediderim, tantum abest, ut gallum id in fimo ponere, ut eius calore fecundetur, aut ab incubantibus id rubetis basiliscum generari credam. Haud interim negârim gallum quid ouo simile ex conglobata intus putri concretionem, maxime in ultimo eius senio, concipere, ouum integrum unâ cum testa excludere minime credam. Hoc enim in matrice perfici ratio dictat. Hæc ille.

- IV. Quæ etsi ita sint, tamen basiliscum esse, seu regulum inter serpentes non est negandum, vel quia maculam aut coronam candidam, velut  
dia-



diadema gestat in capite, vel quia talis est, qualem picturæ exhibent, & qualis antehac Pragæ inter Cæsaris cimmelia, & artificiosa fuit assertuatus, dracunculo non absimilis, qualisque à Carolo Sigonio lib. 1. de regno Italiæ in hunc modum scribitur. *Ceterum Leo pontificatus sui principio magnam sanctitatis, ac prudentiæ suæ declaranda materiam nactus est. Romæ iuxta adem S. Lucia basiliscus, dirum serpentis genus, est ortus, qui venenato spiritu suo omnibus, qui ad cauernam eius accedebant, repentinum afferebat interitum. Itaque, trepidantibus ad tantum periculum uniuersis, pontifex solemni ieiunio ac precatione perfectis, in die Assumptionis, è Patriarchio exiit, & cum hymnis ac canticis, sancta precedente imagine, ad basilicam S. Adriani martyris pedibus cum clero processit. Inde ad basilicam S. Virginis ad Præsepe perrexit, & cum ad specum, ubi cubare serpens dicebatur, appropinquasset, caterua fidelium, qua stipabatur, subsistere iussa, interrito animo ad os specus, unde pestifer erumpebat afflatus, accessit, atque oculis palmisque in calum intentis, Deum omnipotentem, ut tetra illa peste populum liberaret, orauit. Quo facto, repente fœdum virus illud serpentis euauit. Hæc Sigonius. Quis ergo existere talia monstra neget? etsi non ex galli ozo, sed aliunde generata?*

Mihi basiliscus significat inuidum è gallo, V.  
i 2 hoc

hoc est, *lumbos succincto* *Prou. 30. 32.* superbe-  
 que gradiente, & cristas erigente oriundum. Su-  
 perbia enim, quæ neminem sibi vult esse parem,  
 inuidiam in promptu habet, quæ est inseparabi-  
 lis felicitatis comes, adeò vt etiam faber fabro  
 succenseat, & æmulus sit vicinus vicino prope-  
 ranti ad opes. *Fieri non potest, vt superbus non in-  
 uideat*, ait S. Augustinus in *Pf. 58.* inuidia au-  
 tem, more basilisci, visu omnia necat. Quid-  
 quid enim aspicit, in venenum vertit. Hinc il-  
 lud *Matth. 20. 15.* *An oculus tuus nequam est,*  
*quia ego bonus sum?* Vtique adeò pestifera res est  
 inuidia, laudanda carpit, & bona quæ sunt, in  
 malitiæ vertit occasionem. Interim, vt Corn.  
 Gallus eleg. 1. dixit: *Non res in vitium, sed malè*  
*facta cadunt.* Nec enim ea causa boni mali sunt,  
 quia malis oculis aspiciuntur. Sed vt necat, ita  
 necatur basiliscus seipsum in speculo intuens:  
 idem facit hoc vitium, nam teste *Iob. 5. 2.* *par-  
 uulum necat inuidia.* Et *Prou. 14. 30.* *putredo os-  
 sum inuidia.* Quam S. Basilus hom. 11. viperæ  
 ita comparat. *Sicut vipers dicunt, abrupto ven-  
 tre, matris nasci, sic inuidia concipientem se animam*  
*corrodit, & tabefacit.* Itaque more basilisci inui-  
 dus, cum Cain, occidit fratrem, & sicut Ichneu-  
 mon, post necatam matrem, in oua grassatur, sed  
 eorum contactu lethum incurrit; ita inuidus in-  
 uidendo seipsum corrodit, atque infelix est, fe-  
 lici

lici forte aliorum. Quasi ergo cum basilisco seipsum, in speculo, aspexisset, suis oculis & alios ferit, & seipsum percutit, dum virtutem videt, eaque relicta intabescit. Id enim illi dolet, quod videt: neque iam quos aspicit, more Medusæ, in lapides vertit; sed ipse fit lapis, ut nullius miseria molliatur, prosperitate autem alterius etiam usque ad æmulationem indurescat; *omo* similis, cuius albumen (& ut quidam affirmant, etiam luteum) si auræ exponatur, in lapidem durefcit. Ita & isti aliorum felicibus auris, infeliciter videntur: quorum CRUDELES OCVLOS FVGE, si vis fugere crudeles cogitationes. Feriunt. Sed sapius feriuntur; & quod amant habere, oderunt alterum habere. Hinc talis basilisci cantus est, apud Catullum:

*Odi, & amo: quare id faciam, fortasse requiris:  
Nescio, sed fieri sentio, & excrucior.*



Ovi noctuini ars docet, mala media,  
etiam ad bonum finem, non adhibenda.

EMBLEMA LXXXVI.  
PRODESSE VT NOCEAS, AVT  
NOCERE VT PROSIS, VTRVM-  
QUE EST NOCERE.



- I. **P** Rouerbij loco Erasmus Chil. 2. cent. 1. 1. 44. inserit Γλαυκεῖον ὄν. id est *Noctuinum* ouum. Et addit: Refertur à Nicolao Perotto, in *Copia Cornu*, prouerbij loco, nec explicatur tamen. Fortassis antiquitus abstemium, & à vino abhorrentem hoc adagio significabant, Philostratus enim in *vita Apollonij*, lib. 3. de ouo noctuæ rem oppidè quàm prodigiosam refert. Verba Philostrati ita Latine sonant: *Observandum, ubi loci niduletur noctua;*



*noctua; deinde oua subducere oportebit, eaque mediocriter cocta infanti edenda dare. Quod si quid ex his ederit, priusquam degustarit vinum, inferetur illi vini odium, adeo ut in omnem vitam quam maximè sobrius sit futurus. Eiusdem rei etiam mentionem facit Gregor. Gyraldus de histor. Deor. Syntagm. 8. Vbi scribit, post talis ouis esum, eiusmodi infantes dein, per totam vitam, non modò vinum non bibere, sed & temulentos formidare.*

*Sunt qui negent noctuinum ouum inueniri. Pro- I I. uerbum itaque quadrabit vel in hominem nihili, nullius frugis, vel in rem raram inuentu, ait Erasmus. Ceterum an noctuinum ouum eum effectum habeat, video posse disputari. Nam si in ipsa oua magnus est raphani aliorumque ciborum effectus, cur non rursus & ouum aliquem in cibos, aut potum (vel potius in appetitum potus) habeat effectum? Posse verò aliquid, in oua, cibos gallinæ obsepato, docet Palladius de gallinis loquens, quas scribit vinacijs, hoc est, granis vix iam pressæ citò sterilescere, at hordeo semicocto, & parere sæpius, & reddere oua maiora. Quare & Columella lib. 6. Vinacia, ait, quamuis tolerabiliter pascant, dari non debent, nisi quibus temporibus anni avis factum non edit. Sicut ergo vinacia ouis, ita oua quædam, occulta vi, atque antipathia possunt vinacijs, & vino resistere.*

III. Sed rectè quidam negant *nocturnum ouum* (nisi fortè rarò) inueniri; nam & rari inueniuntur, qui eiusmodi *ouo* vellent uti. Malunt enim à primis fascijs liberos suos Libero Patri, & nidoribus culinarū, quàm Lymphis & Nymphis consecrare. Quancquam omnino, si vel maximè obuia haberentur eiusmodi *oua*, eaque vi illa pollerent, me auctore, nulla vnquam mater, tale *ouum* infantulo esset suo datura delibandum, quamuis maritum haberet, fumi liguritorem, & ipso Ciceronis filio magis sitibundum. Quid enim? an idem est abstemium, quod temperantem esse? idem eunuchum, quod castrum? Iam multos vtique induceremus, qui cum Origene, propter regnum cœlorum, ferro, non voto atq; continentia se castrarent, quasi Deus contentus sit corporis imbecillitate, & non potius homines sibi cupiat mentis castitate placere. Vt ergo illustratur castitas eo, qui, cum peccare possit, tamen abstinet; ita temperantia, tum demum est laudabilis, cum is vinum non gustat, vel temperatè bibit, qui vinum naturā appetit. Quid quòd eiusmodi artifices matres, dum infantem abstemium faciunt, reddunt ad sacerdotij gradum prorsus ineptum? Si enim à vino prorsus abhorret, abhorrebit etiam à Missæ sacrificio, in quo, post consecrationē, vini sapor & odor, cum ceteris speciebus, remanet.

Dili-

Diligenter itaque dispiciendum est, quæ au- I V.  
xilia, remediâque, aut media, etiam ad bonum  
finem, adhibeantur, ne si vel ipsa sunt mala, fi-  
nem malum faciant; aut si sunt nimis potentia,  
plus efficiant, quàm ipsi effectum esse cupiamus.  
Queritur Apostolus *Rom. 3. 8.* Christianis fal-  
sò impositum, quasi dicant: *faciamus mala, ut  
veniant bona.* Non est hoc hominis Christiani.  
Quare nec ipsam Dei gloriam mendacio fas est  
astruere; nec dicere licet, *Hic vir miræ est pati-  
entia, omnia tolerat, omnia dissimulat; ergo vexe-  
mus eum, & identidem contumelijs virtutem eius  
faciamus illustriorem.* Seuerè cauent Theologi,  
ne, si vel minimo veniali peccato, omnia totius  
mundi peccata possemus impedire, illa hoc pa-  
cto impediamus. Non est enim vllum vel minu-  
tissimum peccatum medium elegibile, etiam ad  
maxima bona.

Quàm sceleratè igitur necesse est facere, V.  
quasdam feminas, à veneficis, credo, aut in-  
fernalibus Furijs edoctas, quæ vt maritos alio-  
qui calicum remiges, lurcones, & ganeones, ac  
tricongios, vini nausæà à perpotationibus ab-  
strahant, heu quas non artes adhibent! quàm  
abominandas! & cum quanto scelere ac mari-  
torum discrimine coniunctas! Constat de mo-  
dis, sed cogor calamū cohibere, ne magis con-  
stet. Ea enim est malitia quarundam, ut dedo-

cendo discant. Vt tamen, nec doceam, nec taceam, partem dicam. Vinum quoddam, Circea manu temperatum medicatúmque, quod in cadauerum stomachis computruit, maritis dant, ebibendum, vt vinum bibere desinant. Et sæpe sanè desinunt, sed postquam desinunt etiam viuere. Quis hîc non exclamet! quis rogos non inuocet? quis istas noctuas, & noctuagas mulierculas cum noctuino suo ouo, & tam ferali buccæ, non in vltimum Gangem, immo ad bustum proscribat? Esto tam ferali poculo sobrius aliquis fiat, è centum idem sumentibus ebriosis: ergone nostrum est peccare, ne alij peccent?

VI. Quis hîc Dei audet affectare potestatem, cuius solius est, ob infinitam sapientiam, mala nostra, in bonum misericordiæ, vel iustitiæ suæ finem ordinare, vt docet D. Augustinus in *Enchirid. c. 96. & lib. 3. de Genes. ad litteram c. 24.* item S. Dionys. *de diuin. nom. c. 4.* & Boëtius *lib. 4. de consolat. pros. 6.* sic loquens. *Diuina est vis, cui mala quoque bona sunt, cum eis competenter vrendo, alicuius boni elicit effectum. Ordo enim quidam cuncta complectitur, & quod ab assignati ordinis ratione discedit, hoc idem licet in alium, tamen in ordinem relabatur, ne quid in regno providentiæ liceat temeritati.* Itaque nemo quærat, quomodo mala nostra bona sint Deo: bona sunt, vt illa puniat, & iustitiam suam ostendat in ijs, qui  
mise-



miseri cordiam illius contempserunt. Hoc pacto  
& hominibus licet malo bene vti, puniendo,  
postquam est perpetratum; non tamen malum  
ordinare, vt sit medium ad bonum; non enim  
ordinaret malum permittendo, sed committen-  
do. Malum enim homo committit, si malum eli-  
git, vt inde resultet bonum; quod natura sua ex  
malo non oritur, sed sola Dei prouidentia, aut  
alterius, qui iniuriam patitur, bonitate. Itaque  
hæc regula esto: *Quia bonum ex integra causa,*  
tam electio, quàm intentio debet bona esse, vt  
homo faciat bonum; vt autem faciat malum,  
quiuis defectus sufficit. Igitur

*Quid, miser, excusas artem, quòq; vteris, ouum?*

*Nec dare noctis auem, sed dare dicis anum?*

*Quæ dat consilium tam detestabilis oui,*

NIL REFERT, SEV SIT NOCTIVA, SEV  
SIT ANVS.



Ovi exclusio, potandi continuatio.

# EMBLEMA LXXXVII.

MENSVRAM SVPERAT GRÆCI

MENSURA BIRENTIS.



- I. **O** *Va* in tantam hominum vtilitatem nata, à peruersis ita vsurpantur, vt non modò sint instrumenta ebrietatis, sed etiam mensura potandi. Plin. l. 10. c. 1. de struthio-camelis loquens, *Premia*, ait, *ex ijs ona*, propter *amplitudinem pro quibusdam habita vasis*. Et vulgaria sunt eiusmodi *ona* argento auroque incincta, in vsum poculorum bene capacium, magnoque gutturi sufficientium. Qualis crater ille erat, post quem, apud Virgil. 9. *Aeneid.* se Rhætus metuens tegebat; aut quale fuit cymbium

bium Herculis, in quo piscator non nimis magnus potuisset nauigare. Certè Dinon, apud Athenæum, tradit, Persarum olim reges ex *aureo ouo* bibere consueuisse; qui pingui mensura plerumque utebantur, in ipso quoque potu delicati, & mellis medullæ, ac Nectaris flori inhiantes. Non ergo gulæ tantum feruiunt *oua*, sed etiam ebrietati ancillantur. Immo pro clepsydra sunt, & aliquando tempora signarunt pergræcandi. *Plin. l. 10. c. 54. Scitum de quodam potore reperitur, Syracusis tamdiu potare solitum, donec cooperta terra fatum ederent oua. Aldrouandus autem lib. 14. Orinth. c. 1. cum rationem Ægyptiorum oua in clibano olim excludentium laudauisset, inde etiam commendans addit: quòd talis exclusio celeriter absolueretur, ut vel ex hoc colligo, ait, quòd, ut Aristoteles pariter testis est, quidam potator Syracusis, ouis sub storea interrapositis, tam diu potaret, donec oua fatum ederent.*

Insigne exemplum hominis intemperantis, **II.** cuius & pœnam legimus ab *ouis* præparatam. Scribit enim Vlyss. Aldro. lib. 14. Orinth. c. 1. in hunc modum. *Dura (oua) ad coquendum sunt difficilia, tardè descendunt, crassiusq; alimentum corpori tribuunt, quin imo & viscosum: aluum constipant, adeò ut Brasauolus referat, quendam (mendicantium) cum in festo paschæ collecta à se eius-*

*æmodi oua alba, & rubra ad saturitatem edisset, astricto ventre, ut neque clysteribus, neque medicamentis cederet, obiisse. Ita corpori nocet intemperans cupiditas, seu gula, quæ est inordinatus cibi ac potus, in homine, appetitus. Qualis fuit non Sardanapali tantum, sed eorum quoque rusticorum, qui, ut aliàs in rerum aliarum, ita aliquando, etiam in ouorum vorandorum certamen descenderunt, ea conditione, ac lege; ut qui plura oua, vno prandio, absumisset, alterius villam, præmij loco, possideret. Aiunt vnum raphanis oua promouisse, alterum simul edere, & viuere desuisse. Nec enim vita, cum totius locum habebat.*

III. Talis etiam appetitus prope fuit illius Syriacæ mulieris, quæ, antè, triginta quotidie gallinis saturabatur, quàm à D. Macedonio lustrali aqua aspersa per exiguam carne contenta esset, ut refert Theodoretus in *Philotheo*, qui eius temporis scriptor fuit. Sed & honori, & opibus intemperantia nocet. Apud Plutarch. in *apophtegma. Regum*, Lyfimachus Thraciæ rex coactus, ob ingentem sitim, aquæ scypho, se, regnumq; suum hostibus tradere, epota aqua exclamauit: *Deos immortales! quæ hæc mea infelicitas! qui me vendidi, totumq; regnum meum, tantillo corporis ablectamento!* Eodem modo præ dolore irrugijt Esau, quod vili lente primogenita vendidisset.

*Gen.*



*Gen. 25. 33. Et quid non vendidit protoplastes  
 noster Adamus! Gen. 3. 17. & quidem, more  
 puerorum, pro pomo? In diebus Noë edebant, &  
 bibebant usq<sup>3</sup> ad diem, qua intravit Noë in arcam,  
 & venit dilunium, & perdidit omnes. Luc. 17. 27.  
 Et Num. 11. 13. Adhuc carnes erant in dentibus  
 eorum, & ecce furor Domini concitatus in populum  
 percussit eum plaga magna nimis.*

Nec corpori solum clades à gula infertur, I V.  
 sed & crumenæ, sed honori, sed virtuti. In ebri-  
 etate, produntur omnia animi secreta; hinc  
 Græcorum adagio, *Speculum formæ est as, vinum  
 verò mentis.* Inter compotationes, & Bacchos,  
 & thyrsiferos inuenies. Nam sæpe vuas acerbæ  
 rapiunt artifices Dionysiaci isti Enimverò in ci-  
 bi & vini satietate (præter morbos oculorum,  
 podagras, catharros, stomachi euerfiones, fe-  
 bres, & subitas mortes) inest rixa, loquacitas,  
 scurrilitas, *seminarium libidinis* S. Hier. l. 2. con-  
 tr. iouin. iurgia, rixa, *Prou. 23. 29. insania* S.  
 Chryl. hom. 44. in Io. *Nilil gula perniciosius, ait,  
 nihil ignominiosius est, hæc obtusum & crassum in-  
 genium, hæc carnalem animam reddit: hæc cecat in-  
 tellectum, non finit, ut quidquam perspiciat.* Hinc  
 nec perspicit æternæ quoque damnationis, uti-  
 que satis magnum periculum. Vix enim, teste S.  
 August. *Serm. 231. de tempore, peccatum cen-  
 setur à multis, toties, sine metu, immo cum ri-*  
 su

su & jactatione frequentata ebrietas, cum tamē teste Apostolo 1. Cor. 6. 10. ebriosi regnum Dei non sint possessuri. An hæc res digna est, quæ honori ducatur? Et tamen *qui plus biberit*, ait S. Hieron. *in ep. ad Tit. c. 1. fortior computatur: vomunt, ut bibant; bibunt, ut vomant.*

- V. Nec tantum helluones isti, quod S. Ambros. *lib. de Helia & ieiunio* deplorat, *uno die, multorum dierum labores bibunt*, totiusque operæ stipendium Ionicè vno spiritu exhauriunt; sed multos, immo plurimos dies bibunt, quibus esset laborandum. Nec jam tantum Syracusanum potatorem imitantur, ut potitandi terminum ponant, pulli exclusionem; sed totos menses, annos, vitam omnem, tempus omne, in vino, consumunt. Quod si ipsi velint computare prandiorum & conuiuiorum suorum horas, easque cum illis horis conferre, quibus orant, aut seria tractant, facillimè sanè deprehendent, & erubescant. Multos deprehendit Orcus, impeditque ne tantum vini perdant, si pocula in id temporis spacium protraherent, quod sibi impiè destinarent. Itaque mors illos jugulat, ne illi jugulent vinum.

- VI. Recitat Petr. Thyraeus *de locis infest. p. 1. c. 19. ex Michaële ab Iffelt* An. 1584. Apeldorni, qui pagus est Veluæ, in Germania, duos Nobiles milites pactos inter se, ut qui è duobus primus à pocu.

poculis surgeret, is illico in diaboli esset potestate. Huic egregio bellantium certamini coactus est interesse mercator, fortè fortuna illac interfaciens. Is, Deo ita, ad nostram monitionem, prouidente, non tantùm spectator, sed etiam testis fuit miserabilis scenæ. Nam cum neuter potatorum alteri cedere constitisset, non diu tam infami concertatione ludere sunt permitti, sed vtrique illico à cacodæmone gula fracta est. Ita cum tempus & vinum vellent, vitam atque animam perdiderunt.

Quàm stulti igitur sunt, qui tanti emunt pænitere? Verè aureum illud os. hom. 58. in Matth. VII.  
*Quanto melior asinus ebrioso est? quanto canis præstantior? omnes certè bestia, cum bibunt, aut comedunt, ultra quàm satis est, non sumunt, etiam si mille homines cogerent. Quid verbis opus est? in compendio idem hom. 1. ad pop. omnia completitur: Ebrius inquit, demon est voluntarius, mortuus animatus, morbus veniam non habens, ruina excusatione carens, commune generis nostri probum. Id in hoc exemplo ostendit S. Aug. Sermon. 33. ad frat. in erem. Accidit hodie terribilis casus, ut omnes audistis, propter quem ad Ecclesiã Hipponensem etiam feminas & infantes congregari præcepi. Ecce præclarissimus ciuis noster, & ferè dilectus ab omnibus. Cyrillus filium habebat, ut scitis, quem corrigere nolebat, & luxuriosè vinendo in-*  
 k sum.

*sumsit partem bonorum suorū. Sed ecce hodie ebrietatem perpeſſus matrem pregnantem nequiter oppreſſit, ſororem violare voluit, patrem occidit, & duas ſorores vulnerauit ad mortem.*

II X. Hi ſunt fructus eorum, qui s t v d e n t calicibus epotandis. *Prou. 23. 30.* Exiſtumes, ſupra naturam eſſe ſæpe, vt vnus venter tot menſurarum ſit capax; nec ſine cauſſa cenſeas ab Acherontico igne calentem aliquem hoſpitem abdomini illi inſidere, ſicut in illa muliere ledit Syriaca, quæ triginta gallinis quotidie ſaturabatur. Vt ergo feminam cacodæmon fecit nimis voracem, ſic ſæpe virum aliquem facit nimis bibacem; vt, ſine menſura, innumerabiles exhauriat menſuras. Si enim cum citiùs æſtate prodit, primùm *viceſimo die* prodit ex ouo pullus *Plin. l. 10. c. 53.* quanta potandi menſura eſt, bibere, vſque dum pullus prodeat ex ouo ſtoreis ſubiecto? immo quanta temporis iactura eſt? ſed non curant iſti helluones iacturam temporis, qui non curant iacturam æternitatis. Vnica illorum regula eſt:

*Singula poſt ona, poſula ſume poſea.*



Ova tonitru destructa, iræ damna expungunt.

# EMBLEMA LXXXVIII.

SIT METVENDA HOMINIS, NON  
FORMIDANDA POTESTAS.



**S**lincubatu tonuerit, ova pereunt, & accipitris **I.**  
audita voce vitiantur Plin. l. 10. c. 54. (quod  
& Petrus Berchorius lib. 12. c. 25. n. 11. af-  
firmat) vbi & superstitionem illam subijcit:  
*Remedium contra tonitrū, clauus ferreus sub stra-  
mine ouorum positus, aut terra ex aratro. Illud ve-  
rius, quod ibidem tradit: Celerius excluduntur  
calidis diebus. Ideo æstate vndeicesimo educunt  
fœtum, hyeme XXV. Et quis credat, ova accipi-  
tris audita voce vitari? cum auribus careant.*  
k 2 qui-

quibus vocem audiant? esto Plinius de gallinarum, aut etiam columbarum ovis loquatur. Nisi incubantes terrore abortiant quodammodo, & desistant, sed de *ovis* loquitur auctor. Paulo plus tribuerim tonitruum. Est enim maior concussio, quæ etiam terram quatit, & agros reddit fertiliores, apertis glebis. Si ergo vis est tonanti cælo in terram, cur non & in *oua*? quæ *concuti experimento vetant, quoniam non gignant confusis vitalibus venis*, vt Plin. *ib.* ait.

- II. Emblematis hæc in hunc modum seruiunt. Vt *oua celerius excluduntur calidis diebus*, tonitruum autem pereunt; ita prodest si serui, & subditi calorem domini, si filij parentis, & coniuges coniugum, & discipuli præceptorum moderatam sentiant iram, vt timeant, & vereantur offendere: at verò illi heri, qui plumbeas iras gerunt, qui cum Aiace semper flagellum, aut cum Hercule clauam, aut cum Diogene baculum, aut cum Orbilio scuticam, vel rubram soleam, vel cum Corydone fustem in manu gestant, qui Iouis instar, per mille diras, & execrationes semper minantur, semper tonant; qui cum Comici Truculento, crebrò in ore habent: *Ego te hinc agnum faciam, & medium distruncabo*: vti & parentes, qui capite liberorum semper dolando & verberando, ingenium illis cum cerebro excutiunt, & stupores mille incutiunt; ac coniuges,

iuges, qui nullam sibi inuicem gratam horam quietamque, nisi cum alteruter moritur, relinquunt; Orbilij denique plagosi, prorsus *ona* sua destruunt; eo ipso quia ira est vindictæ appetitus, qui si sit immoderatus, non solum punit eum à quo se is, qui irascitur, læsum existimat, sed etiam lædit, & destruit.

Si verò sit appetitus ille moderatus, & sine III.  
peccato esse, & prodesse solet. Hinc. *Pf. 4.* dicitur: *Irascimini & nolite peccare.* Et S. Basil. *orat. de ira*, ait, id esse iram in homine, quod canis est in domo. Is si fures latratu arceat, bonus est; si domesticos & amicos, nequam est. Est ergo ira mala, cum quis animo efferuescit in innocentem, & in eum, à quo est læsus; item cum quis propria auctoritate, non zelo iustitiæ, sed ex maleuolentia, aut odio vult vindicare, & maxime quando modum excedit. Quæ vt clariùs intelligantur, duplex ira, vna homini quæ homo, altera, quæ naturam cum omnibus animalibus communem habet, indita, perscrutanda est.

In ira hac altera, quæ ratione partis sensitivæ IV.  
inest, tria reperiuntur. Primum est apprehensio mali alicuius illati, & ad repellendum difficilis. Tunc enim animal irascitur demum, quando sensu percipit aliquod malum sibi illatum, vel mox inferendum, quod à se nequit facile arcere. Secundum est quædam sanguinis ebullitio, &

feruor, circa cor. Quando enim in corde spiritus vitales congregantur, vt animal, contra malum illatum, adiuuent, tum sanguis, aduentu spirituum calidorum, feruescit, & ebullit: & sæpe adeò, vt in vultum ipsum emicet, qui præ ira sanguine suffunditur, sicut galli Indici palearia, quando irritatur. Vt dici possit illud: *Gorgonem Perseus aggreditur aspectu truculentior*. Ex eadem causa nonnulli pallescunt, sanguine ad cor confluente, & nondum ebulliente. Tertium est ipsa appetitio mali inferendi, ad malum, quod illatum est, releuandum. Atque hæc ira, quia est in inferiore homine, ratione caret, & non rarò concitatur, homine inuito.

- V. Altera ira homini, quæ homo, propria, postquam malum, aut iniuria illata intellectu percepta est, in voluntate exsurgit cupiente repellere tale malum, & lædenti referre. Hæc ira cum illa priore plerumque est sociata. Trahit enim ratio sensum; & cum animo corpus solet commoueri. Huius apud Aristotelem & S. Thomam 2. 2. q. 118. tres sunt species. Prima est *ira*, quæ est cupiditas vindictæ citò excitata, & citò etiam extincta. Secunda est *iracundia*, quæ est ira permanens, qua de causa dicitur à S. Damasceno l. 2. *de fide orth. mania*. Eos, qui citò irascuntur, & citò placantur, Philosophus *acutos*; qui autem diu permanent in apprehensione mali, &
- appe-



appetitu vindictæ quasi insaniunt, eos utique à Furijs oriundos, vocat *amaros*: quibus similia sunt bruta illa, quæ memoria pollent. Tertia, est *furor*, dum manet quidem memoria illati, sed appetitus vindictæ non insurgit, nisi tempore conuenienti, quando se quis potest vindicare. Hos Aristoteles *difficiles* appellat. Similem furorem habent bruta, quæ astuta sunt ac ingeniosa.

Hæc passio, cum exorbitat, varijs de causis VI. est noxia. 1. Quia ira quasi extra se ire facit; & ad mentē rediisse dicuntur, qui irasci desinunt, bile detumescente. Facit ergo ira belluis similes, & rationem ipsam homini quodammodo extinguit; ut dicere possit: *Comedi me ipsum, ut polypus ex ossis sua brachia arrodit*. 2. quia iræ impetus & corpus immutat, oculos virere, aut flammis emicantibus ardere, nasum corrugari, frontem caperari, vultum semper trucem, nunc pallescere, nunc incendi facit: vocem ipsam in clamores, rixas, minas, blasphemias excitat. Quid multa? *Zelus & iracundia minuunt dies, & ante tempus senectam adducet cogitatus. Eccli. 30. 26.* Multis ira bilem in stomachū, & alia membra eiecit, ut ventriculi, capitis, podagræ doloribus torquerentur. 3. *Qui ad indignandum facilis est, erit ad peccandū proclivior. Prou. 29. 22.* Etsi enim irasci peccato bonum sit; peccatum

est tamen irasci, cum vel irascimur innocenti, vel non tantum malum merito, quantum inferimus; vel non à nobis, sed auctoritate maiore puniendo. Non enim à me, sed à magistratu occidendus est, qui patrem meum occidit. 4. Ira virtutes impedit, nam & *institiam Dei non operatur. Jac. 1. 20.* Quare cholericici, aut qui in fræno habere choleram nequeunt, etsi comam nutriant, & digitos, vsque ad ungues, annulis onerent; tamen neque ad tribunalia, neque ad sceptrum sunt idonei. 5. *Omnis, qui irascitur fratri suo, reuserit iudicio. Matth. 5. 22.* In compendio S. Chrysoft. *hom. 29. ad pop.* ait: *Nihil iracundo homine insuauius, nihil grauius, nihil infestius, turpius nihil, fera potius, quàm iracundo homini cohabitandum est. Nam illa cum semel mansuefacta fuerit, suam seruat legem: hunc autem quotiescunq; mitigaueris, rursum efferatur.*

VII. Galen. *l. de cogn. & curand. animi morbis* ait, se adhuc puero in spectante, hominem clauem annuam aperire properantem, nimia celeritate & auiditate aperiendi cæcatum, quò magis festinaret, eò minùs profecisse. Igitur cum diu clauem huc, & illuc properiter versando frustrari se cerneret; ita excanduisse, vt instar rabidi clauem dentibus, fores pedibus inuaderet; mox sursum & deorsum cursaret: & non diu post tragico vultu, oculis scintillantibus ac tumens  
tibus

tibus ore spumanti, & voce incondita in cælum  
 conuersus, superos ipsos execrationibus dirissi-  
 mis laceraret, & Deum ipsum inde, renouata Gi-  
 gantum audacia, exturbare velle videretur.  
 Qua omni insania, tamen non impetrauit, vt  
 clauis seram panderet, quam nullo negotio a-  
 peruisset, nisi insanijsset. Hoc exemplo puer Ga-  
 lenus ita didicit iram detestari, vt postea nulli  
 vnquam visus sit ira etiam leuissima commone-  
 ri. Discant ergo & alij, vt neque tonent, quia  
 loues non sunt; neq; columbas externent, quia  
 non volunt accipitres videri: denique sit

NE TVENDA HOMINIS, NON FOR-  
 MANDA POTESTAS.



Ova portentose grandia, significant  
iratos omnia in maius augentes.

# EMBLEMA LXXXIX.

GRANDIA QUÆ NON SVNT, AD-  
DENDO GRANDIA FIUNT.



- I. **O** Vum, ut hominis caput magnitudine superet, effici sic docet Io. Bapt. Porta lib. 2. Mag. nat. c. 13. Reddere tam ingens si vis, extat artificium, non à naturali dignosci potest. Lecem, vel plura boleta, & albumina inuicem separabis, boleta leuiter commisceto, & in vesicam immitto, rotundamque ligando imitaberis figuram, in ollam aqua plenam immittas, & cum bullis intumescere cernis, vel cum duritiem traxerit, exime, & albumina addito accommodando, ut in medio insideant,



deant, & iterum coqui sinas, sic corticibus enudaiñ habebis, quos sic effinges. Ovorum cortices albos & elotos conteres, ut in tenuissimum pulvisculum volent, forti aceto, vel distillato emacerari finito, dum mollescant: nam, si ouum in aceto diutiùs fuerit appositum, cortex eius dissoluitur, & tenerescit, ut facile, per strictum os phiala possit immitti, ubi fuerit intromissum, clara aqua in pristinam reddit durtiem, ut demirari contingat. Cortices cum unguenti formam præ se tulerint dissoluti, penicillo aliquo, super excodum ouum, corticem inducas, & clara durescit aqua, tunc verum & naturale habebis ouum; aut potius simile naturali; quippe ab arte.

Quanquam & à natura est, ut Put. or. 20. lo. I I. quitur, *Decumanum ouum*, & contra *Nanum*, siue paruum. *Decumanum* non simpliciter, quia maximum, ut *decumanum scutum*, *decumana porta*, *decumanus limes*; sed quia *decimum* maius nascitur, & velut in toto numero eminet. Etenim quod in mari videmus, cum vastiùs insurgens *decimæ* ruit impetus vndæ, id ubique natura agit, sed in ovo præcipue exprimit. *Decumana* ubique sunt, & inter *decumana* ipsa ouum *decumanum* est. Iam verò *Nanum* ultimum cuiusque fetura censent, & ab hoc uterum gallina claudi.

Quod si quis maiora expectat, ouum etiam I I I. domicilium mortalibus præbet. Non hoc dico, ait idem auctor, in ova hominem habitare posse, nisi quis

quis Græco more canaculum *ωϊον* appellat; aut tantæ magnitudinis inueniri, ut dolium siue domus fiat, & sapientiam, siue suppellectilem, & familiam capiat: hoc dico homines esse, quorum casæ luto pennisque, & ouorum putaminibus construuntur. Tales enim Pygmaeos nobis describit: Plinius, qui tamen aut nusquam sunt, aut ceriè parui non sunt, vel idèò magni, quia sic habitant. Immo in ouo hominem etiam habitare posse, rectè concedit, & infra his verbis ostendit. Græci veteres, ut est apud Athenæum, sic edificare canacula soliti sunt, atque etiam nominare: quid nisi pulcherrimam aptissimamque humanis vsibus rati formam; quæ maxime naturam, id est, ouum sequeretur? Quare *ωϊον* erant, quæ postea *ωπεῖω* dicta. Nec alio errore audax fabula fuit, Helenamque ex ouo progeneratam pœtico prodigio diuulgauit. Ædepol decepti fuere non minus, qui id traderent, quàm qui crediderunt: immo verò decepti non fuere, nisi interesse dicas, & tantum non portento distingui, ex ouo, an in ouo, quis nascatur. Helena quia in ouo, id est canaculo nata est, ex ouo prodysse credita.

IV. Si hæc nondum sufficit omni magnitudo, ad fabulas eamus: immo ad veras historias, sed Luciani, cuius in lib. 2. *Verar. hist.* hæc sunt. Circa mediam verò noctem cum tranquillum esset mare, non aduertentes in Alcyonis nidum miræ magnitudinis incidimus. Erat enim eius circuitus stadiorum sexa-

*Sexaginta. Insidebat autem illi Alcyon, fovebatque  
 oua, nido haud multo maior: quæ cum auolaret, pa-  
 rum absuit, quin alarum vento natiem submergeret.  
 Fuga enim se proripuit, edita tristi quadam, & la-  
 mentabili voce. Nos igitur iam die apparente vide-  
 mus nidum ingenti nani similem ex arboribus con-  
 gestum. Inerant autem & oua, quorum unumquod-  
 que Chio dolio erat capaciùs. Atqui & pulli iam in-  
 tus conspiciebantur, & crocitabant. Cum igitur unũ  
 ex ouis securibus præcidissemus, pullum implumem  
 viginti vulturibus ampliorem eduximus. In dolio  
 autem Chio utiq; Diogenes potuisset, tanquam  
 in domicilio, Pygmæi propemodum, tanquam  
 in oppido, habitare. Ne verò quis miretur, tam  
 grande conspectum à Luciano ouum, sciat ab  
 eodem pulices conspectos longè grandiores. Ait  
 enim *ibid. l. 1. Psyllotoxotæ magnorum pulicũ* (ceu  
 equorum) *sessores sunt, unde & appellationem tra-*  
*hant: pulicum verò magnitudo, ut duodecim ele-*  
*phantes. Nec paruas, nempe canibus, aut vulpi-*  
*bus pares formicas, apud Indos Bactrianis pro-*  
*ximos, memorat Herodot. l. 3.**

Longè maius atque ab hominibus reipsa v.  
 habitatum ouum indigitat Stephanus Vinandus  
 Pighius, in *Hercule Prodicio* pag. 535. cum te-  
 statur, Neapoli Carolum perrexisse ad visendum  
*Oui castrum, quod propter formam oualem scopuli*  
*marinis undis, insula in modum, circumfusi, in quo*  
*positum est, illud nomen accepit.* Hæ

VI. Hæ vel fabulæ, vel artes, vel naturæ miracula decumana, varios homines exprimunt, omnia in maius augentes; qui nempe culicem faciunt montem; stillicidia, Oceanum; cælum, colum; solem, candelam; Lunam, nihil; orbem ipsum, pilam, qua dadatim ludimus: denique canculos lepori, tibiam tubæ si comparent, modestè sibi videntur agere. Inter quos tamen duo genera præcipuè excellunt. Vnum est superbè se iactantium, illudque vsurpantium, *cum sis nanus, cede*: alterum iratè se vindicantium. Alazonæ, quid agant, & Pyrgopolinicæ, ac milites gloriosi, notum est; ex musca faciunt elephantem, & vrbes expugnasse se dicunt, quas oculis suis nunquam viderunt. At longè adhuc ad famam addere magis, & exaggerare omnia amant irati; quibus furore turbatis omnia apparent, quàm sint, maiora, sicut illis, qui capite terram versus inclinato, per crura, aspiciunt domos procul sitas, ob humorem in oculos defluentē. Illi ex *ono* columbæ faciunt, quod caput humanum, aut dolium Chium, aut Helenæ canaculum æquet. Quis vnquam turbidè iratus non nimis fuit in increpando, damnando, puniendo? Ipse Theodosius Imp. Thessalonicæ, ob vnius aulici necem septem millia ciuium occidi iussit, & quidem promiscuè, dum ad spectacula confluxissent innocentes. Copiosè rem narrat Sigon.



gon. *de occid. Imp. l. 9. & Baron. An. 890. post Niceph. l. 12. hist. c. 40. & elegantissima elegia describit Iac. Biderman. l. 2. ep. Heroum, S. Bernardinus ferm. 15. Quadrag. testatur, An. 1419. se in monte Caluariæ vidisse mulierem, quæ in infinita hominū turba ab adolescente quodam leuiter impulsā & humi prostrata, veniam flexis genibus iunctisque manibus roganti pertinaciter negauit. Sed in præmium coram omnibus à malo dæmone abrepta, & in puteum est proiecta. Nimirum hunc sexum sibi ira magis vendicat.*

Huius filia sex. *Indignatio, tumor mentis, clamor, contumelia, blasphemia (seu maledictio) & rixa*; hæ partim mentem euertunt, partim in signa exteriora prodeunt, partim opera ipsa regunt, semper tamen cum excessu. Et mirum est, homines, qui quoties ipsi peccant, alios in se vellesse mites, & clementes; quod & maximè humanum esse dicunt; adeò tamen istius humanitatis obliuisci; vt ipsi semper velint plectere seuerius, quàm sciant alios meruisse. Scilicet ira est fermentum; sicut & qui irascitur, *in fermento esse* dicitur. Nihil ergo noui est, animum hominis, plagamque acceptam, ira intumescere; sicut patientia, & mansuetudine detumescit, more circuli, in *oualem* figuram (adhibita arte) transcurrentis. Nam *oui figuram statim describes*, ait Car-

Cardan. l. 13. de rer. var. c. 63. vel descripto circulo cum filo, inde duos stilos à capitibus sensim trahes, & illitum atramentum describet oui figuram in charta. Quæ verba obscura sunt, praxis certa; si duos stilos ita figas, vt filum in circulum conexum à se diducas atque in oblongum distahas. Tum enim calamus filum intra circulum secutus, in latere vtroque non poterit tantum excurrere, quantum in capitibus. Fiet ergo è circuli capaciore figura, *oualis* minor. Perinde continget, si iræ tuæ mansuetudinis ac patientiæ terminos figas, tanquam duos stilos. Mansuetis ac patientibus omnia, quæ ferunt videntur minora, iracundis quidquid triste accidit, intolerabile est, magnum est, immo non est, sed ita esse videtur perturbatis; sicut arces & castella videntur longè maiora ijs, qui inclinato capite, pertibias diuaticatas, ea aspiciunt, humoribus cerebrum confundentibus, vt dixi, & experientia est ludentium in pratis.

*Cum nec ponere possit ista passer,  
Cristati neque coniuges mariti,  
Nec cygnus, nec Eous anser ullus;  
Quis tam grandia ponat oua, queris?  
Humano generantur in cerebro.  
O quantum caput ergo sit, necesse est,  
Quod tantum cerebri potest habere!*

Ob ovum, concitata vxor, iræ typus.

# EMBLEMA XC.

NON IRASCITVR FEMINA,

SED FVRIT.



**I**Ntemperantis iræ vxorem (an Furiam?) habebat seruilem in modum patiens, & haud admodum callidus maritus. Is, sub vernum tempus, à medico, brumalem tristitiam jubebatur discutere, apertione venæ. Quam cum chirurgus pupugisset, exhilarandi gratia, jocosus dixit: *benè valebis, si hodie, & cras, & perendie, sic fluat dolium tuum, sicut nunc fluit brachium tuum.* Hoc joco hominem admonuit, vt ex Medico interrogaret, quænam hoc triduo cibi potusque, ratio esset seruanda? Interroganti igitur.

tur: Quænam victus ratio hodie, & die posteri, ac sequentibus esset habenda? illico medicus è Schola Salernitana promit hoc præceptum.

*Oua recentia, vina rubentia, pingua iura,  
Cum similâ purâ natura sunt valitura.*

- II.** Enimuerò vt doctrinam suam ampliore condiret eruditione, Galeni in 3. de ali. c. 21. verba recensuit, & numeratò recitauit, inquires: *optima quidem ova sunt; quæ recentissima, pessima quæ vetustissima.* Ac ratione quoque declarauit, docuitq; , recentiora idcirco esse meliora, quòd calor eorum naturalis esset adhuc integrior validiorque. Ad extremum adiecit: ante omnia, se illi commendare, vti iusculum quotidie sumeret, per quod gallina cucurrisset.

- III.** Diligenter omnia obseruauit valetudinis suæ studiosissimus Mitio. Ita enim potius, quàm Socrates vocari meretur, licet ipsam in conjugio Xantippen haberet. Quare, digresso Medico atque Chirurgo, Charitum quartam, suauissimam suam illam Hecubam, vocat ad se intro, & quia qualis vir, talis oratio, infimis precibus rogat, vti iusculum parare eiusmodi, per quod gallina cucurrisset, hodie, & luce alterâ, (non audebat tertiam nominare) deinde etiam par *onorum* recentium coquere sibi, non grauetur. Addit, se quoque huius beneficij memorem, si illa aliquando simili cura indigeat, nihil officij



sui quod sit, omissurum. Hac oratione Medeam exorasset Iason, Xantippen tamen suam non exoravit vxorius Mitio. Enim verò illas rugas, quibus alioqui nec in genis, nec in fronte, nec in mento erat destituta, etiam in nasum congregans; & proiecto pede, manibusque in latus, ansarum in modum, vtrinque positis, ita ante sedentem astitit, vt eum antè pœniteret offam, & *oua* petijisse, quàm intelligeret negata.

Postquam autem illa tonare potius, quàm I V. sine exordio perorare cœpit, maluisset etiam, vt Medicum nunquam vidisset, aut audijset. Illa enim ita cœpit in laudes eius excurrere, vt non solum temulentum vocaret, & quod vini nimium bibisset, id sanguinis vice de vena illi eijcere necesse esse, diceret; sed etiam hominem nauici, nullius frugis, dilapidatorem, gurgitem, lutum sanguine, maceratum appellaret: denique eum, qui præ amentia non intelligeret, res duas se simul petere, quarum neutra alteram permittat dari. Si enim gallinam, ait, iugulauero, quis *oua* tibi pariet recentia? Aut si recentia expectanda sunt *oua*, quando potero tibi gallinam iugulare? Deinde non aduertis, in gallina mihi damnum parari intolerabile, quis enim eâ occisâ incubabit? aut si *oua* tibi dederò, quidnam incubabitur? Itaq; spem pullorum tollis in vtraque re postulata. Siue enim *oua* tibi dederò, ni-

hil erit, quod excludatur; siue gallinam dederò nemo erit, qui excludat. Superest igitur, vt tibi dem, quod mereris, hoc est, NIHIL.

V. Nondum epilogum erat factura, cum nunciatur, ab ancilla, volpem in cortem ingressam oua partim deuorasse, partim fregisse. *Vbi autem gallina?* inquit Baccharum non vltima. *Eam occisam,* ait ancilla, *vulpes asportauit. Bene est,* inquit Xantippe, *malo eam à vulpe vorari, quàm ab hac oue, immo boue, à quo nihil differt.* Hæc sibi præsentī in faciem dici audiit Mitio, & tacuit: immo, quasi bellè jocata esset, dictum risu approbavit, veritus, ne si impatientiam vultu prodidisset, clauium fasce salutatus, denuò sanguinem, sed à capite illi mitteret vxor. Disputatum est postea, ignauū sine, an patiens habendus esset Mitio? Certè Socrates olim interrogatus ab Alcibiade, cur mulierem tam acerbam, & velut oestro percitam, domo non exigeret? *Quoniam,* inquit, *cum illam domi talem perpetior, insuesco, & exerceor, quò foris petulantium iniuriam facilius feram.* Iterum dicenti Alcibiadi, *intolerandam esse Xantippes maledicentiam.* Tu, inquit; nonne toleras anseres clamore perstreptentes? eoque respondente: *Nec mirum, cum mihi oua, & pullos pariant: Et mihi,* ait Socrates, *Xantippe filios gignit.*

VI. Duo igitur hinc documenta trahuntur, vnum, vt conjuges discant, temperare iram; al-

terum

terum, vt exercere patientiam; si aut vxor maritum nacta est importunū, & verbera ad quoduis verbum minitantem; aut, quod deformius (vtinam nō etiam frequentius!) si maritus vxorem Iunoniā auctoritate, Campanā superbiā, & Tisiphoneis furoribus imperia dispensantem sortitus est. Quanquam enim turpe est, & Apostolo aduersum, si mulier marito imperet; Scythicum tamen consilium est, quod, eodem loco indiscriminatim habendas, docet omnes vxores, aitque *nucem, asinum, mulierem semper esse baculandam*, neque vllō pacto parcendum censens ait: *Impius huic fueris, si pius esse voles*. Sæpe tamen non pietas erit, sed stupiditas, parcere; cum plurimæ vxores, nec viris parcant, reddanturq; castigatione meliores. Cur ergo viri, de vxoribus, desperent semper, ad frugē reducendis?

Quanquam, si de excessu sit sermo, plerumque VII. feminæ dominantur, minùs robustæ, sed magis iratæ. Nec enim Sarmatarum regem, modò Circe, aut Agamemnonem Clytemnestra, aut Ninum Semiramis, aut Alexandrum Pheræum Thebe, aut Antiochum Laodice, Antoninum Verum Imp. Lucilla vxor interemit; sed etiam Agrippina Tiberium Claudium, teste Plin. l. 32. c. 22. Fabia Fabium Fabricianum, teste Plutarch. in parall. & in ipsis castris Alexandri Spitamenem sua coniux, teste Curtio lib. 7. atq;

vt taceam Danao Beli filio quinquaginta filias fuisse, quæ totidem Ægisthi filijs nupserunt, factaque coniuratione, simul omnes maritos, nocte vnâ, interfecerunt, præter Hypermnestram, quæ Lynceo marito pepercit: Volaterranus scribit, Albinam quandam Syriæ regis filiam, duas & triginta habuisse sorores, quæ totidem maritos interemerunt. Satisne istæ, iræ indulserunt? Satisne probarunt, quàm verum sit illud? *Ira non irascitur. Quid ergo? scuit femina.* Certè mariti satis tulerunt, quos propriæ vxores sustulerunt. Qui tamen hac re miserandi sunt, quia vel vi, vel fraude feminarum perierunt.

## VIII.

Illius quis misereatur? qui vxore prægnante, è foro domum, cum corbe *ouis* pleno, redeunte, ac dicente, prolem sibi in vtero periclitari, ni per eum liceat, quod animus appetentissimè cupiens gestiat facitare; rogauit, quidnam illud esset? Cùmque impudentissimum atque audacissimum animal, non erubesceret dicere; incitari se ad omnia, quæ emerat, *oua*, in capite eius, frangenda; illico vxorius homo anruit, & humi in medio hypocausti assedit, permisitq; caput suum ab vxore *ouis* lapidari. Quæ fracta, & per comas in mentum defluentia, tantò vndique fusiùs aptiusq; hæserunt; quanto patientissimus ille Achan (non enim Stephanus) aruncum aluit prolixiorem. Aiunt, qui talia



Iia ab vxore sua sustinuit, fuisse hæreticum Prædicantem. I nunc, & dic, hoc genus hominum virtute carere; aut forti stomacho non esse, cum tot, & tam cruda *oua* possit digerere, sine nausea. Sed vxores quoque si eiusmodi consideraueris, sæpe cum Tibullo lib. 3. eleg. 4. dices:

*Ab crudele genus, nec fidum femina nomen!*



Ovum in lampadem factum, acedia  
fugam suadet.

# EMBLEMA XCI.

QVID TIBI LAMPAS INERS, SI-  
NE FLAMMA ET PALLADE, PRODEST?



- I. **S** Vpellectili vix ulla opus est, ait Putean. orat.  
20. ovum laudaturus. Cum esse placet, nucleū  
& vasculum habes, cibum & lancem; immo  
verò cum bibere, potum & poculum, nectar & cya-  
thum. Testa vas est, lanx est, poculum est, cyathus  
est &c. Pulcherrimum venustissimūque poculo-  
rum ovum esse, meus me Floritius Riquebourgtri-  
gaultus docuit &c. Nec ampliùs sanè commendare  
Liberi liquorem, aut ingeniosius potuit, quàm ut gal-  
linæ lacti compararet. Nihil salubrius vino esse iam  
disci-

*discimus: ouo propinatur. Ac ne intemperantiæ tantum vas esse ouū credamus, ita pergit: Sed ille mihi altiori sapientia inculcare sobrietatem visus est, ut quoties conuiuia esses, & ouum videres, bona valetudini, & honestæ voluptati, & constanti amicitie scires poculum temperatum, &c. Atque Floritianum illud Liberi ouum, maiori etiam laude dignum censeo, quia doctissimo antiquitatis exemplo commendatur. Etenim Persarum olim Reges ex aureo ouo bibere solitos, apud Athenæum Dinon refert. Sed & Ooscyphia Myrleanus Asclepiades nobis gemino instructa fundo promit, cuiusmodi Nestoridem, siue Nestoris olim fuisse pateram argenteam Homerus canit: tanquam celi naturam & colorem cerneret, sed aureis clauis, velut stellis transfixam, quæ diæ τὸ πρῶτον des purissimo metallo similes sunt arutilant. Denique quatuor auribus asatam, quam cum alij vix gestarent, attollere solus Nestor poterat, ille iam senex. Dionysius postea Thracius Rhodi, vs ferunt, Nestoridem fabricatus est, collato à sectatoribus & discipulis argento. Item Nestoridem Capue dicatam Dianæ fuisse Athenæus scribit, atque in ea versus illos Homericos aureis litteris inscriptos.*

Ut ergo Floritius Nestorem, ita alij Floritiū II.  
possunt imitari, non iam ex ouo calicem, non atramentarium vasculū Berchtolsgadensi tor-  
no factum; sed lampadem fabricantes; lampadem utique vel in quouis hospitio facilè parabilem.

bilem. Nam ubi quis *ouum* in cæna exhaustit, testam operculo suo detectam si seruet, mediamq; aqua, mediam oleo (quod paupertas docuit de lactucæ reliquijs transfundere) impleat, lanamque, in lychnum (aut ingenioso compendio, foliū lychnidis) contorqueat, extemporalem lampadem parabit, tota nocte lucentem. Ut proinde etiam hæc supellex de *ouo* possit haberi. Et credo nec ipse Cleanthes, ad elucubrandum, alia lucerna vsurus fuisset, si artem caluisset. Quod si ergo in *ouo* lampas quoque significatur, immo habetur; in lampade autem vel instructa, vel neglecta, sicut & in lucerna (vnde scripta elaborata *lucernam* olere dicuntur) hominum aut diligentia, aut socordia, velut in symbolo, relucet; & hinc admonemur, esse diligentes, quia non solum oleum affundere, sed lampadem ipsam, delicatam ac fragilem, attentè tractare debemus, quam non homini successor, sed ipsi Numini sumus olim tradituri.

III.

Homines porrò esse lampades ac lucernas, vasis testeis contentas, indicabant *lampades in medio lagenarum* absconditæ *Iudic. c. 7. 26.* sæpe enim magnum ingenium, magnus animus, magna fides, scientiæque, velut lux & lampas, in vili fragilique corpusculo, & scissili palliastro latet; quæ corpore, velut lagena, fracto, in altera demum vita exsplendescet. Ioannes quoq; erat  
lucer-



*Lucerna ardens & lucens Io. 5.* Tales fuisse & alios sanctos, radiosi vultus Mosys *Exod. 34. 29. S. Dominici stellam in fronte gerentis. l. 1. c. 1. vita eius.* S. Nicolai Tolentini, Nonni, in *Prato spir. c. 104.* S. Thomæ Aquinatis, S. Ignatij, aliorumque fulgores docuere. Ita supra S. Basilij, Martini aliorumque capita, globi ignei, & innoxia flamma comas lambens, emicuerunt. Vide *Sur. 1. Febr. Greg. Nyss. in Encomio S. Ephram. Amphilochem in comparat. Basilij & Ephram.* Hi nempe in Ecclesia supra candelabrum ponendi erant, vt lucerent in medio nationis prauæ *Phil. 2.* In his quantò maior lux diuinæ cognitionis, tantò ardentior flamma charitatis. Lucem ergo qui non fouent, facile frigent. Vide ergo, ait Seruator, *ne lumen quod in te est, tenebræ sint.* Lucernis occidentibus oleum infunde; extinctis, & fædè fumantibus, vitam redde.

Sunt etiam quidam ignes fatui, qui non ca- I V:  
lent; & ipsa quoque ligna putrida, ac vermiculi noctu lucent, sed non ardent. Quàm nitidè multi incedunt? quàm fulgent vestibibus Attalicis & gemmis? & tamen sæpe sunt *oua* putrida & requieta, lampades vacuæ, nitedulæ, lampyrides, ligna putrida, fatui ignes; in quibus nihil est ignis diuini. Nemini enim minùs sapiunt diuina, quàm cui nimis placent humana. *Quidam* ait S. Bern. *serm. 3. de Ascens. Dom. ad omnia via*

*Et vita huius exercitia, non solum ambulant, sed & currunt, immo potius volant, ut eis & vigilia breues, & cibi (qualescunque) dulces, & panni suaves, labores non solum tolerabiles, sed & appetibiles videantur. Alij autem non sic, sed corde arido, & affectione recalcitrante, vix trahuntur ad hæc, vix gehennali timore compelluntur.*

- V. Nempe quia *oleum peccatoris*, oleum diuinæ gratiæ, & charitatis destruit; ocio, inertia, acediaque pleni sunt, hoc est, remissi animi languore ad bene operandum, & tristitiâ de bono spirituali. quale bonum est ipsa beatitudo, & ea quæ ad illam consequendam pertinent, ut fides, spes, charitas, & ceterarum virtutum exercitia, ipsaque præcepta & sacramenta. Harum rerum nauſea & fastidium facit, ut homo tristetur, se capacem esse eiusmodi boni, aut ad id esse creatum, velletque, ad se talia bona nihil pertinere. Est igitur hic languor animo ad cælum nato, sed ambulare hoc iter horrenti, quod pedibus per niones. Nascitur hæc tristitia, aut acedia vel ex nimio affectu rerum temporalium, & mundi istius oblectatione; vel ex horrore laborum, quibus bona ista sunt acquirenda. Hic verò ipse etiam horror manat ex illo affectu nimio, quo rerum spiritualium gustus amittitur. Gustu enim amisso, statim fit res laboriosa; sicut e diuerso, *amor improbus omnia vincit*. Vide S. Thomam 2. 2. q. 35.

Ex

Ex hac acedia, seu incuria (*κῆδος* enim curam VI. vel laborem significat) teste S. Greg. 31. *Moral. c. 31. nascitur malitia, rancor, pusillanimitas, desperatio, torpor circa precepta necessaria, mentisq; circa res illicitas euagatio.* Quæ filix si non satis mali afferunt, adde & mortem ipsam. Nam *instituta huius seculi mortem operatur.* 2. Cor. 7. *Uo hanc ergo Virgines fatuæ, & dormitantes à Nuptijs sunt exclusæ: nō enim, quia lampade caruerunt, damnantur, sed quia lampades habuerūt ociosas. Omnis enim arbor, quæ non facit fructum bonum, excidetur, & in ignem mittetur.* Matth. 7. 19. Quid ni? cum non solum apud Athenienses, teste Laërtio l. 5. c. 2. & Lacedæmones, teste Plutarcho, in *Solone*, sed etiam teste Diod. Siculo, apud Ægyptios ignavi semper despecti, suspecti, & apud Ægyptios quidem ita miseri fuerint, ut qui artem non callerent, quæ se alere possent, morte, tanquam inutile terræ pondus, tollerentur. Utinam tollantur & nunc. Quæ morte? olim *de stercore bouum lapidatus est piger.* Eccl. 22. 2. hodie quidam censent, *ouis putridis esse lapidandū, quod contigit, supra Embl. preced.* memorato Prædicanti. Lapidatione ergo tam ignominiosa qui contaminari metuit, lampadē suam adoret; excubet; vigilet; ne oscitando sponsum & nuptias negligat.

*Extingui qui, inq; sinit sibi lampada morum,  
Vere oleum & que operam perdidit ille suam.*

Ovum occidens inexpectatæ mortis  
admonitio.

# EMBLEMA XCII.

NON TANTVM IN OLLA MORIS,  
IN OVO ETIAM LATET.



- I. **A**p. Saufium cum à balineo reuersus nulfum  
bibiffet, ouumq<sub>3</sub> forberet, teſte Plinio l. 7. c.  
53. mors occupauit. Vbi mors non eſt, ſi in  
ouo eſt? quod alioquin, ob teſtæ munimentum,  
à veneni periculo tutiſſimum. Quot alij incunt  
in bonis dies ſuos, & in puncto ad infernũ deſcen-  
dunt? Iob. 21. 13. apud Iouem pransi apud Pro-  
ſerpinam cænaturi, cum Epulone Iuc. 16. cum  
Ammone 2. Reg. 13. cum Holopherne Iudith.  
13. cum Nabal 1. Reg. 15. cum Balthaſare Dan.  
5. cum



5. cum filiis Iob. ruinâ domûs ac vino oppres-  
 sis Iob: 1. vel ebrijs, vel ebriosis, de cratere ne-  
 ctaris, translatis ad eam mensam, ubi ignis, & sul-  
 phur, & spiritus procellarum pars calicis eorum.  
 Ps. 10. 6.

Thomas Cantiprat. lib. 2. apum §. 5. scribit, **I**n  
 quodam vespertino tempore, duos senes reli-  
 giosos commessatores, cum demore, vt se in-  
 gurgitarent, accubuissent, alterum eorum, vix  
 quartum ori bolum ad mouisse, cum interclusis  
 faucibus, intortisque horrendum oculis, expi-  
 rârit. Quo spectaculo admonitus socius, sed ni-  
 hil territus, ea auditate perrexit in appositas  
 escas potumque incumbere, atque ingluuiem,  
 infarcire, vt cum iam pene creparet, nec moue-  
 re se loco posset, instar bestię, in stratum aspor-  
 tandus esset. Nec ipse diutius vixit, vino antè,  
 quàm rumulo sepultus; in quo tantum cibi &  
 potus fuerat aggeratum, vt animæ ampliùs non  
 fuisse spirandi locus videatur. Simile idem c. 56.  
 §. 2. refert, quod quibusdam inter bibendum, de  
 animæ immortalitate disputantibus, eamque  
 parum credentibus euenit. Nam eorum vnus  
 Stygio veteratori Mercatoris habitu superue-  
 nienti, animam suam, pro aliquot vini urnis,  
 vendidit. Quem is hilarissimè bibentem, cum  
 iam symposium dissoluendum esset, vnà cum  
 corpore viuum ad Inferos abstulit, cum ioco  
 dicens,

dicens, equo sibi vendito, etiam frænum deberi.  
 III. Et, in fasciculo, vel profanus scriptor mul-  
 tas comprehendit mortes repentinas, Plinius  
 scilicet cit. lib. 7. c. 53. *In primis, inquit, mi-  
 raculo sunt atque frequenti mortes repentine, hoc  
 est, summa vite felicitas, quas esse naturales doce-  
 bimur. Plurimas prodidit Verrius: nos cum dele-  
 ctu modum seruabimus. Gaudio obiære, præter Chi-  
 lonem, de quo diximus, Sophocles & Dionysius Si-  
 cilia Tyrannus, uterque accepto tragica victoriæ  
 nuntio. Mater pugna illa Cannensi, filio incolumi  
 viso, contra falsum nuntium. Pudore Diodorus sapi-  
 entie Dialecticæ professor, luforia questione non pro-  
 tinus ad interrogationes Stilbonis dissoluta. Nullis  
 euidentibus causis obiære dum calciantur matutinò  
 duo Cæsares, Prator & prætura persunctus Dictato-  
 ris Cæsaris pater. Hic Pisis exanimatus, ille Rome.  
 Q. Fabius Maximus in consulatu suo, pridie Ka-  
 lend. Ianuarias: in cuius locum Rebilus paucissima-  
 rum horarum Consulatum petijt. Item C. Vulcatius  
 Gurges Senator. omnes adeò sani atque tempestiui,  
 ut de progrediendo cogitarent. Q. Æmilius Lepi-  
 dus iam egrediens incusso pollice limini cubiculi. C.  
 Aufidius egressus cum in senatum iret, offenso pede  
 in comitio. Legatus quoque, qui Rhodiorum cau-  
 sam in senatu magna cum admiratione, in limine  
 Curie protinus expirauit progredi volens. Cn. Be-  
 bius Pamphilus, prætura & ipse functus, cum à pue-*

ro quæfisset horas. *A. Pompeius* in Capitolio, cum Deos salutasset. *M. Inuentius Tulla* coff. cum sacrificaret. *C. Servilius Pansa*, cum starèt in foro, ad tabernam, hora diei secunda, in *P. Pansam* fratrem innixus. *Bebius Iudex*, cum vadimonium differri iubet. *M. Terentius Corax*, dum tabellas scribit in foro. Nec non & proximo anno dum Consulari viro in aurem dicit, eques Romanus, ante Apollinem eboreum, qui est in foro Augusti. Super omnes *C. Julius Medicus*, dum inungit specillum per oculum trahens. Iam *L. Man. Torquatus* Consularis, cum in cana placentam appeteret. *L. Durius Valla* medicus, dum mulsi potionem haurit. *P. Quintius Scapula*, cum apud *Aquilium Gallum* canaret. *Decimus Sauffei* scribe, cum domi sue præderet. *Cornelius Gallus Prætorius*, & *T. Aetherius* eques Rom. in Venere obiére. Et quos nostra adnotavit ætas, duo Equestris Ordinis in eodem Pantomimo Mythico cum formæ præcellente. Operosissima tamen securitas mortis in *M. Ofilio Hilario* ab antiquis traditur, Comædiarum histrione. Is cum populo admodum placuisset, natali die suo, conuiuium quæ haberet, edita cena, calidam potionem in pultario poposcit, simul quæ personam eius diei acceptam intuens, coronam è capite suo in eam transtulit, tali habitu rigens, nullo sentiente, donec accubantium proximus, tepefcere potionem admoneret. Plura ibidem.

IV. Sed non necesse est, exempla Harpyiæ istius aliunde petere, cuius monumenta vestigiâque ubique occurrunt; vt miraculi instar sit, inter tot mortes, posse hominem mortis obliuisci. *Ex Asia rediens*, inquit apud Ciceronem l. 4. Epist. Sulpitius, *cum ab Ægina Megaram versus nauigare*, cœpi regiones circumcirca prospicere. *Post me erat Ægina: antè Megara: dextra Pyraus: sinistra Corinthus*, quæ oppida quodam tempore florentissima fuerunt, nunc prostrata & diruta ante oculos iacent, cœpi egomet mecum sic cogitare. *Hem nos homunculi indignamur, si quis nostrum interijt, aut occisus est, quorum vita breuior esse debet, cum uno loco tot oppidorum cadauera proiecta iaceant.* Quis nostrum hac ætate, per Germaniam, proficiscens, & tot villas, domos, pagos, arces, & vrbes, laceratas, dirutas, prostratas, soloque æquatas, aut exustas aspiciens, non eandem meritò suscipiat cogitationem? Quod his tribus annis Germaniæ contigit, omnibus aliquando continget Germanis. Cademus, nescimus vbi, nescimus quando. Cademus, & heu, nec illud certò scimus, ad Austrumne casuri simus, an ad Aquilonem. Et adhuc superbi sumus? adhuc immortalia odia fouemus, tam mortales? adhuc terram amamus, in qua tam intuti sumus, & tot miserijs obnoxij? Aliter sensit, qui dixit *Pf. 119. 5. Hen mihi,*



*mihī, quia incolatus meus prolongatus est! aut  
 Phil. 1. 13. Coarctor desiderium habens dissolui,  
 & esse cum Christo. itēque Rom. 7. 24. infelix  
 ego homo, quis me liberabit de corpore mortis huius?  
 Quod profanus Poëta, seu Gallus, seu Maxi-  
 mianus eleg. 1. idem sensit, idem dixit his ver-  
 ficulis:*

*Solve, precor, miseram tali de carcere vitam;  
 Mors est iam requies, vivere pœna mihī.*



Ovorum collectio vindemiæ mortis  
admonet.

EMBLEMA XCIII.  
CVRRITE DVCENTES SVBTEG-  
MINA, CVRRITE FVSI.



I. **R**Em, quam quotannis ludens Germania,  
in compluribus locis, spectat, doctissi-  
mus, & disertissimus Encomiastes his  
verbis describit. *Lepidū illud quod intelligo apud  
Germanos alibi vigere. Cum post esuriales ferias, ad  
ova & viscerationem reditur, in prata exeunt, &  
cursu certaturi, ova sportis efferunt. Centum, ducen-  
ta, aut plura, ordine, & passus unius intervallo,  
in longam lineam locata extendunt. Hæc singula itu  
reditūq; in sportam iuxta positam properiter infert :*  
*meta*

*meta antagonista constituta, quam interea currendo emetiatur. Certamen est, uter celerior sit; hic currendo, an ille colligendo. Sed si ouum rumpit, iam collector priusquam absoluit, victus est. Incundum sanè atq; honestum spectaculum, quod ut imitari luberet, libentiùs recensui. Belgæ verò oui tripudium quoddam habemus, passim, atque institui-  
mus. Saltant singuli, seu pueri, seu puella, gyrosq; lege quadam ducunt. Ouum circulo inclusum, & lignea scutella tectum iacet: hanc inter saltandum pedibus comprehendunt, & nudato ouo ad numeros circumferunt. Cum fecerunt omnia, eodem inuolucro rursus ouum operiunt. Ruptum verò, aut lesum velut in pœnam sorbent. Hæc Putean. or. 20.*

Hic quoque ouorum ludus, quid nisi vitæ currentis, & Mortis multos frangentis imago est? II.  
Nunc istum mors colligit, nunc illum. Felix qui interea optatam attingit metam, nec brauium negligit. Sic currite, ut comprehendatis, ait Apostolus. 1. Cor. 9. 24. Alioqui multi quidem in stadio currunt, sed vnus duntaxat accipit brauium. Plures & oua frangunt, & tempora comburunt; pauciores ita currunt ut in tempore veniant. Quo identidem fugiente, identidem vitendum est. Monuit Persius Sat. 5.

*Vive memor lethi; fugit hora: hoc, quod loquor, inde est.*

Monuit Senec. l. 2. ep. 24. *Quotidie morimur,*

quotidie enim demitur aliqua pars vite, & tunc quoque cum crescimus, vita decrescit. Infantiam amisimus; deinde pueritiam, deinde adolescentiam, usque ad hesternum, quidquid transijt temporis, perijt: hunc ipsum quem agimus diem cum morte diuidimus. Et ibid. Quemadmodum clepsidra non extremum stillicidium exhaurit, sed quidquid ante defluxit: sic ultima hora, qua esse desinimus, non sola mortem facit, sed sola consummat. Monuit exemplo Christus Io. 9. 5. inquit: Me oportet operari opera eius, qui misit me, donec dies est: venit nox, quando nemo potest operari.

III. Vt ergo, qui cum corrente certat, ovis colligedis, aut qui in stadio decurrit, nusquam subfistit, ita fas est, nullam vitæ horam, nullū momentum otio transmittere. Ipse hominis seculique auctor, ait S. Bern. ep. 254. ad Garinum, quā diu cum hominibus versatus est, nunquid stetit? Et quidem, teste scriptura, pertransijt benefaciendo, & sanando omnes. Petransijt ergo, sicut non infructuose, ita non remisse, non pigre, non lento gradu, sed quemadmodum de eo scriptum est: Exultauit ut gigas, ad currendam viam. Porro currentem non apprehendit, qui & ipse pariter non currit. Et quid prodest Christum sequi, si non contingat consequi? Ideo Paulus ait, sic currite, ut comprehendatis. Ibi, Christiane, fige tui cursus profectusq; metam, ubi Christus posuit suam. Factus est, inquit, obediens, usque



*usque ad mortem. Quantumlibet ergo cucurreris, si usque ad mortem non perueneris, Brauium non apprehendes, Brauium Christus est.*

Igitur mors & meta est, & incitamentum. **I V.**  
 cursus nostri, non peccabit illius memor. *Eccli.*  
*7. 40.* nec stabit otiosus, qui scit illam currere,  
 & fortè non procul abesse. Quid enim facit, cui  
 longa via, & breuis hora restat? quem delecta-  
 bit aliquid mox destitutū? quis negligens erit,  
 instante iam iam iudice, & æternitate? Vnde sa-  
 lutaris regula S. Bernardi in *spec. Monach.* In  
 omni opere suo dicat sibiipsi: Si modò moriturus es-  
 ses, faceres istud? Et fortè modò es moriturus,  
 ideò incerta est hora, vt suspecta sit omnis hora:  
 ideò iubemur vigilare. *Marc. 13. 35. Apoc. 3. 3.*  
 Ergo quoniam ubique te mors expectat, ait S. Bern.  
*Med.c. 3.* tu quoque si sapiens fueris, ubique eam  
 expectabis.

An non ubique expectat? Samsonem luden- **V.**  
 tes, inter spectacula; filios Iob inter conuiuia;  
 pueros Prophetæ caluitiem obijcientes, in cam-  
 pis; lezabelem in fenestris; Holofernem in ca-  
 stris; Sisaram in fuga; Isboet in conclau; & si  
 profana placent, Aristobulum in balneis, Cæ-  
 sarem in curia, Carolomannum in venatu, Fri-  
 dericum Imp. in natatu (vide Baron. *An. 1190.*)  
 mors occupauit. Et si quisque secum tantum  
 annos paucos reputet, quot non funerum, &

species, & cateruas inueniet? Nempe mors velut *oua* colligens, cadauera in tumulos comportat; iam hunc à latere, illum ex oculis, alium è gremio nostro abripit.

VI. Et non cogitamus, sortem proximam ad nos venturam? Impedit scilicet eam cogitationem hostis noster, ne illa impediat peccatum. Quàm enim potens sit hoc remedium, aliquot exemplis docet Climachus *grad. 6.* Quorum vnum est de eo, qui iam hora integra pro mortuo habitus, cum ad se rediisset, remotis arbitris, ijsque omnibus à se egredi iussis, qui morientem circumsteterant, rogauit, vt fores arctissimis vinculis obserarent; atque ita postquam totos 12. annos solo pane & aqua vitam sustentans, nulli vnquam vel verbulo locutus fuisset, obitu tandem instante, aperiri ostium permisit, & visitantibus hoc monito valedixit: *Parcite, fratres, peccare is nunquam potest, qui seriò de morte cogitat.* Scribit Thomas Cantiprat. *l. 2. apum c. 30.* Sacerdotem Niuellensem Guidonem nomine, in Hannonia, curioso mulieris aspectu, ita exarsisse, vt ipsos tres annos, illius etiam defunctæ excitatum in pectore incendium restinguere non posset, donec intempesta nocte sepulchro illius patefacto, haustuque putentis cadaueris foetore penè exanimatus corruit, fortunato casu. Nam in grauiorem foetorem incidisset, nisi

ita

ita lapsus esset. Simile quid refertur in *vitis PP.*  
*p. 2. n. 10.* sed maximè efficaciam ostendit huius  
 remedij, quod Cotonus *ser. de morte*, narrat, de-  
 licatam scilicet matronam, quæ è multis poeni-  
 tentijs nullam se admittere posse diceret, mira-  
 biliter mutatam esse, ea vnica admissa, vt quoti-  
 escunque manus ablueret, sibi ipsi tacita occi-  
 neret: *Hæc caro vermium esca erit.* Nihil tam po-  
 tens in hoc genere, quàm mortis memoria; nec  
 quidquam tam obuium; vt proinde vbiq; mor-  
 borum nostrorum remedia habeamus. Quare  
 hæc ipsa est in morte vtilitas, quòd profit ad vi-  
 tam; & importunitate sua sit opportuna. Quis  
 neget importunam, & humano arbitrio non  
 subiacentem, vt humanam superbiam subigat?  
*Audi Corn. Gallum eleg. 1.*

*Dulce mori miseris, sed mors optata recedit:  
 At cum tristis erit, præcipitata venit.*

*Et eleg. 6.*

*Omni bus est eadem lethi via, non tamen vnus*

*Est vita cunctis exitijq; modus.*

*Hæc pueri atq; senes pariter, iuuenesq; ferentur,*

*Hæc par diuitibus pauper egenus erit.*

*Ergo quod astrictum, quodq; est vitabile nulli,*

*Festino gressu vincere præstat iter.*

Ovorum discretio, diuini iudicij examen metuendum docet.

# EMBLEMA XCIV.

VENITE AD IUDICIUM.



I. **V**arij sunt *oua* cocta à crudis, dura à mollibus, bona recentiaque à malis vetustisque discriminandi modi. Cruda mensæ imposita & in gyrum voluta, difficulter, faciliùs molliter cocta, dura facillimè circumaguntur. Porro *recentia veteribus plurimum præstant*, ait Aldrouand. l. 14. Ornith. c. 1. quippe optima sunt recentissima, vetustissima autem pessima: quæ verò in horum medio sunt, proportionè recessus ab extremis bonitate, vel prauitate inter se differunt. Recentia à veteribus dignoscuntur facillimè. Recentia plena



plena sunt, vetusta ut plurimum circa partem latior-  
 reminantia. Vetustatis insuper signum est manife-  
 stissimum, si dum aperiuntur, vel refringuntur dif-  
 fluant, praesertim vitello: contra bonitatis, si aper-  
 to ovo vitellus integer manserit, & in medio eius  
 gutta rubicunda, velut sanguinea apparuerit. Idem  
 auctor, supra eodem cap. Querat quispiam, &  
 qua ratione cognoscatur, si quid ex illis nasciturum  
 sit? Certa quidem illius indicia statuere difficilli-  
 mum esse puto. Tradit tamen Albertus ova incuba-  
 tioni idonea quarto die sanguineas trahere venas.  
 Eo itaq; tempore ad solis radios examinari possunt,  
 & in quibus vena appareant, rursus supponi, aliamini-  
 me. Videat autem quisquis introspexerit, si eadem  
 die in acutiore parte clara appareant, hoc est, ut  
 Plin. loquitur, cum purus & uniusmodi pelluceat  
 color; nam talia ad generationem inepta sunt; item  
 in quibus galli semen tunc non apparet, teste Varro-  
 ne. Albertus septimo rursus die inspicere iubet, & si  
 quid est, quod soli obtonum non videatur alteratū,  
 abijci, ceu subuentaneum, ac inutile.

Aristoteles l. 2. de gener. c. 3. tria inutilium. **II.**  
 ouorum indicia adducit, ait enim alijs minora es-  
 se, & plura numero gigni, quia cum imperfe-  
 cta sint, minùs augentur, & quia minùs augen-  
 tur, plura numero existunt, denique minus esse  
 suauia, quia minùs concocta. Nam concoctum  
 in quouis genere suauius est. Ut autem ad so-  
 lem,

lem, ita ad lucernam ardentem oua solent explorari. Plin. l. 10. c. 54. Quarto die, postquam cœpere incubari, si contra lumen, acumine ouorum apprehenso una manu, purus & uniusmodi perluceat color, sterilia existimantur esse, proque eis alia substituenda. Politiani versus non impoliti sunt:

*Vocibus interea crebrum singultit acutis  
Parturiens coniunx, quæ scilicet oua subinde  
Tollit anus, signatq; dies, vigilæque lucernam  
Consulit: & Lunæ crescentis tempora seruans  
Ut primū gallina glocit, numero impare subdit,  
Versatisq; diu, sôlers auscultat, an intus  
Pipiat inuolucer pullus, tenerumq; putamen  
Pertuderit molli rostro, atque erumpere tentet.*

Noscuntur & ex alijs discriminibus. Et si enim intus omne ouum volucrum bicolor, tamen aquaticis lutei plus quàm albi, idq; ipsum magis luridū, quàm ceteris piscium; unus color, in quo nihil candidi. Anium oua ex calore fragilia, serpentium ex frigore lenta, piscium ex liquore mollia, aquatiliū rotunda, reliqua ferè fastigio cacuminata, ait Plin. l. 10. c. 52.

III. Hæc discrimina, & examina sunt ouorum; imo & hominum, qui si crudi sunt, difficillimè se sinunt rotari; in quibus aliquid coctius, versantur, nullo negotio in omnem partem, dextrorsum per felicitatem, & sinistrorsum per infortunia. Sed & boni à malis, in die iudicij, separa-

parabuntur, sicut *oua inania & vieta*, à plenis & perfectis, iudicio lucis. Tunc enim ad amussim, immo ad vnguem omnia, quàm accuratissimè exigentur, & pensiculatissimè, vt examinatur argentum; tunc parua & magna, ad viuum rescabuntur; tunc in apricum proferentur abscondita tenebrarum. *Scrutabor Ierusalem in lucernis*, ait ipse Iudex *Sophon. 1.* Nihil vetat per Ierusalem intelligi Ecclesiam, aut animas iustas. Quare appositè S. Bern. *serm. 55.* ait: *Quid in Babylone tutum, si Hierusalem manet scrutinium?* Quando manet? Respondet Apostolus *Hebr. 9. 27.* *statutum est hominibus semel mori, & post hoc iudicium.* In quo, cuncta qua fiunt, adducet Deus, ait *Eccle. 12. 14.* *pro omni errato, siue bonum, siue malum illud sit.* Quid multa? etiam pro verbo otioso, *Matth. 12. 36.*

Hinc Dauid *Pf. 118. 120. Pf. 142. 2. Iob. 31. 14. & u. 23.* Hilarion octogenarius (post 70. annos in solitudine consumptos, ut refert, in *vita eius S. Hier.*) hinc Arsenius, apud *Syr. 19. Iulij*, moriturus; & S. Hubertus Episc. Leodiensis, apud eund. 3. *Nov.* iudicium tantopere timuerunt. Notum est, quàm assiduè tuba illa sonuerit in auribus S. Hieronymi, cuius in *ep. ad Florent.* illa sunt, *cunctis diebus ac noctibus operior, cum tremore reddere nouissimum quadrantem.* *Veni mihi*, ait S. Aug. *Medit. c. 39, misero, cum venerit*

rit dies iudicii, & aperti fuerint libri conscientiarum, cum dicetur de me: Ecce homo, & opera eius. Quid faciam tunc, Domine Deus meus, cum cali reuelabunt iniquitatem meam, & aduersum me terra consurget? Ecce nihil respondere potero, sed demisso capite, præ confusione coram te stabo trepidus, & confusus.

- V. Iudicii memoria remedium est tutissimum, contra peccata. Multi mutarunt remos, cum ad istum portum aspicerent; multi litem perorarent, nisi vltimum forum istud censerent declinandum. Quod si viri sancti tam vehementer timuerunt, quid non erit impijs faciendum? Hinc S. Basil. in Ps. 33. Si quando, ait, senseris, te ad aliquod cieri peccatum, in mentem reuoca nulli mortalium tolerabile Christi iudicium, in quo quidem presidet iudex in sublimi throno, astitit porro omnis creatura ad eius aduentum contremiscens. Eò singuli sistuntur examinandi de his, que gesserint in viuis. Eos autem, qui multa peccata in vita admiserunt, horrendi quidam circumstant angeli ignem expirantes, & vultum nocti similem præferentes, pro hominum mœrore atque odio. Deinde conspicient barathrum in imum patens, impermeabiles quidem illas, ignemq; obscuram, causticas quidem vires habentem, luce verò destitutum &c. Hæc tu time, & eiusmodi timore eruditus, quasi freno quopiam, animam tuam, ad vitio-



*vitiosam concupiscentiam proclinem, cohibe. Iniquum pondus trutinam; merces mala fide ambulantes diem formidant; & multa nox aude-  
ret, ni instans dies minaretur, se fraudem de-  
tecturum.*

*Aspicias, ut vacuo plenum discernat ab ovo  
Phœbus, & ostendat, si quod inane fuit?  
Ne latitare putes tua crimina, turpis amator;  
Soli ostendetur, quod facis in tenebris.*



Ova indicio, homines iudicio discrimantur.

# EMBLEMA XCV.

HOC ALBA, AT ILLVD NIGRA  
GALLINA PEPERIT.



- I. **N**on tantum luminis arbitrio, ad solem & lucernam, ova examinantur atque dignoscuntur. Traditur quaedam ars gallinarij cuiusdam, dicentis quod (ouum) ex quaq; esset, ait Plin. l. 10. c. 55. Ex Cicerone id habet, cuius illa à Nonnio citata sunt 4. Acad. Vidésne ut in prouerbio sit ouorum inter se similitudo? Tamen hoc accepimus, Deli fuisse complures, qui gallinas alere permultas, questus causa solerent, hi quum ouum inspexerant, quæ id gallina peperisset, dice-

dicere solebant. Minuta quidem observatio, sed observatio, ait Putean. or. 20. Vel enim aliquid forma discrimen pro natura, aut magnitudine gallina erat, vel certe in omnis singulis aliquid illi distinguebant, quod internosse unusquisque non poterat. De colore quid attinet dicere? non eadem nunc omnia albisant: sic homines distant, sic stellae lucet, sic dies ipsi distinguuntur. In magnitudine & forma idem est. Nam alia aliis manifesta observatione maiora, aut minora sunt; alia aliis magis minusve sine acuta, sine obtusa; quadam longiora, quadam rotundiora: his venter tumet, his vertex coarctatur; tanquam membra videas, putes variari.

Consimilem ferè artem tradit Io. Bapt. Porta 11. lib. 2. Mag. nat. c. 24. Siquis, inquit, cognoscere affectarit marem progigni, an feminam, sic cognoscet. Aristoteles ait, & probat Avicenna, ex orbiculi brevisque ovo mas, ex oblongis acutisq; femina progignitur, & suffragatur ratio. Nam virtutis perfectio in masculis omnis aequaliter abit, & continet extrema: in oblongis a centro longius abit materia, in quo est vitalis calor. Nec inficior artificio ingenioq; evasci posse. Sed videndus Albertus Rhodig. c. 17. 27. Nam Plin. l. 10. c. 52. ita loquitur: feminam edunt, quae rotundiora gignuntur, reliqua marem. Cuius sententiae est & Columella lib. 1. scribens. Cum deinde volet aliquis quam plurimos mares excludi, longissima quaque & acutissima oua

*subiiciet, & rursus cum feminas, rotundissima. Hæc qui auarijs præfunt. Alioqui in prouerbio est, ouum ouo simile esse. Sed perspicaces faciliè inueniunt discrimen, vt in chartis lusorijs, vt in vinis, vt in ostreis, & echinis, apud Iuuen. Satyr. 4. ita & in ouis, quod alioquin omnino fugit oculos, aut palatos exsurdatos ac hebetiores.*

III.

Quis ergo opera sua à diuino oculo, & meridiana illa luce abscondet? præsertim in illo decretorio die, in consummatione sæculi, quando exhibunt angeli, & separabunt malos de medio iustorum, & mittent eos in caminum ignis? Matth. 25. 32. & sicut messor zizania à tritico? Matth. 13. 40. Nunc quidem in oculis hominum Zizania latent, inter triticum, & multos fallunt, Deum non fallunt. Fefellit homines, non fefellit Deum Doctor ille Parisiensis, de quo Franciscus Puteus Generalis Carthusianorum in vita S. Brunonis. Sur. 6. Octob. & alij. In quo exemplo luculentè apparuit, quantum noceat malis, in latebris suis confidere; aut animo duplici esse, hoc est, alium præ se ferre, & alium in se ferre. In ouis pro monstro est, δίδυμον esse, hoc est, sub eadem testa luteum geminari; in homine desijt jam monstrosus videri, si laruam ferat; nimia enim frequentia & consuetudo fecit familiaritatem. At Deo nulla frequentia præscribet, neq; vlla consuetudo excusationem pariet. Bellè  
omnia



omnia nouit discriminare, etiam quæ nobis discrimen non videntur habere : omnibus hypocritis laruam detrahet. Penitiùs enim quàm humanus oculus, inspicit diuinus. Quod non ignorauit S. Ambrosius, qui, vt refert, ex eius gestis Petr. de Natalib. *lib. 2. c. 36.* in quadam villa Thusciæ diuertens, cum ex hospite suo intellexisset, omnia illi semper fluxisse ad voluntatem, nec vnquam aliquid aduersi accidisse, comitib. suis dixit, *Fugiamus actutum, quia Dominus non est in loco isto.* Vix abierant, cum terra illico locupletem illum, omniaque illius absorbit. Hæc sunt iudicia Dei miseros esse videntis, quos nos existimaremus esse felices.

Hos acres Dei oculos timuit Cardinalis ille Iordanus, cum ad Christi iudicis tribunal raperetur, de quo Cæsarius *lib. 12. c. 22.* Vtinam timuisset, & ille Anachortanus præsul, quem catenis oneratum vidit in jus duci Elias eremita in ep. Cyrilli ad S. *August.* Timuit certè S. Innocentius 3. *lib. 3. de contemptu mundi c. 15.* in hæc verba erumpens : *O quantus erit tunc timor & tremor, quantus erit fletus, & gemitus ! nam si columna cali contremiscunt, & pauent ad nutum eius, peccatores quid facient ? Si iustus vix saluabitur, impius & peccatores ubi parebunt ? quis enim non timeat Iudicem potentissimum, sapientissimum & iustissimum ?* Hæc ille. Quod si quis metum illum

IV.

vult mitigare, iudicet se ipsum. Si nos ipsi diiudicaremus, non utique indicaremur, ait. S. Paul. 1. Cor. 11. 31. Et Dauid Ps. 105. Beati qui custodiunt iudicium, & faciunt iustitiam in omni tempore.

- V. Debet enim uniuscuiusq; mens, ait. S. Gregor. lib. 25. mor. c. 6. & causas suas apud Dominū, & causas domini contra sollicita inquisitione discutere: debet cautē pensare, vel quæ ab eo bona perceperit, vel quæ mala bonis illius peruersè viuendo reposuerit. Quod electi quidem quotidie facere omnino non cessant. Unde bene Salomon ait: Cogitationes iustorum iudicia. Accedunt enim ad secretarium iudicis intra sinum cordis: considerant, quā distictē quādoque feriat, qui diu patienter expectat, metunt in his quæ se egisse meminerunt, & puniunt flendo, quod perpetrasse se intelligunt &c. Ibi aduersum se, quidquid se impugnat, enumerant, ibi ante oculos suos omne quod defleant, coacervant, ibi quidquid per iram disticti iudicis decerni possit, intuentur, ibi tot patiuntur supplicia, quot pati timent, nec deest in hoc iudicio mente concepto omne ministerium, quod punire reos suos plenius debeat. Nam conscientia accusat, ratio indicat, timor ligat, dolor excruciat. Quod iudicium eò certius punit, quò interius sentit, quia videlicet ab exterioribus non accedit. Ita de quotidiano conscientiae examine ac iudicio S. Gregorius. Quod cum tantūm profit, quomodo

do potest vilipendi, ac negligi? Nonne satius est, talum reponere, & recantare, dum licet? Quid ergo, velut statua in sua basi, ita in malo firmi hæremus, qui tam clementi iudicio mutare possumus tribunal tam tremendum? Sed nempe, ut non est cuiusvis dicere, quod *ouum* è qua sit gallina; ita difficile multis est scire, quod *opus* cuius sit Spiritus. Igitur sicut experientia artem parit, qua discerni potest albæ gallinæ *ouum* etiam non admodum album, ab *ouo* gallinæ nigræ multò candidiore; ita qui assuescit in se descendere, atque actiones suas ad trutinam vocare, condiscit tandem examussim bona à malis dignoscere; Quod qui non facit iudicio priuato & domestico, publicè nimis experietur, accuratiorem iudicem id facturum; qui nullo se colore, decipi patietur, & *oua* exaue, non è fulgore æstimabit.

*Quid tibi blandiris, bona si facis, impie, quedam?  
Quando etiã oua niger candida coruus habet.*



Ova variè cocta, symbola sunt vario-  
rum in Inferno, vel Mundo tormentorū.

# EMBLEMA XCVI.

VITASSENT IGNEM, SI NON  
TAM CRVDA FVISSENT.



- I. **N**Icephorus, qui interpretationes somniorum, ordine alphabeti, exposuit, & diductiùs Achemetes, *per somnium ova coquere, aut tenere*, superstitiosè indicium vult esse mœroris. Mihi certè hîc symbolum erunt tristissimæ rei, quæ potest hominibus accidere. Quos cum sæpius iam ostenderim similes esse *ovo*, paulo mox etiam docebo, more *ovorum*, in Inferno coquendos. Sed priùs aliquot modos *ova* coquendi afferam. Nam varius est *ovorum* co-  
quen-



quendorum modus. In Burgundia magirus fuit, qui integrum conuiuium, & penè sexcenta fercula è solis ouis dedit; similis illi, de quo Linius l. 5. de bello Macedonico, qui vnum suum ita confecit, vt ex eo multas conuiuiorum varietates confecerit. *Oua igitur elixantur, assantur, friguntur; in aquis, in prunis, sub cinere, in fern; integra, fracta, secta siue ὑπότομα, separata, intrita parantur; quædam etiam cruda sorbentur; quædam dura, quædam liquida, & mollia, hoc est, non multum decocta, sed media tantum maturatione, quæ sorbilia, vel coagulata, elixa, siue ἐφθὰ vocantur, & meliora sunt duris, siue assatis, seu πικτοῖς, siue elixatis, teste Isaac in 5. d. 17. cap. 17. Cui subscribit Haliabus in 5. theoricæ cap. 26.*

Hæc tanquam minus crassa citius digeruntur; sicut & his ipsis, in aqua calida fracta & decocta, meliora sunt, quia sine corticibus accuratius elixantur, in sua naturali humiditate, per aquæ humectationem, custodita, & subtiliora reddita. Quin hoc modo etiam sui odoris grauitatem amittunt: licet non pauci maiore appetitu sumant ea, quæ in cortice elixantur. Almanfori in 3. c. 14. Galeno in 3. alimentorum cap. 21. sunt optima *ouorum* ad alimentum & euchymiam *tremula*, quæ neque dura sunt, neque mollia, sed inter illa duo media. Isaac loc.

eit, docet ova carbonibus imposita, & sine fumo cocta meliora esse ijs, quæ sub cinere coquantur; ova autem frixa, seu patellata τρυγανισα ceteris esse peiora. Afferunt medici, apud Putean. or. 20. in ovo luteum, quia calidioris aridiorisq; natura est, cum igne comparari & constitui, tanquam purissimum sit, & flammam ipse color loquatur. Hinc igitur observatum est, vitellum intima caloris facultate facile percoqui ac durescere; tardius albumen, quippe frigidum aqueumq;. Item ovum igni tostum citius dissilire, quam elixū aqua: istic enim vi ignis testam velut ferruminari, immorumpi; quia difficilem exitum spiritus inveniunt: hic laxari poros, vaporésque sine vitio putaminis exhalare. De qua ovorum ruptione, Alexand. Aphrodisæus l. 1. Probl. 104. Cur ovum, ait, non quemadmodum cum assatur, sic etiam cum in aqua ferventi decoquitur, rumpi possit? Quoniam ignem sine aqua experitur humor. Contentus in eo immo- dicè recalescens copiam spirituum parit largiorem, quæ cum per angustia exire cogatur, disrupto oui tegumento, exiliat necesse est. Quod idem fit etiam in dolijs, ceterisque fictilibus, si prius, quam mustum efferueat, obdurentur. Adde quòd flamma nimia testam oui corripiciens rumpit; quod etiam vasis fictilibus evenit, cum ultra modum torrentur. Quapropter ovum plerique, antè quàm igni admoneant, aqua diluunt, at verò aqua ebulliens paulatim pro-  
 sua

*sua molliudine humores effundit, absumitq, relaxando, non subito corrumpit. Hæc ille.*

Inuenti sunt, qui inuenerint artem *oua* in chartâ oleo imbutâ coquendi; & cuius certum, attonitis spectantibus, est experimentum, quæ *oua* in filo, velut ferrea sartagine, coquantur. Neque enim filum medio circumligatum *ouo* etiam in ardentibus prunis ardet; sed integrum ipsum, *oua* tosta retrahit; eorum scilicet humore per ignem extracto vegetatum. Quo pacto nec stanneis scutellis, quidquam nocent prunæ, quàm diu in eis liquor continetur, quæ flammæ resistens scutellas seruat illæsas. Quid quod, teste Plinio l. 29. c. 3. in *ouo* vis tanta est, ut lignum persusum *ouo* non ardeat, ac ne vestis quidem contactu aduratur? Norunt & aulicæ Iunones, *ouis* ipsam faciem illitam sole non aduri. Fortasse & Hercules in Oetæo rogo non periisset, si *ouo* se vnxisset. Quanquam autem *oua* alias res contra ignem conseruent, se ipsa tamen non seruant; & sæpe cum sua pernicie alios sanant. Ab eorum testa ad dolorem ventris tale medicamentum ponit Serenus:

*Præterea niuei sterilis testa vritur oui,*

*Quæ postquam in tetram fuerit conuersa farinâ,*

*Et calidis potatur aquis, & pota medetur.*

Ita scilicet sæpe multi præceptores, parentes, Confessarij, Concionatores, Magistratus,

alios ab Inferno cohibent, quò ipsi ruunt, &  
 more *ouorum*, coquuntur. Coqui autem impios,  
 Mart. Delrio *l. 3. disq. Magic. p. 1. q. 7.* docet,  
 dum refert, in quodam Flandriæ loco, tres ga-  
 neones, cum totidem prostibulis, ad mediam vs-  
 que noctem Baccho, litasse. Id verò noctis cum  
 esset, etiam Veneri voluisse. Vnus ergo pia, vt  
 opinor, consuetudine, inter ipsa scelera, virtu-  
 tis memor: *Heus*, inquit, *epulatum satis; tempus*  
*porrò est, vt Deo gratiæ agantur.* Excipit alter:  
 Ego Dæmoni gratias habeo, illi enim nunc ser-  
 uio. Deslenda vox, risu fuit excepta, sed mox  
 luendo. A mensa itur ad lectos, & comitantur,  
 quæ non deberent. Nondum obdormierant,  
 cum ecce tibi cubiculi fores, magno tumultu  
 quatiantur, panduntur. Exhorrescunt cuban-  
 tes, & fugere vellent, nisi ab ipsa fugæ via peri-  
 culum immineret. Nec diu ianua stetit ociosè  
 reſerata. Ingreditur mox vir quispiam proce-  
 rus, & semigigas. Habitus illi venatorius, aspe-  
 ctus terribilis, facies atra. oculi flammæ simi-  
 les, & scintillantes. Ponè duo alij comitabantur,  
 his varia culinæ instrumenta: quibus in cubi-  
 culi medio depositis, aggestaque materia, in-  
 gentem ignem excitauère. Hic carbones expli-  
 cat, ille follibus animat; flamma dum surgit, ve-  
 nator plus quàm tragico cothurno, toruissimo  
 aspectu, per cubiculum etiam pugnis minacissi-  
 mè



mè iactatis terribiliter obambulat. Tandem, rebus omnibus humi apparatis, focoque luculentissimè gliscente substitit; & ad sacrilegè iocantium lectos conuersus: *Vbi est*, inquit, *ille, qui paulo antè mihi gratias tam honestas egit? Adsum, ut & ego illi gratias reponam.* Tanta fuit consternatio, vt nemo omnium auderet respondere. Ergo silentibus cunctis, ipsaque euentus expectatione attonitis, rectà ad blasphemi illius lectum accedit, & metu ipso semianimem, à lecto, & latere meretricis abstractum, duobus illis reterrimis cocis tradit, veru per viscera transfigendum, & flammis crudelissimè assandum. Quod illi quidem strenuè fecerunt. Dum iste eiulabili vociferatione in hunc modum figitur, dum trementia in veru viscera ac membra palpitant, dum destillante adipe atque omento liquefcente, prunæ strident, dum impius scurra toto corpore sensim nigrescit vstulatus; venator ad reliquos conuersus: *Et vos*, ait, *idem mereremini; sed nunc quidem ea mihi à Deo potestas non est concessa; concedetur autem breui, nisi breui vitam corrigatis.* Cum dicto spectra omnia disparuerunt: solùm remansit in busto ferali, asfatum cadauer, non in ferculum, sed in exemplum.

Vti & illud formidolosum de Presbytero, v. quod Petrus Cluniacensis Abbas vberriimè narrat

rat lib. 1. illustr. miraculor. c. 25. apud castrum Liziniacum, in Pictauiensi pago contigisse. Vbi Veneris potiùs, quàm Christi sacerdos, anima iam fugiente, sub ipsum mortis momentum clamare cœpit: *Traditus sum horrendis tortoribus, igni inextinguibili, cum diabolo, & angelis eius, perpetuò cruciandus. Ecce, ecce, ignita sartago, plena bullienti adipe, quam coram me tormentorum ministri detulerunt, eamq; ad me frigendum, undique succenderunt, &c.* Plura ibid. His modis *ova* ista, ratione prædita, in Inferno incendio, nec mitiùs coquentur. Immo erit vtique longè ibi maior varietas atrocitasque. Tormentorum, quàm sit in *ouis* coquendis. Varietatem illam & Iliadem malorum, ipsæ scripturæ sæpius expriment. Nam præter *pœnam* damni, & carcerem æternum, omnes sensus patientur, foetorem nares; *tenebras exteriores*, & horrenda spectra oculi; amaritudinem gustus; opprobria aures; frigus & æstum ignis totum corpus; & stridorem dentium. Et quid non?

VI. Sunt quædam *ova* fracta in aquam effusa, quæ Itali *disperdute*, & Germani quoque *ova per-dita* vocant: in Acherunte homines quàm verè erunt *ova per-dita*? quàm *puncta*, & *agitata*? quàm *suffocata*? quàm *tremula*? quàm *tosta*? *assa*? *tiganista*? Longè vtique consultius est, in hac vita, & in fornace tribulationis, aut saltem in sartagine

gine Purgatorii coqui. Hæc enim *oua* in cælestem mensam inferuntur, illa Proserpinæ in cænam, aut Cerbero in offam cedunt. Vtrobique O, O, & *ouum* perpetuò personabit. In cælo enim beati dicent : *O quam bonus & suavis est, Domine spiritus tuus in omnibus ! Sapi. 12. 1.* itémque : *O Israel, quàm magna est domus Dei, & ingens locus possessionis eius ! Magnus est, & non habet finem ; excelsus & immensus. Baruch. 3. 24.* In inferno autem æternus clamor erit ille : *O mors quàm amara memoria tua ! Eccli. 41. 1.* Certè illud *Hei*, *hei* nunquam desinet, quam dolentis & ingemiscantis vocem Germani sine aspiratione exprimentes dicunt *Ah/Ah* / quasi exclamarent, eiulantesque quererentur, se *ouum* perdidisse. Hæc *ouorum Musica*, istud *Hei*, *hei*, & *Ah/Ah* / æternum in Inferno, inter stridentia flammis *oua* audetur, & nunquam exaudietur. Talis eiulatio, fuit, & est illius, qui amissas voluptates deplorans dixit :

*Sed miseris solus superest, post omnia luctus :  
Quot bona tunc habui, tot modo damna fleo.*

Ova salamandras dantia, docent dam-  
natorum corpora in igne duratura.

# EMBLEMA XCVII.

VIVERE IN IGNE, MORI EST.



- I. **S**alamandra, animal lacerti figura, stellatum,  
nunquam nisi magnis imbribus, proueniens, &  
serenitate deficiens, est, teste Plin. lib. 10. c.  
67. Huic tantus rigor, ut ignem tactum extinguat,  
non alio modo, quam glacies. Qui cap. seq. addit:  
*Quedam nihil gignunt, ut Salamandra. Neque est*  
*ius genus masculinum foemininumue, sicut neque in*  
*anguillis, omnibusq; quæ nec animal, nec ouum ex*  
*se se generant.* In quem locum Iacobus Delecam-  
pius Medicus Cadomensis hæc annotat: *Gravi-*  
*da Salamandra in mense Martiopedæ & baculo eli-*  
*sa,*



*sa, lactea sanies ex omnibus corporis partibus, capite, dorso, aluo, cauda, pedibus exiliit, non aliter, quàm ex papilla vberis, digitis compressa: dum etiam ex disrupto ventre, plus quàm triginta fetus adhuc palpitantes & in aqua natantes, ac plus quàm triginta oua prodierunt. Ego quidem feminam dissecui pregnantem, tum ouis, tum catulis plenam: aliis inchoatis tantum, aliis iam perfectis, gradientibus, & in aqua natantibus: ut falsum esse, quod tradit Plinius, nihil eas gignere, manifestum sit.*

Porro Salamandram in igne viuere, ante **II.** Plinium tradidit Aristot. *5. de hist. c. 19.* & post eum S. Augustin. *21. de Cinit. c. 4. & l. 21. c. 4.* Qua de causâ dicitur à Sereno Salamandra *potens, nullisq; obnoxia flammis.* Sanè Cicerò *2. de Nat. Deor. Solin. c. 17.* Seneca *5. Nat. qq. c. 6.* & Philo *lib. de Gigantibus*, tradunt, in insulæ Cypri fornacibus, vbi chalcites lapis ingestus compluribus diebus crematur, bestiolas (quas pyraustas, pyrales, pyrogonas, aut carystias nominant) nasci pennatas, magnis muscis paulo grandiores, quæ in igne victitent.

Quidam volunt non adscribendam frigidissimo huius animalis temperamento causam, **III.** sed vel occulta id quadam vi, vel densitate corij, vel, quo semper madet, lentore fieri, ut flammæ resistat, etsi tandem, lentore illo consumto, vri possit. Quare & Galenus *3. de Temperam. c. 4.* scri-

scribit, Salamandram ad certum vsque terminum ab igne nihil pati, vri autem, si longiore spacio illi admoueat<sup>ur</sup>. Quæ opinio vel inde mihi fit credibilior, quòd eadem sit experientia in ligno *oui albumine persuso*. quamuis Dioscorides *lib. 2. c. 56.* Marsilius *l. 21. Variar. obseru. c. 23.* & alij putent, id frustra credi.

- IV. Certè de hominibus, damnatis id frustra non creditur; qui non tantum, ad certum durationis terminum, in igne viuunt, sed æternum; ah æternum, æternum! Nempe ita diuina vi corpora non pereunt, vt possint semper perire. & quidem magno numero. Sunt enim impij in corrumpe<sup>ndis</sup> aliorum moribus, & augenda multitudine damnatorum facundi, sicut Salamandræ in *ouis* pariendis: cuius & lacteam saniem imitantur suo veneno, quo dum lactant, ma<sup>ctant</sup>. Sed ma<sup>ctant</sup>, vt in ipsis ignibus nunquam mortui, semper morituri. Itaque Salamandram aspiciunt, quibus difficile est credere, *apud plures illos*, qui cum face plebis & principibus sceleratorum in rogam æternæ calamitatis confertim contruduntur, corpus in flammis fore inconsumtum. Qui hanc durandi vim serpenti dedit, homini inderè potest: vt quod Salamandræ est natura, peccatori sit poena. Qui si *ouis* Christi esse non vult, meminerit, apud Macarium *Ægyptium hom. 14.* referri, in montibus igneis  
ani-

animantes ouibus assimiles viuere ac nutriri, & inde extractas interire; ita flammis potest diuina manus, quos vult alligare.

Aut si hoc fabulosum quis existimat; in memoriam reuocet, Kunigundas nudis vestigijs, per candentis ferri pavementum, sine combustione ambulantes. Ob oculos ponat Ioannem Petrum Cardinalem Albanum, qui, vt est in vita S. Io. Gualberti apud *Sur. tom. 4. & Vrspergensem An. 1088. Baron. tom. 11. An. 1062.* inde *Igni* cognomen inuenit, quòd, cum sensim in rogo sæpius inambulasset, ne vestimento quidem læso, Si moniacam hæresin conuicisset. Addat etiam *Christinas mirabiles*, sine noxâ, in flammis versatas. Addat tres pueros, intra fornacem Babylonis, illæsos. Addat denique ranas, muscas, aliâque animalia in vltionem à Deo Ægyptijs immissa, quæ teste Iansenio alijs. que, cum ab Ægyptijs igne extirpanda fuissent, etiam in medios ignes immissa, flammis consumi non potuère, nec ignis in illa vim vllam habuit, quàm diu ita Deus volebat. Hoc verò tametsi in Exodo non narretur, verosimile tamen est, id per manus accepisse auctorem libri Sapi. qui *cap. 16. 18.* ita loquitur: *Quodam tempore, mansuetabatur ignis, ne comburerentur, quæ ad impios missa erant animalia: sed vt ipsi videntes scirent, quoniam Dei iudicio patiuntur per-*

*secutionem.* Quanquam id nonnulli haud inconuenienter de ignitis serpentibus *Num. 21.* exponant.

V I. Vixerunt ergo hæ bestię, & illi homines in flammis integri, Deo protegente, cur non viuerent in æterno igne ad Stygem damnatæ Salamandræ, delicatuli illi fortunæ filij, Deo puniente? Viuent, ah viuent, in ipsa morte, & nunquam peribunt, vt possint semper perire. Quod si nolunt, aliam illis repeto artem. Apud Plin. *l. 29. c. 3. ouorum vis tanta est, vt lignum perfusum ouo non ardeat, ac ne vestis quidem contacta aduratur.* Quod ad certū temporis spaciū valet, nam humore illo desiccato, ignis præualet. Ac qui sanguine Christi se se per sacramenta communit, æternū ab igne securus est. O insanū, qui non potius vult hac vnda perfundi, quàm ista flamma vri! ah æternū, æternū! Quod ne fieret sancta quædam Salamandra, religiosus ille, apud Thomam Cantipr. *l. 2. Apum c. 30. §. 45. in ignem se coniecit, quò impudicam inuitauit insidiatricem in Hispaniâ.* Quis Salamandram non potius, quàm Dominicum vocasset? in prunis ardentibus iacens illæsus mansit. Quid mirum, quem cupidinis ignis non potuit lædere, nec rogos ille ausus est vrere, quem maluit intrare, quàm æternum, heu, heu, æternum, de quo nimis vere dicitur: **V I V E R E I N**

**IGNE**



IGNE, MORI EST. Itaque sicut Salamandram, in igne, non mori, mirabile; ita homines, in tali igne, viuere, miserabile est.

*Frigida vis quaedam Salamandram, frigida virtus  
Est, quæ damnatos viuere in igne facit.  
Fervida si virtus igitur, tum frigidus ignis;  
Frigida si virtus, fervidus ignis erit.*



Ovum cœli, & hominis in cælum sub-  
uehendi symbolum.

# EMBLEMA XCVIII.

OVA FER, VT POSSIS VEN-  
DERE, DIGNA FORO.



- I. **H**ominem qui maximè laudare voluerunt,  
μικρόκοσμον, siue paruum mundum appella-  
uerunt, ait Putean. orat. 20. sed eiùsmodi  
ouum est, ac possis encomij compendio eundem ho-  
minem magnum ouum nuncupare. Nam ille ut  
mundo se parem, aut similem reddat, hoc se dicit es-  
se, quod ouum est. Ego penitus sic existimo, non ali-  
am ob causam celesti forma ouum creari, quàm  
quia ipsum calum ouum est. E Deorum domo, qua  
nihil sublimius est, similitudo deriuatur; ut in fra-  
gili

*gili testa diuini aliquid inesse credas. Ac sanè cum nullum animal (quemadmodum observare licet) gallina frequentius erigat caput, calumq̃, spectet, indicare ipsa manifestissimo videtur signo, unde concipiat. Calum videt, & cum non intelligit, implente negocium suum natura, secundo partu quotidie exprimit. Quod si nectare & ambrosia suauem & securam Diuorum vitam expresserunt Poëtæ, ipsum quoque nectar & ambrosia ouo exprimitur. Nam etsi omnes omnino cibi in damnum noxasq̃, verti soleant, & veneno infici, tanto tamen sceleri ouum, aut omnino subductum, aut minus obnoxium videatur. Quid enim? clausum munitum, & velut obsignatum est, atque ipsum pro antidoto valet.*

*In ouo igitur ambrosia, in ambrosia vita be- I I.  
ata significatur. Sed sanctum quoque scelerisq̃;  
purum hominem exprimit, ac mundo corde præ-  
ditum, dignumque qui Deum videat, Matt. 5.  
Nam ob solam munditiem cibus omnibus ouum præ-  
feras, ait idem auctor: ut suapte natura purissimum  
est, ita nec coquentium, nec contrectantium manu  
inquinatur. Fumo non inficitur, fuligine non amare-  
scit, cinere non consparcatur. Sordibus arcendis te-  
sta à natura circumdata est; subit ignem, & susti-  
net; aquam, & arcet; non dehiscit, non rumpitur;  
cum vim patitur, totum propemodum in testam in-  
durefcit. Alia obsonia, quàm varia immunditia*

*nauseam fastidiumq<sub>3</sub> pariunt? ab olla & lance vitium trahunt, saporq<sub>3</sub> natiuus violatur. Quoties aut aeres, aut insipidi, aut crudi, aut adusti? At ouum etiam sine sale sapit, aut tua manu inspergitur; sine igni coctum est, si recens, & sorbere placeat.*

III.

Hæc omnia homini cælesti gloriâ digno fas est accommodare. Sed his omissis, quantam similitudinem habet homo cum illo *ouo*, quod vnicum quotannis, seiugis equis, è ditissima villa, in curru, ad arcem quandam notissimam, in Sueuia sitam, hominum multorum memoria, tributuli loco, dicitur subuectum? cuius loco in arce dolium vini in currum imponi solitum è diuersis, fideque dignissimis viris audiui. Quamquam alij, de origine illius moris interrogati (inter quos etiam est, qui diu ibi Quæstorem egerat) nullum talis consuetudinis se vestigium meminisse testentur. At facile potuit cum more ipso, in recentioribus ministris, memoria eius aboleri, quæ, vt fit, tenaciùs viuat in fama ceterorum. Quamquam, mea non interest, historiamné, an fabulam in emblemata mihi suppeditet antiquitas.

IV.

Omnes profectò mortales tributarij sumus, nec tamen aliud à nobis exigit Deus, quàm nos ipsos, & animam nostram, quæ est thesaurus Dei. *Habemus autem thesaurum istum in vasis fictilibus* 2. Cor. 4. 7. vt *ovo* fragili similes simus. Hunc

the-



thesaurum, si cælo subuehamus, id experiemur, quod Sponsa, quæ dixit *Cant. 2. 4. Introduxit merem in cellam vinariam.* Ibi enim bibit nobiscum de genimine vitis. *Matth. 26. 29.* Sponsus noster, quando inebriabimur ab ubertate domus illius *Psal. 35. 9.* Ibi à sic ebrijs per vicos ciuitatis *Alleluia* cantatur: *Iob. 13. 22.* Agnus enim, qui in medio throni est, reget, & ad vitæ fontes (*Apoc. 7. 17.*) deductos torrente voluptatis potabit. *Psal. 35. 9.* In hac vita cum dulce aliquid bibimus, aliquid de torrente libamus; ibi torrentem ipsum gaudiorum bibemus. Quare non tam in nos gaudiū, quàm nos in gaudium intrabimus: ut bombyci similes simus, volubili se nido, seu ouo potiùs inuoluenti, lanugine, aut telâ, vnguim carminatione in vellera, globositate ovali, tractâ; in quâ tutissimè conquiescit; alioqui symbolum hominis resurgentis. Plura *Aristot. 5. Hist. c. 19. Plin. l. 11. c. 22. & 23.* Ita ergo & Sancti, in gaudium, quasi in nidum, aut ouum, aut cubiculum intrabunt. Hinc quando *Matth. 25. 21.* qui quinque talenta acceperat, obtulit alia quinque talenta, dicens: Domine, quinque talenta tradidisti mihi, ecce alia quinque superlucratus sum: dixit illi Dominus eius: Euge serue bone, & fidelis, quia super pauca fuisti fidelis, super multa te constituam, intra in gaudium Domini tui. Quo pacto inuenti sunt, nonnulli intemperan-

tes, qui ranæ instar, in vino natate, immo mergi & suffocari infelicitè voluerunt; ita feliciter Beati in gaudijs natabunt; sed non nisi postquã uno suo, velut talento, bene vti fuerint, ac dona Dei verè & reipsa multiplicarint.

V. Ceteros malos, pigros, vltra Epimenidem, aut Endymionem dormientes, qui omnem virtutis laborem, ex oculi angulo duntaxat aspiciunt; inertes inquam, atque *inutiles servos*, spoliatos in tenebras exteriores eijci jubebit Dominus: nullam excusationem pigritiæ admissurus. Sicut & inertem filium plexisse fertur homo villanus. Quem cum ex Academia redijisset aliquando filius, magna pecunia, frustra & sine fructu, dilapidata, interrogavit parens, ecquid tandem didicisset? Ibi prompto responso filius, è tribus, inquit, quinque facere. Quod cum patri placuisset, experimentum eius rei videre voluit. Respondit filius, breui fore occasionem eius conspiciendæ. Commodum postea in mensam inferebantur *ova tria*. Ibi gloriosus Scholasticus, hem, inquit, Pater, ex his tribus, *quinque* tibi *ova* faciam. Tum profectò, ait Parens, magnus mihi Apollo eris, & nova veste dignus. Ita ergo orditur filius: *Nunc quid*, Parens, *vbi tria*, *ibi etiam duo*? Annuenti, infert, *Hic ergo quinque sunt ova*. Siquidem, *Tria & duo faciunt quinque*: *Hic sunt tria & duo, Ergo quinque*. Ad tam bellam

Iam collectionem subridēs Pater, Vt igitur vterque cœnet, ait, ego hæc *tria oua* comedam, tu duo reliqua cœnabis, quæ supputatione tua effecisti. Ita incœnatus mansit, qui in Academia aliud nihil didicit, quàm *regulam pigri*.

Continget idem omnibus, qui vel dormi- VI.  
endo, vel ociando, sedendoque ad cœnam Agni volunt peruenire. *Dico vobis*, ait *Luc. 14. 24.* quod nemo virorum illorum, qui vocati sunt, gustabit cœnam meam. Et meritò, dignum est enim, vt Si quis non vult operari, nec manducet. 2. *Thessal. 3. 10.* Nuptias Agni adituro, veste nuptiali opus est. *Matth. 22. 11.* Christum à morte rediuiuum, tametsi se plurimis præbuerit conspiciendum, negat tamen S. Augustin. *tract. 76. in Io.* ab vlllo impio visum: verba illius sunt: *Suscitatum Christum nemo vidit impiorum.* Quanto eum minùs in cælo videbunt desidiofi, & ex desidia scelerosi? Laborandum est igitur in ouo ad cœlestem arcem, & diuinas epulas subuectando. Quod fiet, si illud non patiamur vel manu, vel fumo, vel cinere, vel vlla re inquinari, aut veneno infici, aut ferro frangi; sed, cum gallina, sæpe ad ouo simile cælum, vultus nostros attollamus. Ita enim ideam concipiemus, vt ouum cœleste ad cælum afferamus: illo ouo feliciùs coronandi, quàm lactucas nos soleamus coronare, aut à priscis secto ouo coronari solitum lacertum

dixerit Martialis. Verùm quia neque crudum aliquid cælo dignum est, *oui* instar, quod vel igni affatur, vel aquis elixatur, multis, *per ignem & aquam*, illuc est transeundum; sicut per ignem tres pueri *Dan. 3.* & Nicomediæ viginti Christianorū millia, in Christi natali, templo inclusa, atque à Diocletiano exusta. *Niceph. l. 7. c. 6.* per aquam Israëlitæ, *Exod. 14.* per vtrumque innumerabiles alij sancti transierunt, dicturi olim: *Transuimus per ignem, & aquam, & eduxisti nos in refrigerium. Psal. 65. 42.* Ita ova igni & aquis cocta cælo inferri; aut cruda priuari merentur. Itaque

*Dic mihi, quis posthac precium non aestimet oui?  
Ipsa ovo possunt fidera vendi, & emi.*





Ova Paradisiacæ auis Beatos significan-  
tia, & parturientia.

EMBLEMA XCIX.  
NULLA EST FELICIOR ALES.



**G** Vido Pancirollus in Nouorum reperto- I.  
rum *lib. 2. tit. 1.* seu potius Henricus Sal-  
muth, in *illius tituli commentario*, mentio-  
nem facit de rara, inusitata formæ, sed venustis-  
sima aue, quam Moluccarum incolæ *Monuco di-*  
*ata*, quasi dicas *Auem Dei*, Lusitani *Passaros de*  
*Sol*, Græci *Apodem*; Latini *Auem Paradiscam*  
vocant, vt & Germani, à teneritudine, & ad  
stuporem bellâ diffusionem plumarum; quæ, co-  
metæ instar, à paruo capite, & à prima ceruicis  
vertebra, ac vel ab ipso initio rostri (quod  
ma-

magnitudine, & forma simile hirundini) incipiunt in longum mollissimūque, & semper latiore cincinnum ita explicari, vt totum corpus, quod coturnicem mole vix æquat, pellucida lana, ac velut ralla veste abscondant, & auis aliud nihil, quàm plumarum colore luteo, purissimi auri modo splendentium, quā ceruiculam subtexunt; & quā mentum tegunt, mirificè viridantium pennarum fasciculus, aut ala quædam volitans esse videatur. Neque enim alis constat, cum tota illa vel lanæ, vel plumea vestis, sit pro alâ.

- II. De hac ergo *Dei, Solis, & Paradisi* aue ille hæc habet. *Io. Hugo à Linschoten, in Molucca insulis, Aues has reperiri scribit; quas tamen nemo viuas viderit. Mortuæ enim duntaxat & exanimæ ex alto decidunt, ac inuenta apud istos populos in magna habentur veneratione. Aduersus solem volant continuo in aëre, nullo terra, dum viuunt, contactu. Apodes quippe sunt, sine alis, capite tantum & corpore, verum cauda maximè constantes. Quæ longiores penne in causa sunt, vt mediocris putentur esse magnitudinis, cum corporis mole satis sint parua. Quibuscum eleganter conuenit Io. Langj descriptio (inquit lib. 3. ep. Medicin.) aues albicantibus plumis insignes, nuper ex nouis insulis ad nos in Europam delatæ, Apodes: quæ cum pedibus careant, mutuo amplexu, rostro repando, se se in aëre librant*

pendula; sibiipsis incubant, defessæ teneriorem arboris surculum amplectentes, oblongioribus caudæ pennis pendula quiescunt. Harum duas, marem nempe & feminam Dn. Doctori Paludano ad ornatum Musæi ipsius obtulisse se ait Linschotanus. Nos videmus quotidie in magnatum pileis. Pergit, paulò post, Salmuth: Constat ex maris dorso filia gemina, nigra, cornuum instar, utrinque in rectum extensa prodire: quorum usum peritiores rerum naturalium esse existimant, ut femina dum oua parit, in eodem dorso cavitatem efformante, istis vinculis mari alligetur, atque ita in illo pullos excludat. Caussino, infra citando auis hæc terram viua nunquam tangit. Rore vescitur. Navim quantumvis celerem circumvolat. Eius plumis, immo toto corpore reguli Machometani pro cristis utuntur, ijsq; se tutos in bellis, existimant.

Ab hac Aue symbolum desumit Ioachim. Ca. I I I. merarius Ioachimi F. Centuria 3. Emblem. 43. in eos, qui, rebus terrenis fluxisq; spretis, ad cœlestia æternaque toto semper se animo convertunt. Appositè sanè. Nam huic aliti, per omnia, æquiparantur diuina speculantes: sed quia præcipua diuinorum contemplatio est, velut in altero orbe, in cœlo, inter beatos; illos ipsos veras Dei & Paradisi, & Solis aves meritò vocaueris. nam plus quàm aquilino intuitu aduersus solem volant continuo, dum non modò insatiabili

li

li aspectu Christi, qui *in sole posuit tabernaculum suum Ps. 18. 6.* clarissimum atque gloriosissimū corpus, sed etiam Deum ipsum, qui *lucem inhabitat*, nobis nunc *inaccessibilem. 1. Timoth. 6. 16.* inconniuyente oculo, & lapidis instar, immota mentis acie fixissimè intuentur. Hæc illorum vita, hæc lætitia, hæc beatitudo est, rapi in illam diuinitatem; & illum solem iustitiæ, illum fontem lucis, illum splendorem gloriæ, sine intermissione, contemplari. Si enim tanta in terris voluptas est, spectaculis interesse, quodnam maius spectaculum, aut sublimius, aut pulchrius potest optari, quàm videre omnia videntem Deum? & habere omnia bona continentem, bonitatem?

- I V.** Quare facilè est Diuis sine terræ contactu vivere; & terrenas venustates contemnere, immo nec fieri potest, vt non contemnant nauseant-que summis illis gaudijs satiati. Proinde, licet & ipsi sint corporis aliquando gloria vestiendi, eaque pulcherrima, tamen toti plumei, & è spiritu, alàq; velut vnicae mentis in Deum euolantis constare videbuntur. Neque pedibus etiam indigebunt sustineri, totis membris agiles. In solis, non iam Moluccis, sed *fortunatis*, floridisque illis cœli *insulis* reperiuntur: neque à nobis in his terris sæpe conspiciuntur, vt ad eos videndos & ipsi tendamus; & quasi *apodes* terram



ram tangere definamus, atq; ita in *Paradisi* aues mutemur, illis meditatione colligati, vt nobis *oua* sua, desideriaque imponant, è quibus aues *sole*, *cælo*, *Paradiso*, *Deo* dignæ excludantur. Non potest enim fieri, vt qui seriò cœlestia, Diuorum imitatione, expendunt, terrena quarant, quæ ad cœlū æstimata, sunt puncti instar.

Hinc S. Ignatij vox est: *Heu quàm sordet terra, cum cælum aspicio?* Nempe possunt & in terris esse, qui aues *Paradisiacas*, si non felicitate, saltem virtute ac voluntate imitentur (sed à longè, atque imperfectè) vt *oua* auem. Neque enim tam plenè possunt concupiscere, quæ plenè nondum aspiciunt, aut cognoscunt. Quocirca interroganti sorori suæ: *Quid tandem cœlestis gloria esset?* respondit D. de Aquino Thomas (ut in vita eius 7. Martij refert Ribadeneira) *Antè, quàm tu ipsa illam merearis, à nemine, quæ sit, intelliges.* Quod ipsum cecinit auis illa, in tertium cœlum rapta, quæ gaudium illud concepit, cuius vt desideria in nobis, velut *oua* poneret, dixit 1. Cor. 2. 9. *Oculus non vidit, nec auris audiuit, nec in cor hominis ascendit, quæ præparauit Deus ijs, qui diligunt illum.* Quod ipsum quoq; cantauerat altera illa *Paradisi* auis Isaias 6. 46. *A seculo non audierunt, neque auribus perceperunt: oculus non vidit, Deus, absque te, quæ præparasti expectantibus te.*

**VI.** Præparauit locum, præparauit coronam, præparauit gloriam. De loco ait Baruch. 3. 24. *ô Israël, quam magna est domus Dei, & ingens locus possessionis eius! Magnus est, & non habet finem: excelsus, & immensus. Et erat structura muri eius,* ait Io. Apoc. 21. 2. *ex lapide iaspide, &c.* De corona & gloria, Augustin. c. 21. Soliloq. verba sunt: *Si, mi Domine, pro hoc corpore ignobili, & corruptibili, tam magna & innumera beneficia prestas; à celo, & aëre, à terra, & mari, &c. qualia, queso, & quam magna, & innumerabilia erunt illa bona, qua præparasti diligentibus te, in illa cœlesti patria, ubi te videbimus facie ad faciem? si tanta facis nobis in carcere, quid ages in palatio? si tanta solaria in hac die lachrymarum, quanta conferes in die nuptiarum?*

**VII.** Tales cogitationes Angeli, velut Paradisiacæ aues hominibus sanctis ingerunt, vt in eis velut item Paradiso destinatis auibz ouum, hoc est ipsum cœlum excludant, pariantque desiderijs pijs excitatis, & vanis procul relegatis. Qui enim futura discit æstimare, nequaquam illud vsurpat: *In præsens oua, cras pullis sunt meliora.* Et quanquam certa incertis, hoc est, præsentia oua futuris pullis, sæpe in hac vita prudenter præferantur: nihil tamen stultius est, quàm vitam, præsentem futuræ ante ferre. Qua de caussa rectè S. Hieronym. ep. 22, *Eustochium* sic alloqui-

tur: *Quotiescunque te vana seculi delectauerit am-  
bitin: quoties in mundo aliquid videris gloriosum,  
ad Paradisum mente transgredere: esse incipe, quod  
futura es; nempe aus Paradisi.*

Nicolaus Caussin in *Polyhistore lib. 6. IIX.*

*Symb. 78. Monocodiatam scribit, in aëre, absq;  
nido, absq; arbore, absq; saxo, aut altero fulcimen-  
to, nidificare, & ona parere in dorso maris sui com-  
paris, ibique fouere, & excludere: nunquam ullo lo-  
co considerare, semper in aëre subsistere: aitque non.  
nullos putare, apud veteres, esse Rhyntacem,  
cuius Plutarchus meminit in Artoxerxe. Vbi sic  
loquitur: Nascitur apud Persas exigua aus, qua  
omni caret excremento, habetq; omnia intestina  
adipe differta: unde vento arbitrantur, & rore hoc  
animal viuere. De quo verè dici potest:*

*Sana nec humani patitur contagia mundi*

*Par volucer superis.*

Subijcit postea Caussin, ex Gesneri tabula,  
de Paradiesa aue sequens poëma, planè aue hac  
dignum, & in multas similitudines aptum.

*Vos ô, quos calum domus est, quos fortior aura  
Numinis ardenti suspendit in aethere nisu,  
Heroës, pretiosa anima, mortale sonantem  
Si licet in vestras musam deducere laudes,  
Huc spectate Apodem; vobis natura laborat,  
Atq; opere in pulchro partem facit, hoc quoq; nomen  
Indus alit, Phæbi Indus amor, cui prima Deorum*

**I X.**

*Munera, & Eo custodia credita gaze.  
 Nec verò tantùm unigenâ se Nilus alumno  
 Iactârit, licet ille sibi post fata superstes,  
 Inter odoratas Arabum de messe fanillas;  
 Hauriat è busto natali funere vitam.  
 Ac licet aut rostro chelidon, aut mole coturnix  
 Par fuerit, tamen & pennarum symmate longo  
 Crescit in immodicum, quantus Iouis armiger ales  
 Titanum furias, saeuumq; Capanea letho  
 Fulminat, aut Phrygios Domino transuectat amores.*

*Principio enodes ceruix lentatur ad alas  
 Luteolas fuluo rutilat crispata metallo,  
 Sic color in pretio est. infernè virentia currit  
 Cyaneum per menta decus, Thaumatida cœcum  
 Roscidus aduerso percussit Delius astro.  
 Excurrunt ala in caudam tenuiq; receptum  
 Transmittunt sub nube diem, nam fuscus incerrat  
 Splendor, clementiq; faces demitigat umbrâ.  
 Discolor interea primo sub tegmine pluma  
 Vellus agit, magnoq; minor se lumine vestit  
 Astriferum missura inbar, blattamq; crocumq;  
 Camporumq; oculos, vosq; alba ligustra, tuasq;  
 Obscurat, Narcisse, comas. iam vilior aura  
 Ceston habet, vinciq; dolet Cadmeia torquis.  
 Plus etiam ordo placet; natuum circinat orbem  
 Nescia curuari, tergoq; immobilis hæret.  
 Iliacâ talem clypeum de cade reportat,  
 Eacides, & adhuc iaculis pendentibus horret,*



Qualis ceruleos cauda stellantis honores  
 Explicat aprico volucris Iunonia Soli:  
 Iamq; superstitio Scythicis adiuncta tyrannis  
 Circum mille fremant acies, & ferreus imber  
 Pilarotet; sperant humanis inuia telis.  
 Pectora, & hostili certos de strage triumphos;  
 Si cristis assurgat Apus, galeamq; coronet.

Nec minor est virtus: celeres prauertitur Euros  
 Aëra per liquidum: pronoratis aquore currat,  
 Lata laborantes impellant carbasa venti,  
 Scilicet anteuolat puppes, & remige pennâ  
 Hospita venturo prae signat littora nauta,  
 Tellurem pressisse pudet, frondosa sub auris  
 Eligitur Dryas, hinc tectum paruiq; penates.  
 Incumbit ramis; & caudâ prensat obuncâ,  
 Obsequio fugiente pedum; caloq; propinquus,  
 Matutina bibit roranti ex ethere mella,  
 Reliquias diuinum: mensis cum Aurora remotis  
 Fastidita legit, mistamq; vapore caduco  
 Ambrosiam; latè mortalibus impluit agris.  
 Hinc illa aërij mellis caelestia dona  
 Et non imparili distentæ nectare canna  
 Fortunatorum nemorum, quâ primus in orbem  
 Circulus it, media dirimens confinia lucis.

Si quando dulces ad vitæ lumina pullos  
 Eniti, fragiliq; dedit committere crusto  
 Casta Venus, non furtino de cespite nidus;  
 Aut lutea assurgunt libantibus aquora pennis

*Mœnia; compositi sed mas sinuamina dorsi  
 Subdit amans, vinctusq; thorum de tergo plumâ  
 Et pater, & natale solum, facit: hinc pia coniunx  
 Spemq; metumq; locat, curui tum fornice ventris  
 Incubat, & simili reddit se prole parentem.  
 Dicite terrarum Domini, quos matre cadentes,  
 Excipiunt Indo Bithyna cubilia dente,  
 Quis Cæsar cunis unquam tam mollibus infans  
 Vagyt, aut Graiâ qui Porphyrogennitus aulâ  
 Sarrano meruit nomen susceptus in ostro?  
 Ne tamen incurrat violento flamine Corus,  
 Dilectasq; euertat opes, mas licia caudam  
 In gemina extendit, multoq; volumine circum  
 Implicat imposita socialia membra marita.  
 Æole, si quis inest ventis fauor, Æole si qua  
 Ius habet in superos pietas, ô parce quietos  
 Sollicitare thoros! Notus hac ut pignora perdat  
 Crudelis? thalamo iungat ferale sepulchrum  
 Atque animam testâ triplicem pessundet in una  
 Crudelis? prolem per amica silentia fingit  
 Alcyone, & mediâ vitam de morte reportat,  
 Et meruere Apodes, Apodes meruere necari?  
 Sed ventis loquor, unde sciant miserescere venti?  
 Ite feri, effractis, ruite, exundate, cauernis  
 Vna omnes, quatite horrifonis stridoribus alas,  
 Vos mea ridet Apus, vestri securâ furoris  
 Vincula nequit Amor, nodoq; arcanus honesto  
 Copulat alituum par nobile, nobilis ales.*

Ova metæ, meta cælestis gloriæ monimentum.

# EMBLEMA C.

SIC CURRITE, VT COMPRE-  
HENDATIS.



**O** Nuphrius Panuinius Veronenſis de Lu. I.  
dis Circenſ. lib. 1. pag. 33. Metarum, ait,  
locatione terminum ac mundi finē designari  
voluere, ab eo, quod aliquis emenſus finis ſit, ſive ut  
ſimilitudinem Orientis, Occidentisq, ſolis repreſen-  
tarent. Ita Iſidorus l. 18. Oua verò ſuper metas loca-  
ta in Caſtoris Pollucisq, honorem addita fuere, quod  
illos cygni ouo editos ex Ioue veteres ſcripſerunt; qui-  
bus etiam (ut dixi) primò à Mercurio equos diſtri-  
butoſ fuiſſe, docet Steſichorus. De ouis Tertullianus;

Oua (inquit) honori Castoris & Pollucis adscribunt, qui illos ouo editos credendo, de cygno Ioue non erubescunt. Et infra pag. 34. & 35. Iuxta singulas metas Columelle aliquot erant trabecula sustinentes, quibus per singulas circuitiones agitatorum, à Circensium ministris quibusdam singula oua, & delphini erigebantur, & omnia curricula septem ouis (ex vna parte) & totidem (ex altera parte, seu ad primā metam) delphinis erectis (septem enim metas conficiebant, septemque spacia decurrebant) annotabantur. Cassiodorus: Nec illud putetur irritum, quòd metarum circuitus onorum erectionibus exprimatur, quoniam actus ipse multis superstitionibus grauis, cui exemplo geniturum se artem aliquam profitetur, & ideo datur intelligi, volitantes atque inconstantissimos inde mores nasci, & quos auium matribus aptauerunt. Denique Dio lib. XL. IX. scribit, Agrippam, quum videret, errare homines in Circo, propter circuituum numerum, delphinos, & ouata opera posuisse, quibus cursuum circuitiones, & conuersiones extenderentur. Plura de his ouis Varro. l. 1. de rer. rust. & Liui. lib. 15. E quibus luce meridiana clarius est, oua in circo posita fuisse, ad notas curculis numerandas.

- II. Quid quod Circus ipse, seu Hippodromus, Soli consecratus in ouis lineam flexit aurigationem, ut toties ouum esset, quoties curreretur? Quin Amphitheatrum quoque tam spacio, siue arena, quam



*quàm cuneata mole in oui formam circumscriptum fuit. Ergo vbique ouum : & theatrum, & circus, & aurigationis linea, & meta, immo & ipse homo cum complicatus in vtero sedet, & pleraque in homine sensuum instrumenta, vt oculi, aures, os, lingua, ipsum caput, quod à vertice velut planiore fastigio in mentū acuitur, manus, ungues, cor, ventriculus, denique nuces, ait Putean. Or. 20. glandes, pyra, pruna, corna, mora, & id genus, ouum referunt, aut imitantur : vt non frustra Empedocles arborum fructus oua appellârit. Folia quoque, & margaritæ Romanis elenchi dictæ, ob longitudinem fastigiata; & res infinitæ, siue in naturæ, siue in artium thesauris, oui figuram exhibent.*

Quorsum hæc tot oua, aut ouorum vbique I I I. occurrentia simulachra? In hoc mundo, velut in Circo, aut Theatro versamur. Quin *spectaculū facti sumus, mundo, & Angelis, & hominibus. 1. Cor. 4. 9.* Immo ijs, qui in stadio decurrunt, Apostolus ipse nos comparauit. *1. Cor. 9. 24.* Quare, velut in Circo oua Castorum iuxta metas, ita hæc vbique vel oua, vel ouorum simulachra statuuntur, vt & sciamus, notari omnes circuitiones nostras, & finis atque metæ nusquam non recordemur. Vehementissimus currenti stimulus est, brauij cupiditas, quæ assiduo eius aspectu incenditur; neque sustinet cunctationes, aut ad

plenilunium negotia differentes. Auidus simul cum aurora consultat. Facile amittit coronam lentus & procrastinator. Quare & Paulus 1. Cor. 9. 24. ait: *sic currite, ut comprehendatis*. Atque, ut ad cursum faciat expeditos, addit: *Omnis autem, qui in agone contendit, ab omnibus se abstinet, & illi quidem, ut corruptibilem coronam accipiant: nos autem incorruptam: eamque non vnicam tantum, sed multiplicem*. Nam, sicut quamlibet circuitiorem agitatorum, *erectione oui*, notabant & numerabant Romani: ita omne opus bonum notat Deus, in cælo coronandum. Dicit enim: *Venite benedicti Patris mei, possidete paratum vobis regnum à constitutione mundi*. Esuriui enim, & dedistis mihi manducare &c. Matth. 25. Item: *Omnis, qui reliquerit domum, vel fratres, aut sorores &c. Matth. 19.*

- IV. Hæc ouorum erectio, & promissio præmiorum, quasi acclamatio quædam est adhortantis, & dicentis: *Surge, propera*. Cant. 2. 10. *Si tibi vir grauis atque laudabilis*, ait S. Cyprian. ep. 9. *de mortalibus, aliquid polliceretur, haberes pollicenti fidem: nec te falli, aut decipi ab eo crederes, quem stare sermonibus atque in actibus suis scires*. Nunc Deus tecum loquitur, & tu mente incredula perfidus fluctuas? Deus tibi de hoc mundo recedenti immortalitatem, atque eternitatem pollicetur, & dubitas? hoc est Deum omnino non nosse, Multos autem du-

dubitare, aut fluctuare, claro indicio est, quòd in circo non properent, in theatro fileant, in stadio consistent, aut alienis soleis velint decurrere. Si enim palæstritæ verbera, si vim luctatores, si in ediam cursu certantes, si aurigantes agitationem & lapsum, si miles & tela, & ignes, si colonus pondus diei, & æstus, si venator frigora, & pluuias, & grandines, si mercator ipsius maris sexcenta pericula sustinet; spe lucri, prædæ, messis, stipendij, brauij, præmij, aut coronæ; quis credat, vllum cessatorem verè credere, aut sperare æternos honores, æternas opes, æterna regna? quæ verè sperata, vel plumbeo pectori alas essent additura.

Quamobrem meritò aliàs laudatus Thomas Morus, in carcere, ab Aloysia vxore ad inconstantiam sollicitatus, vt vitæ huius bonis diutius frui posset, teste Nicol. Sanderò *lib. 1. de Schism. Angl.* eam interrogauit, quàm diu existimaret, ea bona possedurare? Cùmque illa respondisset: Facile, si Deo ita videretur, viginti adhuc annis illum bonis suis, & promissis honoribus frui posse; faceßere eam iussit, & stultam appellauit mercatricem, quæ id ageret, vt maritus suus viginti annorum breuitate æternitatem commutaret, ad quam, non viginti, sed multa annorum millia nihili essent æstimanda. Vitæ igitur cursum felici morte absoluit, cum, ad

præmium currenti propositum, oculos adiecit; neque jam pyrum pyro, aut vuam post vuam succedere; sed per niues ac hyemes ad vernas amoenitates eundum esse cogitauit. Quod & Moyses fecit. *Aspiciebat enim in remunerationem. Heb. 11. 26.* Sicut & S. Caprasius, qui, ut est apud Sur. 20. *Octob.* visa cælesti corolla, quam capiti S. Fidei in medijs flammis incendijsq; existenti Angelus imponebat, mirificos animos sumfit ad martyrium subeundum. Quid quòd hæc res etiam ipsos Ethnicos, primum ad religionem, deinde ad omnia extrema, pro religione, ferenda inflammavit? Ita enim Theophilus missis duntaxat à Dorothea floribus ac pomis, hyeme natis, de cælo coniecturam fecit, & martyrem martyr est secutus, quam antè sarcasmis sequebatur ad mortem euntem. *Sur. 6. Feb.*

VI. Nec alia res magnum illum Christi heroem Adrianum cepit, & in tantum fortitudinis culmen produxit. Quippe cum 28. annos natus esset, necdum sciuiisset, quid nomen secum ferret Christianum, vidit admirabilem Martyrum in crudelissimis supplicijs patientiam, constantiam, fortitudinem. Quam cum attonitus spectaret, non potuit omittere, quin interrogaret, Quid se tam atrocibus tormentis sperarent consecuturos? Cui cum illi respondissent: *Speramus bona illa, quæ oculus non vidit, nec auris audiuit &c.* dixit.



dixisses de cælo tactum Adriani animum, ita repentè accensus Christianæ religionis amore flagruit; neque verò cælestibus illis bonis inhians dubitavit & ipse, pro Christi nomine eosdem agones subire, atque acerbissimos, toto corpore in frustra dissecto, sustinere cruciatus.

Et nonne melius est, ait S. Hieronym. ep. 22. VII.  
ad Eustoch. breui tempore dimicare, ferre vallum, arma sumere, lassescere sub lorica, & postea gaudere victorem; quàm impatientia unius horæ servire perpetuò? Nihil amantibus durum est; nullus difficilis cupienti labor est. Respice quanta Iacob pro Rachele pacta uxore sustinuit. Ac iterum. Amemus & nos Christum, eiusq; semper queramus amplexus, & facile videbitur omne difficile: breuia putabimus uniuersa, quæ longa sunt: & iaculo illius vulnerati, per horarum momenta dicemus: Heu me! quia peregrinatio mea prolongata est à me. Non sunt condignæ passionibus huius temporis ad futuram gloriam. Et quando etiam Euripides dixit; Ex felicibus nullum putate beatum ante metam; neque ipsa quidem huius temporis felicitas ad beatitudinem est æstimanda.

Ad quam vt nos identidem extendamus, IIX.  
ijs, quæ retro sunt, obliuioni traditis, nos Metæ, Metæ oua; ouorum omnia admonent: immo & ipsa de ouis Somnia. Somniauit seruus quidam, ait Or. 20. Put. ouum sibi ab hero, sed coctum tradi:  
quod

quod ille sic accepit, ut nucleo uteretur, putamen  
 abijceret. Quid factum? Prægnans hera erat, &  
 mox filium enixa, è puerperio periiit. Servus igitur  
 infanti nutricius datur, qui tum demum intellexit  
 mulieris grævda imaginem esse, cocto maturitatem  
 fetus designari, maternum corpus vita destitutum  
 pro putamine habitum. Hoc somnium; apud ser-  
 vos Dei, non est somnium. Hi carnem, præ-  
 gnantis; Spiritum, filij instar, habent. Corpus  
 illis pro putamine, anima pro nucleo est. Liben-  
 ter igitur corpus in sepulchrum abijciunt, dum-  
 modo cælo matura anima, per huius vitæ stadi-  
 um feliciter delata, & inter tot pereuntes serva-  
 ta, non talaribus Mercurij, non Pegasi alis, non  
 essedo Triptolemi, aut Cereris vehiculo; sed  
 ignea fidei, spei, & charitatis triga, velut  
 Eliæ curru, sursum rapta euolet ad  
 æternitatem.

## F I N I S.

Omnia ad maiorem Creatoris, Re-  
 demtoris, Iustificatoris, & summi  
 Iudicis gloriam.

# INDEX RERVM ET VERBORVM.

Prior numerus Emblema, posterior numerum marginalem Emblematis significat.

- A**bbreuiatum Verbum diuinū, in quantum? 14. 7.
- Abrahæ hospitalitas. 24. 5. obedientia. 17. 3.
- Abcondere oua, & alia quædam, quàm utile? 35. 1. & 36. 1.
- Absolutionis Sacramentalis, quantum beneficium? 53. 3.
- Abstemius, qua arte fiat? cur notuinum ouum dicatur? & an sit semper laudabilis? 86. 1.
- Abſtinentia quid? & quibus neceſſaria? 76. 2. ſeqq.
- Acedia quid? 91. 5. unde? ib. quas filias habeat? ib. n. 6.
- Acedioſi quàm à ſpiritualibus diuerſi? 91. 3.
- Aceto macerata oua eunt per annulum. 17. 1.
- Achan ſua fraude periit. 71. 6.
- Acies ouali figura conſtructa, à quo? 55. 7.
- Actus charitatis unde? 24. 2. erga proximum. 23. 3.
- Adam ſeducus. 7. 1. exemplum diuinæ iuſtitix ib. n. 2. eius pœnitentia quàm diuturna? ib. 8. pullus Pelicani 16. 4.
- Admeti quis paſtor? 15. 1.
- Adoptio diuina hominis, in quo conſiſtat? 22. 2. & ſeqq.
- S. Adrianus ſpe pro coelo patientium martyrum conuerſus, & martyr factus. 100. 6.
- Adulterare, quàm damnoſum? 84. 3. Verbum Dei qui adulterent? 78. 4. unde dictum? 84. 2.
- Adamas Hebræis lapides ſecat, poſitque. 41. 3.
- S. Ægidius Deiparæ virginitatem liſijs miraculoſis demonſtrat. 13. 6.
- Ægrorum longa & mira patientia, 33. 4. doctrina. 51. 2.
- Ægyptij quomodo pullos gallinæſq; multiplicent? 32. 1.
- Æquitas ad quid utilis? 28. 2.
- Æſtate, quæ, & quando non pariant aues? 24. 1. ambulaturis oua proſunt, ad pedes conſeruandos. 45. 7.
- Ætas tenera diſciplinis apta. 42. 2.
- Æternitas, quid? 13. 2. ſolius Dei. ib. vitæ per fidem acquiritur. 14. 4. ſupplicij in igne durantium corporum. 97. 4. in redemptis quomodo compenſetur? 18. 6.
- Æthiopis & ſenis fabula. 81. 2.
- Ætites lapis quam vim habeat? 28. 1. prodeſt parturientibus. ib. 2. quis eius color? & magnitudo? ib.
- Agatho quantus ſilētij amator? 37. 6

# INDEX RERUM,

- Agnus ex ovo. 14. 1.  
 Animam esse corpoream, dixit Ter-  
 tullian. à femina seductus. 77. 3.  
 Alacritas spiritus acedit opposita.  
 91. 5.  
 Alapa manui factorem reliquit. 61. 7.  
 Album oui, an transeat in pullum?  
 44. 1. ad auram durefcit. 85. 5.  
 Alcyonis nidus mirabilis structura.  
 19. 1. quàm immanis? 89. 4.  
 Alienus nidus, de adulteris. 84. 1.  
 Alexander rex, quos timuerit? 69. 2.  
 Allifum ovum stat. 11. 1.  
 Alphonfi II. in coniugio virginitas.  
 30. 6. regis in præstigiatores o-  
 dium. 57. 6. liberalitas. 38. 4. cul-  
 tus erga Eucharistiam. 47. 6. sym-  
 bolum mustela. 30. 5.  
 Alta petere noxium. 79. 3.  
 S. Ambrosius fugit felicem. 95. 3.  
 Ambulantes in igne. 97. 5. ætate o-  
 vis adiuti. 45. 7.  
 Americi ovis cur non vescantur? 29.  
 4. gallinas habent sponte adducē-  
 tes pullationem. 42. 1.  
 Amethysti contra ebrietatem, & vi-  
 rus vis. 28. 2.  
 Amici tardè, vel omnino non suc-  
 currentes. 46. 1.  
 Amida patrem excæcat 60. 5.  
 Amor Castoris & Pollucis. 18. 2.  
 Christi erga nos ib. 4. sui & Dei  
 quomodo pugnent? 26. 4.  
 Ananias fraus punita. 71. 6. hypocri-  
 sis. 81. 5.  
 Anaxagoras dixit se cœli inspiciendi  
 causa natum. 1. 8.  
 Angelus nares obstruit coram pec-  
 catore. 61. 4. adest baptizato. 44.  
 5. est divinæ justitiæ exemplum. 7.  
 8. cur tam citò in malum muta-  
 tus? 56. 5. Lutheri & Zyvinglij, &  
 Philumenæ qualis fuerit? 56. 4.  
 quis sit terrenus? 30. 4.  
 Anguilla è putredine. 66. 1.  
 Anguinum ovum magicum quale?  
 57. 1.  
 Angusta porta: 17. 2.  
 Animæ turba, ob peccatum. 19. 4.  
 immortalitatem non credens pu-  
 nitur. 92. 2.  
 Annulus ovo transitur. 17. 1. obe-  
 dientiæ symbolum. ib. 2.  
 S. Anselmus quàm horruerit pecca-  
 tum? 61. 5.  
 Anserum conatus & stultitia in ovis  
 pariendis. 70. 1.  
 Antipelargia quid? 68. 1.  
 Antonini in ovo omèn. 67. 3.  
 S. Antonius præsentia Dei recreatus.  
 3. 9. quantum hæreticos oderit?  
 34. 6. M. Antonius in tenebris vi-  
 dit: 4. 7.  
 Aperiendi ova multiplex modus.  
 40. 1. in eo quoties erreretur. 41. 1.  
 Apes virgines pariunt. 30. 1. à mero-  
 pibus capiuntur. 37. 1.  
 Apij folia contra blattas utilia. 37. 1.  
 Apollinaris hæretici libros quomo-  
 do tractârît Ephræm? 64. 8.  
 Apostoli cur sal dicti? 27. 5. quo mo-  
 do vitârînt hæreticos? 34. 6.  
 Aqua iam olim benedici solita. 52. 2.  
 Iustralis sanat mirè voracem femi-  
 nam. 87. 3. regno toto emitur in  
 haustum, à Lyfimacho, 87. 3. rerû  
 & Itys principium. 1. 6. punit pec-  
 cantes. 7. 8. probat ova. 79. 1. signi-  
 ficat impietatem. 77. 1. non made-  
 fecit chartam. ib. 1.  
 Aquilæ & scarabæi fabula. 69. 1. odiû  
 in serpentes. 28. 2. penna colum-  
 binis noxia. 83. 4. eius nidus, la-  
 pis, justitiæ symbolum. 28. 1.

Aqui-



# ET VERBORUM.

**Aquileæ** capiendæ indicium facit  
eiconia. 34. 2.  
**Aranea**, quid hominem docuerit? 41.  
8. eius tela miraculo deiecta hæ-  
resin damnat 14. 5.  
**Arator stultus** cum velo. 70. 4.  
**Arbores** hyeme florentes. 24. 1. alio  
succo, & loco pereunt. 65. 4.  
**Archilochi** lasciuia scripta damnata.  
34. 6.  
**Arcus** peccatorum. 59. 4.  
**Argi oculi**, Dei videntis symbolum.  
2. 10.  
**Ariolandi** ars vetita. 59. 5.  
**Artes à bestiis** acceptæ. 41. 8. malæ  
bonis rebus palliatæ. 63. 2. filo in-  
combusto coquendi ova prunis.  
96. 3. coquendi ova sine igne. 26. 1  
**Arsenij** silentium. 37. 6.  
**Arundineus** baculus spes vana. 67. 4.  
**Aspectu** feminæ incensus Guido,  
foetore mortui sanatus. 93. 6.  
**Aspis** in sola Africa nascitur. 64. 8. an  
regulum pariat? 85. 1. ova parit  
non fouenda. 63. 2. ea ova quid  
significant? 64. 5.  
**Assumptionis** B. V. pervigilio sana-  
tur adolescens. 73. 3. festo occidi-  
tur basiliscus à S. Leone 85. 4.  
**Astrologiæ** vanitas in prædictioni-  
bus. 60. 2. fructus in Muleasse. ib. 3  
**Astutia** quid, & quotuplex? 71. 4.  
quædam etiam bona. ib. exempla  
ib. 5. & seqq.  
**Athenagoras** Orphei refutator. 1. 6.  
**Attritio** de peccatis, quando valeat?  
49. 5.  
**Auari** nec se, nec jumenra satiant.  
82. 3. & seq. montes aureos ha-  
bent inaccesses. 83. 3. porco si-  
miles. 83. 7. petaces, cupidi insa-  
tiabiles. 73. 1.

**Auaritiæ** definitio. 82. 3. damna. ib. 7.  
filia septem. ib. 6. foeditas. 83. 5.  
**Auditum** perdit in parentes impius.  
73. 3. recipit per B. V. ib.  
**Auguriorum** vanitas 60. 2. usus & re-  
prehensio in grauida ovum ex-  
cludente 62. 1.  
**Auiditas** anserum quàm perniciofa?  
70. 1.  
**Avis**, an ovum prius? 2. 1. quale si-  
dus? 15. 6. pro gallina ib. pro  
Christo. ib. n. 2. & 12. 3. non parit  
filios, sed spem filiorum. 21. 5. sua  
ova, quæ fouere nolit? 65. 1. Ma-  
gistra hominis. 41. 2. seq.  
**Aurum** in igne lucidius. 32. 3. urit  
iniquè adipiscentem. 83. 6.  
**Aureum** ovum gallinæ. 82. 1. diabo-  
li. ib. 2.  
**Asylum** hominum & bestiarum S.  
Beanus. 83. 1.  
**Azyma** torta, quomodo olim distri-  
buita? 52. 2.

**B**abylonij fundâ coquunt ova.  
26. 1.

**Bacchanalibus** celebrandis ova ser-  
uiunt. 59. 1. seqq.  
**Balæna** an ex ovo nascatur? 66. 1.  
**Balsami** prodigiosus fructus. 14. 1.  
**Balthasari** mago quodnam de Chri-  
sto ostentum oblatum? 14. 1.  
**Banco** magnus homo, parvus mun-  
dus in magnum versus, cui? 1. 5.  
**Baptismi** symbolum natus & renatus  
ex ovo pullus. 44. 2. effectus. ib. 3.  
seq. delet omnia peccata. ib. desi-  
derium. 43. 4. vis. ib. 2. seq. eius ri-  
tibus fugatur daemon, & Spiritus  
sanctus infunditur. 10. 7. nequit  
iterari. 45. 5.  
**Baptizatis** cur mel, & lac, & Eucha-  
ristia

# INDEX RERUM.

- ristia olim data? 44.3.  
 Basilisci vis 85.2. origo an sit ovum  
 galli! ib.3. hostis mustela. ib.2.  
 occisi à S Leone historia.85.4. si-  
 militudo cum vana gloria. 78. 6.  
 similitudo cum inuidia.85.5.  
 Basilissa coniux & virgo.30. 6.  
 Bassianus ovum frangens, fratrem  
 occisurus prædicitur. 67.3.  
 S. Beanus fuit asylum auium,& ovo-  
 rum. 83.1.  
 Beati Paradisæ avi similes. 99. 3.  
 item bombyci. 98. 4. tanquam in  
 terris politi, in cœlis nihil patien-  
 tur.41.1.  
 Bella sunt diuinæ iustitiæ effectus.  
 7. 8.  
 Benedictiones variarum rerum, qui-  
 bus festis soleant fieri? 52.1.an li-  
 citæ ib. quàm antiquæ? ib. 2. im-  
 pediunt nocumenta. ib. 4.  
 Benedictus Papa,quem,& cur ad or-  
 dinis sacramentum non admise-  
 rit? 53. 6.  
 Beneficium indicat gallina gracil-  
 lans.33.2. quale debeat esse?38.6  
 Berchtolsgadiense ovum quale! 91.2  
 Berta soror Caroli Magni, coniux &  
 virgo. 30.6.  
 Bestiæ quàm multis in rebus homi-  
 nem excellant? 79. 7.  
 Bis nasci, quæ ex ovis nascuntur.44.1  
 Bicordes vespertilioni pares. 56.7.  
 Blasphemi punitio. 46.11.& 96. 4.  
 Blatæ nocent ovis, & arte arcentur.  
 37. 1.  
 Bobadillæ de fracto vitro dictû. 74.5  
 Boleslaus rex in conjugio virgo.30.6  
 Bombyx suo se vellere, velut ouo in-  
 uoluens beatæ quietis symbolum.  
 98. 4.  
 Bona bonis creata, 6, 4. communia  
 priuatis anteponenda. 74.2.  
 Brasidæ dictum de paruis hostibus.  
 69. 2.  
 Bufo garruli symbolum.37. 5. punit  
 filium cibos patri negantem.73.4  
 Cacus Christianus Dei præsentia  
 conuersus. 3.10.  
 Cadauer quando,& cur natet? 79.1.  
 Caducei origo, & forma. 57.1.  
 Cæcus qui potuit colores discerne-  
 re.45.6.mente qui fiat? 84. 5.  
 Cælestis regni summa excellentia.99.5  
 Cæsar auspicia contemnens felix.  
 60. 2. augurio deceptus. 62. 1.  
 Cairi fornaces ovis excludendis,quo  
 modo struantur? 32. 1.  
 Calculi remedium ab ovo.49.1.  
 Calendariorum, circa prædictiones,  
 mendacia. 62.4.  
 Caligula, natrix & Phaëthon di-  
 ctus. 68. 4.1  
 Calor ovis quantum profit! 24. 1.  
 temperatur ab aquila lapide.28.1  
 Caluaria hominis in cœlum mutata.  
 cui? 1. 3.  
 Caluus ovum appellatus. 81.5.  
 Caminus tribulationis, quàm uti-  
 lis? 32. 3.  
 Cammarus piscis ovo capitur. 9.1.  
 Canes magistri sæpe morum. 41.9.  
 Capilli in gramina versi,cui? 1. 3.  
 S. Caprasius corona cœlesti excita-  
 tus.100.5.  
 Capti Ludouici Bavari mira con-  
 stantia. 74.3.  
 Cardinalis virtus quæ? 31. 5.  
 Caro in terram mutata,cui? 1.3.ab-  
 luitur in baptismo,ut anima san-  
 ctificetur. 44.3. diu non fuit inter  
 cibos humanos. 29.2.  
 S. Casimirus maluit vitam, quàm  
 virgi-

## ET VERBORUM.

- virginitatem perdere. 30. 5.
- S. Cassianus à discipulis graphijs confossus. 72. 3.
- Cassita fabula. 46. 1.
- Cassitatis, foecunditas. 30. 2. utilitas ib. tres species ib. 3.
- Castorum origo. 18. 2. ova in circo quid? 100. 1.
- Cataclysmus diuinæ iustitiæ exemplum. 7. 8.
- S. Catharina Senens. impios foetore nescit. 61. 3. eleemosynam dat miraculose conseruatis ovis. 38. 1. præsentia Dei excitatur. 3. 9. crucem argenteam, quam pauperi dedit, videt à Christo gestari, & in diem iudicii seruari. 25. 7. Viuit, solâ Eucharistia. 46. 4.
- S. Catharina Martyr nondum baptizata Christum auersum videt 43. 4. postea Christo desponsatur. ib.
- Catharsij ovum. 49. 1.
- Catechesin pueros quanti docuerint? 40. 7.
- Catonis responsum superstitioso datum. 62. 3.
- Cautos quæ faciant? 75. 4.
- Centrum creaturarum Deus. 5. 3. seqq.
- Cerasi nucleus in qualum factus. 16. 10.
- Cereuisiâ benediçtâ conuertuntur milites. 52. 5.
- Certamen ovorum proijciendorû. 10. 1. colligendorû 93. 1.
- Character effectus sacramenti. 45. 5. facit ut sacramentum iterari nequeat. ib.
- Charitas Dei & proximi, quid? 24. 4. est donum internum. ib. quo modo nos filios Dei faciat? 22. 4. quo modo producat charitatem? 26. 3. eius excitandæ modi. 26. 2. augetur etiam sacramento Confirmationis. 45. 4. panem significat. 21. 4. Paulini & Sanctoli pro alijs se se offerentium. 18. 7.
- Charta quo modo sub aqua non madefiat? 77. 1.
- Cherinthum hæreticum fugit S. Ioannes. 34. 6.
- Chilonis de beneficijs doctrina. 38. 7.
- Christophori Columbi ars ova erigendi. 11. 1.
- Christus ovum. 12. 1. & 48. 3. auis 12. 4. omnia pro nobis factus 15. 1. gallina. 22. 1. matri similis ib. Pelicanus solitudinis 16. 7. Alcyon. 19. 3. quiscula. 36. 4. duplicem habet naturam. 14. 2. fide divina credendus. 20. 4. quantum pro nobis laborarit? 15. 3. cur coram Herode tacuerit? 37. 5. resurgens à nullo impio est visus. 98. 6. etiam nunc interpellat pro nobis quomodo? 17. 5. obedientia sua quid sibi, quid nobis meruerit? 17. 3. quo modo incipiat esse in Eucharistia? 53. 2. habitu pauperis conuertit eum à quo suscipitur abigeum, habens oculos etiam in occipite. 3. 10. extremâ unctionem S. Ludvvinæ confert. 51. 7. exaltatus quoties? 20. 8.
- Christiani primi frequentes in Eucharistia sumenda. 46. 5.
- Chroni facies & figura. 1. 6.
- Cibi utendi modus. 76. 2. vilioris

# INDEX RERUM,

- utilitas.29. 1. delicatioris catalogus.29.8. species est ovum.48.  
2. iusta prohibitio & abstinētia.  
29.5. consecratio & benedictio sancta, & antiqua, & licita. 52.1.  
**Cicada** sine lingua canit. 37.4. laudatur, vituperatur. ib. garrulos significat. ib. ab hirundine capitur. ib.  
**Ciconia** magistra vitæ. 41.9. in parentes grata. 68.1. in ova sua vigilans. 23. 1. excommunicati domum vitat. 34.8. nidum migrat præfaga urbis capiendæ. ib.2.  
**Cimicibus** similes hæretici. 64.8.  
**Cinis** ovorum utilis. 18.8. utilis & ovis. 50.1. & hominibus, quia poenitentia signum & instrumentum. ib.2. (20.2.)  
**Cinzones**, quàm mirabiles aues!  
**Circi Romani** rit<sup>9</sup> & ornat<sup>9</sup>. 100.1.  
**Circino** quo modo ovalis figura describatur? 8.6.  
**Circulus** in ovalem figuram quomodo transeat? 89.7.  
**Circumspectio** pars prudentia, quid? 27.3.  
**Cisti** à devorato serpentis ovo periculum & medicina. 64.6.  
**Cito** aucta, parum durare. 66.1.  
**Civilis** societas à quibus bestiis ametur? 41.9.  
**Clamor** gallinae parturientis. 33.1. Christi expirantis. ib.3. Dei ad homines. 15.4.  
**Claudij Imp.** mors sæpe falsò antedicta. 62.4.  
**Clavus** ferreus superstitiosè contra tonitru. 88.1. (2.)  
**Clytemnestra** & Castoris ort<sup>9</sup>. 18.  
**Cneph** Deus Aegyptiorum quo modo pictus? 1.7.  
**Cocincina** regio quàm præstantes nidos habeat? 47.1.  
**Cocta** ova faciliùs rotantur. 94.1. quomodo dignoscantur? ib.  
**Cocus** ova odore distinguens. 61.1. 1. Acheronticus. 96.4. & allus Stygius. ib.5.  
**Coccyx** quàm naturam habeat?  
**Cœlo** simile ovum. 98.4. (84.1.)  
**Cœnaculum** ovum. 89.3.  
**Cogitatio** libidinosa fœtore prodita. 61.3.  
**S. Coleta** quàm diu ægrotarit? 33.4. cultrix Eucharistia. 47.6.  
**Colloquia** hæreticorum vitanda. 64.3  
**Color** ovi. 56.4. ex ovo. 81.1. à cæco iudicatur. 45.6.  
**Columba** fabulosa nati Christi nuncia. 14.1. (2.)  
**Comessator** repentè mortuus. 92.  
**Communicatio** idiomatù Christi. 14.3. Eucharistica quoties iteranda? 46.5. saltè spiritualis. ib.  
**Comparare** virtutem cum virtute utile. 79.7.  
**Commutativa** iustitia quid? 28.5.  
**Condimentum** præstantissimum ciborum è nido. 47.1.  
**Confessio** quid? 49.5. quando sacramentum? ib. unicum remediū ad pacem animo reducendam. 19.10. omissa sit damnationis causa. 49.8.  
**Cōfirmationis** sacramentum ad quid utile? 45.2. eius symbolum. ib.1. vis & effectus quatuor. ib.5. cur nequeat iterari? ib. impedit magiam. ib.6. item idololatriā. ib.6  
**Coniectoris** de ovo somniato responsum. 73.1.  
**Coniugū** officiū. 54.2. suspensiones. 58.8. miseria. 90.1. dona prohibita. 71.5. virginitas. 30.6.  
**Conscientia** bonæ testimonium. 45.5. malæ stimulus & temperata ingens. 19.5. Con-



# ET VERBORUM.

- Consecratio esculentorum quam antiqua, & laudabilis? 52.2.
- Consiliū de quo? 27.4. necessariū. 70.3. malū, ovum aspidis. 64.1. cōsultori pessimū quando? 70.7.
- Constantia necessaria. 70.5. ab avis exemplo hausta. 41.7.
- Contra aquam natat ovum anguinum. 57.1.
- Contritio quid? 49.5. eius motiva. ib.8. exemplis illustrata. 50.5.
- Conversio magistrī, ob discipuli apparitionē. 72.5. mirifica peccatoris confiteri nolentis. 19.5. quo modo incipiat? 20.4. quo modo progrediatur? ib.5.
- Conviviū ē meris ovis. 96. à Christo quam non ē preciosis ferculis præparatū. 29.7. aliud tamen in Eucharistia, quod superat omne precium. 47.2.
- Convoluti serpentes contra lites superstitiosē. 57.1.
- Cor hominis res est maximā, & minima 14.7.
- Corax malus magister. 72.3.
- Cornelia Græchorum mater in filijs gloriata. 42.2. (54.1.
- Cornicem incubantē mas pascit.
- Corona S. Fidei imposita incendit S. Caprasium. 100.5.
- Corpus Christi à morbis & putredine immune. 13.4. nostro corpori in Eucharistia suas dotes communicat. 47.4.
- Corruptio naturæ qualis? 8.10.
- Cortex ovi quo modo mollescat? 17.1. & 89.1. quo modo iterum durecat? ib.
- Corui hyeme parientes. 24.1. Paulum eremitam pascentes. 29.7. mala ova gignunt. 72.3. eorum ova nigros faciunt pilos. 81.1.
- Coquendi ova modi varij. 96.1. sine igne. 76.1. super candela. 80.1. etiam homines damnandos vel damnatos. 96.4.
- Crassus augurio deceptus. 62.1.
- Creatio Mūdi in ovo intellecta. 1.2
- Creatura minima, ut maxima, Deū laudat. 2.6. prædicat. 1.8. ordinatur intrinsecè ad Deum. 5.4. homines erudit. 4.4. in muscipulam facta. 9.4.
- Credendas res tam altas cur Deus proponat? 20.3. (49.1
- Crimina ovo purgata superstitiosē
- Crinium ornatus punitur. 54.4.
- Crocodilus providē ova locat. 4.1.
- Cruda ova difficulter rotatur. 94.1
- Crux Christi baculus, quo nitendū. 20.7. apprehendenda & ferenda. 33.3. benedictionibus rectē adhibetur. 52.1. in elemosynam data quantam promissionem habuerit? 25.7.
- Cuculus canens à superstitiosis nō impunē observatur. 62.5. alieno nido ova imponens adultērum repræsentat. 84.2.
- Culices vespertilionum cibi. 56.3.
- Cupiditas cupidis ipsis nocet. 82.1. seqq.
- Curiositas magiæ causa. 57.1.
- Cursus humanæ vitæ. 93.2. & 10.4. seqq.
- Cygnus cur in cœlo? 15.6. est gallina. ib. ob intemperantiam Indis in odio. 76.1. perdit propria ova. ib.
- Cylindri figura facit ut circino describatur ovalis figura. 8.6.
- Cynosura quæ sit ovis? 5.1. quæ homini? ib.8.
- S. Cyprianus quantam vim Baptismi sit expertus? 43.3.

# INDEX RERUM,

- D**ama morum magistra. 41.6.  
 Damnatus avo. apparens. 61.  
 6. deformi facie de filia con-  
 querens. 42.6.  
 Danieli quale conuiuium Deus  
 appararit? 29.2.  
 Dauid Scotorum rex nascens pro-  
 digio insignis. 24. 1. insignis  
 item cultu SS. Eucharistiæ. 47.6  
 Decipere alium volens, se decipit.  
 71.1.  
 Decumanum ovum quid? 89.2.  
 Defossa ova struthionis maturan-  
 tur. 35.1.  
 Degeneres pulli gallinarum ana-  
 tes. 15.3.  
 Delphina uxor & Virgo. 30.6.  
 Delphinus non nascitur ex ovo.  
 66.1.  
 Deludere ovo hiantem. 60.1.  
 Democritus omnia fortuito esse  
 docuit. 4.7.  
 Denariolo inscriptum symbolum  
 Apostolorum. 16.10.  
 Dentifricium ex ovo. 81.1.  
 Deus principium & finis omniū.  
 5.3. ovo comparatur 1.9. ex o-  
 vo cognosci potest. ib. 8. Et 2.  
 4. omnia videt 3.2. omnia ope-  
 ra nostra obseruat. 100.3. æter-  
 nus & incommutabilis 13.2.  
 cui proinde nihil præferendum.  
 ib. 5. cur nos redemerit homo  
 factus? 11.3. à Diagora nega-  
 tus 4.7. Aus Dei quæ, & ubi?  
 90.1.  
 Deos vanos esse. 15.4. vocarunt o-  
 lim rerum magnarum patrato-  
 res. 57.3. quid nos dijs similes  
 faciat? 38.3.  
 Dextera manus, quàm fortis, ob-  
 castitatem? 30.4.  
 Diabolus est vespertilio. 56.2. He-  
 bræis avis vocatur. ib. 7. cur tam  
 citò seduxerit suos Angelos? ib.  
 6. perdix. 15.5. est agryta. 60.2.  
 & 63.2. ovo decipere vult au-  
 reo. 82.2. se in Angelum lucis  
 transfigurat. ib. docet idolola-  
 triam, & artes ariolandi, incan-  
 tandi. 59.5. inuadit indignè su-  
 scipientem ordines. 53.6. &  
 ignoscere nolentem. 89.6. & su-  
 perbos. 77.5. seq. & bibacem re-  
 ligiosum 52.5. & monialem  
 lactuca vescentem cruce nō fa-  
 cta. ib. occidit potantes. 87.6.  
 queritur se malitiam ab homi-  
 nibus discere. 80.1. fugatur ba-  
 ptismo. 10.7.  
 Diagoras negauit esse Deum. 4.7.  
 Dies Alcyonius quis? 19.2. iudicii  
 extremi quàm metuendus? 94.  
 4. eius memoria quàm saluta-  
 ris? ib.5.  
 Dignoscendi ova varij modi. 94.  
 1. & 95.1. seq.  
 Dilatio pœnæ metuenda. 4.6.  
 Dilectio Dei & proximi, quàm  
 cohæreant? 23.3.  
 Diluvium divinæ iustitiæ exem-  
 plum. 7.8.  
 Disciplina necessaria. 39.2. sternit  
 viam virtuti. ib.3..  
 Discipuli ovis pares. 39.2.  
 Discordes ciconia vitat, & sanat.  
 34.8.  
 Discretionis utilitas & necessitas.  
 27.2. & 70.2. seqq.  
 Distributiua iustitia quid? 28.5.  
 Diversitas morum 40.7.  
 Divinatio de futuro marito, per  
 ova. 62.6.  
 Divini dicti incantatores. 57.4.  
 dece.

## ET VERBORUM.

decepti promissa diuinitate. *ib.* 2.  
 Danai filia quàm immites ? 90. 7.  
 Docilitas pars prudentiæ quid sit ?  
 27. 3.  
 Docti cicadis similes. 37. 3.  
 Doctor Parisiensis detectus 95. 3.  
 nouus suspectus 66. 4.  
 Dolio magno ovum par. 89. 4.  
 Dolores oculorum ovis mitigantur. 51. 1.  
 Dolus quid ? 71. 5. à fraude quo  
 modo differat ? *ib.*  
 Domus ex ovo. 89. 3.  
 Donatio quando in fraudem legis ? 71. 5.  
 Dositheus præsentia Dei animatus. 3. 9.  
 Draco monstrosus. 1. 6. infestat aquilam. 28. 2. punit, clam violentem ieiunium. 80. 2.  
 Druidarum mirabilis in ovo anguino magia. 57. 1.  
 Dubiosa lis Euathli. 72. 1.  
 Duobus dominis non seruiendum. 63. 5.  
 Durissimum quo modo ovum ? 31. 1. & 67. 1. & 89. 1.  
 Duplici corde quàm monstri ! 95. 3.

**E** Brius quanta mala perpetravit ? 87. 7.  
 Ecclesiæ esse, de sensu S. scripturæ iudicare. 64. 7.  
 S. Edita regina in coniugio Virgo. 30. 6.  
 S. Edmundus quantum à peccato abhorruerit ? 61. 5.  
 S. Eduardus III. rex in coniugio Virgo. 30. 6.  
 Eleemosynæ parentes, effectus, privilegia 25. 1. seq. per frau-

dem petita pœnæ. 81. 6.  
 Elementa alijs aliter in ovo considerata. 1. 1. in pœnam homini facta. 9. 3.  
 Eliam quàm non delicatè Deus pauperit ? 29. 2.  
 Eleuare omnia diuina impij solent. 77. 1.  
 S. Elzearius coniux & Virgo. 30. 6.  
*ἐφ' ὅ* ova quæ ! 96. 1.  
 S. Ephræm diuinæ providentiæ exemplum. 4. 6. impudicam conuertit diuinæ præsentia admonitione. 3. 8. sacerdotium fugit. 53. 7. librum hæreticum conglutinat. 64. 8.  
 Epicurus omnia fortuitò fieri voluit. 4. 7.  
 Epiphora quo modo curentur ? 51. 1.  
 Epiphanius eleemosynam dat decipienti, sed punito vitam negat. 81. 6.  
 Epomis horrenda damnati Magistri. 72. 5.  
 Equus à stulto fame occisus deploratur. 82. 4.  
 Erectio ovi, ut stet. 11. 1. seq. mundi. *ib.* 3.  
 Eremitæ vana spes. 67. 3.  
 Errores quot in ovo aperiendo committantur ? 40. 1.  
 Esau quæ primogenita vendiderit ? 83. 7. est typus reprobatorum. *ib.* 8.  
 Euangelium S. Ioannis denariolo inscriptum. 16. 10. agrotis impositum 63. 5.  
 Eubulia quid. 27. 4.  
 Euathli historia. 72. 1.  
 Eucharistiæ consecratio Christum facit præsentem. 53. 2. symbolum est ovum 48. 3. una species

# INDEX RERUM,

- Sufficit. ib. 4. vis in vita hominis etiā corporali sustētanda. 46. 4. operatio, per quid fiat? 47. 6. cur tantus amor, honor, apud sanctos? ib. & apud quos præcipuē? ib. apud quos sæpissime? 46. 3. sapor nido cōparatus. 47. 2. miracula unā speciē sufficere testātia. 48. 3. effectus, quod non cōvertatur in nostrā substantiā, sed nos in se convertat, & cōmunicet agilitatē, subtilitatē, immortalitatē. 47. 4. usus olim in baptismo & baptizatis. 44. 3. illusio punita ovo suffocātē blasphem. 46. 9.
- Euchytæ hæretici laborem fugientes. 41. 6.
- S. Euphrasie Virginis laudes quis scripserit? 30. 5.
- S. Euthymius odore cognoscit alterius turpē cogitationē. 61. 3.
- Exaltatus Christus quo modo? quoties? quo fructu? 20. 8.
- Examen conscientie contra metū diuini iudicii. 95. 5. quorum. 94. 1. & 95. 2.
- Excœcata aues citius pinguescūt. 70. 7. (conia. 34. 8.)
- Excommunicatum detestantur ci-
- Exemplum iustitiæ diuinæ. 7. 6. humanæ item. 6. 9.
- Exinanitio filij Dei quid? 17. 6.
- Extensio manuum in benedictione. 63. 2. (do. 52. 1.)
- Extrema unctio symbolo representata. 51. 2. prodest ad calumniaturis. 45. 7.
- F**yrland quæ terra? 48. 1.
- Fabâ fresâ seruari ova. 50. 1.
- Fabula Cæstorum. 18. 2. senis & Æthiopis. 81. 2. venam secantis & mulieris. 90. 1. de tribus Magis. 14. 1. nautæ aratryi. 70. 4.
- Facies à sole non nigrescit ovi ope. 79. 2. (95. 3.)
- Falicitas mundi quàm periculosa?
- Femina modesta cicada est. 37. 4. Novatianos & Tertullianum seducit. 77. 3.
- Fames diu qua arte toleretur? 48. 2.
- Favorinus cur liberos velit lactari à suis matribus? 65. 1.
- Fatui ignes cuius rei symbolum? 91. 4. Virgines fatuæ. ib. 6.
- Februa ova. 50. 6.
- Fermentum est hypocrisis. 64. 3. item ira. 89. 7.
- Festucam gallinæ paritura cur mordeant? 33. 1. seq.
- Fides in pisce cur significetur? 21. 4. utilis & necessaria est ad salutem. 14. 4. cur à nobis exigatur? 20. 3. elevat nos ad supernaturalia. ib. 4. est etiam à nonnullis non Iudeis, ante Christi aduentum, habitā. 12. 8. eius intentio est effectus sacramenti. 45. 5. credibilitas unde? 20. 5. remanet in peccatore. 49. 2.
- Figura ovalis quàm difficilis factus? 55. 1. quo modo faciendā? 8. 6. 89. 7. quæ fuerit SS. Eucharistia? 48. 6.
- Filij proprio lacte educandi. 65. 1. gloria parentū. 42. 2. plerumque parentibus similes. 66. 2. & 40. 3. non raro etiam dissimiles. ib. nō cuius in disciplinā dandi. 34. 4. cur à lege iubeantur amari? 76. 6. interficiuntur à propriis parentibus. ib. male educati quo modo gratias agant? 42. 5. damnationem parentū augent, quoties peccant. 42. 6. horribiliter puniuntur. 61. 6. in parentes ingrati horri-



horrificè puniuntur. 73. 3. seq.  
 Filius Dei naturalis, & adoptivus,  
 in quo pares, vel impares? 22. 4.  
 Fimbris Ægypti ova excluduntur.  
 43. 1.  
 Finis rerū quis proprius, quis cō-  
 muns? 5. 4. quis nobilissimus?  
 ib. 8. ad eum tendere cur debeat  
 homo? ib. 5. nec debet esse nul-  
 lus, nec malus. ib. 10. semper  
 aspiciendus. 100. 4.  
 Firmus in ovo cognoscit Univer-  
 sum. 1. 4. putat ave prius. 2. 1.  
 Flexio fractionis initium. 31. 2.  
 Floritij cyathus ex ovo. 91. 1.  
 Foetor peccati. 61. 2. seq. peccato-  
 ris. ib. 3. seq. hæreticorum. 64. 8.  
 Fons est pœnitentia, 49. 3. & Deus,  
 sed occultus quā invisibilis, pu-  
 teus quā incarnatus. ib.  
 Forma ovi quā eximia? 55. 1. seq.  
 Formica morū magistra. 41. 4. uti-  
 lia aſibus & urſis ova parit. 45.  
 1. cani magnitudine par. 89. 4.  
 Fornicationis damna. 84. 4.  
 Fortitudo iungenda alijs virtutib.  
 31. 4. seq. cardinalis virtus. ib. 5.  
 eius descriptiones. ib. 6. quā  
 præstans, & necessaria? 74. 2.  
 quo modo à temeritate diffe-  
 rat? 75. 2. eius officia. ib. 3.  
 Fortuito omnia fieri quis docue-  
 rit? 4. 7.  
 Fractio ovi genus illusionis. 60. 1.  
 omen malum. 67. 3.  
 Fragilitas humana. 31. 4. & 74. 1.  
 indiget fortitudine. ib. 2. vitro  
 significatur & ovo. 49. 2.  
 S. Franciscus Seraphicus ex humi-  
 militate diaconus mansit. 53. 7.  
 eius visio. ib. Xaverius magnus  
 cultor Eucharistiæ. 47. 6. ardet  
 amore Dei, 24. 3. quid iudicet

de superbia? 79. 5.  
 Fraus quid? & quo modo differat  
 à dolo? 71. 5. quomodo contra  
 legem, vel legi fiat? ib. mundi &  
 diaboli. 59. 4.  
 Frumentum electorū Eucharistia?  
 46. 2. in eo nidus faciendus. ib. 3.  
 Fucati quā turpes? 81. 4.  
 Fuga remedium libidinis. 34. 7.  
 Fulmini obſtare putatur corium  
 vituli marini. 74. 3. (26. 1.  
 Fundā ova quo modo coquantur?  
 Fur correctus præſentię Dei virtu-  
 te. 3. 10.  
 Furfuribus obruenda ova, ut ma-  
 neant. 50. 1.  
 Furor quid? 88. 5. (99. 7.  
 Futura præſentibus anteferenda.  
 GAbrielis Archangeli ſpecie ap-  
 parens diabolus fugatur hu-  
 militate. 77. 4.  
 Gallina anſerū & pavonū ova ſo-  
 vet. 39. 1. itē anatum degenerū.  
 15. 3. cur ſingultiat paritura? &  
 an doleat? 33. 1. ſerpentis ova  
 in ſuam perniciem fovens. 68. 4.  
 autipara. 82. 1. quo modo ſteri-  
 leſcat, vel ſacunda fiat? 29. 1.  
 pane magico fit ſacunda. 58. 2.  
 caput cælo ſapiffime erigit. 15.  
 3. quæ quodnam ovū pepererit,  
 ſcitur. 95. 1. trigefima uno die à  
 muliere devorata. 87. 3. eſt ſignū  
 in cælo, quod cygnus dicitur.  
 15. 6. eſt Chriſtus. 15. 2. & 22. 1.  
 Gallus ſenex. an ovū pariat? qua-  
 le? & quomodo? 85. 3. non po-  
 tuit abigi ab incubatione. ib.  
 Garruli ſymbola. 37. à n. 2.  
 Gaſpar è trib. magis Chriſtū ado-  
 rantibus quale ſignū de Chriſto  
 nato ſingatur habuiſſe? 14. 1.

# INDEX RERUM,

Gaudium mortis causa quib. fuerit ! 92.3. beatorum quam plenum ? 98. 4.  
 Gemina ova an, & quomodo excludantur ? 18.1.  
 Genesius baptismi virtute conversus. 44. 5.  
 Gerasimi leo quam gratus ? 68. 5.  
 Germani veteres, cur nullum Deo templum edificarint ? 14. 7.  
 Giezi fraus. 71. 6.  
 Gigas mirabilis. 1. 5.  
 Gladio proprio Marius interfectus. 68. 2.  
 Globosam esse terram. 8.1.  
 Gloria divina alteri non danda. 78. 4. celestis facit nos contemnere presentia. 100.5. vana damnosa, inanis. 78. 3. est luxuria spiritualis. ib.4. & basiliscus ib.  
 Gluten ex ovo. 49. 1.  
 Gnome quid sit : 27. 4.  
 Godefridi Bullonij castitas, & premium eius. 30.3.  
 Græcæ linguæ donum manuum impositione accipit S. Ephræm. 53.7.  
 Grandines ovorum. 5.1. & 59. 2.  
 Gratia divinæ, precum & effectus. 10.7. necessitas & peccata vitanda. ib.6. & 20. 2. & 31. 4. habitualis quomodo acquiratur, augeatur, & quid secum ferat. ib. ostensa in rore historia. 43. 5. post mensam Deo, non diabolo, referenda. 96.4.  
 Gratitude ciconiæ in parentes. 68. 1.  
 S. Gregorius Nazianz. per totam quadragesimam silet. 37. 6.  
 Gregorius Patriarcha Const. con-

versus araneorum ruina. 14. 5.  
 Grues quid docuerint ? 41.9.  
 Gryphes avarum ab auro arantes. 83. 3.  
 Gubernatio mundi à Deo. 43.  
 Gulæ exempla. 87. 2. seq. irritamenta 29. 8.  
 Gutta in ovo eminens cur ? 5.1. in ovo intus sanguinea. 16.6.

**H**æresis est ovum aspidis. 64. 1. seqq.  
 Hæretici cinices. 64. 8. pisces 66.2. tumore crescunt. ib.3. vitandi. 34.5. Et 64.7. seq. Et tamen diligendi. 23.6. non possunt vitare benedictiones, adeoque neque vituperare. 52. 3.  
 Halitus ovi aspidis quam noxius ? 64. 8.  
 Hannibal suis artibus petitus. 68.3  
 Helenæ & Pollucis fabula. 18. 2. dicitur ex ovo, quia è cœnaculo, prodijisse. 89.3.  
 Heli malus parens. 42.5.  
 Henricus I. Imp. in coniugio Virgo. 30.6.  
 Herculis ovum. 1.6.  
 S. Hieronymus catechista parvulorum. 40. 7.  
 Hippopotamus docuit sectionem venæ. 41. 8.  
 Hirundinis industria in ovis servandis. 37.1. & in cicadis capiendis. ib. importunitas. ib.2.  
 Homeri Ilias nuce inclusa. 16. 10.  
 Homo parvus mundus. 7.1. in magnum versus. 1.5. ex ovo. 18.2. similis ovo. 7.1. & quidem ubique impingenti. 10.2. aut sua se vi erigere non valenti. 11. 2. quamvis etiam, cum est celestis, ovo

- ovo sit similis. 98. 3. Nihil est,  
Nisi Deum timeat. 5. 8. à pecca-  
to curvatus est. 8. 2. & 10. dam-  
natus fuisset omnis, si redempti  
non essemus. 18. 4.
- Hor quam diu sine cibo vixerit ?  
46. 4.
- Horoscopi vanitas. 60. 2.
- Hortus ovali figura in præf. ad  
Lector.
- Hospitalitatis exemplum mirum.  
24. 5. & 26. 3.
- Humanitatem homines ab alijs  
exigunt, quam ipsi non præstant.  
89. 7.
- Humilitas quid ? 35. 3. seq. à stru-  
thione discitur. ib. 2. est custos  
virtutum. ib. 3. quoduplex ? 36. 4  
diabolum fugat. 77. 4. docetur à  
palumbe. 25. 1. connectitur cum  
charitate ceterisque virtutibus.  
26. 5. significatur ovo subsiden-  
te. 79. 1. quas habeat proprietate-  
tes ? 36. 3.
- Hyeme cur quædam aves peperere-  
rint ? 24. 1.
- Hyponemia ova quæ ? 78. 1.
- Hypocrisis summum vitium. 80. 3.  
ovum clam coquere docet. ib. 1.  
similis est meretrici. ib. 5. Do-  
ctoris Parisiensis. 95. 3.
- I**acob patriarcha prudens. 36. 1.  
Apostolus vino & carne absti-  
nens. 29. 7.
- Iacere ova, & non frangere. 75. 1.
- Iactantium vanitas. 35. 5.
- Ichneumon ova populans perit.  
85. 5.
- Idololatricæ ante Christi aduentū  
vigor. 15. 4. confusio, ob præ-  
sentiam Confirmati. 45. 6.
- Idiomatum in Christo communi-  
catio. 14. 3.
- Ieiunij violatio castigata. 80. 2.
- Iezabel ob fraudem punita. 71. 6.
- S. Ignatii mart. de Dei præsentia  
sensus. 3. 8. Loiolæ per creaturas  
ad Creatorem ascensio. 41. 7. li-  
beralitas in pauperem. 25. 4. vi-  
ctoria contra vanam gloriam.  
78. 6.
- Ignavi despecti & suspecti. 91. 6.
- Ignis non lædit ovo perfusa. 96. 3.  
ignem extinguit. 32. 5. castita-  
tem defendit S. Domitici. 97. 6.  
punit homines. 7. 8. quos non  
lædat, aut læserit ? 97. 5. diuini  
amoris quomodo concipiatur ?  
24. 2. seqq. fatuus varius. 91. 4.
- Ignorantia mundi Christo nondū  
nato. 15. 4. ea utitur diabolus.  
59. 4. seq. facit ut crudus pullus  
comedatur. 71. 1.
- Ignoscere nolentem rapit diabo-  
lus. 89. 6.
- Ins nuce inclusa. 16. 10.
- Imitatio pecuniæ contemptæ. 6. 9.
- Immensitas Dei contracta in o-  
vum. 14. 7.
- Immortalitas corpori communi-  
catur ab Eucharistia 47. 4.
- Immutabilitas Dei. 13. 2.
- Impiorum providentiam negan-  
tium vox. 4. 4.
- Impleri ovum vitreum aquâ quo  
modo possit ? 77. 1.
- Impositio manuum quid ? 45. 4.
- Impositura avaræ graviter punita.  
83. 6.
- Imprecationibus abstinendū. 52. 5
- Imprudencia in omni peccato. 70.  
6. eius defectus ib. 7.
- Incantatores diuini dicti. 57. 4. im-  
pedi-

# INDEX RERUM,

- pediuntur rebus benedictis. 52.4.  
 Incarnatio, in quo consistat? 12.5.  
 non attulit Verbo diuino mu-  
 rationem, 13.3.  
 Incendium extinctum ab amante  
 silentij. 37.6.  
 Inconstantia temeritatis comes.  
 75.2.  
 Incubatio ovorum alterna. 54.1.  
 Inepta media per fabulam expref-  
 sa. 70.4.  
 Infans Christum natum predicans.  
 14.1.  
 Inferni amula luxuria. 84.6. pœ-  
 nã. 18.5. & 96.4. seq.  
 Infinitus processus absurdus. 2.7.  
 Ingratitudinis symbolum serpens.  
 68.4. acerbitas. ib. 3. exempla in  
 magistros, benefactores, Deum.  
 73.2. seqq.  
 Iniuste accepta non profunt, sed  
 obfunt. 83.4.  
 Inobedientes ovo cui similes? 17.6.  
 Inquietudo avaritiæ filia qd? 82.6.  
 Infidiæ illiciunt Muleassem. 60.5.  
 Intellectus humanus maximum &  
 minimum. 14.7.  
 Intelligentia pars prudentiæ. 27.3.  
 Intemperantiæ typus, & effectus.  
 76.2. pœnã. ib. 3. exempl. ib. 5.  
 & 29.8. & 87.2. seqq.  
 Interpellare Christus quo modo  
 dicatur? 17.5.  
 Inuentor & restitutor pecuniæ. 6.  
 9. navigationis & rei novæ. 11.1.  
 Invidi symbolum basiliscus. 85.5.  
 causa. ib. pœna. ib.  
 Inutilia ova quæ? 78.1.  
 S. Ioannes Bapt. à morte liberat  
 sanctolum. 18.7. Apostolus vir-  
 go mansit. 30.5. hæreticos fu-  
 git. 34.6. Silentarius quàm diu  
 siluerit? 37.6. monachus, quàm  
 diu sine cibo fuerit? 46.4. Ger-  
 son catechistam egit. 40.7.  
 Iob in fimo. 43.2. cur velit ovum  
 sale condiri? 27.1.  
 Ioseph Patriarcha diu. providen-  
 tiæ exemplum. 4.6. mirè castus.  
 34.7.  
 Ira moderata prodest, nimia no-  
 cet. 88.3. eius definitio. ib. 2. est  
 cani similis. ib. 3. duplex & un-  
 de! ib. 4. seq. alios rubere, alios  
 pallere facit. ib. quid intersit in-  
 ter iram, & iracundiam, & furo-  
 rē. ib. 5. eius damna & effectus.  
 ib. 6. & exemplum mirum. ib. 7.  
 sex filia. 89.7. & exempla. ib. 6.  
 omnia exaggerat. ib.  
 Irrita ova. 78.1.  
 Itali quomodo aperiant ova? 40.1.  
 Itys ex aqua nasci fingitur. 1.6.  
 Iudæi quomodo aperiant ova? 40.  
 1. aspidi & viperæ similes. 64.1.  
 Iudas sua fraude periit. 71.6.  
 Iudicium mentis quid? 27.4. quo  
 modo sit in peccante falsum?  
 70.7. divinum lucernę par. 94.3.  
 certum, & severū. ib. sanctis for-  
 midabile. ib. 4. descriptio. ib. 5.  
 clemens tamen misericordibus.  
 Iudith viduę castitas. 30.3. (25.6.  
 Iulia in ovo augurata. 62.1. alia  
 item in fractione ovi. 67.3.  
 S. Iulianus in coniugio virgo. 30.6.  
 Iustificatio hominis, quibus gradi-  
 bus procedat? 21.1. seqq.  
 Iustitia Deo gloriosa. 6.7. hominī  
 utilis, etiam malo. ib. 9. vnde co-  
 gnoscatur? ib. 7. eius exemplum.  
 ib. 9. & 7.3. est magistratui ne-  
 cessaria. ib. 4. miscetur miseri-  
 cordiæ. 9.5. in Deo quàm rigida



# ET VERBORUM.

11. 4. socianda est fortitudini.  
 31. 4. qualis? 28. 3. eius pulchritudo. ib. & partes. ib. 5.  
 Iuventus hominis pulchra. 81. 2. instruenda. 42. 2.  
**S. K** Eivvini imago, patientia circa ova. 53. 1.  
 Kingis regina coniux & virgo. 30. 6. (6.  
**S.** Kunegundis coniux & virgo. 30.  
**L** Abor, Christi. 15. 3. non fugiendus. 41. 6. praesertim, pro coelo. 98. 6.  
 Lachrymae Petri, & Magdalena. 50. 3. ignea. ib.  
 Lactis origo, effectus. 65. 2. datum baptizatis. 44. 3.  
 Lactandi à suis matribus filij. 65. 1. quod faciunt & vespertilio-nes. 56. 3.  
 Lactinia quæ, & cur subinde prohibita? 29. 6.  
 Lampas ex ovo. 91. 2. significat diligentiam vel negligentiam. ib. 3. seqq. itémq; fragilitatem. ib. 3  
 Lana ovium fit durior, si fuxerint capras, & vice versa. 65. 4.  
 Lapis in nido cur utilis? 28. 1. seq. cur in ore? 37. 6. vermiculi sanguine, an secetur? 41. 2.  
 Laudes humana vitanda. 36. 3.  
 Lauretana Virgo desperato iuveni benefica. 73. 3.  
 Lectus ovo lustratus. 50. 6.  
 Leda fabula. 18. 2.  
 Legalis iustitia quæ sit? 28. 5.  
 Leo ex ovo. 14. 1. & ove. ib. 2. Christus. ib. quid doceat? 41. 9. gratus Gerasimo, & Androdo. 68. 5. draconinus. 1. 6. Papa, punitus, ob indignos admissos ad sacramentum ordinis. 53. 5.  
 Leporis & scarabæi fabula. 69. 1.  
 Leprosorum ingratitude. 73. 2.  
 Lex antiqua novæ cedit. 19. 4.  
**S.** Liberalis sola Eucharistia vixit. 46. 4.  
 Liberalitas Deo grata. 38. 3. eius definitio. ib. 5. laus exempla affectus & effectus. ib. 6. seq.  
 Liberi Patris sacrificiū in ovo. 1. 4.  
 Libertas arbitrij potest eligere quod vult. 9. 5. mansit in natura corrupta. 10. 4.  
 Liber divinitatis Mundus. 3. 1. continens scripta peccata baptizatur. 44. 5. hæreticus non legendus. 64. 7. sanctis execrabilis. ib. 8. prohibitus. 34. 6. comburendus. 57. 5.  
 Libya quo modo ova coquat? 26.  
 Ligaturæ probibita. 63. 3. (1.  
 Lilia virginittatis symbolum. 13. 6.  
 Limbus Solis circa mulierem. 55. 7.  
 Lineæ in centro concurrentes charitatem docent. 24. 2.  
 Lingua incendium domat. 37. 6.  
 Locus noster cur De' vocetur? 5. 6.  
 Lomento servantur ova. 50. 1.  
 Longa ova, an mares gignant? 62. 2.  
 Loquacium incommoda. 37. 3. seqq.  
 Lothi uxor. 21. 4. hospitalitas. 24. 5.  
 Lucardi responsum de ovo. 80. 1.  
 Lucerna ovum coquit. 80. 1. & probat. 94. 1.  
 Luctari cum larvis, quid? 59. 1.  
**S.** Ludovici liberalitas vera. 38. 5. Banari in vinculis constantia. 74. 3.  
 Ludus

# INDEX RERUM,

Ludus Genesium conuertit. 44.5.  
 alium damnat in confessione  
 non detectus. 61.6. ova spargit,  
 colligit, vel frangit. 75.1. & 93.1  
 Lunam qui pro gallina habuerint?  
 18.3.

Lunares quales feminae? 58.1.  
 Lustrationes ouis factae. 49.1. &  
 50.6.

Lux Deo amata 56.2. inest ovo ib.  
 4. & hominib? 91.3. fovenda. ib.

Luxuria quo modo fugienda? 34.  
 4. eius damna 84.4. seq. & filia.  
 ib. 5. spiritualis quid? 78.4. seq.

S. Lydvina quam diu aegrotat? 33.  
 4. quanta Eucharistiae cultrix?  
 47.6.

Lyfimachus aquae potu quantum  
 vendiderit? 87.3.

**M**acedonius sanat mirè vora-  
 cem feminam aqua bene-  
 dicta. 87.3.

Magistratus obligatur ad venefi-  
 cos puniendos. 58.7.

Magistri variorum qui? 54.3. ubi-  
 que occurrunt. 41.4. mali de-  
 clinandi. 65.1. in discipulos vi-  
 tia sua deriuant. 72.3. à discipu-  
 lis caduntur. ib. 1. seqq.

Magi quo modo ad Christum vo-  
 cati? 14.1. mali, impediti à sa-  
 cramento Confirmationis. 45.6.  
 diuinitatem affectant. 57.2. seq.  
 ovo utuntur. ibid. 1. extirpandi.  
 58.7.

Magna quo modo appareant, quae  
 sunt parua? 89.6. ova qua arte  
 fiant, ita ut caput hominis æ-  
 quent? 89.1.

Mala cur in mundo permessa? 6.  
 5. & quo modo? b 6. in Dei

laudem redundant. ib. 7. non  
 solum Deo, sed & homini bona  
 sunt. 7. 7. non facienda, ut ve-  
 niant bona. 86.4. ea solus Deus  
 potest ordinare in bonum. ib. 6.  
 colloquia & consortia vitanda.  
 84.6.

Malacoderma ova quae? 17.1:  
 Mali corui in alium ovum. unde?  
 72.3.

Maledicus in parentes mirè puni-  
 tus. 73.3.

Malefici quibus nominibus voca-  
 ti? 57.4. Vnde seducantur? ib.  
 5. quo modo seducant? ib. 6.

Manna omnem saporem habens,  
 figura fuit Eucharistiae. 47.2. &  
 48.6.

Mania quid? 88.5.  
 Manichaei cibis maledixerunt. 52.4.  
 Manus sacerdotum quanta ope-  
 rentur. 53.2. unde, aut cur im-  
 ponantur? 45.4.

Marcianus Imp. coniux & Virgo.  
 30.6.

S. Marci Euangelistae discipuli,  
 quam abstinentes? 29.7.

S. Maria Virgo ovum à Christo  
 petendum. 12.3. ovo stellato si-  
 milis. 55.7. prima coniux &  
 virgo. 30.6. basiliscum occidit.  
 85.4. haereticum librum dete-  
 statur. 64.8.

S. Maria de Ogniaco vidit S. Spiri-  
 tum descendentem in bapti-  
 smo. 10.7.

Maris tempestatem sedat Chri-  
 stus. 19.3.

Marius suo gladio interijt. 68.2.

Maritos suos quo modo male u-  
 xores tractent? 90.1.

Martes ovo capitur. 9.1. ingenio-  
 se

# ET VERBORUM.

- sè ova aperit. 40. 1.  
**S. Martinus** in pauperem libera-  
 lis. 25. 4.  
**Mathematica** Senecæ quo loco?  
 40. 5.  
**Matres** ne sint queræ. 25. 2. &  
 65. 1. seq. malè sollicitæ. 70. 1.  
**Matrimonij** finis quis? 54. 1. offi-  
 cium. ib.  
**S. Matthæus** Apostolus panis &  
 oleribus contentus. 29. 7.  
**Maximilla** quos seduxerit? 77. 3.  
**Maximum** & minimū quid? 14. 7.  
**S. Mechtildis** calitus monita de  
 non omittenda occasione. 5. 10.  
**Medea** reprehensa. 25. 2. vel in  
 statua sua metuenda. 34. 1.  
**Media** bona tantum ad finem bo-  
 num eligenda. 86. 4. inepta in  
 fabula. 70. 4.  
**Medicina** ventri ab ovo. 96. 3.  
**Mel** olim baptizatis datum. 44. 3.  
**Melchisedechi** sacrificium nostri  
 sacrificij typus. 48. 7.  
**Meleagrides** gallinæ cur agrestes  
 dictæ? 42. 1.  
**Membra** hominis in partes mun-  
 di versa, fabula. 1. 3.  
**Membrana** ovi ad quid utilis? 16.  
 11. quid in ipso ovo efficiat?  
 18. 1.  
**Memoria** pars prudentiæ. 27. 3.  
 mortis. 92. 1. seqq. & 93. 1.  
 seqq. diuini iudicij. 94. 4. seqq.  
**Menstruatæ**, pannus quid signifi-  
 cet? 18. 8. medicina in ovo ib.  
**Mensura** potandi, exclusio ovi.  
 87. 1.  
**Meretrices** in regno Dei, quando  
 alios præcedant? 35. 5.  
**Merita** Christi, & Christo, & nobis  
 utilia. 17. 3. seqq. nequeunt ex-  
 hauriri. ib. 4. quantam vim in  
 sacramento habeant? 49. 6.  
**Merops** apum venator. 37. 1.  
**Merula** ova sua ponit in manu  
 S. Keivvini. 53. 1.  
**Meta** in Circo quæ, & qualis? 100. 1  
**Metus** diuini iudicij. 94. 4. & 95.  
 4. quo modo mitigetur? ib. ho-  
 minis quàm sæpe noxius? 88. 2.  
**Michaelis** Verini castitas. 30. 5.  
**Milvus** hominis Magister. 41. 8.  
**Misericordiæ** præceptum. 25. 3. ef-  
 fectus & præmium ib. exempla  
 ib. 4. laus. 38. 3.  
**Missæ** cur quotidie celebranda?  
 46. 5.  
**Modus**, quo Deus diligendus, aut  
 proximus. 24. 3.  
**Molli** testa nascuntur ova. 12. & 74.  
**Mollissimum** & durissimum ovum  
 simul. 67. 1.  
**Momento** quali omnia creata? 2. 7  
**Monedula** per hyemem pariens.  
 24. 1.  
**Monstra** ex ovis quando? 18. 1. fi-  
 unt, ob luxuriam, ipsi homi-  
 nes. 84. 5.  
**Morbi** diuturnitas & utilitas. 33.  
 4. impetratio per preces. ib. 6.  
 causa, ira. 88. 6. medicina non  
 per incantationes querenda. 58. 6  
**Mores** à bestiis docentur qui, &  
 quales? 41. 4. seqq.  
**Morienti** Lydvvinæ astat Chri-  
 stus. 51. 7.  
**Mortis** monitio per vitrum fractū  
 sponte. 74. 6. Et per res omnes  
 92. 3. seqq. ac 93. 5. inexpectatæ,  
 aduentus in multis. ib. per ovi  
 sorbitionē. 92. 1. metus maior.  
 quàm voluptatis illecebre. 74. 2.  
**Mortificatio** obedientiæ necessa-  
 ria. 17. 3.  
 Mor-

# INDEX RERUM,

Mortuus ob dura ova multa comesta. 87.2. simulatus verâ morte punitus. 81.6. ad vitam revo-  
catur, ut possit extremam inun-  
ctionem accipere. 51.5. nocet  
hæreticus. 64.8.

Motus primus ad salutem quis!  
20.4. palpebrarum cur! 3.3.

Muleassis superstitiosa astrologia.  
60.3.

Mulier pariens tristatur. 33.3. fu-  
rit. 90.1. seqq.

Multiplificandi amici, & bona. 36.2.

Multitudo ovorum. 66.1. damnan-  
dorum. ib.5.

Mundus ovo comparatus. 1.1. ex  
ovo prognatus fingitur. ib.6. an  
ovalis figura? 8.1. est instar pi-  
læ. ib. est instar captendulæ. 9.4.  
est instar Circi. 100.3. est liber  
divinitatis. 3.1. est creatus. 1.7.  
non est ab æterno. 2.7. fuit cæ-  
cus, ante adventû Christi. 15.4.

Muræna morsus utilis. 64.6. ca-  
ptio. 79.3.

Muriâ servantur ova. 50.1.

Muscâ vestitus diabolus intrat in  
non orantem, ante cibum. 52.5.

Muscipula factæ sunt creaturæ. 9.4.

Musicam docet lusciniæ. 41.8.

Mustela emblema casti. 30.5. ho-  
stis Basilisci. 85.2.

**N** Anum ovum quid? 89.2.

Nascuntur bis, aues. 44.1.

Natali Christi nata ova an & cur  
durent? 13.1.

Natantia ova inania. 79.1.

Natura, Christi duplex. 18.4. &  
14.2. miraculo comprobata. ib.  
5. hominis, malè accusatur. 8.5.  
corrupta, & quomodo? ib.3. &  
10.4. seqq. nuda qualis? ib.2.

qualis spoliata? ib. qualis ele-  
uata? ib.7.

Natus Christus sine matris dolo-  
re, & violatione. 12.7.

Navis ovo lustrali purgata. 50.6.

Nautæ vento an mari fabula. 70.4.

Negligens cur cuculus vocetur?  
84.2.

Negligentia quæ prudentiæ con-  
traria! 70.5.

Negocia quisque sua curet, non a-  
lijs committat. 46.1. seqq.

Nestorij hæretici liber delitescens  
arceat sanctos. 64.8.

Nestoris patera qualis? 91.1. ubi  
facta & dedicata? ib.

Nicippi ovis leonem pariens. 14.2.

B. Nicolaus Helvetius sola Eucha-  
ristia quàm diu vixerit! 46.4.

Nidus Pelicani cur altus? 16.3. in-  
tutus ubi? 34.1. seqq. Cocinci-  
næ mirabilis & preciosus. 47.1.

Alcyonis portentosus & fabulo-  
sus. 89.4. eiusdem Alcyonis na-  
turalis, ac verus mirificus, & na-  
tans. 19.1. Alaudæ in frumento.

46.1. pprius deest cuculo. 84.1.

Nigros pilos fieri à corvino ovo  
quis doceat? 81.1. item à plum-  
beo calamistiro. ib.3.

Noctuinum ovum quid? 86.1. ab-  
stemium facit. ib.

Nova doctrina semper suspecta.  
66.5.

Nuce inclusa Ilias Homeri. 16.10.

Nuptiali veste opus ad cælum itu-  
ris. 98.6.

Nutrix qualis esse, vel non esse  
debeat? 65.1. seqq.

**O** bduratio erga proximû. 82.6.

Obedientiæ duplicis symbo-  
lum. 17.2. motivum. ib.3. Christi  
præ-



# ET VERBORUM.

- præmium. *ib.* 3. Abrahæ. *ib.*  
 Observatione augurij deceptus  
 deferit ordinem. 62. 5.  
 Obsessi à diabolo utiliter. 77. 5.  
 Occidere se illicitum. 32. 3.  
 Ocium vitandum exemplis bestia-  
 rum docetur. 41. 4. seq.  
 Occultè comedens, qui videbatur  
 hominibus ieiunare. 80. 1.  
 Oculi in occipitio Christi. 3. 10.  
 divini non falluntur. 95. 3. iusti-  
 tiæ sol nomen habet. 3. 2. provi-  
 dentia symbolū. *ib.* unde dicti ?  
*ib.* 3. describuntur. *ib.* in sceptro.  
*ib.* 2. quàm celeres ! *ibid.* 3. seq.  
 quàm capaces. *ib.* 4. quàm ovo  
 similes ? *ib.* 7. in solem & lunam  
 conversi finguntur. 1. 3. sanan-  
 tur ovis. 51. 1.  
 Odij descriptio. 69. 1. seqq. vis &  
 effectus. *ib.* 2. in fratribus Iose-  
 phi. *ib.* 3. in diabolo. *ib.* erga Iu-  
 dæos Ammanis. *ib.* Caini. *ib.*  
 Odor unguentorū prodit Muleas-  
 sem. 60. 5. distinguit ova. 61. 1.  
 item peccatores. *ib.* 2. seqq. mū-  
 stelæ occidit basiliscum. 85. 2.  
 Oleum ovorū quomodo fiat ? 51. 1.  
 Olor quale fides ? an gallina ? 15. 6.  
 Omnia ferè animalia, ex ovo. 1. 2.  
 Omnipotentia creatoris eadem in  
 omnibus. 2. 6.  
 ὄν & ὄον quàm similia ? 2. 3.  
 Onacrotalus qualis avis ? 16. 1.  
 Oonæ ovis viventes populi. 48. 1.  
 Opéra inutilia hominū, quæ ? 78. 3.  
 Ordinis sacramenti dignitas. 52. 5.  
 & 53. 2. seqq. quid conferat ? *ib.*  
 3. non omnibus conferendū. *ib.*  
 5. cur nequeat iterari ? 45. 5.  
 Ore præcedens ovum quid Ægy-  
 ptijs ? 1. 7.  
 Originalis iustitia quid ? 8. 10. cul-  
 pa & labe quid ? 43. 2.  
 Ornatus vestium punitur. 54. 5.  
 Oromaceni ovum viginti quatuor  
 deos continebat. 14. 7.  
 Orphici quid de ortu mundi, &  
 ovo sentiant ? 1. 4. & 2. 3.  
 Ossa in montes versa, quo fabu-  
 lante ? 1. 5.  
 Ostracoderma ova, quæ ? 17. 1.  
 Othonis Cæsaris satisfactio. 50. 5.  
 Ovorum definitio. 82. 2. Perfectio  
 interior, & exterior. 55. ortus te-  
 stâ molli & sine dolore. 33. 1.  
 etiam sine semine sæpe & ma-  
 sculo. 30. 1. & 78. 1. seq. unde ? *ib.*  
 2. quæ proinde irrita, urina, hy-  
 penemia, Zephyria, Cynosura,  
 subventanea appellantur. *ib.* ad  
 quid inutilia ? *ib.* natantia. 79. 1.  
 requieta. *ib.* stantia. *ib.* variæ spe-  
 cies, formæ, naturæ effectus. 6. 1.  
 quò modo dignoscantur ? 95. seq.  
 è quib⁹ femellæ, vel masculi na-  
 scantur ? *ib.* & 62. 2. quæ præstā-  
 tiora ? 76. 1. Exotica & extraor-  
 dinaria in pullos miraculose  
 versa, & reversa. 83. 1. damarū.  
 80. 6. Tyndaria. 18. 1. seq. Oro-  
 maceni in quo Dij. 14. 7. Hercu-  
 lis. 1. 4. item Xacæ ingens. 1. 3. &  
 alia protentosa magnitudinis.  
 89. 1. seqq. Cōservatio diuturna.  
 50. 1. Exclusio quàm citò fiat ?  
 33. 5. manu hominis facta. 62. 1.  
 & 63. 1. itē fornace Ægyptiaca.  
 32. 1. Cur in nido verteda ? 39. 1.  
 sterilia quomodo sanet ciconia ?  
 23. 1. tonitru & voce accipi-  
 tris destrui dicantur. 88. 1.  
 uti & contrectatione. 34. 3.  
 sua aues nolunt fouere,  
 ipsæ

# INDEX RERUM,

ipsa non tota à suis. 65.2. aquila à scarabæo destructa, & cur? 69. 1. Robur, ut non frangatur? 31. 1. seq. & 38. 1. & 75. 1. ut non inficiantur? 98.2. & 23. 1. & 28.2. animalia quæ progignant, quæ non? 56. 1. & 66. 1. Leonem & Agnū continuerunt, si credere fas est. 14. 1. quin & Mundi principium fuere si fabulis fides. 1.5. & 2.3. Coquendorum artes & modi 26. 1. seq. & 80. 1. & 96. 1. seq. quæ salubrius corecta? ib. 2. cur, quædam citius rumpantur? ib. 2. Esus antiquissimus. 48. 1. alunt quartam partem hominum. 46. 4. & quam potissimum? 48. 1. Vim cibi & potus habent. ib. 2. cur in quadragesima prohibeantur? 29. 6. alium dura comesta necant. 87.2. alium Paschale ob blasphemiam. 46. 10. aliū molle. 92. 1. Vfus in pocula. 87. 1. & 91. 1. seq. in mensuram potandi. 87. 1. in vitra vertuntur. 74. 1. in colorem item. 81. 1. item in fucum, & raniam feminarum. 96.3. Medicina sanguinem sistens. 18. 8. & alia mala sanat. 49. 1. & ib. 8. Ludi, ut pingantur & inscribantur. 6. 3. & erigantur ad standum tam verè, quàm ridiculè. 11. 1. seq. ut à sole attrahantur. 20. 1. ut per fenestram proijciantur. 10. 1. ut aceto macerata per annulū trahantur. 17. 1. ut pro sagittis adhibeantur. 59. 1. & olim & nunc ludis adhibita. 75. 1. & 93. 1. & in Circensib. ludis. 100. 1. Auguria 62. 1. Lustrationes. 50. 6.

Symbola rerum omnium, per totum.

Ovalem figuram an habeat mundus? 8. 1. an faciat circinus? ib. 8. & circulus? 89.7. an referant omnia? 100.2.

Ovis Christus. 14.2. Nicippi. ib. 1. in igne viuens. 97.4.

**P**Achomius vim baptismi expertus. 43.5. patiens. 26.3.

Pædagogi boni necessitas. 39.2. utilitas & officium. 54.3. cuiusq; quis fuerit discipulus. ib.

παλιγγενεσία quid? 44. 1.

Palebræ undè dictæ? 3. 3. quem usum habeant? ib. quàm celeres? ib.

Palumbes quàm viua? 5. 1. se depumat, ut pullos foveat. ib.

Pambo quàm diu, & cur filuerit? 37.6.

Panis charitatis symbolum. 21. 1. vitæ. 46.6. magicus, ova producens. 58.3.

Pantænus catechismo præfuit docendo. 40.7.

Paphnutius Thaidem quo modo converterit? 3.8.

Paradisiaca avis qualis? 99. 1. seqq.

Parentum amantes ciconiæ. 68.

1. hostes viperæ. ibid. amorem cur præcipiat lex, & non filiorum? 76.6. officium 54. 1. peccatum mortale quando negligentia? ib.3. bonorum plerumque boni, & malorum mali filij. ib. 4. quanta obligatio? 42. 3. causa damnationis sunt filij. ib.5. seq. malorum exempla. ib. obstrictio, ad filios erudiendos. 40.6. item vel nullis, vel bonis tradendos.

# ET VERBORUM.

65. i. vitia & morbi quo modo in filios redundant? 76. 3. nati-  
dia. ib. 6.
- Parere sine dolore gallinas. 12. 5.  
& 33. 1. usque ad internecionē  
anferes. 70. 1.
- Parisiensis Doctoris hypocrisis de-  
tecta. 95. 3.
- Particularis iustitia quæ? 28. 5.
- Parvitas humani corporis in ute-  
ro, 14. 7.
- Parvus mundus, homo. 7. 1. etiam  
magnis potest nocere. 69. 2. seq.  
& à magno gigni. 66. 1.
- Paschalia ova quæ malè, vel rectè  
usurpentur? 13. 1. certamini &  
ludis adhibita. 93. 1.
- Passio Christi ad amorem incitat.  
26. 6.
- Patientiæ utilitas & necessitas. 26.  
2. socia charitas. ib. 3. probatio.  
33. 3. exempla ibi. 4. fructus.  
ib. 5. ardor. ib. 6. illaudabilis  
exemplum. 90. 8.
- Pauperum cura. 38. 1. amatrix S.  
Catharina. ib. alii amatores san-  
cti. 25. 4. seq. compensatio. ib. 5.
- S. Paulini charitas. 18. 7.
- S. Paulus Apost. in pauperes libe-  
ralis. 25. 5. cur pro Deo habitus;  
dum non læderetur à serpente?  
57. 3. Eremita abstinens. 29. 7.  
Romanus auspicijs deceptus.  
60. 2.
- Pavonis in pariendo mōs. 76. 1.
- Pax Christi quantum bonum. 19.  
1. seqq.
- Paximatis quid sint? 29. 7.
- Peccati onus mundum premens. 8.  
1. seq. & 10. 2. labes, est sanguis,  
& sanguine mundatur. 18. 8.  
foetor. 61. 2. horror, ib. 3. supra
- ignem, & infernum, detestatio.  
ib. 5. perturbatio. 19. 5. auersa-  
tio Christi. 43. 4. virtutes per-  
dendi vis. 49. 2. remedium præ-  
sentia Dei. 3. 8. dimittendi quā-  
ta potestas? 53. 3. deletio in ba-  
ptismo. 44. 4.
- Pecunia restituta. 6. 9. cum avaro  
sepulto. 83. 7.
- Pediculi in homines mutati quā  
fabula? 1. 5.
- Pelicanus qualis avis? 16. 1. Chri-  
stus. ib. 2.
- Pelles preciosæ acriter puniæ.  
72. 2.
- Perca Scorpio opposita. 21. 5.
- Perdix fouet, quod non peperit.  
15. 5. redit ad parentem. ib. si-  
milis diabolo. ib. & resipiscenti  
peccatori. ib.
- Pericarpismus quid? 33. 2.
- Perfectorum nomine intelliguntur  
confirmati. 45. 4.
- Pericula vitandā 34. 1. seqq. & 74.  
4. & 75. 2.
- Permissio malorum qualis, & cur?  
6. 4. seqq.
- Perfarum reges ex aureo ovo bi-  
bere. 87. 1.
- Persecutores sunt benefactores.  
32. 7.
- Persona una in Christo, naturæ  
duæ. 14. 3.
- Pertinax quis? 75. 3. cur non di-  
catur fortis? ib. comitatur te-  
meritatem. ib.
- Petaces nimium qui? 73. 1.
- S. Petri utilis humiliatio. 77. 4. la-  
chrymæ quantæ? 50. 3.
- Phaëthon orbis Caligula. 68. 4.
- Pharaonis, plaga à Deo puniente.  
7. 8. magi aulici. 57. 6.

# INDEX RERUM,

- Phariseorum doctrina & fermentum. 64.3.
- Phiala conscientiam representans. 53.7:
- Phoenix sine ovo nascitur. 56. 1. Christo similis. ib. 2.
- Pia locuti. 16. 11. & 19. 6.
- Pila similis mundus. 8. 2.
- Pingues fieri nocet. 70.7. & 82. 1.
- Pigri studiosi ars & profectus. 98.5
- Pipit pullus ovo adhuc inclusus. 44.1.
- Piscis fidem significat. 21.4. an sine masculo pariat? 30. 1. quis ex ovo, vel sine ovo nascatur? 66.1.
- Platoni folia sterilitatem tollunt. 23.1.
- Platonis ens ovum esse. 2. 3.
- Pleiades à struthione observari. 35.1.
- Floranda cur peccata? 50.3.
- Plumbeo calamistro canos nigrescere. 81. 2.
- Pluvia Dei vindicta. 7.8.
- Puncta ova quæ? 96. 1.
- Poculum ex ovo struthionis. 87.1. Rhœti & Herculis, quàm grande? ib. ex ovo. 91. 1.
- Pœnitentia quid, quâ virtus, quâ sacramentum, quæ eius partes? 49. 5. quid quâ, resipiscentia? ib. 4. est fons. ib. 3. eius vis unde? ib. effectus ib. 6. non negligenda. ib. 8. in cinere à quibus acta? 50. 2. continuanda. ib. 3. mirabilis. 19. 5. & 93. 6. Adami quàm diuturna? 7.8.
- Politica veritas qualis! 72.4.
- Pollucis & Helenæ ortus. 18.2.
- Pompeius augurio deceptus. 62.1.
- Pondus magnum à fragili ovo quo modo sustineatur? 31.3.
- Porcus & avarus in quo similes. 83.7.
- Portæ templi se se sponte aperientes. 46.3.
- Potamianæ Virginis laudes. 30. 5.
- Poratoris damna. 87.3. seqq. regula. ib. 1. exemplum terrificum. ib. 6. & 92. 2. & 96. 4.
- Potus & cibus est in ovo. 48.2.
- Præceptorum observatio in dilectione consistit. 23. 5.
- Præcipitare quid? 70. 3. de turri ex obedientia se, qui voluerint! 31. 6.
- Prædicantis hæretici patientia mirifica. 90.8.
- Prædictiones Mathematicorū ope spirituum. 60.2. cur quandoque eueniant? 62. 3. quoties fallant? ib. 4.
- Prælati sua auctoritas seruanda. 36.6. (seqq.)
- Præsentia Dei quid possit? 3. 8.
- Præsumptio cauenda. 74.4.
- Prætextatæ punitio ob superbè educatam virginem? 54. 4.
- Primogenita quæ Esau fratri vendiderit? 83.7.
- Priscilla hæreticos fecit. 77. 3. seduxit Tertullianum. ib.
- Processus in infinitum impossibilis. 2.7.
- Proemijs excitari homines ad virtutem. 100.4.
- Progne reprehensa. 25. 2. quid significet! 37.2.
- Providentia in mundo an sit? 4.2. quid? 5. 3. oculis expressa & impressa. 3. 3. seq. à quibus negata? 4.7. erga Ioseph. ib. 6. erga Alcyonem. 19. 2. est pars prudentiæ, 27. 3. mala benè ordi-



ordinat. 86. 6. eius ordo peccato everfus. 9. 2.  
 Prosperitas mundi quàm periculosa? 95. 3.  
 Proragoræ Deum negantis impietas. 4. 7. Sophistæ historia. 72. 1.  
 Proximus noster quis? 23. 6.  
 Prudentiæ natura, officium, effectus. 27. 2. seqq. necessitas. ib. 5. & 70. 2. leges. ib. 3. officium. ib. 5. socia fortitudo. 31. 5. oppositum, defectus & excessus. 70. 3. carnis quid? ibid. 2. & quàm imprudens, ac sibi nocens! ib. 7. mundi quàm stulta? ib. 4. & 71. 1. seqq.  
 Pudicitia quid? & quibus necessaria! 76. 2.  
 Pudore mortuus nesciens solutionem Dialecticam. 92. 3.  
 Puerorum trium abstinentiũ virtus. 29. 1. similitudo pulli è furo Cairo procedentes. 32. 4. doctrina & institutio non erubescenda. 40. 6. cura habenda. ib. 3. seqq.  
 Pulcheria Imperatrix coniux & Virgo. 30. 6.  
 Pulicum magnitudo enormis. 89. 4.  
 Pulli degeneres qui? 15. 3. Pellicani occisi & redivivi. 16. 2. parentem corvum devorant. 72. 3. bis nascuntur. 44. 1. ex albõne, an luteo nascantur! 44. 1. intra restam pipiunt. ib. auspicijs adhibetur. 60. 2. rursus in ova convertuntur. 83. 1.  
 Punctum, ovi. 5. 1. est terra. ib. 2.  
 Puritas quanta in sacerdote exigatur? 53. 7.  
 Purpureum ovum Antonino nascenti in omen. 67. 3.

**Q**uadragesimæ ieiunium. 29. 5. silentium. 37. 6.  
 Quadrupedes rem, aves spem pariunt. 21. 5.  
 Quies animi perdita, & recuperata. 19. 5. seqq.  
 Quiscula avis prudens. 36. 1. seqq. similis humili. ib. 3. item Christo. ib. 4.

**R**adiosi vultus quorum sanctorum fuerint? 91. 3.  
 Rana garrulitatis symbolũ. 37. 5.  
 Ratio seu intelligentia, quid! 27. 3. pars prudentiæ. ib.  
 Raucus Christus clamando. 15. 4.  
 Raucedinis remediũ ab ovo. 49. 8.  
 Reconciliari Deo, quantum bonum? 19. 4.  
 Rectitudo, primi hominis quæ! 8. 2. & 10. 3. est causa ut res non frangantur. 31. 2.  
 Redemtionis opus quid à Christo homine. quid à Deo habeat? 11. 3. quantum beneficium? ib. seqq.  
 Regeneratio cur dicatur baptismus? 44. 2. seqq.  
 Regis quod summum bonum in populos redundet? 7. 4.  
 Regnum haustu aquæ venditum. 87. 3.  
 Regula diligendi proximum. 23. 3. seqq.  
 Regulus an ex aspidè? 85. 1.  
 Repentinæ mortis exempla. 92. 3.  
 Relapscentia quid? 49. 4. perdicum pullis par. 15. 5.  
 Resurgens Christus à nullo impio se videri passus. 98. 6.  
 Resurrectio dotes corporis beatificas etiam in virtute Eucharistia

# INDEX RERUM,

- stia conferet. 47. 4.  
 Reuelationes feminarum suspen-  
 dæ. 77. 3.  
 Robertus Rex quàm pauperum  
 amans? 25. 8.  
 Robur ovi. 67. 1. & 38. 1. & 31.  
 1. seq.  
 Rore vivunt cinzones. 20. 2. ascen-  
 dunt ova. ib. 1. significatur gra-  
 tia descendens super Pachom-  
 inium. 43. 5.  
 Rotatione ova coquuntur in fun-  
 da. 26. 1.  
 Rotunda ova an femellas pari-  
 ant? 62. 2.  
 Rubra ova quid in Paschate? 16. 8.  
 Rudolphus Habsburgicus Eucha-  
 ristia cultor. 47. 6.  
 Rupertus Tuitiensis diuinitus ad  
 sacerdotium promouetur. 53. 7.  
 Rustici spes inanes. 67. 2.  
**S**abulo ova coquendi modus,  
 26. 1.  
 Sacerdotum potestas. 52. 5. & 53.  
 2. seqq. Ægypti abstinencia ab  
 ovis. 29. 6. dignitas ob quam  
 quidam fugerunt. 53. 7.  
 Sacre res superstitioni adhibitæ,  
 59. 5. & 63. 3.  
 Sacramentum quid sit? 51. 2. eius  
 finis, & effectus. ib. 4. seq.  
 Sacrificium missæ exigit duas spe-  
 cies, non item Eucharistia 48. 7.  
 Sacrilegij impietas quanta? 83. 1.  
 seqq.  
 Sagaram ars ova multiplicandi.  
 58. 2. supplicium non dissimu-  
 landum. ib. 7. ars nauseam cre-  
 andi erga vinum. 86. 2. seq.  
 Sagittæ loco ova. 59. 1. seq.  
 Sal à Iobo ad ovum requiritur, 27.  
 1. quid significet? ib. 2. seq. cur  
 Apostoli? ib. 5. benedicitur, 52.  
 2. ova conservat? 56. 1.  
 Salamandra figura, ortus, obitus,  
 97. 1. seqq. contra ignem vis. ib.  
 2. seq. an ova gignat? ib. 1.  
 Salomonis templū sine ferro, quo  
 modo ædificatū fingatur? 41. 2.  
 Sanchoniaton, qui mundo dedit  
 ovalem figuram, quis? 8. 1.  
 Sanctoli charitas, pro altero mo-  
 ri volentis, 18. 7. liberalitas re-  
 munerata. 38. 7.  
 Samir qualis vermis? 41. 3. an a-  
 damas, ib.  
 Sanguis peccato comparatur. 18.  
 8. ovo sistitur. ib. inest ovo, gut-  
 tatim. 16. 6. ungit ova. ib. Chri-  
 sti sanat nos. ib. 7. quàm utilis?  
 18. 8. è specie panis in Eucharis-  
 tia erumpens. 48. 8.  
 Sapientia Dei, oculo expressa. 3. 6.  
 mūdi, quàm stulta. 70. 2. & 71. 4.  
 Satisfactio fieri pro peccatis æqui-  
 valenter cur à solo homine  
 Deo potuerit? 11. 3. cur neces-  
 saria? 50. 2. an sufficiat ea, quæ  
 est à Confessario imposita? ib.  
 4. eius exempla. ib. 5.  
 Scarabæi fabula. 69. 1. & seqq. odia  
 exprimit humana. ib.  
 Sceptum oculatum quid? 3. 6.  
 Scipio Africanus quid gloriatus de  
 suis fortibus? 31. 6.  
 Scorpius quid significet? 21. 4.  
 concidendus. 22. 1.  
 Scripturas malè interpretati Pha-  
 risæi, uti & hæretici. 64. 3.  
 Secunda tabula, est sacramentum  
 poenitentia 49. 7.  
 Securitas querenda. 34. 1. seqq.  
 Seductores cui rei similes? 77  
 1. seq. Seleni-

- Selenitides quæ femina? 58.1.  
 Senis, & Æthiopis fabulâ. 81. 2.  
 discere volentis causâ. 39. 6.  
 Sensus non littera in scripturis, at-  
 tendendâ. 64.4. in inferno pœ-  
 na qualis! 97. 4.  
 Septem diebus incubat, septem ex-  
 cludit Alcyon. 19.2.  
 Sepulchro vaticinium inclusum de  
 Virgine paritura. 12.8. item au-  
 rum cum avaris. 83.6. seq.  
 Serapion fit histriionum manci-  
 pium. 63.1.  
 Serpens pisci appositus, quid? 21.  
 4. Pelicano insidiatur. 16. 3. in  
 incantatores furit. 57.1. ovo in-  
 ficiens, quod remedium exigit?  
 64.6. in sinu non fouendus. 68.  
 4. Caligulâ dictus. ib.  
 S. Servulus in summis doloribus  
 Deo gratias agit. 33. 4.  
 Servus fit Serapion, ut dominos  
 suos à peccato liberet. 63.1.  
 Sexus diversi, an necessarij ad  
 gignendum? 30.1.  
 Sigillum confessionis. 49.8.  
 Silentij laus & fructus. 37.5. ama-  
 tores qui sancti? ib.6.  
 Siloni apparet terribili formâ di-  
 scipulus. 72.5.  
 Simia capta avari symbolum. 82.7.  
 Simon magus divinitatem affe-  
 ctat. 57.3.  
 Simoniaci miraculo victi. 97.5.  
 Simplicitas ovi pullum devoran-  
 tis. 71.1.  
 Simulatorum malitia. 80.1. seq.  
 quàm detestabilis sanctis? ib.3.  
 Sitis sine potu domandâ ars. 48.2.  
 Smerillo vitrum scindi. 41. 3.  
 Sobrietas quàm necessaria? 76. 5.  
 & 87. 4.  
 Socrates cur Xantippen tam im-  
 portunam tolerarit! 90.5.  
 Sodomæ pluvia quid! 21. 4.  
 Sol oculus fuisse à quo dicatur? 1.  
 5. oculus iustitiæ à quo? 3. 2.  
 omnia videt. ib. ellipticus. 8.1.  
 ab ovo arcetur, ne adurat. 79.2.  
 & 96. 3. passerem qualem ha-  
 beat? 99.1. (3.  
 Solertia pars prudentiæ, quid? 27.  
 Solstitio nata ova cur diutius du-  
 rent? 13.1.  
 Somnia, qui interpretati sint? 96.  
 1. de ovib, significant aurum, &  
 argentum. 73.1. item pecunias,  
 & mortem. 83.8. item bonum  
 & malum. 100.8.  
 sophia delicata toto anno è se-  
 pulchro foetet. 61.3.  
 Sophistarum lites. 72.1. seqq. pœ-  
 nâ. ib.5.  
 Spectaculum esse superis & infe-  
 ris. 100.3.  
 Spes ovo significata. 21, 3. divinâ  
 luce & motione indiget. ib. de-  
 scripta. ib.4. excitat mirè. 100.4.  
 seqq. vana ovo expressa. 67.1.  
 Spinâ, in nidum Alcyonis. 19.1.  
 Christo in coronam. ib. 3. leoni  
 in dolorem. 68.5.  
 S. Spiritus descendens in hominē.  
 10. 6. visus infundi per bap-  
 tismum. ib. 7. quo modo foecun-  
 det omnia? 12.3. quid egerit, in  
 Incarnatione? ib. 6. quo modo  
 hominibus detur. 22.4. variè  
 varijs communicatur. ib.2. quo  
 modo in nobis habitet? ib. 3.  
 seqq.  
 Splendor vultui, ab ovo inducitur.  
 79.2. à sanctitate. 91.3.  
 Spitemenem coniux occidit. 90.7.

# INDEX RERUM,

Spuriorum iniustitia. 48.3.  
 Standum non est, sed currendum  
 in hac vita. 93.2.  
 Statua Medæ periculosa. 34.1.  
 Stella, signatum ovum. 55. 5. B.  
 Virginis symbolum. ib. 7. item  
 Cæstorum. ib. 6.  
 Struthionis, ova leonem & agnum  
 parientia. 14. 1. pro poculis.  
 87.1. & 35.1. magnitudo, cele-  
 leritas, natura, ib. sollertia in  
 frangendo vitro. 41.2. seq.  
 Stulta mundi prudentia. 70. 1. &  
 71.1. seqq.  
 Subventaneum ovum quod? 78.  
 1. an ex eo basiliscus prodeat?  
 ib. 2. Christus quo modo dici  
 possit? 12.5.  
 Suffocatus ovo blasphemus. 46.  
 11. Sauffeus. 92.1.  
 Summa petere noxium. 79.1. seqq.  
 Superciliū oculo quid profit? 3.3.  
 Superbiæ, definitio. 79.4. inanitas  
 & species. ib. remedia. ib. 5. seqq.  
 filius, aut initium. 77. 1. instru-  
 mentum ovum. 79. 2. iactan-  
 tia. 89.6. seductio. 77.2. seqq. ef-  
 fectus hæresis. 66.2. & 77. 2. &  
 magia. 57. 2. seq. & damnatio,  
 ob vanè educatam Virginem.  
 54. 5. odium habent summum  
 sancti. 77.5.  
 Superstitio ovis exercita. 13. 1. &  
 49.1. & 50.6. & 74.1.  
 Sus unus, quàm variè coctus? 96.1.  
 Susannæ castitas coniugal. 30.3.  
 Sylla putavit de ovi principio non  
 indagandum. 2. 3.  
 Symbolum Apostolorum denario-  
 lo inscriptum. 16. 10. tradendū  
 necessariò pueris. 54. 3.  
 Synæsis quid? 27.4.

Tactu nocetur ovis. 34. 3.  
 Talenta Deo offerenda. 98. 4.  
 Tegere, & retegere ova ludus est.  
 93. 1. & utilitas. 35.1.  
 Temeritas, cauenda. 74.4. non est  
 magnorum, nec fortium. 75. 2.  
 quo modo à fortitudine diffe-  
 rat? ib.3. eius exempla. ib.4.  
 Temperantiæ definitio. 76.2. par-  
 tes. ib. fructus. ib. 4. exempla.  
 ib. & 29.1. seqq.  
 Templum Pacis Romæ, an corruerit,  
 Christo nascente? 14.6. Sa-  
 lomonis an sine malleo ædifica-  
 tū? 41.2. cur adeant sagæ? 63.4.  
 Temporalia spiritualium tadium  
 generant. 91.5.  
 Tempore utendum. 93. 2.  
 Tenebras qui oculi illustrarint? 4.  
 7. amat vespertilio & diabolus.  
 56.4.  
 Tentatio Veneris, pulsa foetore  
 cadaueris 93.6.  
 Terra punctum est. 5. 2. globosa  
 est. 8.1.  
 Tertium ovum palumbis irritum.  
 78.1.  
 Tertullianus à femina seductus.  
 77.3.  
 Tessaræ quot nucleo cerasi inclu-  
 sæ? 16.10.  
 Testa ovi ad quid profit? 18. 8.  
 terræ similis est. 1.2. item coe-  
 lo. ib.3.  
 Thaidis humilitas quantum exal-  
 tata? 35. 5.  
 Theodosij ira. & vindicta nimia.  
 89.6. satisfactio. 50.5.  
 Theologus à femina seductus. 77.3.  
 Theona quàm diu silentium ser-  
 vavit? 37. 6.  
 Theophili episcopi de silentio re-  
 latum.



# ET VERBORUM.

- latum responsum. 37. 6. alterius  
 conversio per flores. 100. 5.  
 Thesaurus meritorum Christi. 17.  
 3. seqq.  
 S. Thomæ Apostoli latus Christi  
 tangentis mysteriū. 16. 9. Aquina-  
 natis amor silentij. 37. 6. & va-  
 næ gloriæ fuga. 78. 6. Mori vi-  
 tam contemnens heroicus a-  
 nimus. 100. 5.  
 Tiberius Imp. in tenebris vidit. 4. 7  
 Timentium divinum tribunal ex-  
 empla. 95. 4.  
 Tifias malus discipulus. 72. 3.  
 Tonitru ovis nocere. 88. 1. contra  
 id superstitiosum remedium. ib.  
 Tonfor misericors mercedem à  
 Deo recipit. 3. 9.  
 Trahere Christi quid sit? 20. 4.  
 Tranquillitas maris præscita, vel  
 facta. 19. 2.  
 Transfiguratus Christus cui simi-  
 lis? 36. 4.  
 Trecenti fortes Scipionis. 31. 6.  
 item Christi. ib.  
 Trimalcionis ovum cum ficedula.  
 71. 2.  
 SS. Trinitatis imago in ovo. 1. 9.  
 Tumere, aliud est, quàm magnum  
 esse. 77. 2. (8. 1.  
 Turbinis figura mundo assignata.  
 Tyndarium ovum, unde? 18. 2. seqq.  
**V**Anæ gloriæ inanitas. 78. 3. da-  
 mnum. ib. 4. & spiritualis lu-  
 xuria. ib. 5. est basiliscus. ib. 6.  
 eius terribilis merces. 72. 5.  
 Varietas rerum in mundo. 6. 4.  
 Velitræ ovorum fertiles. 48. 1.  
 Venæ sectio quid exigit? 90. 1. fa-  
 bulâ explicatur. ib.  
 Venter in mare mutatus. 1. 5.  
 Vento ova gigni. 78. 2. & qualia.  
 ib. an basiliscum parientia! ib?  
 Verbum Dei quàm potens! 1. 7.  
 quo modo adulteretur? 78.  
 4. seqq.  
 Veritas politica qualis? 72. 4.  
 Vermes gallinis utiles. 29. 1. fabu-  
 losi, saxa secantes. 41. 3.  
 Vertumni mutatio, & compara-  
 tio. 15. 1.  
 Vesicæ medicina ex ovo. 49. 1.  
 Vespasiani de liberalitate dictum.  
 38. 4.  
 Vespertilio sine ovis nascitur. 56.  
 1. diabolo similis. ib. ova tico-  
 niarum perdit. 23. 1.  
 Vestiendi pauperes. 25. 2.  
 Vetera ova à recentibus, ut distin-  
 guantur? 94. 1. sunt corrupta  
 plerumque. 81. 1.  
 Vexatio prodest & obest. 33. 5.  
 Viator felix ob occasionem me-  
 rendi. 5. 10.  
 Vices incubandi servant bestię,  
 quæ? 54. 1.  
 Victoria Pragensis ad stellam. 55.  
 ingrato animo ab Ezechia ac-  
 cepta, non sine pœna. 73. 2.  
 Vinaceis sterilefcere gallinas. 29,  
 1. & 86. 2.  
 S. Vincentius catechismum do-  
 cet. 40. 7.  
 Vindicta divina in Ephram itue-  
 nem. 4. 6. in blasphemū. 46. 11.  
 in potatorem. 96. 4. hominis  
 unde? 88. 4. exempla. 89. 6.  
 Vini nimij dāna. 87. 4. horror ovo  
 inductus. 86. 1. seqq. item alijs re-  
 medijs. ib. 5. nomen significat  
 beatitudinem. 98. 4.  
 Vipera an in utero excludat? 68.  
 1. ingrata. ib. 2. aspidē proverbo.  
 85. 1. Virgo,

# INDEX RERUM, ET VERBORUM;

- Virgo, Mater significata templi  
Pacis ruinâ. 14.6. filium immu-  
tabilitate æmulata. 13.6. mira-  
culo liliorum probata. ib. item  
testimonio sepulchri. 12.8. imi-  
tatrices quàm illustres nacta ?  
30.6. perfectior coniugatis. ib.  
quæ in ipso coniugio ? ib.  
Virtutes altas spectare humiliat.  
79.5.  
Visio Dei. 99.3. hominis, quàm  
mira, & potens ! 3.4. & 14.7.  
Vitalis bestiis ingrator. 68.5.  
Vita humana vitrum est. 74.5. seq.  
fragilis est. ib. 4. currit & labi-  
tur. 93.2.  
Vitellus à vita dictus. 46.5. est ci-  
bus pulli. 44.1. similis terræ, vel  
igni. 1.1. seq.  
Vtrum fractum vanitatis & mor-  
tis iudicium. 74.6. sanguine ver-  
mis rumpitur. 41.3. ovo gluti-  
natur. 49.1.  
Vitulus marinus non nascitur ex  
ovo. 66.1.  
Vmbilicus ovi, quid ? 5.1.  
Vnctio extrema. 51.2. sæpe etiam  
corpori prodest. ib.3. non diffe-  
renda. ib.5. seq. multò minùs  
negligenda. ib.6. eius vis mira.  
ib. quantum à sanctis desidera-  
ta ? ib.7.  
Vndis marinis nidum probat Al-  
cyon. 19.1.  
Vnguentorum odore proditus  
Muleasses. 60.5.
- Vniuersum est liber divinitatis.  
41.8.  
Vno ovo quando duo pulli na-  
scantur ! 18.1.  
Voluptas metu relinquitur. 74.2.  
Vrbium cadauera, mortis moni-  
menta. 92.4.  
Vrina ova quæ ? 78.1.  
Vrtica anseribus noxia. 70.1.  
Vtilia docenda. 40.4.  
Vulnera Christi quàm magna ?  
16.9. sunt amoris. ib. quanta  
mysteria contineant ? ibid. 10.  
quatuor naturæ lapsæ. 10.5.  
membrorū sanantur ovi mem-  
brana. 16.11. & vitri. 49.1.  
Vxor, Loth quid significet ? 21.4.  
mala descripta. 90.1. seqq. ma-  
ritorum cæde infamis. ib.7. la-  
pidans ovis maritum. ib.8.
- W**Ladislau rex SS. Eucharis-  
tiæ cultor. 47.6.
- X**Acæ Indorum Philosophi de  
mundi ortu fabula. 1.5.  
Xantippes descriptio. 90.1. cur  
eam tolerarit Socrates ? ib.5.
- Z**Achariæ Constantinop. ante  
SS. Eucharistiam radiatio.  
64.3.  
Zephyria ova quæ ? & cur ? 78.1.  
Zizania dilata, non ignorata. 4.6.  
Zonam tenens Deus quis ? 1.7.

F I N I S.

Monachij, Apud NICOLAM HENRICVM  
Electoraalem Typographum.



114  
a-

2817-584



20ff, 604pp., 14ff

